

上杭縣志

仁

卷之一 區域志

序 舊序 山水紀

凡例 姓氏 目錄

圖說 星野 沿革

分界 山川 里圖

鄉村附

卷之二 建置志

城池 公署 街巷

津梁 陂堤 井附 坊表

寺觀 塔附 古蹟 塚墓

康 熙 丁 卯 年 重 脩

上杭縣志

捐俸纂刻

板藏公署

序



汀郡屬邑八其在南
者爲上杭實汀水注
海之道地與粵東接
壤羣山雄峙衆流襟

上杭縣志

序

帶蓋汀之南屏也其
細民務本業甘勤苦
其人士敦詩書尚氣
節其爲政易行而其
爲教易成載之從前

邑志者詳矣今宇內
清寧

朝廷大一統之治所以潤
色鴻業黼黻太平者
靡不修舉杭邑蔣令

仰遵

國典俯察輿情尋源乎簡

冊而芻羅乎見聞於

是以百餘年未續之

縣志一一採集而正

定之條分縷悉從信
闕疑弗遺弗濫俾山
川風物人表聲名展
卷間瞭如指掌斯志
也洵足以傳矣夫人

置身王路官以知縣
爲名凡此邑之形勢
利病興廢因革一有
所未知儒者恥之蔣
令以吳中名士捧檄

宰杭莅官之初正值
汀南克復之際萑苻
時警鴻鴈方勞撫字
瘡痍綢繆固圉者無
不周知宜其耳目之

所覩記傳之筆而成
之書博而雅詳而得
真也獨予所慚者汀
州府志自崇禎十年
迄於今未修者幾周

甲子有奇矣予亟欲
編輯之嘗謀之鄉先
生大叅黎公顧數年
以來日以採運

殿木跋涉山谿不遑從事

中心慙如茲見上杭
縣志之成也喜喜其
能勦予之未逮也援
筆而爲之序

康熙二十七年春正月

賜同進士出身中憲大夫

汀州府知府加一級

鄢翼明謨



重修上杭縣志序

畿省郡邑之志與國史相表裏體裁大小不一而義意則同史主勸懲志專實錄史獨難於斷而志則兼難於修凡修史立局總裁校勘

上杭縣志

黎序

皆定專官司事者又集四方賢良非必盡有人事牽率之累進退黜陟備乙覽卽權貴不得以力爭至羣邑之志非生長其地者人與事不相習勢不能不屬之一二里黨

能文章熟掌故之士然宗戚交遊
親串所在往往閣筆濡毫嫌怨互
起過詳則速乞米立傳之嘲概刪
又不免陶範挾刃相臨之笑遂至
兔園夫子概點文壇椎髻布衫盡

標淑媛流傳四方指爲口實志之
濫也匪獨有心者不願爲且不欲
竟讀也是非地方司牧真心強力
任是非勤採擇而又具良史之才
者斷不能成書而垂後若今

璞山蔣使君所修上杭之志蓋無
間然矣上杭爲臨汀赤縣有明三
百年間藪澤屢警特設憲司分制
其地川陸三百里人文山水甲於
諸州志之缺者百有餘年而未補

豈能文操筆者遂無其人抑以宗
戚交遊親串之所在懼於速尤府
怨而有所不敢耶抑豈一時司牧
文章政事不必兼長而任是非勤
採擇又有力有不力耶蔣使君蒞

治八年政通人和急急乎恐文獻
之不光爲懼延名士分部家心手
勾稽無時積月今讀其書使數千
年間一邑之治亂興衰若可手輪
目數細及里語方言蒐羅放失至

於官司人物出入進退毀譽所不
得搖愛憎所不得奪又何其斷斷
如是昔韓昌黎推避史事柳州貽
書相督謂其褒貶是非不肯任將
來不敢爲御史大夫生殺予奪更

有重於此者則並不敢爲宰相今
使君奮然執筆而不爲愛憎毀譽
所搖奪是御史大夫宰相之心也
然則蔣使君豈僅才勝一邑其所
成書又豈僅一邑之志哉郡志殘

缺有年當事屢以相屬逡巡而未
有以應倘得盡如寧化志之博麗
自爲一書上杭志之明辨而有體
則庶幾踵事增華事成功半然終
逡巡而未敢以應不敏之稱固已

遠慙子厚近抱媿於賢使君復多也

康熙丁卯冬仲

誥授中大夫整飭寧夏河西河東道

陝西布政使司叅政長汀黎士弘

上杭縣志

黎序

六

誤



重修上杭縣志序

史關於天下志則係于一邑分天下之邑則有志合天下之志則有史雖繁簡不同而其指歸則一也
吾杭之志一纂于弘治癸丑再修

上杭縣志

藍序

一

于萬曆己卯而缺略者不啻百年
昔人嘗稱杭邑山川秀麗人物殷
奏甲于他邑似非虛語然而今日
之杭與昔日之杭則遠甚蓋昔之
杭遭遇承平家給人足而今之杭

兵氛寇憐之餘家鮮盦藏卽間有
素封之家不過數十百畝豐收僅
足糊口若穀賤不足供賦稅是今
日之杭識者謂毛附之僅存焉耳
烏能狃于昔日之所聞耶且更有

異者昔之杭民皆儉樸而今之杭
民則好侈矣昔之杭民皆尊卑有
等貴賤有章而今之杭往往衆暴
寡少陵長湮破義刁僞日起矣則
風俗之澆漓亦人心世道之憂也

是在良司牧出而考其盛衰察其
土俗審知其所好所惡而樹之風
聲俾民翕然有所畏慕何在今之
不可復返于昔惟我

璞山蔣侯興教化勤講約除劇盜

戒徭役所以拊循而振勵之者八
載于茲流澤正未有艾而亟亟乎
慮無以鑒古而垂後乃取邑志而
重修之遠稽近述示公矢慎編成
余愛而讀焉見其立綱分目犁然

有條燦然明備其序述論斷之間
輒寓諄勉訓戒之意侯之加惠于
吾杭者良厚而吾杭被侯之德者
自無窮也寧僅徵文考獻揚風
雅侈爲一邑之盛事哉卽以是備

上杭縣志

藍序

四

輟軒之採佐成統志之修可也

康熙丁卯季冬

勅授文林郎前江南滁州全椒縣知

縣候補內府中書科邑人藍學鑑

誤



五杭縣重修志序

咎人謂脩史難而脩志亦不
易志固史之遺也惟信則傳
關乎世教係乎人心邑志與
國史奚別焉吾杭志百餘年
未脩而能脩者實難其人蓋

五杭縣志

莫序

一

採擇未當弗克任是非未辨
弗克任取舍不正弗克任是
必夙擅史長嚴氣正性而反
能虛懷諮訪操筆而進退予
奪之始足垂久而昭信吾邑
蔣侯璞山蒞任八載興滯補

敎政敎善不勝書聞嘗語余
曰風氣歷久而遞變人中歷
久而愈昌維持風敎者在乎
人闡揚人物者在乎志志之
不脩有司之恥也夫一家且
必有譜而後可齊況一邑之

大乎侯毅狀購故籍訪舊聞
遴聘諸生設局授祭俾各抒
肝知弘旬與紳士共質而裁
以獨斷閱歲乃成書邑之人
士動容相慶余維杭自分永
後封域廣狹已異迄今人稠

地瘠富者絀于財貧者困于
力漸至禮讓風微獄訟繇起
里黨父老往往有今昔懸殊
之感侯之級級脩是志者匪
特上下六百年間缺者補之
訛者正之隱者揚之其防微

杜漸綢繆久遠慮無不篤摯
周詳焉固腴狀父母心也炳
狀良史筆也自今游于斯生
于斯者展卷瞭狀知吾杭政
事得失風俗淳漓之故所關
匪淺教係人心者曷直邑志云

乎哉故曰觀於鄉而知王道之易也

康熙丁卯季冬

賜進士出身原任陝西西安府

咸寧縣知縣邑人莫之偉撰



上杭縣志

莫序

四

叙

世之言作志者徃々謂難于
創始易於續成蓋以創始則
前無依傍義例悉自我立續
成則不過一切倣而輯之云

爾而論志于上杭顧有不然
者何則志之在宋者寧宗時
為嘉泰理宗時為開慶此固
絕無可考矣以明言之蕭志
成于成化十二年丙申徐志

成於弘治六年癸丑楊志成
于萬曆七年己卯向皆刻有
成書後惟楊志流傳及懸賞
徧購始得弘治志一冊而蝨
蝕者已多繼又得成化志卷

帙既失其半朽蠹更甚觸手
幾化取三書互校之其中雖
各有所訂正按其體裁則迥
異焉至汀州府志崇禎四年
辛未所脩又以事非一邑詳

略任心殊未可據相傳嘉靖
間續刻有志楊志亦時撫引
又聞萬曆時李令衷素嘗屬
邑紳張近陽重脩業脫稿會
李擢任未梓意此二書當必

得體願折衷之而皆未得寓
目曰竊自笑續脩之舉以為
處其易而不知反任其難也
然何敢辭其難而使百有餘
年之近事殘缺散亡且使五

百年來之故實磨滅失次後
有作者其將何所考耶矧今
聖天子加意會典特

詔各省纂脩通志進諸史館彙
成一統全書正值

盛世文明之會又何敢憚其難
而諉其任乎爰是網羅舊聞
博詢故老向所經營未定者
急謀卒業凡編中所紀載無
不立綱分目犁然倫脊視三

志為差脩雖不敢與創始自立義例者同列制作之林然廣稽博考正譌而徵信似與一切倣而輯之者稍不侔矣繼自今為政君子省方問俗按此而求之或亦可為采覽之助乎編輯既成聊識一時之始末如此

皆

康熙二十六年丁卯嘉平月

勅授文林郎正杭縣知縣加三級

長洲蔣廷銓撰并書



修上杭縣志序

孫能

無地無勝槩無地無人才此天下郡邑必有志以紀之也夫志者所以傳信也使爽其名實失其體要是之爲志乃志之蠹也上杭自李唐以來爲場至宋淳化始升爲縣隸汀州舊雖有志然而歷宋抵元至我朝百有餘年多殘缺失次景泰間上命天下郡縣纂修志書鄉之紳士卽舊編而加修輯顧鑒別多有未當亦不免無遺舛于其間汀州貳守程侯熙自下車來嘗有意于斯曩以他務未遑會郡守徐公瓚通府李侯祺推府熊侯德後先來官咸嘉其意今成化丙申春命予暨同寅鄭君鎔李君鎔爲續志于時上杭縣志

孫序

一

縣令蕭君宏丞陳君清延上舍孔經諸生吳明林繁輩相與簡閱傳記博采輿論于舊有未當者務覈其實遺者補之舛者正之務遵史氏遺意效其體要門分彙別撰次成編凡爲卷有五取而覽之斯邑山川之秀城池之固以至物產之蕃古今之變與夫文章之著士宦之賢風俗之好尚莫不宛然在目如是以繼前人之績而廣異日之傳者幸也志成蕭君遂命鋟梓以壽不朽後之君子校而正之未必無小補云

上杭續志後序

張禎

邑之有志爲紀前以昭于後集今以續于前者也蓋莫爲于前後將何述莫爲于後前將何傳後先相繼志載弗隳則事實明著一覽具見誠一邦之史也夫豈偶然而已哉自唐代宗中置上杭場于豐田里南唐保大中徙于太平至宋陞爲縣而又有鹽沙鍾寮場之遷及乾道三年徙郭坊而上杭邑治始定焉其遷徙之故雖有舊志然歷歲久而殘缺多郡貳守程侯閱之謂始纂于前者尚畧繼修于後者未詳迺命邑令蕭公貳令陳公爲之續二公遂謀及邑庠掌教孫君貳教鄭君李君暨上舍孔經庠生吳明林

上杭縣志

張序

一

繁輦職司采集致謹編摩列其條目究其本末事蹟之未當者去取求得其宜名實之未稱者精審求得其要視諸昔年之志猗歟盛哉志成孫君已序于前而復屬禎序其後予惟談今者必稽古垂遠者必詳近竊觀是編上而形勝山川之雄壯次而風俗土產之盛衰戶口之登耗仕宦之更代廨舍之廢置固皆稽古以證今矣至于文廟軍所之肇造藩臬分司之作新若事功若隱逸若義士若列女與夫宦蹟之卓異詞翰之炳煥備紀不遺又皆詳近以垂遠也吁後之視今猶今之視昔今之昧于前者由其志載之不周也苟于今所及知者不志而載之又安知數世而

後昧于今者不猶今之昧于前乎此續志之作前後畢舉
詳畧相因誠不磨之著述其有關於杭邑有裨于治道不
亦深且大哉

上杭縣志

張序

重修上杭縣志序

馬馴

志者記也所以記世故人文物理之迹也猶列國之史然
史纂於朝廷志編於郡縣文殊而實則同上下異其名今
古無間也粵稽兩漢志著於宋三國志著於隋鄉遂之野
有野史州里之閭有閭史隨厥攸宜叅取而互用之大要
本於纂輯者公天下是非之心直千載鑑衡之筆則庶幾
焉夫純駁得失存乎言沿革美惡存乎世正邪誠僞存乎
人據事直書而意自見勸懲以之志奚可苟乎吾汀肇于
唐開元闢福撫二州山洞始置郡建於漳之新羅後遷長
汀村析龍巖之西偏爲上杭場逮宋改郡爲路淳化間陞

上杭縣志

馬序

四

場爲縣隸于汀因地利以致商旅尋徙于來蘇之郭坊國
朝混一寰區復更路爲府杭仍汀之宇下違郡治十舍許
界於潮漳臨贛之濱山環水繞爭奇競秀形勝之雄甲他
邑氣習勁毅而狷介君子則質直好義小人則愿恪少文
仰沐清時之文教士知力學登科第陟要津代不乏人女
節婦行間有可書而窟巖之頑氓尚梗律負勇自作弗靖
以貽公家憂當宁迺下廷議慎簡憲臣一員握兵備按厥
土用康羣黎安成伍君仲孝出名進士刺隨廉公有聲特
膺茂選駐節之初宣德威嚴卒徒相險畫策隨變制勝百
戰從父四封晏然激揚之餘爰取邑志而讀之喟然興歎

謂王政必先教養吾民切於耳目可爲法程者莫如志志則典籍之所寓也典籍正則民有考德而知所適從分義明則俗有感化而樂於愛戴尊卑錯雜賢否混淆詳畧失宜訛正無辨何以昭既往而俟方來範後塵而追先哲民將貿貿焉罔知善之當爲惡之當去也遂集儒先之有文行者二三輩授以成法定其指歸疏其門類別其等差考其戾於道者釐而正之不關於世教者削而不錄綱舉目張暮年而校畢可謂謹於刪述善於開導者矣然猶不自滿假謂余歷官中外涉獵世故頗久請加考訂而編次之余衰老林泉荒於文墨睇茲盛典文不待贊復何言耶

於戲道未墜地旣晦復章斯文之幸也政在得人父作子述斯民之幸也馴鄉人也附名于末亦幸矣

續修上杭縣志序

楊萬春

司馬子長南遊會稽得吳越春秋而爲世家言其成史記必采之列國列國而無史則整齊百家難矣余會稽鄙人也側慕子長之風幸從計吏後過江淮齊魯之墟以觀天下國都而宦遊閩越爲是邑長吏卽延士民間治理然索之往志作于弘治初至是閱八十七年當都御史至閩下郡邑討故實屬博士以報未遑爲之釐適汀郡志屬之郭建初建初囑郡中將避之下邑余以邑志請卜金山爲主郡公因專屬余不閱月兩書成邑卷僅七其目惟四五百有餘歲存亡足徵矣南遊者采之其杭之春秋乎余勞建

上杭縣志

楊序

六

初建初乃勞余謂今長吏苟能修廢墜勤撫字興教化方日紛紛不暇而君獨暇茲志何爲其然哉余聞古君子之志天下不利一人而利千萬人不利一世而利千萬世余鄙雖不敢借口古君子然得茲志成庶後因志而按疆域城池以及諸所建立按錢穀盈縮民數豐歉按人才隆替與夫忠臣烈士則廢墜之修撫字之勤教化之興無窮矣此其所遺蓋不特爲一時吏治修也余鄙寧能無意乎且余藉是得報命于郡公雖不暇其敢諉哉

後序

杭志之不修於今且百餘年矣乃者

聖天子誕敷文教命儒臣纂修一統志先下
郡縣徵故實邑侯

璞山蔣夫子以三吳名下士來理茲邑乃
購舊典訪遺聞摭摭解駁彙爲一書踰年
而刻告成命穗序其後嗚呼志也者一邑
之史也修之顧易言哉自古作史者忌諱

上杭縣志

丘後序

殊多以尼山之聖而寓微詞以昌黎之賢
而戒顯禍况乎俗尚虛浮多口可畏而杭
邑爲尤甚則是任事之難也龍門之作史
記也以羣籍涑水之作通鑑也以諸史而
杭自宋元來寥寥數百年間人物渺然記
載亦罕雖有舊志殘闕已甚則是屬藁之
難也百年之間因革不少而志乘闕如卽
欲考其軼事而故老旣亡後生學士不復

經耳目睹記保無有憑臆而亂真者則是核實之難也內之不能無所忌外之不能無所資而又有循名失實之慮自非強志特立確不可撓而且以高才絕學爲之裁成其間惡能創千秋之大業垂不朽之盛事哉公之爲是舉也慨然以闡微顯幽爲已任先懸金求前明所修邑乘爲之根柢復令諸生耆老叅諸里巷見聞之實以補

其所不逮然後統會羣言而折衷之斟酌去取寧嚴毋濫旣不以因陋就簡而棄其新亦不以踵事增華而掩其舊是豈特志乘云乎哉直可爲千古之信史矣今日者公當九年報最之期當事交章薦公治行爲全閩第一方將置身石渠天祿間用其所以修一邑之史者推之以修一代之史吾知黼黻

杭川山紀

昔志云橫琴案前紫金屏後髻峯左峙旗幟右旛袍寨屹于西南籬嶠峙于東北第縣治來龍之所自與四圍合抱之由來尚未之悉今據其近而可見者析言之蓋有五焉

一縣治一琴岡一七峯一金山一袍山蓋縣治之龍鼻祖

梁山

屬武平界脉自會昌而來

坐西北距縣六十餘里非天朗氣清不

可得見奔騰數十里至金雞嶺

屬武平界

跌斷過峽頓起龍幟

以作少祖分三榦中榦盡于粵界之松口右榦盡于粵之

鎮平左榦卽結縣治其分受處山上逕而湖洋

穿田

由湖

洋而狀元峯

舊名筆架爲父母山過峽

至狐狸碣開嶂展翼盤旋屈曲

上杭縣志

山紀

脫卸穿田十數節

如小礫鉅頭山庵子塘仙人高棟等處

俱屬西兌乾亥而

來其夾從之山左右纏護並無空缺迨至筠竹塘又復穿

田三節飛鵝降勢胎息天皇轉正北

坐子壬向午丙

結正體太陽

星

卽老大忠廟嶺

輔弼兩全仍復穿田入首乃成倒地貪狼以作

縣治左曜由福船岡直上爲東北幃幙以蔽肩風其左界

金魚水東至仁聖廟後與大溪合右則西流而南經聖濟

廟之前復流西而東與大溪合先是太陽嶺上建大忠廟

萬曆癸巳移祀縣治北東祈晴禱雨必登此山近年鋤掘

園塹荆棘蔓延杳不知其星體之員淨豐肥也乙丑春紳

衿僉呈

邑侯蔣公勒石示禁削平芟刈始見本來面目

自縣視之來龍起伏之山宛如層波湧浪名曰浮綽蘸水
職此故也惜乎太陽星體之下適當咽喉開塘築宇貽害
實甚倘得培補幸莫厚焉琴岡發跡遠不具述由白沙里
之長嶺

脈自小吳地成
嶺華家亭來

左至田地坑二十里許而冷洋嶺

起雙髻峯爲邑左侍琴岡乃其支也肘後左嶂名老君嶺
盡于安鄉之黃泥壠焉七峯來脈亦由白沙長嶺之右至
松栢林而西洋而大乾嶺起覆籬山

今名
上圓

磊落而下臨天

市之垣籬嶠笏立焉

今名普
陀山

左界苦竹溪而止右則逆溪

而上聯絡七峯尖秀穎異爲縣治近溪之托山矣金山脈
自長汀平原而來太平在左平安在右巍然中出兩河夾

上杭縣志

山紀

二

送正坐縣北紫垣厥麓周圍四十餘里誠一邑之鎮也嶙
峋天表蒼翠如畫爲遠樂爲福儲賴有此耳袍山亦自龍
嶂榦中之支由象峒歷上磴而平畚屹立西南有如拱揖
之狀名爲掛袍左腋趨石門與旗山並峙爲邑右衛右腋
循溪而下至龍翔谿逆收三摺之水歲壬戌 邑侯蔣公
會集紳衿卜建文峯捐貲協造爲中流之砥柱焉至于三
元挿笏諸山亦由平畚送青排闥爲拱衛而作朝對耳此
皆縣治之近而可見者故詳言之庶不爲術家謎謬之所
惑府庠廩生邑人曹馨謹識

杭川水紀

宋建縣治由桃梓保遷驚沙語口鍾寮場等處俱屬紫金

山後之左故所志之水如新田溪逆轉靈蛇山

屬長汀界經粗

溪而出織沙乾坑南寶溪磐溪經赤水坑而出以此鍾寮

舊治之水獨先而汀水在後至于別處所志者參差無序

在今日宜志其分合之大源流之貫而織小可畧三摺之

水其源莫大于汀水其次卽連水汀水行一百六十餘里

抵迴龍乃屬杭界連水行百二十餘里抵磯頭乃屬杭界

由縣觀之汀水乃西北之北條連水乃西北之南條顧汀

水之來其源長其岸濶細流之納倍于連水溯自迴龍而

上杭縣志

水紀

三

下左納濁溪二十里至藍屋又二十里至黃土潭平安里

財溪之水入焉二十里至澗頭渡而武邑之檀溪來焉三

里過赤面石轉北而東卽三摺之始東流六七里至水浦

巖逕溪又入焉

卽縣治來龍金雞嶺之左嶂屬武平界一分水于陳坑一分水于高梧合流處可通

舟此縣龍之大界左水也

三里許連水自北而南與汀水會矣試卽連

水至磯頭言之磯頭而下約五里名粗溪乃汀杭之合界

也上太平一里之水所出向所云新田溪俱併而一之矣

又五里至長潭口抵全坊九曲溪入焉設渡濟涉謂之語

口卽此二十里由牛坪舖至梅溪又十里至九州河口汀

連兩水旣會而溪遂汪洋稍下逾渡處岸南有亭名九州

昔云舊州者是東流十里許渡曰水西苦竹溪赴焉抵潭

頭轉東而西

水之摺者一

曠濶悠揚灣環城郭爲縣治之襟帶

矣迄西津則隨龍內界之水由小磔而深陂而駟馬橋滙

龍舌以上之細流

北郭入首之山金魚右水城內河溝經流械管頭水

俱東向而入

若夫瀨溪之源發自龍嶂

卽縣龍之大界右水也

由瀨溪而鼓樓岡

由鼓樓岡而布坊至展旗山望東而趨南入大溪由是曲

轉石壁渾障而東之

水之摺者二

將見遶抱琴岡滔滔汨汨直

駛龍翔谿正値三摺之終一山橫截今特立文峯天中羣

表將入懷之水而盡吸之矣嗣是又復南流與已出口

水之

摺者三

歷高第而抵黃泥壠卽髻山左嶂之盡處而安鄉之

上杭縣志

水紀

四

小溪之所入矣自此經撻蓬巖大礮鈎白水磔而抵大沽

焉至于纖流不能盡詳其大者東南勝運之水發源古田

經大洋壩而黃潭歷藍家渡官田豐稔寺至二壩漢礫空

與大溪會西南來蘇之水上都源自皇慶山塵湖塘二水

合流歷軍營前而之大屋場入于丁灘中都源自象嗣涼

傘嶺歷蛟塘田背興大岡由古坊入于心峯下都源自王

壽山之左經大田溪入于六池至若銀子凹之水抵河頭

城鮮水塘隘之水抵小溪口厥里屬溪南矣亦旣伊邇漁

磯石壁統會諸水而歸潮海焉此皆分合之大而源流之

不紊者歷歷如此府庠廩生邑人曹馨謹識

凡例

一上杭志在故明時三經修纂迄今百有餘年缺畧已甚邇者天下郡邑奉

詔各修志乘杭邑屢奉 憲檄採取邑志事實

延銓

因購求舊志叅以邑中文獻之見聞校讐而編纂之但從前蕭徐兩志分門別類爲緒太繁楊志又創立體裁于例未合今恪遵

欽定河南陝西志例立綱分目其或時有增損者蓋一邑非天下之比詳畧故自不同要以秉公矢慎

上杭縣志

凡例

一

核實存真用續前編庶幾可以傳信爾

一志區域者類首星野次沿革然山陬僻壤而上應天垣理極微渺竊恐泛勦陳說終屬管窺卽就沿革論遡汀郡未開以前由周之七閩以迨隋之泉州雖隸屬遞更荒畧難考唐旣置郡縣猶未立亦有沿無革也惟山川形勝終古如斯而枝幹源流多未易晰故附載山水二說于編不必登臨已悉羅寸曉矣

一邑中建置莫大于城池學校壇壝衙署等事今或

見本志或見別條類雖分而義仍合也其他街巷
津梁陂隄坊表皆營建之所必及卽寺觀塚墓之
屬例應得書而不載者勿嫌漏載者勿嫌雜則一
以其神傳一以其人重耳

一戶口田賦卽民數之盛衰關國計之盈縮食貨誠
經國大政也但賦稅則例今昔懸殊今悉以康熙
二十五年現定賦役全書爲準一切在昔規條第
節錄其大槩至儲卹之政以拯民艱有備無患不
容緩置他若河稅界糧隨地隨時而起亦必核載

上杭縣志

凡例

二

俾有所考

一舊志不以文廟混列祠廟中崇 聖道也今統諸
典秩則祠廟有當並載者然特以文廟爲尊凡事
關學宮悉覈明詳紀用垂久遠

一舊志不載武備然自古崇文之代不廢奮武况杭
爲巖邑警變屢告尤非他邑之比前府志有捍圉
今省志有兵防倣而輯之安不念危也

一杭之風土不特小同汀郡亦當不大異全閩然往
往比間族黨相習成風百里內外俗尚頗有差殊

卽天行偶屆接壤每分豐歉未可執彼以槩此也
觀鄉而知王道之易君子宜究心焉

一凡服官茲土應隨歷代歷年備載其姓名籍貫及
受任謝事之期况杭最爾邑而在勝國特臨以道
憲在

本朝特駐以遊戎可知巖瘠之區綏理不易職官
一志尤非可畧顧從前各志義例未備先有關遺
茲雖徧加採輯不無餘憾

一縣旣分永定無論山川土田各有界限卽人材輩

上杭縣志

凡例

三

出其隸籍不復可移獨在成化十四年以前猶屬
杭產應列杭志示不忘本也自後凡在明代選舉
中者一以崇禎十七年爲斷非是勿錄

一蕭志槩以職官選舉繫之人物徐志議其未當固
已乃徐志分別品誼按之義類亦傷偏雜若各敘
志或從爵秩爲後先或從科目爲等級尤非通論
今各以年代爲次不復縷析條分但名宦必去任
而謳思人物必歿身而論定循舊例也至閨中苦
節得之高門猶易見之下里最難往志所傳何容

泯沒然旌表所及者必錄年例未合者不登庶于
闡幽勵俗之中可免徇情失實之誚

一蕭志以勅命類編詞翰徐志則另爲一編今冠以
藝文首載勅命其次爲奏議又其次爲文爲詩要
以披閱所及一代之典章一邑之興革燦然在目
不徒以詞采流傳

一稗官小說事苟得實未始無裨于志乘茲從舊籍
所傳并耳目所及採其可據編爲雜志若事屬夸
張跡涉荒誕滋後人之惑者去之惟恐不盡矣

上杭縣志

凡例

四

一邑志雖一邑之事而國史不盡羅者邑志載之惟
在邑乘可爲佳乘則入國史卽爲佳史彼索米納
金自古嗤其穢鄙矣廷銓不揣踈庸謬任編纂猶
賴邑之紳士同心共襄搜採不敢不廣去取不敢
不嚴書成一歲業質千秋目前之知我罪我寧遑
恤乎

上杭縣志姓氏

同校官

儒學教諭胡曇嘉

訓導陳耀芝

協理官

縣丞馬登鰲

典史朱青曦

訂正邑紳

藍學鑑 莫之偉 戴士葵

李憲卿 羅銓 林鸞

上杭縣志

姓氏

一

丘作聖 鍾尚志

貢生

丘民悅 梁九韶 黃紹中

鍾琳 郭圖 丘嘉穗

編校邑生

周文在 曹馨 張光齡

劉鑒 郭大千 丘鼎原

督工典吏郭瑋

膳真 李上珍

梓書 溫祥生等

上杭縣志目錄

上杭縣知縣長洲蔣廷銓纂修

邑

紳

藍學鑑

邑

生

周文在

校訂

莫之偉

曹馨

卷之一

區域志

縣境總圖

縣城圖

縣治圖

儒學圖

八景圖

星野

沿革

分界

山川

上杭縣志



目錄

一

里畝

鄉村附

卷之二

建置志

城池

公署

街巷

津梁

陂堤

井附

坊表

寺觀

塔附

古蹟

塚墓

卷之三

版籍志

戶口

土田

賦稅

徭役

河稅

界糧

儲卹

養濟院附

義田附

義塚附

卷之四

典秩志

學制

社學附

祀禮

壇壝

祠廟

卷之五

武備志

兵防

郵傳

巡警舖附

寨隘

寇變

卷之六

上杭縣志

目錄

二

職官志

文秩

武統

卷之七

名宦志

宋

元

明

國朝

卷之八

選舉志

科第

貢生

薦舉

例監

武科

吏掾

勲封 冠帶附

卷之九

人物志

德業

勇烈

列女

僊釋

方伎

卷之十

藝文志

勅命

奏疏

古文

詩歌

卷之十一

上杭縣志

目錄

三

風土志

氣候

禮祥

物產

歲時

風俗

卷之十二

雜志

摭遺

紀異

辯誤

目錄終

上杭縣志卷之一

上杭縣知縣長洲蔣廷銓纂修

區域志

縣境總圖 縣城圖 縣治圖 儒學圖 八景圖 星野 沿革 分界 山川 里圖

畫疆分井一邑之區域往志載之已詳苟非有大更置則星野山川長在天地之間皆可無事複陳也惟是析置未定疆界更如繡錯且邑中規制或昔無而今有或前設而後廢將欲指掌瞭然其何所藉茲各系之以圖應分者分之應合者合之則筆記所未連綴者繪事足以發明用補前志之遺耳

上杭縣志

區域

一

縣一百四十里


東抵漳州府龍岩縣一百五十里

東南抵永定縣

溫聲生梓

東北抵連城


縣門長抵北



埔大東廣抵南

里十二百一

縣城圖



西抵北武平縣

二 百 四 十 里

一百一十里

西抵武平縣八十五里

西南抵廣東程鄉縣三

圖

三

以檀嶺八
十里為界

以石出二十
五里牌界


以狗鬪嶺二百
九十里為界

以石上二百三
十里亭為界


縣一百五十五里



縣治圖





上杭縣志



上杭縣志
儒學圖

圖



四



上杭縣志

圖

五




金山曉旭




上杭縣志

圖

六



元嶺朝雲



上杭縣志

圖

七



西安牧笛



上杭縣志

圖

八

通如樵歌




上杭縣志

圖

九




七峰擁翠



上杭縣志

圖

十




上杭縣志

虹渡波恬



石潭秋月



上杭縣志

圖

十二



三招迴瀾



上杭縣志

圖

三

論曰邑居汀郡之陽山水旣得形勝關廂迤邐八里
民居頗稠其公署祠宇錯列市廛者十之二三耳然
由今溯昔縣治五徙城郭五建學宮四遷其他理幽
治明通道利涉之所係或創或繼難以臚舉前人之
經營甚艱瘁焉蒞此者其勿坐撫成模而思所以訓
方善俗則長可爲樂土也

星野

閩地禹貢揚州之域按周官保章氏所辨九州分野吳越
屬星紀前漢以及晉志皆屬牽牛婺女之分唐一行以
閩中在雲漢下流爲負海之國宋志以屬天市垣東南

蕃第六星元志亦在星紀之次明一統志在牛女之分
蓋地分自閩越其星野皆同吳越則上杭一邑志可不
復贅矣

沿革

上杭縣在周爲七閩地秦屬閩中郡漢屬閩越後屬會稽
郡晉爲新羅地隋屬泉州唐開元二十四年始開福撫
二州山洞置汀州改新羅爲龍巖縣大曆四年析龍巖
胡雷下保置上杭場卽永豐田里十二年又割龍巖歸漳州
南唐保大十三年徙上杭場於桃梓保在今永太平里至宋淳
化五年升上杭場爲縣隸福建路屬汀州割長汀南境

上杭縣志

區域

十四

益之至道二年徙鯨沙

卽今白沙里去桃梓保二百里

咸平二年徙語

口市

各志皆云去鯨沙二百步惟蕭志云一百里許卽今在城里舊州之西然則非二百步可知應從蕭

志

天聖五年鍾寮場坑治盛興商旅輻輳復徙縣治於

其地

卽今平安里

乾道三年知縣事鄭稷因民請奏遷來蘇

里之郭坊

卽今治

方經始稷以憂去至七年知縣事陳朝

章相繼營建入元屬汀州路至正十九年爲陳友諒別

將所據次年行省參政陳友定復之明洪武元年取汀

州路改路爲府縣屬焉成化十四年以溪南等鄉道遠

梗化巡撫高明奏請析上杭所轄勝運二畝溪南五畝

太平金豐豐田各四畝凡一十九畝置永定縣

國朝順治三年平定福建上杭仍屬汀州邑名上杭因舊場而言形如木籜之浮水上也亦稱杭川形家言縣中有三關者為川字崩洪云

分界

上杭縣在汀州府治南東西相距廣一百二十五里南北

相距袤二百三十五里

從楊志

東至漳州府龍巖縣一百

五十里

以大池一百里為界

西至武平縣八十五里

以石田二十五里界牌為

界南至廣東大埔縣一百五十里

以石上一百三十里界亭為界○從楊志

北至長汀縣二百四十里

以張屋舖一百里石牌為界

東南至龍巖

縣二百四十里

以綠嶺一百九十里為界

西南至廣東程鄉縣三百

一里

以狗悶嶺一百九十里為界

東北至長汀縣一百六十里

以谷奢嶺

上杭縣志

區域

十五

八十里為界

西北至武平縣一百九十里

以檀嶺八十里為界

東南至

永定縣一百二十里

以官田六十里石牌為界

東北至連城縣一百

四十里

以磯頭八十里為界

驛程自縣至汀州府二百四十里至福建布政司一千一

百七十五里至 都城順天府六千六百三十五里

水路自縣上至汀州府二百九十里下至峯市一百二十

里

論曰杭之在汀向稱巨邑而谿山阻深常患嘯聚迨析置永定疆里去三分之一所以為招携控禦者甚周然合四境計之幅員故猶遼濶中畫綢繆可少忘

慮後之圖乎

山川

金山

平安里縣北四十里邑之主山宋康定間常產金或言以山色赤而各山頂水面數尺深無底極呼龍井

籬嶠山

在城里縣東北十餘里有普陀峯俗呼普陀山

覆籬山

在城里縣東北二十餘里山頂端圓若覆籬然亦名上圓山

七峯山

在城里縣北十里爲邑後鎮形家言上應北斗又名七星山

冷洋山

在城里縣東北二十里高出羣山一水迤石而出夏月極冷故名

馬鞍山

在城里縣東北二十里山巔有庵明萬曆間邑舉人廖行可奉祀碧霞元君

橫琴山

在城里縣南一里許橫亘溪前平行如琴又名橫琴岡舊呼龍子岡

掛袍山

在城里縣西南五里爲邑前鎮縣治未遷之先林木茂盛狀若掛袍故名

上杭縣志

區域

十六

展旗山

在城里縣西五里爲邑右鎮數峯相屬迤邐若展旗然

筆架山

在城里縣西十五里三峯並峙中獨峻拔形如筆架又名狀元峯

南寶山

平安里縣北五十里在金山之陰舊傳牧童拾得白璧一雙因名

圓通山

平安里縣西北六十餘里

銅鼓山

太平勝運二里縣東南六千里跨永定界山有巖竇泉井舊傳有銅鼓從空而墜至山腰擊石裂泉

迤爲巨井丈餘其深莫測鼓聲聞則歲大稔又石壁倒書千年二字徑尺○府志李陽冰篆按舊志皆無據

鐵障山

勝運里縣東南七十里石壁峭削勢若屏障山之西舊嘗產鐵

靈蛇山

平安里縣北七十里山勢峭拔舊傳有巨蛇出沒客過其處率禱之

亂石隔山

古田里縣北百里路通龍巖界其上亂石嶽峯

石獅嶺山

來蘇里縣西南八十里山石巉巖狀類獅子

高唐山

來蘇里縣西南八十里舊傳有姓高唐者二人年皆九十餘登此不返

王壽山

來蘇里縣西南百餘里高八百九十丈周二百五里跨程鄉界昔王岐修道於此以壽終

茫蕩洋山

勝運里縣東南七十里跨永定界西通程鄉東通漳州磅礴百餘里梗化者每據為巢窟

雙髻峯

在城里縣東十餘里冷洋山左出相聯馬鞍山二峯隆起宛若雙髻為邑左鎮

插笏峯

在城里縣南十里許與三層嶺接其峯有四舊名美女明萬曆間邵守萬振孫以形不相肖更今名

五子峯

在金山之巔高峭如削又名五龍

文筆峯

白砂里縣東北八十里亦名雙髻山

大際嶺

在城里縣西十五里為邑來龍特起之障路通武平又名狐狸峽

三層嶺

在城里縣南十五里三級始至嶺脊明成化三年邑人李時英夾道植松五百餘株行者便之

石冷洋嶺

近冷洋山相連馬鞍雙髻明成化三年邑人丁肩植松數百株

上杭縣志

區域

十七

爐背嶺

羅嶠山之後鄉人嘗建爐於其下

燈籠嶺

縣東勝運里近九太有石若燈籠然

棉嶺

勝運里棉村路通黃潭明景泰間邑人唐常植松椽千餘株以憩行者

蜈蚣嶺

勝運里去盧豐十里嶺路蜿蜒五里許形若蜈蚣明正統間邑人吳廣植松千株以蔭俗呼鰲公嶺

石牌嶺

勝運里縣東七十里蜈蚣嶺之下有巨石方正如牌○蕭志誤作排

香嶺

白砂里縣北里嘗產木乳膏居人採而蒸之

羅括嶺

平安里縣北五十里金山後舊傳有羅括結廬居此

雙溪嶺

平安里縣北六十里金山後有二小溪環其下與長汀分界

黎公巖

縣西二里舊傳黎姓者修鍊於此

東安巖

縣東二十里近安鄉舊傳定光佛止息處

石燕巖

縣東勝運里近盧豐巖石若峽中出水一泓明天順間鄉人藍福寧建庵奉大士像

仙女巖

縣東北白砂里炭山間負岡瞰溪中廣三丈有穴上通天光舊傳仙女居此

寶興巖

平安里金山後在鍾寮場西北三里以近南寶山得名

石鐘巖

平安里官庄後中有石岩結爲竇蓋供大士像亦名大士巖旁懸巨石擊之聲如鐘又名叩鐘岩

黃楊巖

銅鼓山下舊產黃楊木

青峯巖

來蘇里縣南百餘里巖勢尖聳竹木蒼翠

管公巖

在金山半塗深廣數丈內有石鼓以石擊之輒鳴又有石觀音像舊傳管姓者修行之所

半坐巖

在金山石如龕容坐一人壁生黃苔如粉俗呼石黃可調作繪事○舊志不載見府志

九仙巖

縣南十里明嘉靖間邑人丘可範建庵萬曆末知縣李自華重闢之有曲流古洞雙橋履雲亭諸勝

右石巖

縣東北二十里梅溪寨層折而上右峽微開一徑四壁峭立中有老梅數本○二巖各志未載

上杭縣志

區域

十八

赤面石

縣北三十里大溪旁上圓下方峭直而赤

獅子石

縣東二十五里梅溪寨之西水口

石龍

在縣北一百二十里迴龍灘橫亘溪中背有鱗文遇旱鄉人累砂石於背即雨水漲去之乃止

蓮花石

在溪南里大溪中石叢生如蓮花蹴浪甚急舟行稍失趨避輒有覆溺之患○卽漁磯石壁

馬跡石

勝運里山澗中廣二尺餘厚四之一兩面皆有馬跡居陰者差小歲大水巨石盡漂此石不移

香爐石

白砂里九曲水口以形似名

仙榜石

在金山石皆霞文橫豎數十丈光不受蘚

大溪

源自長汀界南流合衆溪入縣境會語口水至南岡下經插笏峯三折又西南經大沽抵峯市入潮海

金山下溪

左屬連城水右屬長汀水東流數里滲入砂石中號乾坑數百步外復湧出長流

檀溪

縣西北在城里源出武平中堡至澗頭渡入大溪○各志俱未載

嚴逕溪

縣西北二十里源出武平金鷄隘經巖頭舖至水布灘入大溪○舊志府志作水埔溪

大洲溪

溪南里源出龍岩大池經高陂豐田過興化鄉至漁磯石壁與大溪合○府志不載

苦竹溪

縣東北五里源出自砂里山澗中合衆流至水西渡入大溪其旁多苦竹因名

瀨溪

縣西十里許源出龍嶂合古樓岡諸流潏迴至展旗山下與大溪合

安鄉溪

勝運里源出東安岩小澗至黃泥壠入大溪

黃潭溪

勝運里源出龍岩石門小澗至小接湯過上南湖官田經三埧藏際磴入大溪

跳魚溪

勝運里源出永定徐山嶂至豐稔寺前合黃潭溪

新田溪

出鍾寮場西與南寶溪合經靈蛇山會語口溪○自此至磬溪俱與連城小溪合至九洲同入大溪

九曲溪

縣東北白砂里源出新坊口九折至語口會小溪

南寶溪

源出南寶山下流數里納磬水會金山下溪至鍾寮場與南橋小澗竹林坊水合而東流

上杭縣志

區域

十九

磬溪

出鍾寮場之東與南寶溪合流溪西小水色赤絕魚故名

迴龍灘

自長汀入縣界高崎水急明嘉靖三十年知府陳洪範召匠鑿去頑石并開兩崖緯道

烏鵠頸灘

灘長而細類烏鵠之頸○府志不載

濁灘

自平安里濁溪流山因名

白石灘

在迴龍下

永灘

近藍屋驛灘側有石平坦農者頓承其上○府志作栖永

目忌灘

在藍屋驛下湍急舟人畏忌之

鑊風灘

鯉子湖邊二水一橫一縱浪滾如鑊

三潭灘

三潭頭三水橫流合下故名舊志作三潭府志不載○以上八灘俱平安里

水布灘

縣西北水埔上水淺而急知展布然

藍灘 縣北十里楊公嶺前灘旁居者多藍姓

烏虎灘 縣東北七里溪中一石色黑似虎踞俗呼紗帽石
明代新沱任者舟行必避之從水埔陸路詣縣云

崎灘 縣東潭頭之下溪中多石激盪而峻駛

高枧灘 縣西石壁寨之南水徑溜趨下狀如長枧

張灘 縣南之溪南灘旁居者亦多張姓

高車灘 張灘之下其旁置高車轉水溉田

馬尾灘 縣南十五里水散流若馬尾○以上八灘俱在城
里府志止載高車馬尾二灘

迓船灘 勝運里水勢甚險急舟至此艤避溪旁人楫齊集
互相牽挽乃敢過今俗呼丁灘

慘蓬灘 迓船灘之下亂石森列舟過必慘蓬以濟○府志
作慘蓬

盧豐灘 慘蓬灘下近白水磔

上杭縣志 區域 二十

上徐灘 在上徐村渡處與盧豐灘相對

下徐灘 在下徐村

大礮鈎灘 徐灘下其形屈曲○以上六灘俱勝運里

大孤灘 來蘇里大礮鈎下亂石槎牙水漲稍平水涸灘勢
陡險舟難上下過此者必易載○一作大沽

心峯灘 來蘇里大孤之下浪滾若雪花石伏水中溪漲濁
時石隱不見舟觸之立敗○各志未載

潭頭潭 縣東一里為潭之首是縣第一留水

石壁潭 縣西二里石壁寨下是縣第二摺水之鎮有遊魚
洲二交錯潭尾

獅子潭 縣東南七里龍翔溪之下潭上一山狀若獅子

相公潭 獅子潭之下背有寓此者古壯子而貴因名潭面為
高第一山如覆釜峙中流是縣第三摺水之下關

觀音潭 縣北藍屋驛之上潭旁有白石偃坐似大士像者
三今為水衝失

黃土潭

鯉子湖橫灘之下潭旁土色盡黃

信豐潭

豐稔寺西其深不測。○府志上杭永定俱載

草鞋潭

縣北長汀界延袤數里舟人言行竟此潭可成草鞋一雙狀其長也。○各志在縣北二里誤

鬼湖

縣北平安里廣丈有奇深不可測旁無寸草人莫敢狎近舊傳下通大溪乃蛟龍窟也

銅鼓湖

在銅鼓山下左右皆廣袤數丈其一或時涸其一雖旱不涸

鹹水湖

一在來蘇里三層嶺背一在勝運里大陂下其水味鹹不涸

天井湖

縣南勝運里濶五十餘丈深淺不測漁者避焉一在縣北迎恩門外西有二湖亦名天井

百丈磔

在金山之側一溜如線出自石罅中舊名黃金坑其處險不容足人所罕至

膽水池

在金山有上中下三池上下水泉湧出中池受土池之流

御天池

南塔院前仰承天雨蓄水溉田甚廣

上杭縣志

區域

五

放生池

駟馬橋下相傳邑民修齋放生於此

金船塘

勝運里濶三丈延數十丈形如巨艦不涸

佛嶺泉

在城里縣東十五里自嶺側石孔中流出澄澈如鏡掬飲不竭

瀑布泉

勝運里盧豐灘上出德里鄉石山巔勢若足練。○府志白水磔卽此

里田湯

勝運里湯沸可熟物旁有泉冷冽以濟澣濯。○徐志不載

小拔湯

勝運里微溫可浴

論曰舊志稱杭之形勝琴岡橫案於前金山列屏於

後髻峯左峙旗障右蟠袍山屹立西南籬嶠覆峙東

北前襟三折之清漪後几九峯之蒼翠山環水遶風

氣固萃於斯然而科名猶未蔚起且墟里之間室鮮

蓋藏論者以爲山無正對水少停蓄之故其信然與
何以生聚教訓不事乞靈於山川泣茲土者所當殫
厥心矣

里畝 鄉村附

宋分四鄉曰勝運興化太平金豐二團曰平原來蘇五里

曰平安安豐來蘇古田鱉砂

楊志宋行經界法淳熙中汀州布衣雷衡申奏稱上

杭十二鄉團而開慶志所載止此蓋安豐有上下故爲十二也元仍其名明洪武十四

年知縣鄧致中丈量田畝改鄉團併爲十里曰在城勝
運溪南來蘇古田平安太平白砂金豐豐田統九十二
畝後漸省爲五十九畝成化十五年分金豐四畝豐田

上杭縣志

區域

二五

四畝及勝運二畝溪南五畝太平四畝共十九畝隸永
定縣實轄八里統畝四十

國朝因之

在城里

宋來蘇里明編戶十三畝今仍統畝一十三

勝運里

縣東南宋勝運鄉明初編戶十六畝後省五成
化十四年分二畝隸永定存畝九弘治五年增

一嘉靖十一年又增
一今存畝十一

溪南里

縣南宋興化鄉明初編戶九畝後省三又分五
畝隸永定今存畝一

來蘇里

縣南宋來蘇團明編戶四畝今仍統畝四

古田里

縣東宋古田里明初編戶七畝後省二嘉靖十
一年又省一今存畝四

平安里

縣北宋平原團平安里明初編戶四畝後省二
今存畝二

太平里

縣東南宋太平鄉明初編戶九畝後省四又分四畝隸永定今存畝一

白砂里

縣東宋鑿沙里明初編戶十畝後省五弘治五年又省一今存畝四

鄉村

水埔 逕口

楊公嶺 舊州河口

嚴逕 三隘

巖頭舖

黃砂嶺

玉女下

水南

長埧頭

張灘

土埔

黃砂口

竹竒頭

高第○以上在城里

高寨嶺

安鄉有集場

盧豐有集場

石牌前 官田

湯湖

小官田

湖洋

藍家渡有集場

郭坊

大坪

湖 埧頭

山背

湖子裏

大沽村

棉村

黃潭

三坪

張田背

大洋埧

湯邊

黃巖

磔頭

上杭縣志

區域

三

大地

許竹坑○以上勝運里

三畝裏

河頭城

貓兒竹下

池溪

三埧

張坑

豐市

漁磯石○以上溪南里

竹山下

大屋場

軍營前有集場

鹽井鄉

鹹水湖

張坊磔下

上徐坑

俱屬上都

杜坑

古基坑

竹山

背 林塘

長岡寨

古坊

陳坑

宮前

有集場

由

順坊

塘下

招錢岡

長富坑

田背

興寨岡

有集

場

蛟塘

水坑

黃田

師姑坑

俱屬中都

沙布

八

字陂

舊寨

田梓

半逕

黃坑

豪康

南蛇渡

有集場○俱屬下都

○以上來蘇里

賴坊 鮮水塘 小吳地 塘下 蛟洋 郭車 東

乾 陳坊 亭園 塔裏○以上古田里

鍾寮場 舊縣場有集 財溪 官庄 有集 藍屋 迴

龍 磁坑 鬼湖 葛坊村 曾坑寮○以上平安里

梅溪寨 石圳潭 錢坊○以上太平里

石灰嶺 將軍橋 白砂墟 花園 華家亭 蘿蔔

角 交陽 蘇坑 丘坊○以上白沙里

縣境山谿多而村寨少重以瀕年海氛寇變蹂躪所
及烟火蕭然一絲一事經行日擊發嘆特幸入此條
於里尚之下焉於縣界保其暗太平之盛耳

上杭縣志

區城

十四

論曰邑之有疆域者必據四封之謂也凡山川之險
易田疇之廣狹四境民居之聚散五方客貨之通塞
以及盜賊之聚散等為功為罪無不於此是問分土而
准責其重矣杭邑地處山少恒產艱也複嶂幽溪震
隣警邑近且軍旅之治室家永寧穀賤之傷貿易未
集或深溝自之憂惟是嚴斥埃申保甲以防其害勸
農恤商以培其基要期無負畫疆定域之義則庶幾
乎

上杭縣志卷之二

上杭縣知縣長洲蔣廷銓纂修

建置志

城池

公署

街巷

津梁

陂隄

坊表

寺觀

古蹟

塚墓

溯縣未立以前山陬水澨規制未周遑言聲教旣已張官置吏則保障固焉體統肅焉凡有關於民社者賴有前模班班可考審時揆勢振舉而光大之母曰古今人不相及也

城池

縣城自宋乾道遷今治至端平元年知縣事趙時鉞創築

上杭縣志

建置

一

周迴一百六十步轉車激水注爲濠池覆以茅竹尋燬於火淳佑六年知縣事趙希詭更築縮其址而小之復圯於水寶祐二年知縣事潘景丑重修石址甃甃而瓦覆之元至正間頽圯殆盡攝縣事鄭從吉拓舊址復築焉周迴五百一十五丈高一丈爲門七各建樓其上後復圯明洪武十八年來蘇里鍾子仁作亂邑民周子禮郭原中等白知縣鄧致中加修築甫畢而賊至民賴以全歲久復圯正統十四年沙尤寇至無備縣爲所破景泰四年知縣黃希禮從邑民鄭仕敬孔文昌等議奏請復築于六年興工至天順六年溪南賊李宗政闕永華

作亂工沮寇平御史伍驥奏調汀州衛右千戶所官軍駐杭守禦成化二年御史朱賢及僉事牟俸等以城隘不足居軍命知縣胡鉞斥而大之

邑民郭明德唐紀等輸財供役

八年

城成周一千四百二十四丈六尺基廣二丈南臨大溪砌以石高三丈有奇東西北並砌以甃高減南三之一濠廣二丈深半之爲門七東曰昭陽西曰通駟南曰通濟北曰迎恩上南曰興文中南曰陽明下南曰太平各建敵樓其上周城爲守宿之舖三十有三正德十年南門敵樓壞知縣謝浩修造隆慶四年知縣周喬登浚西北城濠深廣加舊三之一

召民賃佃歲租十九兩有奇備修城費

萬曆四

上杭縣志

建置

二

十四年知縣李自華重修四圍雉堞俱用三合土塗塞堅固崇禎十年知縣盧躍龍增城垛五尺東西北三門俱築郭護之

國朝康熙十六年上南第三舖城崩一十二丈餘十八年下南第七舖城崩八丈七尺皆知縣甯維邦修築二十年南門敵樓爲雷火所焚二十四年北門敵樓圯知縣蔣廷銓前後捐俸重修

顏南樓額曰擁青

撫民館城在溪南里三畝中坪明嘉靖三十七年知府徐中行請於兵備王時槐命長汀典史王相督築之城周

一百七十二丈高一丈六尺北門一中建公館一左右

兵房各五間城內官房七所民房六所隆慶五年通判
毛子翼修之萬曆四年建兵備行臺

河頭城在溪南里四面河頭坪明萬曆四年兵備尹校檄
通判潘侃典史李鑰百戶康瑤督築周四百三十七丈
高一丈八尺東西南門三北爲水門中建府縣所公館
凡三城內民房二十四所茅店三十五間城外兵房四
十間教場在西河背夫子山

巖前城在縣西八十里武平南六十里界連廣東明崇禎
初廣寇剽掠上杭武平長汀等縣巡道顧元鏡會同知
府竈繼良同知黃色中本縣知縣陳正中率堪輿黃敬

上杭縣志

建置

三

賢親詣巖前相視要害議設屯防禦詳院題允建築周
四百二十丈高一丈六尺設四門東迎禧西靖遠南阜
安北寶良城樓四窩舖二十四瞭望臺三兵房一百二
十間公館一所鳩工於崇禎五年八月告成於六年十
一月

其工費動支本縣河稅三千兩院司道府縣協助
五千兩不足上杭武平二縣更爲措置合萬餘金

論曰設險以守爲固圉之要圖縣自築城以來規制
悉具繼守茲土要於缺者則修廢者則補重其費民
財傷民力也三城之築數十年而一剝舉今日遑言
有所更置惟是所修者旣虞漸缺已補者恐將復廢
是在邑之人士毋忘遠圖司牧者寧不重軫時艱也

耶

公署

縣治在城之中近南宋乾道七年知縣事陳朝章劄建紹熙二年建主簿廳於其東縣尉廳於其西鹽倉在縣廳之西廡紹定三年寧化賊入寇被燬端平元年知縣事趙時鉞重建淳祐三年圯於水寶佑五年知縣事李務行重建正廳又米倉諸色官錢庫俱在縣內興廢年月無考元至正二十年江

西陳友諒別部破縣又燬二十五年達魯花赤伯顏重建之明洪武三年知縣夏煜立申明亭於縣門右十五年舊作十年誤知縣鄧致中建譙樓十七年又立旌善亭於

上杭縣志

建置

四

縣門左

正統末燬後改為巡警舖嘉靖十九年知縣伍遵重立于譙樓西今廢

正統十四

年盡燬于沙尤之寇景泰二年知縣楊瑾重建中爲正

堂後爲川堂堂後爲知縣宅左爲縣丞宅

今入縣宅內

右爲

主簿宅

今改縣丞宅

典史宅在縣丞宅南

弘治初徙主簿宅南今在縣丞宅左

吏舍二十間在主簿宅南

今在典史宅右

正堂之左爲贊政廳

右爲儀仗房

今俱廢

堂之兩翼東爲架閣及吏戶禮三房

西爲承發及兵刑工三房甬道中爲戒石亭亭前爲儀

門凡三門外東爲鄒公祠

相傳呼鄉太保又爲土地

西爲監房羈候

所其右畔爲土地祠

明萬曆初主簿周孝改爲七聖宮今移縣堂西北畔

前爲譙

樓一間爲縣大門門外大街之西爲申明亭

萬曆四年知縣錢堯

中改立譙樓西與規制悉備成化三年知縣胡鉞改建
旌善亭同所今廢

譙樓凡五間高五丈弘治十二年知縣高以政於川堂東作庫

房三間正德二年譙樓災十年知縣謝浩重建嘉靖四

十四年署縣斷事吳玄陳猷堪輿言撤去上一層萬曆

六年知縣楊萬春復建如舊制又於樓左立寅賓館

國朝順治十七年知縣翁需重建正堂十八年譙樓災

知縣封珂重建康熙十七年樓復災二十年知縣蔣廷

銓捐俸重建大門三間又改修三堂扁曰恪三二十四年又

捐俸重修架閣庫

儒學公署在學宮明倫堂之右教諭宅一居其中訓導宅

上杭縣志

建置

五

二居教諭宅之前後今前訓導宅地堂之左為儀門左下前為

大門明嘉靖三十年知縣趙文同遷學同時重建

國朝順治十一年教諭陳奎光以學門紆曲易民地拓

基改建之邑民陳志捐地三丈額其路曰登龍門兩舊志成化十

靖三十年遷學皆以學署在明倫堂左誤也惟府志以堂右門內為教諭訓導公廨云

守禦千戶所在城北隅明成化三年調汀州衛右所官軍

駐防僉事牟倅議卜地創治於此先建正廳五間五年

復檄指揮李傑通判吳恒規畫老人郭明德督工於正廳後建

川堂一間後堂五間鎮撫廳吏目廳各三間在正廳左

右軍吏房六間在正廳前東西甬道中為屏門一座前

爲儀門五間百戶廳十間在儀門前東西外爲門前三間旗纛廟在正北中爲堂前爲正門神厨宰牲房皆具

今圯惟存中堂三間
每歲霜降日致祭

土地祠在東畔軍器庫七間在廟

前之東牢房在鎮撫廳後通繚以垣

國朝順治初所官裁所治頽圯十八年合邑里民糾貲改修爲安插海上投誠總兵蔡祿衙署其軍器局在所東之北門街左右爲房各五間軍營房與所治相附分東西以居之

今爲經臨
上司行署

際留倉明洪武十三年知縣劉亨翔建在縣儀門外左成化三年改建于城東北隅中爲堂三間左右倉四間貯

上杭縣志

建置

六

積本縣額米每年奉文支解軍儲

教場在城外西北隅一里許

廣六十三丈四尺
袤二十五丈七尺

中爲演武

亭三間廂房三間在亭之右崇禎五年知縣陳正中又

建報忠祠於其右

功加守備許勝陳德隆各
捐貲以祀勦寇陣亡者

後亭圯

國朝康熙二十年知縣蔣廷銓捐俸重建

駐防右營遊擊公署在縣北卽舊布政分司

國朝順治四年改今署

布政分司舊在縣東十步

卽稅課
局也

明成化六年叅政趙昌

病其湫隘檄通判吳桓縣丞陳清改建於縣東北射圃西隙地中建正堂五間左右爲耳房各三間後爲川堂

一間燕處堂三間厨房浴室副焉堂前甬道中爲屏門
屏前爲儀門三間又其前爲外門周繚以垣老人羅
久漸圯萬曆三年巡道王喬桂檄知縣錢堯中改建於
縣北舊學之址規制一如其舊委典史周崑督工
分駐縣防今爲
右營遊擊公署
縣順治四年設鎮

分巡漳南道署在縣東二十五步元爲廉訪司明洪武初
爲按察分司歲久漸圯十五年舊作十二年誤知縣鄧致中重
修之二十八年改爲建寧道成化六年改今署九年僉
事周謨檄同知程熙知縣蕭宏改造老人郭明中建正
堂五間後爲川堂書吏房厨役房附焉正堂前左右爲

上杭縣志

建置

七

耳房各三間甬道前爲儀門又前爲大門各三間二十
三年來蘇里賊衆猖獗僉事伍希閔專駐上杭弘治
元年寇平乃檄知事周琛重規畫之老人梁憲周仕於
後堂之前增建中堂一大間堂後限以墻墻北爲內宅
建重堂五間中爲寢室庖井涵涵俱具寢室後爲花臺
萊園通繚以垣正德九年僉事胡璉建後樂堂于寢室
後十四年僉事周期雍建戟門樓於儀門東又樹石坊
牌於大門之前東口整肅
西曰節鎮嘉靖三年僉事王俊民委通
判楊太古措置無碍官錢拓員東偏民地建堂三前爲
養正中爲遵憲後爲閱古又添設土地祠舊有祠在八
門左畔○又

設置店屋逐年縣收賃租以備公用三十二年戕兵樓燬僉事梁佐重建

改名澄遠

府志楊志皆作二十三年誤

四十二年僉事金淵重修卽

東偏地爲小教場隆慶五年僉事王喬桂卽舊賞功所

立問俗亭

在大門之前北向今祀關聖

萬曆二十二年僉事王建中

於教場左一區建觀音堂三十五年副使程朝京重修

澄遠樓改觀音堂爲閣

國朝康熙三年守道陳啟泰割縣治東偏地北自內署

南抵大門鄒公祠廣凡六尺并入道署十八年守道周

昌重修澄遠樓易觀音閣爲梅花閣二十一年衙門奉

裁歸併巡海道兼理

上杭縣志

建置

八

察院行臺在縣東北舊爲射圃明弘治元年駐杭巡道伍

希閔檄知事周琛規畫創建移射圃於東南隅拓其舊

基

廣一
百丈

中爲澄清堂五間左右耳房各三間堂前爲大

門堂後爲清風亭又後爲退思堂三間兩厦翼以小屋

偏厦厨房浴室在焉開北軒空地爲方圃周繚以垣

光人

鄧奎梁
宏督工

正德十四年南贛巡撫王守仁征漳寇駐節於

此遇旱而雨因改清風亭爲時雨堂崇禎四年巡道顧

元鏡檄知縣陳正中修之後漸圯

國朝康熙十九年知縣蔣廷銓重修時雨堂建大門三

間講堂三間東西耳房二間詳請守道周昌設爲社學

府公館舊在縣東十步

即舊布政分司

明成化七年知縣孫安改

爲之嘉靖二十九年以其地易民居遷學知縣趙文同因改建於縣東北射圃餘地中爲正堂後爲川堂左右爲耳房前折西向爲大門至三十三年乃成今地

公署以居職官志公署亦以志職官也官別尊卑則署宜分前後何以舊志分司行臺公館皆列縣治儒學守禦所之後蓋凡憲節所駐非省卽府蒞治不專於縣無容援上以飾觀耳至成化以來巡道常川駐杭故崇禎間府志獨列漳南道署於府縣治之前今旣奉裁亦同各憲之行臺矣仍照舊志序列卽以著

上杭縣志

建置

九

昭代之制也

平西驛舊在縣東勝運里小拔湯前明成化六年設漳南

道關路通龍巖僉事周謨檄通判吳桓營建於此

老人曾建

督工嘉靖十九年僉事侯廷訓改路從永定因移驛於永

定縣治之西其官俸兵徭仍屬本縣崇禎元年驛丞裁

藍屋驛在縣北平安里明成化十年巡撫張瑄以縣距府

三百餘里奏徙清流玉華驛置此檄同知程熙覘建

以老

人郭明德督工

弘治二年知府黃理奏玉華驛不可省乃另設

驛於藍屋崇禎四年燬於寇知縣陳正中重修建之

國朝驛丞裁驛廢爲空驛

陰陽學明洪武十八年開設於縣治譙樓之西無解舍景泰三年典史童慶始構屋二楹成化十五年知縣石塘重建萬曆四年知縣錢堯中改與醫學同所今廢

醫學明洪武十八年開設在譙樓東舊為惠民藥局正統末燬於

寇成化十九年知縣李曰思重建今廢

僧會司明洪武十五年開設僧會永隆附於天王寺內左畔成化十年僧宗鑑另於司前開路

道會司明洪武十五年開設道會雲巖附於東巖宮天順五年道士俞翀虛構屋三間于三清殿之左後燬萬曆三年知縣錢堯中移設城隍廟東廡

上杭縣志

建置

十

悅洋公館在縣西北四十里武平界明弘治三年僉事伍希閔以縣至藍屋道經武平黃柏凡百五十里宜取逕水浦省三之一悅洋爲其中途因設置於此老人林崧督工

盧豐公館在縣東南三十里明嘉靖十九年僉事侯廷訓開路通永定置此

縣故有巡檢司二興化鄉設於明洪武之五年太平設於正統之十四年後已屬永定矣其公館之在撫民城者一河頭城者三巖前城者一俱在城池志中故不月紀至杭川大沾已廢公館凡二列之古蹟以其存廢無甚關於縣也

論曰朝廷設官以任事卽立署以居官計官階之崇卑爲公署之大小寧有缺焉况杭邑素號巖疆風憲之節鉞臨之分閫之防禦駐之職司綦重前人於土木之務不憚經畫固非以娛意騁觀也比來憲司行署日就頽圯卽驛舍陰陽學之屬亦廢者過半將圖營繕物力維艱寄膺百里每有不遑寧處之思循舊緒而修其所當修是所望於後之人爾

街巷

舖界附

十字街

縣前袤六百餘丈廣丈餘東通昭陽門西通通驛門前通濟門後通所前新街至迎恩門舊砌卵石明宣德十年縣丞楊孜易以磚歲久歲成化十一年者民郭明德等易石板凡二千一百四十知縣蕭宏有

上杭縣志

建置

十一

記貯真君廟

小街

一在縣西大街南東通進士坊巷西通西門一在縣北東通察院行臺抵昭陽門西通塘頭巷今名中街

新街

卽岡背街在所前廣二丈東通昭陽門西抵通驛門明成化二年僉事牟俸拓城基新開今名岡背

北門街

在所東明成化二年設所新開北通迎恩門南通所前岡背砌以石板

鎮東街

昭陽門外舊爲桑園明成化二年以園易民地置千戶所徙民居之東抵仁聖宮西抵昭陽門初砌

小石嘉靖十一年義民世用易石板○以上見舊志○按楊志十字街二小街皆宋乾道間開置

驛街

通驛門外西抵驛馬橋東抵通驛門砌以石板○各志未載

塘頭巷

縣西天王寺左一在北南接大街北抵中街一在南北接大街南通小街今呼忠憲坊巷

肥株巷

縣西北接大街南通小街一在北南抵大街北通中街一在南北接大街南通小街

新巷

縣東東竺寺左南抵大街○此三巷見舊志

岡背巷

縣後南通中街北通岡背卽謝巷

郭坊巷

縣東南抵大街北通岡背卽官佃前巷○按楊志岡背塘頭肥株郭坊四巷俱宋乾道間開置

貞節巷

舊巷左南通大街北通東城

司前巷

儒學東世美坊下南抵大街北通岡背

十字巷

縣治西四十步一在大街北通所前一在大街南

清泉巷

在通所前十字巷後西通康巷

鳳翥巷

靈微廟左一在北南抵大街北通中街又名康巷一在南北抵大街南通陽明門又名水巷

蛇王宮巷

靈微廟右南抵大街北通中街

曾巷

多史坊左南抵大街北通中街

水巷

在塘頭巷南南通太平宮背巷在肥株巷下南通大街北通岡背

孔巷

縣治西南抵大街北通岡背

上杭縣志

建置

詹巷

在通駟門城腳下水圳巷在縣治東北西通貞節巷

射箭亭巷

在縣東北新巷內西通司前街

大墓坪巷

縣東北南通中街北通新街

元慶堂巷

在縣北所西北通百果園

馬氏井巷

縣西北岡背街南

舖界

第一舖

在昭陽門外東至潭頭淨土園西至城門南由鎮中街至溪河北由涸湖至石牌岡止

第二舖

在真君廟前起東至城門止西由貞節巷舊巷新巷至興文門街東畔止與三舖隔界南至城

止北由水圳巷上中街岡背街至常平倉馬王廟橫巷止與四舖元舖隔界

第三舖

在儒學前起東至興文門街西畔止與二舖隔界西至通濟門街東畔止與五舖隔界南至城

止北由褒忠祠儒學巷官店前巷至城隍廟背止
與四舖隔界

第四舖在察院前起東由新巷至鑊底塘巷止與二舖

由褒忠祠儒學巷官店前巷至城隍廟背止與三舖
隔界北由鑊底塘巷司前巷大墓坪巷至丁巷止與

元舖隔界

第五舖在十字街起東至通濟門街西畔止與三舖隔

界西至豸史坊井邊止與六舖隔界南由岳王
閣進士坊巷水巷至張染巷止與七舖隔界北由康

第六舖在天王寺前起東由忠憲坊至豸史坊止與五

舖隔界西由肥株巷巷宮背巷孔巷至通驪門止
南由水巷肥株巷乾圳巷至城隍廟背巷止與八舖隔

界北由城脚至涵澗頭又岡背街至汪公井邊止與

第七舖在陽明門小街起東至岳王閣後藍巷止西至

上杭縣志

建置

十三

坊巷水巷至張染
巷止與五舖隔界

第八舖在太平門小街起東至張染巷口止與七舖隔

界西由三元閣西城至詹巷口止與六舖隔界
南至城牆止北由太平門水

第九舖在冷舖前起東由上中街至岡背巷口止與四

舖隔界西由下中街至康巷口止與十舖隔界
南由清泉巷至進士坊止與五舖隔界北由岡背巷

口所前至馬氏井巷止與利舖貞舖十舖隔界又募
迎恩門外牛

第十舖在下中街起東至康巷口止與九舖隔界西由

蛇王宮巷黃巷至曾巷止與九舖五舖隔界北由岡
背街馬氏井巷口麻竹巷至汪公井邊止與九舖貞

舖六舖
隔界

第十一舖在通驪門外東至城門止西由大巷口三坑
鄉至黃田鄉等止南由鑄鍋巷至西津止北

山仙人鄉老君鄉
至藍地鄉等止

第十二舖 在水南東至長壩頭土埔止西至石壁潭止

第十三舖 在張灘東由高第至小官田止西由壑上至
礮裏止南由廖坑至棟笏峯又馬尾灘至黃

泥壠止北至
張灘渡止

元字舖 在鎮龍宮邊起東至常平倉馬王廟橫巷止與
二舖隔界西至分司東橫巷止與亨舖隔界南

至岡背街北畔止與二舖
四舖隔界北至城牆止

亨字舖 在分司前起東至橫巷西畔止與元舖隔界西
至迎恩門大街東畔止與利舖隔界南至岡背

街北畔止與四舖
隔界北至城牆止

利字舖 在關帝廟前起東至迎恩門大街西畔止與亨
舖隔界西至天仙宮井巷止與貞舖隔界南由

太子宮西畔至岡背街北畔止與九舖隔界北至城
牆止

上杭縣志

建置

十四

貞字舖

在百果園起東至所西元慶堂巷止與利舖隔
界西由老觀音堂福興堂彌陀庵至涵澗頭止
與十舖六舖隔界南由閣巷七聖宮至岡背街北畔
止與九舖十舖隔界北至城牆止

論曰宋志稱陳令朝章之建治厯井塗徑俱有條理

可見其初區畫已審所以歷經增置規模可觀蓋執

功用民之力而經營非民之事也若各舖分界不知

始自何時按其規制殊得犬牙繡錯之義界址既定

攝以鄉約地方凡覺察巡警之事有所責成固立法

周密之一端前志未及併附錄之

津梁

駟馬橋 縣西門外一里舊名通駟立木為梁宋慶元間壘
石為址改今名後比明永樂九年邑人周永定料

其族捐貲重建景泰間圯成化十年知縣蕭宏委耆民孔文昌郭明德等督工立石柱四十為屋九間隆慶六年耆民周存禮募族人重修砌以石板

浮橋

明正統三年創建在縣南門外成化十年僉事余諒移建東潭頭未幾壞於水十二年重建用船三十二

艘貫鐵索二於兩岸鑿石拴繫之復廢正德十二年南顧巡撫王守仁泣鎮又移水南名陽明橋尋又廢嘉靖二十年巡道侯廷訓重建為舟四十有五萬曆三十六年知縣倪應眷重修俗呼倪公渡自後時圯時修

東街橋

縣東明成化五年邑人林節砌石嘉靖三十五年水圯

將軍橋

縣東北白砂里石址上覆屋

鄭坑橋

白砂里架木為之上覆屋○以上見舊志

豐濟橋

勝運里木梁而屋○楊志作惠濟

就安橋

縣西北水埔舖卽捲籠橋

上杭縣志

建置

十五

便民橋

縣東南十里在舖前明嘉靖三十七年水圯隆慶四年里民募建易木以石

安鄉橋

縣東二十里隆慶二年水圯四年邑人李文昌募建石址而屋崇禎十四年又圯邑人丘敦信童俊

章重倡建之○楊志四橋皆見嘉靖志其年無考

青龍橋

潭頭渡口明嘉靖十九年巡道侯廷訓營建肇十有九屋三十六間至三十七年水圯○見楊志

逕口橋

在城里萬曆十二年邑民丁希盛更以石半店橋邑民黃錄於國朝順治六年捐石造

迴龍渡

縣北平安里

禾溪渡

平安里在藍屋驛上

江尾渡

平安里在藍屋驛下梅溪渡縣北在城里梅溪寨○舊志總作藍屋渡

南塔渡

縣南在城里隔岸為水南渡縣南在城里○今名南塔寺

張灘渡

縣南在城里

語口渡

縣東在城里

潭頭渡

縣東門外

水西渡

縣東北在城里溪水自此西流

黃坎渡 縣東勝運里

藍家渡 勝運里安仁寺前

豐稔渡 勝運里豐稔寺前○

南蛇渡 縣南來蘇里下都

水埔渡 與澗頭渡俱縣北在

澗頭渡 二渡俱明弘治二年

按蕭志渡之載於舊志者縣東十五里爲苦竹西二

十五里爲斑竹南八十里爲三架又來蘇里之丁口

勝運里之赤水石鐘今皆廢云

陂隄 井附

梁陂 縣西二里宋時鄉民梁姓募衆爲石陂方廣數十丈

高陂 太平里高尋餘長數倍之溉田甚廣亦宋時置○杭

大陂 勝運里乾田明洪武間鄉宦劉秀實倡衆築堰溉田

上杭縣志 建置

十六

官陂 白砂里蓄水溉田每歲官爲修之

瀨溪堤 瀨溪口溪水出口空逆上明崇禎間巡道朱大典

井

甘泉井 縣西十字街北巷內宋乾道間開其水重於他

靈源井 縣西一里宋乾道間開大旱不涸潦亦不溢

觀音井 琴岡後澄清不竭旁流可溉田舊構屋其上奉

龍泉井 勝運里石牌嶺前水自石罅中流出里民架屋

石固井 縣西石固廟前明洪武四年邑民黃均菊開天

射圃井 初在射圃西南明天順間邑民梁材等開今呼

所前井 在千戶所前東畔未設所時先開

普濟井

縣治西二百步明成化六年邑民吳綱等琢石

應星井

縣東北小街巷內明成化六年邑民林沐等重

岡背井

縣西北小街明成化間邑民黃瑛開今呼馬氏

新開井

縣西南小街明成化間邑民張詢等開在今三

東門井

昭陽門內明成化二年築城民艱於汲邑庠生

西門井

城樓下明成化二年邑民募開亦名觀音井○

豸史井

縣西大街豸史坊下明弘治間邑民募開

汪公井

肥株巷口明嘉靖中知縣汪應奎捐俸倡開

官店前井

在大街之北小街之南明嘉靖中邑民募開

天王寺井

在寺內僧

東竺寺井

在寺內

上杭縣志

建置

十七

觀音堂井

縣北亨字舖

關帝廟井

在廟前

鎮龍宮井

在宮後

將軍廟井

千戶所右

四角井

一在分司西一

大墓坪井

在巷左

麻竹井

在常平倉東

土井

在涵澗頭

論曰民不病涉政在成梁顧邑處叢山之中溪流一

綫時時漲溢奔衝爲患屢見於往事此沿溪設渡所

爲因勢以濟其窮也至築堤以資蓄洩浚井以便汲

用皆通水利之遺意幸前之人爲之經始今惟有修

舉而無廢墜足以惠民矣

坊表

朝宸坊

縣西大街宋乾道七年知縣事陳朝章立明洪武九年知縣劉亨重建正統末燬于寇景泰元年知

縣岑嵩復建今廢○舊志皆作朝紳今從楊志府志

登俊坊

東竺寺前宋乾道間立久圯

宣德坊

天王寺西宋乾道間立久圯

登第坊

縣西大街明永樂三年為舉人陳詳立

擢秀坊

縣東大街明永樂六年為舉人林顯立

登雲坊

縣西大街明永樂六年為舉人陳觀立

步蟾坊

縣南小街明永樂九年為舉人游瑩立

搏鵬坊

縣西巷北明永樂十年為舉人劉立

進士坊

縣東大街明永樂十年為進士梁弼立

進士坊

縣南小街明永樂十年為進士李立

進士坊

縣西十字街永樂十年為進士羅經立

進士坊

東竺寺左明永樂十年為進士周弘立

梯雲坊

縣北所前明宣德十年為舉人陳選立

應奎坊

縣西大街明宣德十年為舉人張禎立

忠憲坊

縣西明正統元年為御史陳詳立

勇冠坊

縣西大街明正統間為御史周弘立

繡衣坊

縣西申明亭前正統間為御史羅經立

上杭縣志

建置

十八

文光坊

縣東大街景泰元年為舉人郭緒張弘立

亞元坊

縣前左明天順三年為舉人丘弘立

登雲坊

縣前右明天順三年為舉人羅懿立

進士坊

儒學左明天順八年為進士丘弘立

都諫坊

縣北成化三年為戶科都給事中丘弘立

拔秀坊

城隍廟左明成化四年為舉人李楫立

觀光坊

儒學右明成化七年為舉人郭資立

褒忠坊

學東成化八年為御史伍驥指揮丁泉立

進士坊

縣東明成化十一年為進士李楫郭資立

鸚鵡坊

縣西明弘治十二年為舉人周格立

鳳翥坊

縣西明弘治十二年為舉人溫明立

豸史坊

縣西明弘治十二年為御史郭資立

進士坊

儒學右明弘治十五年為進士梁喬立

世美坊

儒學左明正德二年為舉人吳珂立

進士坊

東竺寺左明正德六年為進士周勳立

五馬坊

縣治前明正德十二年為知府梁喬立

整肅坊

漳南道左

節鎮坊

道右○俱正德十四年僉事周期雍立

榮褒坊

縣東明嘉靖二年為封御史丘廷鳳立

薦繡坊

察院前右街嘉靖二年為御史丘道隆立

京兆坊

縣東明嘉靖二十九年為治中丘道明立
額俊坊 縣西明萬曆三年為

柱史坊

縣西明萬曆四年為
步雲坊 天王寺右明萬曆十

世承天寵坊

縣治東明萬曆中為贈推官張大本同知張

流芳坊

察院行臺前右街明萬曆二十九年為封奉議大

進士坊

縣西明崇禎元年為
進士坊 縣西國朝順治十八

雙節坊

縣西小街明成化七年為邵繹紳妻陳氏邵繹

貞節坊

縣東大街北巷內明正德二年為梁時亨妻林氏

貞節坊

縣西北後街明萬曆四十三年為湯憲德妻周氏

貞節坊

縣西宮背巷明崇禎六年為詹洪妻莫氏立

貞節坊

縣南城上明崇禎六年為羅遜妻郭氏立

上杭縣志

建置

十九

節孝坊

縣後北門街 國朝順治十四年為詹鳴華妻賴

貞女坊

縣後北門街 國朝康熙二十三年為周有仕聘

貞節坊

在安鄉 國朝康熙二十三年為藍蔚文妻林氏

貞節坊

在盧豐鄉 國朝康熙二十四年為包集球妻藍

論曰杭邑坊表之設大半以榮科第非皆古者表厥

宅里之義然先正蔚興文風攸係仰止將在於斯舊

志以圯燬諸坊載之古蹟似失此意茲按年數為序

悉列於右至故明啟禎以後逮入

國朝往往有既顯科名而未經建暨者闕焉無述不敢

飾觀若府志文明坊在縣南邑中從無遺蹟亦不見

各志豈坊里間有所謂興文者乃併訛爲坊表歟

寺觀 塔附

天王寺

縣治西大街晉南唐保大間建於鍾寮場號天王院宋康定間僧戒餘重剏乾道三年隨縣遷今所

元至大間僧石溪改建爲寺至正二十五年僧無盡重建明洪武九年僧正明廣建佛殿五間藏一輪十八年僧永隆建兩廊二十年并爲叢林所永樂元年僧廣淳建天王殿于大殿前又建迴廊山門正統末山門燬於寇成化八年僧會秉瑞重建正德間琢石爲門題杭川第一名山殿額曰祝聖官行慶賀禮先習儀于此

東竺寺

縣治東大街舊在鍾寮場宋熙寧間巡檢馮某建塔一座號東塔院宣和間廢紹興初僧與立重建

乾道三年隨縣遷今所淳佑十一年僧得義重建改今額後燬於寇元至正元年僧志觀重建佛殿明永樂二年僧覺慧廣而新之正統六年僧常靖重建中爲佛殿左右爲廊後爲法堂僧舍前爲山門又臨街爲大門天順七年燬成化二年僧宗鑑募緣琢石爲門護以石欄嘉靖末山門燬僧月珍募修 國朝順治十八年里人

上杭縣志

建置

二十

丘克和饒佩募修大殿○府志寺之基地爲邑人詹山甫所捐施有檀越堂祀山甫

上寶林院

太平里唐乾符間建宋大觀間僧清亮修後燬于寇明洪武二十四年僧紹汶重建成化十一

年僧慧性重修 國朝康熙十一年僧海富重募修之

義合寺

來蘇里唐光化間僧紹基建後燬宋大觀中僧永崇重建元至順二年僧福基重修又燬于寇明洪

武二十七年僧一空新建殿宇輪藏天順間僧秉王重修萬曆二年僧月貴又重募修○天順間里人鍾文智施田三百畝供佛飯僧崇禎間洪水衝決寺僧鬻其什之一爲築防計今存寺田二百七十畝 國朝康熙二十三年後裔邑生鍾用志鍾琳舉人鍾尚志等恐致湮廢屬知縣蔣廷銓爲文立碑于寺

水陸院

鍾寮場宋乾道間建元至大間善信官明德修明成化六年僧慧燉重修崇禎十二年僧海億重修

下寶林院

在城里宋熙寧間建宣和間僧道明修明天順元年僧秉瓊重建 國朝順治五年僧照亮修

西峯寺

平安里宋崇寧間建尋燬僧立元重建元至正間僧如瑛修後圯明天順六年僧秉瑞重建佛殿成

化八年僧元瑞重修并建山門 國朝順治十三年僧性楞重修

禪林寺 來蘇里宋紹興間僧妙傳建元至正間僧永顯修明永樂九年僧常靖重建 國朝康熙十六年僧

德高重修

南塔寺 縣南橫琴岡宋嘉泰間僧雲谷建後造浮圖一級元末燬於寇明洪武二十三年僧永隆重建宣德

六年僧常靖重修 國朝康熙二十二年知縣蔣廷銓捐俸倡修僧晉朗募修 各志作元致和元年誤

安仁寺 勝運里宋景定間僧普慧建明正統間僧常端修成化七年佛像為鄉民所毀僧惠昭迎供南塔寺

舊像隆慶元年僧日聰重修 國朝康熙十六年僧普晉重募修 舊志皆作元景定按景定宋理宗年號

豐稔寺 勝運里宋咸淳間僧振輕始建為庵元至正三年僧元遇增建殿宇明洪武十四年僧永隆重修輪

藏宣德元年僧月瑩重修嘉靖末廢官鬻其基僅存佛堂三間 國朝順治十七年僧道淵重修

臨江庵 在梅溪寨左宋末建元燬于寇明永樂十二年邑人郭均保重建天順元年邑人游闢等重修建

上杭縣志

建置

三

國朝順治十年僧本明重募修

黃巖庵 勝運里元至大間僧志深建明天順二年僧以紳修天啓六年僧志圓重修

彌陀庵 縣西北滴麻亭巷亦名德慶庵元至正初邑民周宗貴勸建後圯明永樂間具孫永定合族人重建

宣德間燬成化七年永定孫鐸等再建之天啓二年里人林應策等共修 國朝順治十七年丁秉亨等重修

安福庵 勝運里扶竹嶺元元至正間僧道宗建明洪武間僧惟恒修後圯 國朝康熙二十五年邑生梁舉倡

緣僧本傳募修

北山庵 太平里元至正間僧普貴建明天啓二年僧非非重修

東安庵 勝運里綿村舊在東安巖明洪武二十七年遷今所成化五年鄉民何琛等共修後毀于蟻隆慶六

年僧道得募修 國朝順治十三年僧靜浪重修

弘明院 白砂里明洪武三十年僧福玩建成化九年僧慧煥修崇禎七年僧志賀重修

老觀音堂

將北貞字舖明洪武間里人募建萬曆間知縣李自華倡修○舊志不載

禪林庵

平安里明成化四年僧慧燉募修國朝順治八年僧可度重修

圓通庵

舊在圓通山明成化六年僧宗鑑募修并建輪藏國朝順治七年臨濟宗僧九一重修開建叢林

崇福庵

溪南里明成化十一年僧宗華重修○以上俱見舊志國朝康熙二年僧無盡重修

延福寺

古田里明弘治元年合鄉民鄉建萬曆四年僧本仁重修

南泉庵

南塔寺之東庵左有泉清澈不竭明弘治二年邑民溫廖兩姓募建國朝康熙二十二年知縣壽

廷銓捐俸倡修圓通山僧幻庵同僧常映募修

崇福寺

白砂里明弘治八年僧道福募建崇禎七年僧守才重修

白雲寺

白砂里華家亭明弘治十二年僧應祥募建崇禎十六年僧道忠重修

中峯寺

在金山舊名紫金庵明嘉靖三十二年邑紳丘嘉周及梁亨等募建祀真武萬曆四十四年燬于火

上杭縣志

建置

三

獨存真武金像知縣李自華捐俸重倡建之緣首丘可忠董其事

五龍寺

在中峯寺之東舊名神光宮明嘉靖三十二年邑紳丘嘉周等募建亦祀真武萬曆四十年僧如輪

募構閣于寺之東天啓六年巡道朱大典捐俸倡緣遣僧寂光等請南藏經四十一函供閣上因名藏經閣國朝順治七年被水衝去又寺西有滴露樓爲山之幽迥處

飛龍廟

在中峯寺之上里明嘉靖三十四年邑人丘嘉伊嘉周等募建亦祀真武殿址斜側萬曆中邑人

丘敦臨倡募規而正之改額曰金殿崇禎末邑人高守珍重鑄真武像施田供常住

菴源洞

在中峯寺之西明嘉靖三十六年邑紳丘嘉周等募建亦祀真武

塵湖堂

來蘇上都明隆慶二年僧方生募建萬曆四十年僧照嵐重修

盈豐寺

白砂里明萬曆二年僧竹軒募建國朝康熙十六年僧紀軒重修

報恩寺

占川里明萬曆二年賴貴義募建崇禎二年僧慶元重修

觀音堂

縣北亨字舖明萬曆十四年雷氏妙雲爲其父母構奉崇禎十七年里人唐宗傑修之國朝順治

七年巡道張麟然建佛樓于其右付僧覺幻焚修

衆勝庵

在覆籬山明萬曆四十年僧香林開建叢林

福崇寺

古山里明天啓三年鄉民張陳琥倡建僧弘開募緣

白衣庵

縣北迎恩明外國朝順治五年巡道張麟然病中夢感白衣大士遊擊賀國相爲市民居創建

遇慧庵

縣西通駟門外募建僧空霽重修國朝順治五年邑人黃錦構基

紫竹庵

縣北水西渡國朝順治十七年僧佛止募建

祇園庵

縣北迎恩門外國朝康熙十六年僧照采募建

準提禪院

白砂里桂竹嶺國朝康熙十六年邑生鄭維藩捐募創建又構茶亭以飲行者

普圓庵

白砂里國朝康熙十六年僧元鑑募建

上杭縣志

建置

三

法雲禪院

縣西通駟門外南畔國朝康熙十九年臨濟宗僧匪石勸建名古怡山知縣蔣廷銓捐俸助

咸題今額

黃僊師廟

宋乾道時在鍾寮場石峽間遷縣改建于縣治西南小街明洪武二十年邑民丘勝宗募衆重

建正統末燬於寇景泰元年邑民羅震重募建嘉靖二年毀二十年邑民復募建之萬曆間改闢廟門向城上

靈嶽廟

縣治大街俗呼蛇嶽靈螫侯王元末攝縣事鄭從吉於長汀何田奉神建廟今所明洪武二十九年

知縣秦斌重建正統末燬于寇景泰三年典史董慶率民重建嘉靖二年毀二十年邑民復建國朝康熙十

八年邑民重修擴基深之

夫人宮

昭陽門內其神有三舊志有伍吉甫家祀之禱輒應遂蓋庵於此明永樂十三年邑民林參等拓爲

宮宇雀不敢巢景泰間以築城廢成化二年邑民孔文昌等重建今呼天妃宮一在所東北呼隔水仙宮

赤岡廟

縣東大忠廟右舊在迎恩門外赤土岡上祀靈顯靈佑之神明嘉靖二年毀末年復建萬曆二十一

年遷建今所併祀唐許太守遠宋岳忠武

真君廟

縣東街神姓或曰吳或曰許代著顯靈明洪武九年知縣劉亨初建嘉靖二十一年在嘉伊等復募

建之國朝順治十七年里民立克和詹建市重募修

洪山廟

勝運里相傳祀洪山神明永樂五年鄉民吳益富等重建又里民龔濟市施義田四拜以供香火

國朝康熙十七年鄉民李得輝重募修

南臺宮

縣治西溪水南相傳祀關那康三元帥明宣德間邑民朱旻等建嘉靖二年毀三十年朱湖等復建

將軍廟

縣前溪水南相傳祀白兔趙將軍明宣德間合鄉人初建嘉靖四十二年重建○一在縣北貞字舖

天僊宮

縣北所後舊祀碧霞元君明萬曆五年合所軍士重修

塔

高第塔

縣東南相公潭上明萬曆四十三年建知縣李自華主之因地而命名

上杭縣志

建置

二

三元嶺塔

縣南三層嶺明天啓七年巡道朱大典相地形勝相俸倡建

琴岡塔

縣東南明崇禎末巡道馬之圖倡建國朝順治四年署巡道何敦季狗形家言撤去塔頂

龍翔塔

縣治西南之東龍翔溪知縣蔣廷銓捐俸倡建以迴抱三招之水立書

院祀文昌奎宿

論曰邑中公建圯廢待修舉者不一而足而事屬於

官經費倍艱獨緇黃之宇雖罹兵燹旋復莊嚴其隨

劫火而燼者無幾因福田而種者方興信乎因果利

益之說足愚民也但神道設教要以使民遷善遠罪

則導其良心惜其物力亦因俗為政之方矯革無取

過甚矣至其建置先後悉以年代為次序惟天王東

竺兩寺規制既敞且近公署屬目者衆特序其地他志固有先城郭而後鄉村者耳

古蹟

舊州

縣北十五里長汀村唐時郡治自新羅遷此後又遷東坊口四名舊州

盤瑞院

縣南在今勝運里僞閩永隆間建開山之初獲大龜有九龜盤其下故名

盤沙

縣東北宋至道二年縣治自稅梓保遷此卽今白砂里亦名舊縣

語口市

縣北宋咸平二年縣治又自盤沙遷此卽今錢坊過渡處

鍾寮場

縣北宋天聖五年縣治又遷于此以其地平曠仕者賴以安故爲平安里

靈瑞院

舊在通驪橋宋慶曆間始初忽一夕大水漂木數百根積院基人以爲異

天王院後井

在鍾寮場院後嶺下濶三尺深三丈熙寧部使者取水較之最重

上杭縣志

建置

三五

麟符觀

在鍾寮場南宋建炎三年知縣事廖揆勅建端平元年寇熾知縣事趙時鉞改建今縣溪旁元末燬

嶽靈廟

在鍾寮場

靈景廟

在鍾寮場○俱宋乾道前未遷縣時建

吳公井

舊志縣東二百步宋慶元間有龍見井中遷縣後廢○按此當在乾道未遷縣以前若慶元則在乾

道後楊志以爲寶元慶曆之訛○又碧泉井在縣南三十步普濟井在東門外北畔俱乾道遷縣後開今湮塞

稅務

在縣西三十五步

鐵務

在古田○俱宋乾道遷縣後置

興濟場

在縣南一百六十里

嘉興場

在縣南一百五十里

端利場

在縣南一百二十里

通利場

在縣南六十里

永興場

在縣東五十里

金山場

鍾寮場

龍山場

利濟場

語口場

石門場

浮流場

錦豐場

舊志銅場十三俱宋時置前五場置廢年代無考後入場并墓址無考楊志則云天聖後縣再遷場乃盛又以金山利濟龍山石門語口五場屬縣東南以錦豐浮流二場屬縣南據此各場皆乾道以來開置又徐志普陀峯下有白葉場併不詳何時所置○又舊志磚窰在張灘瓦窰在水西渡里人今仍燒造

濁石墟

縣北八十里宋乾道間開置元末廢

靈顯廟

在縣西宋乾道間遷縣後建

東嶽宮

儒學右宋端平間知縣事趙時鉞建明洪武二十五年知縣王彥良重建嘉靖二年毀

蘭省莊

舊興化鄉宋嘉泰四年知縣事謝觀國撥王七一田置年收錢二十一貫積三年給鄉舉赴省試者

上杭縣志

建置

三六

盟鷗閣

舊志在縣東置廢年代基址無考府志宋寶祐二年縣令潘景丑建

惠民藥局

在縣譙樓東元前至正時開置明初卽其地改置醫學○各志不載

龍飯庵

太平里元至順間僧友因建明天順三年合鄉民重修後廢

普陀寺

在雞嶠山普陀峰下寺久廢僅存毘盧閣真武殿山之腰有雲福堂明崇禎十年僧仰雲募建

資福院

平安里明洪武初僧繼源重修後廢

稅課局

縣東十步明洪武間設置正統元年革

綏息亭

縣北十五里明洪武十九年知縣韋貞建

東平王行祠

縣治西二十步明洪武二十五年知縣王彥良建嘉靖中毀

迎恩亭

真君廟前明洪武末知縣秦斌建後燬景泰初邑人黃澄等重建成化中遷建儒學前爲桂香亭

羊厨山爐

來蘇里明永樂八年在城里人葉大奴建

雞谷巖爐

古田里明永樂八年本里人在得安建

赤勾爐

古田里明永樂十年本里人周子清建

桐山炕爐

白砂里明永樂十二年本里人丘萬二建

舊志鐵爐一十三座皆明洪武永樂間各里民所建歲課鐵九萬餘觔其後溪南里進寶堯坑豐角雙髻水口龍門上畚勝運里跳魚太平里黃公山九爐俱屬永定在縣止存爐四嘉靖初道府各官以頻歲盜發由冶場聚眾所致乃議除之歲課十年不徵至十二年布政司復徵額銀積七千四百五十兩有奇知縣馬節議請派於七縣巡按御史方厓允議以丁料銀代足其額後罷徵

接官亭

水西渡西岸明永樂四年縣丞潘義建

泗洲亭

縣南溪岸明永樂九年邑民丁良祖建

玄真觀

縣東明永樂十八年潁州道人劉靜淵劉日華募建祀真武正德間災○伍志舊名麟符觀誤

上杭縣志

建置

二十七

南華寺

來蘇里下都明永樂間僧常靖建成化四年僧慧燉重修後廢

圓通閣

縣南溪岸上明正統元年造浮橋知縣張琳闢地砌建天順四年圯

晏公祠

縣南浮橋頭明正統元年因造橋併建末年燬於寇故址今為陽明門基

真武閣

縣西門城上明正統初建景泰七年因築城廢

水安亭

勝運里水漕迤有清泉明正統間鄉官李致和構亭其側內設坐具飲泉者可憩息

三清殿

在東嶽宮後天順五年義民郭端募建後燬於火

豐濟亭

勝運里螺蛳隔有泉一泓行者掬飲甚眾明成化七年鄉民構亭於此嘉靖間改名息車

桂香亭

儒學前大街南明成化八年僉事周謨建弘治六年巡道伍希閔重建于舊亭址西畔今圯

文峰塔

縣南琴岡明弘治十七年縣丞王獻臣因南塔院舊浮圖一級成之名曰文峯隆慶五年僉事王喬

桂從眾議以不利於學毀去

杭川書院

在琴岡明正德七年署巡道宗璽建嘉靖二年巡道王俊民遷學因遷書院於舊學之址為堂祀朱文公及楊澹軒為石表額曰泰山喬嶽堂兩翼室各三間祀名宦鄉賢堂後為講堂十五年巡道錢世賢重建於琴岡名文峰書院三十年重遷學又移文公祠於此隆慶二年災

松風亭

平安里松風嶺俗呼風傘山明正德十六年僉事周期雍焚山路建之○府志作風吹傘亭

栢林書院

在三田嘉靖初邑紳周勲建

練塘書屋

豐稔寺後明嘉靖中邑紳丘道隆建

大觀亭

在赤岡明嘉靖十九年僉事侯廷訓建為儒學後鎮廷訓及提學田汝成皆有記今亭圯記無考

觀音庵

琴岡背明嘉靖十九年僧無邊募建國朝康熙十三年毀於寇

紀功亭

在通駟門外三里明嘉靖二十四年邑民為署巡道徐緯正界糧立三十二年為巡道梁佐平寇亂附立碑於內至萬曆二十四年巡道王執中再正界糧知縣鄧良佐重建

上杭縣志

建置

二十六

迎春亭

昭陽門外舊為真君堂

接官亭

潭頭渡邊舊為天符宮

息肩亭

潭頭渡隔溪舊為龔劉楊廟○三亭俱嘉靖二十五年知縣汪應奎毀淫祠改名

杭川公館

縣治西明嘉靖三十六年知縣朱世徹即舊東平王行祠改建今廢

大沽公館

勝運來蘇二里間去縣四十里其地有市明嘉靖三十七年通判周廷琮議建館委府幕先核

商貨過船填數至縣輸稅商僧苦之次年徙市于城西門外隆慶五年再徙東門潭頭遂廢

溪南鄉約亭

在三苗明嘉靖四十三年鄉民為府照磨周徵講約立汀人教授李一鏞記今無考

周公亭

通駟門外明隆慶六年為知縣周喬登建

尹公亭

在紀功亭東明萬曆七年為巡道尹校建

鳳南書院

在苦油竹前明萬曆十五年邑紳劉佐建

聚星公館

在襄忠祠之東明萬曆四十三年知縣李自華建崇禎間改祀真武

勸農別墅

在通駟門外倪公祠前明崇禎七年知縣盧躍龍建今改清忠祠

論曰談古蹟者不過山水之奇秀與都會之壯麗若偏隅小邑豈嘗有一於此顧考當時建置之由無論其在官府在里巷要從國計民生起見卽琳宮梵刹亦以崇教祝釐初非靡財勞力者比序次如右置廢之故瞭然覽古興思孰謂徒侈臥遊也至上杭場稅梓保爲縣最初之舊蹟以其析屬永定故從府志之例

塚墓

上杭縣志

建置

二十九

宋知上杭縣事許顏墓

在鍾寮場

元進士連城縣主簿詹子微墓

在七峰山

福州商稅局大使林懋馨墓

在東門外坪內

郭氏祖墓

在縣治北岡背墓有三

明饒州府知府劉秀實墓

在勝運里官田

河南道御史陳德義墓

在北門外盤龍岡

左春坊司諫高琛墓

在安仁寺前

本學訓導胡時墓

在舊射圃之北

武平縣學訓導丘子瞻墓

義士周子禮墓

在白葉垵觀音山

歸安縣知縣高鵬墓

在藍家渡麥坪裏

陵水縣學教諭范金墓

贈廣西道御史周永懋墓

在東門水德祠

進士於潛縣知縣梁弼墓

在東郊坪

進士江西按察司僉事李綸墓

在石壁潭

進士浙江按察司僉事羅經墓

在盤龍岡

進士山西道御史陳詳墓

在縣西石田山

進士廣西道御史周弘墓

在演武亭後

陽春縣知縣曹寧墓

在北郊天井湖

戶部郎中吳湘墓

在湯湖墩上

上杭縣志

建置

陵水縣知縣曹克安墓

在北郊天井湖

贈戶科給事中丘陵宗墓

在安鄉樟壠
○大學士淳安商略表其墓

贈雲南道御史郭後墓

在驕馬橋東北隅

贈兵部職方司郎中梁時衡墓

在東門外將軍地傍

孝子劉敬墓

進士戶科都給事中丘弘墓

在勝運里安鄉

進士戶部主事李楫墓

在西門外教場尾

進士雲南道御史郭資墓

在驕馬橋東北隅

封江西道御史丘廷鳳墓

在勝運里官田

進士紹興府知府梁喬墓

在將軍地

廬州府推官曹能墓

在駟馬橋左

惠州府同知周輅墓

在烏古堪

潮州府推官溫明墓

在南岡

進士徽州府通判周勲墓

在佛嶺

壽張縣知縣吳珂墓

在東門外東澗湖

進士南雄府知府丘道隆墓

在玉女鄉羅圍山

南康府通判何濬墓

連山縣學訓導曹泰墓

在金沙

應天府治中丘道明墓

在竹山

龍南縣學教諭丘佐時墓

在勝運里豐朗

上杭縣志

建置

隱士李穎墓

灤州府同知丘道克墓

在水西渡

臨安縣學訓導丁致卿墓

在梅溪寨白墓下

贈廉州府推官張大本墓

在梅溪榕塘坪

貴州道御史劉佐墓

在苦油竹前

吉安府同知張恩墓

在水埔上坑

常州府通判劉烜墓

在琴岡土埔

贈雞澤縣知縣陳嘉謨墓

在來蘇中都盧坑

嘉定州州同莫若思墓

在舊縣岡背

景寧縣知縣丘敦復墓

在澗頭渡

進士盧氏縣知縣陳于階墓

在來蘇里羅坑

國朝贈常山縣知縣楊汝明墓

在大礫鋪黃坑連塘面上

贈全椒縣知縣藍田璣墓

在湖坊馬山背

榆次縣知縣丘夢鯉墓

贈武進縣知縣郭傑墓

在郭坑上窪

常山縣知縣楊夢吉墓

平江縣知縣黃璘墓

在東郊蚊帳嶺

資縣知縣劉應墓

在西郊山坑裏

論曰邑之通籍者後先接踵而皆未躋賜葬之列東

園秘器邈矣無聞然體魄所託精爽憑之固宜樵採

上杭縣志

建置

三

之所不及豈第孝子慈孫之守護乎至義勇諸公或
急捍禦於維桑或應調發於鄰境往往身膏原野望
絕首丘獨留英風毅氣常在山高水長之間又無俟
過丘墟而生哀已



地 32
163
2

卷之三 版籍志

戶口

土田

賦稅

徭役

河稅

界糧

儲餉

義田

義

卷之四

典秩志

學制

社學

禮禮

壇壝

祠廟

卷之五

武備志

兵防

郵傳

巡警鋪附

寨隘

寇變

上杭縣志

義

上杭縣志卷之三

上杭縣知縣長洲蔣廷銓纂修

版籍志

戶口 儲卹

土田

賦稅

徭役

河稅

界糧

杭故山國耕墾維艱細民之競末作而就食他鄉者所在都有冀其生齒之日登礪确之日闢蓋幾幾乎難之則賦稅徭役輕重緩急之間民命所關全視乎此今自開邑以來凡可考者備載如左源流具存撫字有心可惻然而興矣

戶口

上杭縣志

版籍

一

宋初制戶分主客紹興後詔天下官以生齒多寡為殿最在本縣無考

元定人戶為十等在本縣無考

明洪武十四年始頒黃冊式

於各里備人戶之下開載事產以舊冊開除新收實在四

柱清核之

二十四年定人戶凡一萬一千一百五十八人丁

口凡六萬八千七百二十六自後經十年一審定之永樂以後遞減前額至成化八年戶六千九百一十一口三萬九千八百九十七十八年除分永定縣外實存口四千六百五十五口二萬八千七百六十八嘉靖中五經編審漸增於前四十一年戶四千八百一十九口三



萬三百三至崇禎十五年戶四千八百二十六口三萬
六百七十七

戶口凡七日民軍鹽匠弓兵舖兵醫各以
木等名色占籍

國朝順治八年新定編審除逃亡故絕外實人戶四千八
百二十六戶人口二萬四千五百三十六丁口每五年
重一編審至康熙二十五年屆審額悉如舊

論曰田有常賦而戶無定口一逃亡而戶絕一貧老
而戶虛往例止因糧之多少爲增減是丁之數仍準
於田非準於戶也況杭邑田糧虛浮尚未盡豁且丁
衆之戶無田可耕強半服賈其間宜汰去者宜增入
者頃於兩奉編審時逐漸清出雖加減之數大畧相
等而承頂之苦脫漏之倖庶幾一釐正之由是招徠
勸課生聚象成庶免冒增戶口之愆矣

土田

宋建隆初以田土高下第爲五等於山田又分三等在木
縣無考

元無考

明洪武十四年丈量田地二十四年始定冊凡官民田地
山塘二千七百九十一頃八十八畝二分其冊經十年
一更造之邇年稍增至成化八年爲二千七百九十七
頃九十三畝十八年除分永定縣外實在官民田地山

塘一千八百一十九頃九十九畝至崇禎十五年實一千八百四十二頃六十六畝一分八釐九毫八絲五忽國朝順治八年新造冊仍照原額官民田地山塘一千八百四十二頃六十六畝一分八釐九毫八絲五忽

論曰土田各有界限坐落縣自丈量以來凡爲田地山塘宜一一條分縷析然境內山谿多險初非阡陌相連其坵角之大者爲尋爲丈小者止數尺許所謂形如疊碗如魚鱗如上梯者分散奇零載不勝載且今永定界中當時道遠山深清丈尚多未及所以從前舊志僅登總數也相沿已久豈事更張但使力耕恤端賴司牧者得其方爾

賦稅

無荒蕪之患豪右無隱佔之奸則國課克而民艱賦稅
宋制以土田高下定出產錢分爲五等以人戶貧富爲差其賦有公田有民田有雜變徵輸兩稅一照產錢爲準本縣額管夏稅錢二千六百三十三貫九百四文紐計銀錢草麥四色共九千七百八十三貫九百一十八文錢會各半經紹定之亂端平三年除逃絕戶無徵外重定額實納一千三百八十八貫四百五十五文紐計四色共四千三百十貫五十文錢會各半額管秋苗米

八千六百五十石七斗六升四合端平三年重定額實
納米三千二百七十八石八斗五升根括賊戶撥克梅
溪寨軍食米二百八十七石五斗六升六勺 紹定三
年覈定貢額上供銀九百六十九兩七錢三分大禮銀
二百七十六兩七錢聖節銀二百七十六兩七錢 紹
定三年定課鈔額歲辦春冬衣賜等青冊錢會三千六
百二十六貫一十二文五年以鹽課贍學錢會四百八
十一貫九百三十四文

元初制止徵秋租折三分之二爲鈔元貞二年始定夏稅
其科差法有絲料包銀夫役三項皆視丁力輸辦在木

縣無成額可考

明洪武二十四年造冊分本縣田地山塘爲官民二等分
夏稅鈔秋糧米秋租鈔爲兩稅額定夏稅鈔一百一十
二萬六千九百一十六文秋糧正耗米一萬五千二石
三斗六升八合五勺秋租鈔二百五十萬四千五百二
十八文其官田又分五等一學田一屯田每畝俱科正
耗米七斗一升八合零夏稅鈔七十九文一公田每畝
科正耗米六斗八升一合夏稅鈔七十九文一職田每
畝科正耗米三斗二升六合零夏稅鈔三十六文一廢
寺田每畝科正耗米七斗二升四合零夏稅鈔八十文

一沒官田又分五則其一則田每畝科正耗米八斗四升二合零夏稅鈔八十五文零二則田每畝科正耗米七斗七升六合零夏稅鈔七十七文三則田每畝科正耗米三斗五升二合零夏稅鈔三十六文四則田每畝科正耗米二斗七合零夏稅鈔二十文零五則田每畝科正耗米二斗七合夏稅鈔二十文民田均爲一等每畝科正耗米五升三合五勺夏稅鈔四文其官地山塘每畝科秋租鈔四百文民地山塘每畝科秋租鈔八十文以上通夏稅秋租鈔每積鈔一百文折稅米四升并稅米合算爲官米民米每積官米一石徵官折銀三錢

七釐七毫零積民米一石派本色米三斗九升九合零徵糧料銀四錢零綱徭機站四差銀七錢六分四釐零

此係萬曆間則例洪武至正德間稍有不同前各志未詳無從備載

又歲徵鹽糧米二千

六百九十七石八斗出於丁口

成化間徵鈔後徵折色

農桑絹一

疋絲七兩二錢出於地稅

後改徵折色

歲進厨料員眼荔枝

白黑糖葉茶歲辦弓絃箭翎毛翠毛雜色皮白真黃牛

皮等料俱遞年坐派無定數

後俱徵折料

其稅課局歲徵商

稅鈔官房官地賃鈔酒醋茶課鈔門攤課鈔契本工墨

鈔稅契鈔菴李柿樹鈔窰冶課鈔鐵課等項亦遞年小

有增減

正統元年以額不及三萬貫者革其局歸縣正印官附徵

至成化十四年除

分永定縣外十八年造冊實在夏稅鈔一百四十五錠
四貫八百六十四文秋糧正稅米一萬一百二十七石
二升五合九勺秋租鈔三百八十八錠一貫五百四文
附徵各鈔俱減前額其後續增匠班寺租河稅撙節紙
贖等銀萬曆七年行一條鞭法盡通縣一年中稅糧存
留起運及四差各色總徵均支民以爲便起運有戶禮
工三部定額
存留本省支給中除官俸外一日綱銀自都察院心紅
柴炭至武舉盤纏六十二款一日徭銀自布政司弓兵
至守各祠門子工食二十四款一日機銀自解司克餉
至應役民兵六款一日站銀徑解本府一款俱開載在
前府志
至四十六七八等年每畝續派徵銀九釐通其徵
本色米三千六百六十八石四斗七升八合八勺二抄

上杭縣志

版籍

六

折色銀一萬四千六百八十六兩九錢及天啓二年崇
禎十三年續派藩府膳田皇陵工料因糧輸餉遼餉等
項銀三千三百兩有奇彙入條編例徵

論曰賦稅出於田地杭之田地未嘗日闕則賦稅自
有常經其在宋元不可詳考矣故明初制非不寬恤
萬曆末葉始開加派之端迨啓禎而頻歲議加名目
錯出前府志已有加賦日甚之嘆究之民財旣殫國
祚旋終覽其條例能免橫征暴斂之譏也耶

國朝順治三年平定福建十四年奉

上諭刊頒賦役全書本省錢糧則例俱照萬曆年間凡天

啓崇禎時加增盡行蠲免康熙五年重刊簡明賦役全書發縣查十四年以來徵收小有增減支給互經裁復今所開載正雜錢糧丁口田地額徵數目存留起運款項解支細數一以康熙二十五年爲準

原額戶口人丁男子七千六百四十丁內徵料鹽丁九百四丁每丁徵銀一錢四釐一毫六絲七微九纖七沙共徵銀九十四兩一錢六分一釐三毫六絲四微八纖八沙 徵料鹽差丁六千七百三十六丁每丁徵銀四錢三分五釐九毫三絲九忽五微五纖二沙二塵六埃七漠共徵銀二千九百三十六兩四錢八分八釐八毫二

上杭縣志

版籍

七

絲四忽二纖八沙

婦女一萬六千八百九十六口每口徵鹽鈔銀一分九釐五毫九絲三忽一微八纖三塵共徵銀三百三十一兩四分六釐三毫七絲四忽三微四纖九沙

以上男婦丁口共徵銀三千三百六十一兩六錢九分六釐五毫五絲八忽八微六纖五沙

原額官民田地山塘一千八百四十二頃六十六畝一分八釐九毫八絲五忽內

官田地山塘二十五頃五十六畝三分五釐三毫四絲除墾科稅山二畝九釐三毫八絲附入克餉項下派徵

內徵

官學屯田七頃二十四畝七分三釐六毫每畝徵銀二錢二分一釐一毫六絲一忽九微九沙四塵九埃其徵銀一百六十兩二錢八分三釐九毫九絲七忽六微四纖

拘回公田四十九畝五分每畝徵銀二錢九釐五毫七絲四微七纖三沙一塵共徵銀一十兩三錢七分三釐七毫三絲八忽四微二纖

職田三頃六十五畝七分每畝徵銀一錢三毫二絲五沙七塵六埃九秒共徵銀三十六兩六錢八分七釐二

絲六忽一微二纖

廢寺田一十四畝六分每畝徵銀二錢二分二釐九毫四絲三微九沙五塵八埃共徵銀三兩二錢五分四釐九毫二絲八忽五微二纖

沒官一則田五十九畝四分每畝徵銀二錢五分九釐一毫三絲二忽八纖三塵共徵銀一十五兩三錢九分二釐四毫四絲五忽五微七纖 二則田二畝八分每畝徵銀二錢三分八釐八毫二忽八微九纖五沙七塵共徵銀六錢六分八釐六毫四絲八忽一微一纖 三則田一項五十二畝五分每畝徵銀一錢八釐四毫四

絲一微一纖一沙二塵七埃九秒共徵銀一十六兩五錢三分七釐一毫一絲六忽九微七纖 四則田三十畝每畝徵銀六分三釐八毫二絲四忽九微八纖五沙五塵共徵銀二兩四錢二分五釐三毫四絲九忽四微五纖 五則田九頃五十三畝七分一釐七毫四絲七纖 每畝徵銀六分三釐六毫九絲五忽二微六纖二沙八塵五埃共徵銀六十兩七錢四分七釐二毫八絲四微七纖

地山塘一頃九十五畝四分內除二畝九釐三毫八絲於陞科克餉項下附徵每畝徵銀四分九釐二毫三絲

三忽一微九纖一沙三塵共徵銀九兩五錢一分七釐八絲一忽一微二纖

以上官田地山塘共徵官折銀三百一十五兩八錢八分七釐六毫一絲二忽三微九纖

民田地山塘一千八百一十七頃九畝八分三釐六毫四絲五忽外加官折陞科田地二畝九釐三毫八絲并徵內徵

料增田地一百九十二頃二十七畝八分七釐五毫每畝徵銀三分九釐四毫五忽六纖八沙二塵一埃一秒二漠徵米二升一合三勺五抄五撮五圭六粟四粒三

黍共徵銀七百五十七兩六錢七分五釐七毫二絲五忽九微三纖三沙徵米四百一十石六斗二升二合一勺二抄八撮

料增差曰併苧蔴藍靛棉花地一千三百七十七頃七十五畝一分六釐三毫七絲五忽每畝徵銀八分三毫二絲六忽九微八纖五沙九塵七埃八秒四漠徵米二升一合三勺五抄五撮五圭六粟四粒三黍共徵銀一萬一千六十七兩六分三釐六毫四絲六忽七微一纖六沙徵米二千九百四十二石二斗六升六合三勺五抄六撮

上杭縣志

版籍

十

料增塘地山二百四十七頃六畝七分九釐七毫七絲每畝徵銀二分三釐五毫六絲九忽三微八纖五沙五塵九埃九秒徵米一升二合七勺七抄三撮四圭二粟一粒三黍共徵銀五百八十二兩三錢二分四釐四絲一忽九微三沙徵米三百一十五石五斗九升三勺三抄六撮

克餉官田稅地二畝九釐三毫八絲每畝徵銀四錢二分五釐五毫四絲六忽八微五纖二沙六塵一埃共徵銀八錢九分一釐一絲

以上民田地山塘共徵銀一萬二千四百七兩九錢五

分四釐四毫二絲四忽五微五纖二沙其徵米三千六百六十八石四斗七升八合八勺二抄

以上官民田地山塘其徵銀一萬二千七百二十三兩八錢四分二釐三絲六忽九微四纖二沙本色米三千六百六十八石四斗七升八合八勺二抄

外附雜徵租稅銀三千三百七十一兩六錢九分一釐三毫一絲九忽二微內

寺租銀八十四兩五錢二分五釐

酒稅銀一十二兩

有閏年加徵銀一兩

褒忠祠店租銀一十兩八分

上杭縣志

版籍

十一

本縣撙節紙贖銀一十二兩

原解鹽河稅銀一千二百兩

監費銀二百五十七兩八錢

武平營河稅銀一千三百五十三兩九錢五分

濫額河稅銀二百一十兩六錢一分一釐五毫二絲

原續增陞科米銀四兩三錢八分三釐三毫八絲

續增新墾銀三十六兩三錢四分一釐四毫一絲九忽

二微

原續增牙稅銀九十五兩

續增牙稅銀九十五兩

以上雜項租稅共徵銀三千三百七十一兩六錢九分

一釐三毫一絲九忽二微有閏年加徵銀一兩

以上丁口田地正附徵額銀一萬九千四百五十七兩

二錢二分九釐九毫一絲五忽七沙

外紳衿吏承削免銀七百八十四兩六錢一分四釐七毫

二絲照康熙二十五年奉文為準歲有增減年額不同難以入總通年照易知由單歸入地丁併徵

匠班子辰申年一十六名額徵銀二十八兩八錢 丑

巳酉年九名額徵銀一十六兩二錢 寅午戌年九名

額徵銀一十六兩二錢 卯未亥年一十名額徵銀一

十八兩以上遇有閏年照班每名加徵銀六錢

上杭縣志

版籍

十三

勻貼顏料不敷正價銀三十二兩四錢七分三毫八絲

六忽三微五纖七沙每年奉文估計價值于田米內派徵增減不同難以入總

起運戶部原額折色改折新增價腳鋪墊銀三千四百七

十二兩七錢五分九釐一毫九絲九忽三微三纖順治十四

年賦役全書載明各項

本色辦解顏料蠟茶價腳鋪墊併折色改撥共銀三十

四兩六分七釐五毫二絲七忽二微七纖順治十四年賦役全書載

明各項

裁扣解部併節年裁官共銀一千三百三十六兩三錢

九釐八毫六絲八忽八微自撫院葉疏燭炭銀至本縣儒學訓導官俸工食銀共七

十三款順治十四年賦役全書康熙五年簡明賦役全書載明

續裁扣解部銀二百九十三兩五錢六分九釐八忽九

微一纖

自料剩撥抵硝磺火藥銀至科舉生員併遺才盤費銀共二十款節經奉文在案

禮部原額厨料果品折色價腳銀六百九十二兩四錢

四分六釐三毫六絲七忽二微

順治十四年賦役全書載明各項

工部原額折色新增價腳銀一千五百八十六兩七錢

二分六釐五毫一絲五忽六微四纖

順治十四年賦役全書載明各項

解司額編附徵兵餉銀三千一百八十一兩六錢九分

一釐三毫一絲九忽二微

有閏年加徵一兩○自寺租銀至續增新墾銀共十款順

治十四年賦役全書載明○康熙五年簡明賦役全書外增牙稅銀九十五兩又續增牙稅銀九十五兩

上杭縣志

版籍

十三

解司舊裁改克兵餉銀三千七百八十二兩八錢四分

八釐五毫九絲五忽四微五纖七沙

自武平倉改折銀至抵解無徵司庫

鈔銀共二十款順治十四年賦役全書載明

解司續裁改克兵餉銀二千八十四兩二錢二分九釐

六毫七絲三忽二微

自造報憲綱等冊工食銀至站項下撥剩銀共五十六款順治十四

年賦役全書載明○內除新奉復朔望行香銀六錢

解司裁扣驛站項下平西驛併本縣備用膳夫廩糧等

銀二百四十二兩六錢二分六釐八毫

康熙十七年新裁二十二年續

裁兩奉文在案

存留支應支給官役俸食等項共銀二千五百五十九兩

九錢五分五釐四絲內

聖廟香燈銀二兩五錢二分

春秋祭祀銀一百四十七兩

祈晴禱雨香燭豬羊銀二兩六錢

朔望行香銀六錢

布政司宴賞貢使銀一兩五錢九分五釐

按察司護表夫銀一兩二錢五分

本府進表合用綾襖銀九錢八釐五毫

本府軍廳捕快六名工食銀三十六兩

勻閏銀一兩二錢

燈夫二名工食銀一十二兩

勻閏銀四錢

上杭縣志

版籍

十四

照磨皂隸三名工食銀一十八兩

勻閏銀六錢

本縣知縣俸銀四十五兩

門子二名工食銀一十二兩

勻閏銀四錢

皂隸一十六名工食銀九十六兩

勻閏銀三兩二錢

燈夫四名工食銀二十四兩

勻閏銀八錢

轎傘扇夫七名工食銀四十二兩

勻閏銀一兩四錢

禁卒八名工食銀四十八兩

勻閏銀一兩六錢

庫子四名工食銀二十四兩

勻閏銀八錢

斗級四名工食銀二十四兩

勻閏銀八錢

民壯五十名工食銀三百兩

勻閏銀一十兩

馬快八名工食併草料銀一百三十四兩四錢分
錢八

縣丞俸銀四十兩

門子一名工食銀六兩勻閏銀二錢

皂隸四名工食銀二十四兩勻閏銀八錢

馬夫一名工食銀六兩勻閏銀六錢

典史俸銀三十一兩五錢二分

門子一名工食銀六兩勻閏銀二錢

皂隸四名工食銀二十四兩勻閏銀八錢

馬夫一名工食銀六兩勻閏銀二錢

上杭縣志

版籍

十五

儒學教諭訓導俸銀三十一兩五錢二分兩官舍食一俸

門斗三名工食銀一十八兩勻閏銀六錢

齋夫三名工食銀一十八兩勻閏銀六錢

膳夫二名工食銀一十三兩三錢三分三釐三毫三絲

廩生支給

科舉進士牌坊銀五十二兩五錢

三年一辦大比年進士花幣銀四錢四分四釐五毫

新科舉人花幣銀四兩

舊科舉人盤纏銀三十兩五錢

武舉人盤纏銀七兩三錢三分三釐三毫七絲六忽八

徵

府學歲貢生員往京盤纏牌扁及兩院助給銀六兩三錢七分五釐

兩院助給縣學貢生路費銀三兩

正陪貢生員往省盤纏銀四兩五錢

兩年一辦縣學歲貢生員往京盤纏旗扁銀三十兩七錢五分

廩生廩糧銀五十七兩八錢六分六釐六毫六絲六忽鄉飲二次銀九兩

啓聖公名宦鄉賢三祠門子一名工食銀二兩

上杭縣志

版籍

十六

山川社稷二壇壇夫共一名工食銀一兩六錢

邑厲壇壇夫朱公祠門子各一名共工食銀一兩六錢

奉文抵作便民舖
加增火枝等用

院司府公館門子三名工食銀四兩五錢

漳南道名宦祠併盧豐公館門子二名工食銀二兩

悅洋公館門子一名工食銀二兩

撫民公館門子一名工食銀二兩
奉文抵作縣前舖加
增火枝等用

平西驛館夫二名工食銀七兩二錢

禾溪江尾二渡渡夫一名工食銀二兩六錢
奉文抵作
水埔等舖

加增火
枝等用

縣前等八舖每舖司兵三名半共二十七名半每名工食銀七兩二錢共銀一百九十八兩

勻閏銀六兩六錢

便民等十一舖每舖司兵三名共三十三名每名工食銀六兩共銀一百九十八兩

勻閏銀六兩六錢

大礮等四舖每舖司兵二名共八名每名工食銀四兩二錢共銀三十三兩六錢

勻閏銀一兩一錢二分

畱給驛站銀四百九兩二錢

存恤孤老衣布銀二十一兩

孤貧月糧銀二百兩

囚犯月糧銀二十八兩五錢三分八釐六毫六絲七忽

上杭縣志

版籍

十七

二徵

貯倉本色米三千六百六十八石四斗七升八合八勺二抄每年奉文支給駐防上杭額兵月糧外餘米盡數解督糧道驗收

論曰杭田賦重至明季而極率遘

皇清啓宇盡除從前加派之徵且各部寺錢糧俱彙于戶部稅額旣減解項不繁良法美意嘉惠元元至矣顧就一邑之積弊言之糧之虛浮者未嘗產之飛寄者未嘗往歲更以軍興孔迫差派多端見里當年每有剥膚剜肉之痛其狡黠者反營克里一役肆其隱射侵

蝕之奸茲爲民患所以受事未幾力請各憲首行均糧之法業蒙允准勒石永遵積弊似乎可去而尤恐釐剔之未盡絕也其尚有不便於民者貯倉米石除本色給軍之外往例解省其如道里遼遠水愁難險陸患山高幾有十鐘而致一石之嘆屢經具詳請每歲照省城時值折色解交而事屬破例終未允行蒿目徒殷無能爲力至於存留經費支發各項項緣軍需是亟裁核十去其半今運躋昇平節年漸次議復斟酌盡善經國者固有定模矣

徭役

上杭縣志

版籍

十八

宋制分鄉吏二役以里正戶長鄉書手督課賦稅以耆長弓手壯丁追捕盜賊皆爲鄉役以衙前主官物以承符人力手力散從官給使令至押錄揀括等皆爲吏役各以鄉戶等第定差在本縣無額名可考端平元年知州事李華定本縣免役錢五千八百九十九貫九百四十八文其免丁錢各縣僧道所出錢會各半在縣亦無專數可考

元立差法于每坊設坊正每里設里正主其首者爲都役專以催輸稅糧會辦公事本縣舊志不載無考

明差役法有銀差有力差舊志載縣吏戶禮兵刑工六房

各司吏一名典吏二名承發架閣舖長各典吏一名儒學吏千戶所司吏各一名驛吏二名縣皂隸一十名弓兵三十名縣官四員馬夫各十名縣學庫子四名斗級一十五名學齋夫四名膳夫二名殿夫一名縣學及守壇祠公館門子共一十九名各驛馬驢首共十四名館夫共八名各舖司兵共八十一名各渡渡夫共九名老人每箇一名共四十名凡在坊鄉各里推年高有德望者克之坐申明亭平民間戶婚鬪毆一切小事里長每箇一名共四十名十年一次循環輪轉各以丁米等第差克專督催錢糧勾攝公事及出辦上供物料又有民

壯遇有警則僉點有練總防守各隘皆無定額亦不爲常例

國朝縣學兩衙胥役人數酌明制而增減之里長之役在每箇仍分十甲每甲推丁米殷盛者一人歲應現役專管催輸九甲錢糧及辦理公事十年一次輪當在城十七舖舖設鄉約一人在四十箇亦每一人專司巡警有事以時報明于縣老人各箇不定在城者據各坊里推出點克

論曰馬端臨有言庸調之征愈增則戶口之數愈減是知薄賦之外尤亟輕徭矣縣之役其爲庶人食于

官者勿論若老人若里長皆與民事重有關係乃今所稱老人者不過趨應堂階初無事事隸之與下役等已失息爭訓俗之本意至于里長輪年不特供應艱難諸凡上班坐庫等項名色紛然費孔百出今一切陋規嚴革痛除且糧已均平則役無偏累輪年協應今簪較殊區區此心不敢不盡循是而往倘可稍裨民生則利不百者不變法尚冀後之君子勿以塵飯塗羹視之

河稅

宋熙寧間上杭運漳鹽十船船六十籬官給綱本至漳買

上杭縣志

版籍

二十

之嘉定六年知州事趙崇模請改運潮鹽紹定五年知州事李華申請以杭潮接壤私販旁午艱於發賣每年止就潮州潭口場買三綱每綱千七百觔長汀等縣自潭口納稅過上杭者縣官檢覈方至州交納綱十船共四百籬籬二十貫內取籬頭四百八十一貫九百三十四文錢會各半以贍

學在元時無考明初通年有商課之鈔至成化二年築

城本縣聽選監生溫祐在京上言請暫抽河稅以城竣

工而止

每塩船稅一錢五分鐵三分魚一分委陰陽學員同老人輪收之

既竣又以城

武平永定及新建衛署皆借支之因循未寢正德四年鎮守太監梁某盡以所稅輸京十一年漳州大帽山丹

竹樓寇作亂虔撫王守仁駐鎮收題前稅爲兵餉以前
司稅之員多弊改令本府委官稽之嘉靖初巡道王俊
民立法凡商船不論所載多寡給之以票抵府賣者爲
長船至府稅課司交之止於縣者爲短船在縣收之十
七年知縣伍邊請每船給票具長短之數隨所至之地
覈之由是稅增三分之一

稅至此亦漸增每鹽一船稅
二錢八分貨一船稅一錢一

分五釐

其稅額無定每歲隨船之多寡以爲盈虧於內解

武平營兵餉銀一千三百五十兩有奇并巡道閱操犒
賞布政司溢額虔院鹽餉等項皆仰足焉萬曆二十七
年遣內監高案入閩抽稅又於前項內每年割解京銀

一千四百兩有奇四十二年撤回前銀竟解布政司崇
禎八年本府新設威遠營議於前稅內動支七百餘兩
給本營兵餉其稅額歸本縣正官董之裁稅官心紅等
費以四百兩協濟巖前營兵餉又解京助餉銀二千兩
十七年知縣羅萬藻議畱爲新兵月餉

國朝順治五年以來每年額稅三千零二十二兩有奇
按季解布政司克餉

論曰關市之征以佐國帑所在皆然顧杭境一綫溪
流非四通孔道之比有明河稅始以築城而議行後
以軍需而成例迨及季年寇警相仍道塗時梗而額

日取盈船貨漸縮竭澤興嗟幾嘆建議者之啓厲階
矣今海宇晏寧商旅胥出於坦道然江右瑞金會昌
等縣向食潮鹽近例不得越界則行鹽地窄且海錯
多就地販買廣貨又陸運贛州經過不由縣境此非
越漏之條所可問諸商者考成有責可不殫乃心乎
界糧

明成化十四年上杭里民廖世興等呈稱本縣所管溪南
太平金豐豐田四里去縣治三百餘里地方廣濶治理
不周乞添設一縣管理時巡撫高明巡按閻佐鎮守盧
勝會委副使劉城叅議陳渤衆官相度地勢議于溪南

上杭縣志

版籍

二十二

里五畝地名田心開設縣治取名永定會勘上杭總計
十里五十九畝田糧一萬五千九百八十餘石今南以
溪流爲界撥溪南太平金豐豐田四里并太平興化鄉
二巡檢司分屬新縣但溪南里共六畝內三畝坐溪北
與來蘇里相接太平里共五畝內第五畝與平安白沙
古田里相接仍屬上杭管理共存六里四十畝田糧一
萬一百二十七石二升五合九勺爲全設衙門其溪南
里內五畝太平里內四畝金豐一里四畝豐田一里四
畝又上杭勝運里共十二畝內第五畝六畝與新縣相
近應屬新縣管轄共得四里一十九畝田糧五千八百

五十六石五斗六升九合五勺爲裁減衙門會議已定
又勘明上杭管轄里畝內有糧戶郭明德等田糧一千
六十四石八斗五升八勺坐永定界永定管轄里畝內
亦有糧戶簡惟時等田糧二百餘石坐上杭界照延漳
二府分設漳平永安二縣事例田地交雜則准梅花分
管彼此買過則准互立寄庄永爲定規

十八年造冊上杭知縣李曰思永定知縣王環會同將
原撥四里十九畝內載戶二千二百九十八口一萬三
千七百六十六田地山塘九百七十九頃五十三畝七
分糧米五千八百五十六石五斗六升九合五勺盡數

割屬永定並無存畱

弘治三年溪南三畝民鄭錦籍在上杭住居永定因上杭
增設兵備衙門役繁謀將戶口田糧割屬永定避重就
輕乃稱分縣時官府未經履畝妄奏行勘官覆之涉虛
抵罪

五年十五年兩造冊皆如舊

正德三年永定溪南里人吳璘廖積買過上杭田糧五百
四十餘石謀割屬永定積仗其兄廖鵬隨太監廖鏜出
入劉瑾門下捏奏成化十八年杭民郭明德等指畱米
一千餘石爲詞行鎮守梁某巡按韓廉案行守巡道委

知府項經查勘各官懼勢上下依阿議將前項田糧盡數推割永定入戶籍備結朦報至七年造冊廖積及溫鑾等謀將溪南三畝丁口秋糧一併割屬永定畝民葛玉璋等不願黨附揭旗訴告巡道宗璽守道王子言委知府黃瑄勘得上杭係全設衙門永定係裁減縣分若將永定人民買過上杭管轄田糧一槩割歸永定則根弱幹強況上杭係兵備往來供應較諸永定大不相侔舊經官勘明白區畫詳悉難再紛更合令二縣查照舊規造冊其永定買過上杭轄內田糧准令寄庄立籍當差申詳到道守道批勘處事理灼有定見不爲

浮議所搖不爲勢豪所奪情法相應允符公道合准施行九年廖積仍捏控巡按衙門行守巡道委知府唐淳查勘淳向結廖鵬遂將上杭轄內田糧坐永定界內者不分永定買過五百四石七斗零并未買五百五十四石八斗零槩割入永定亦將上杭買過永定界內田糧五十石零割歸上杭重造黃冊于十年六月解京抵出正德七年正造之冊後湖管冊科道官不從前後二冊俱收貯以備釐正

嘉靖元年例應造冊杭民周文翰奏正正德七年之冊與永定民鄭釗互訐戶部查看得二縣既有全減之異田

糧自有多寡之殊况永定所有皆上杭所分若割之不
已將來不奪不饜除勝運等里推割已久照冊不動外
若永定界內有上杭民田不屬推割之數仍令杭民各
照界址管業永定人民新買上杭田糧准令于上杭寄
庄隨田辦納糧差將黃冊照舊改正類行巡按衙門先
是文輅赴京未回里民郭昂羅續等呈署縣主簿王俊
申巡按王以旂批行守道湯沐巡道范輅會議得先年
畫界分土各有定制如兩縣人戶交買田糧又有寄庄
之例議處甚悉自弘治年間永定人民憚繁難而樂簡
易思將原定上杭轄內田糧割併永定委官查處俱難

紛更至正德九年廖鵬用事廖積憑藉權勢比時去任
唐知府依違遷就朦朧造冊至今爲人心之所不平况
上杭係全設衙門居當衝要供役頗繁永定縣僻事簡
又係裁減衙門合令上永二縣各將田糧照依正德七
年分黃冊攢造中間果有互買者遵例寄庄當差仍行
南京戶部轉行後湖將正德九年續造黃冊除毀詳院
依議施行吳璘又同陳華朱文紀等控巡按王批守道
查審本道備查前議詳院院批兩縣錢糧既經守巡議
處明白呈詳本院批允未久陳華等何復告擾提解問
罪續奉都察院勘合類行周文輅鄭釗訐奏呈詞到院

案行守巡道公同勘正璘見屢奉叅駁復催鄭雍張文政赴京混奏時永定縣溫鑾在京跟隨太監雍等遂轉催溫鑾出名引廖積等節年奏勘虛情連名具奏都察院勘合類行巡按王以旂案行巡道王俊民提弔鄭釗周文輅溫鑾張文政郭昂羅續等案卷併發通判毛公毅指揮李春會同勘得二縣田糧初開設時踏勘區畫分割明白續後屢爭節經委官查勘從無紛更正德九年改造黃冊里老鄭志亨等冒遞供結非出衆心只是官府惧勢小民曲從及勘上杭係是全設永定係是裁減原議田糧俱合照舊分管若有互買田土亦合依例

寄庄立籍當差黃冊俱照正德七年攢造解道覆審將溫鑾張文政鄭釗等各問擬奏事不以實減等徒杖等罪編爰擺站依律的決詳巡按徐州依擬發落所奏田糧照舊施行二年吳璘謀于罷職鄉官賴廷用催會尚文往京冒溫鑾名具本妄奏時上杭黃冊造完永定黃冊延久未解巡道王俊民委推官秦侯帶上杭算手王廷璽詣永定弔各局書算手雷鑑江洋等在府館督造吳璘復與賴廷用計議糾集三百餘人殺牛啖酒鳴鑼吶喊持執刀鎗棍棒將秦推官府館圍繞挾要放出各局算手不容攢造永定知縣邢瑄具申巡道叅看得

永定縣田糧方設縣之初分別繁簡衙門照依里畝徵納規制詳悉無復可議及後節年告擾無非避繁就簡之計又經本道先後守巡官博采輿情酌處停當呈蒙詳允照舊施行具有成案自合遵奉今大戶吳璘罷閑知縣賴廷用等乃敢挾私倡變誘引強悍之徒集至二三百眾豎旗擊鼓椎牛歃血編立排戶騷動地方凌逼官府藐視國法迹其所爲無異謀叛若不按法痛治將來梗化妄動未必非此輩有以倡之也備由通詳蒙巡按徐州批各犯挾私妄爲情甚可惡漳南道嚴提查照律例從重問議呈奪以警將來行縣提問間續奉都察

院將會尚文冒名妄奏事情備行巡按轉行分巡道會勘續經巡按御史簡賓臨省委知府邵有道親詣上永二縣適中地方豐稔公館提弔吳璘賴廷用鄭釗賴本瑛陳華朱文紀及上杭周文輅郭昂羅續等卷督同二縣掌印官會勘得疆界明白田糧照數推割並無指畱之數斷令照依正德七年黃冊攢造擬將吳璘賴廷用鄭釗廖琳陳謨賴守敬廖興廖清等俱發邊衛永遠充軍鄭雍發口外爲民解道覆審照擬解院如擬發落五年鄭釗吳璘希圖脫罪前後復捏虛情具控戶部轉行巡撫會同鎮巡衙門併行守巡公勘巡道儲洵查勘

得上永二縣互爭田糧迄今五十餘年節經官勘停當
今吳璘等又復捏詞奏爭希脫已罪設使盡如璘等所
奏畫溪爲界則上杭多山永定多田人民事產分割當
半其數不止田糧千石而已況上杭之去永定不過百
里各戶照舊寄庄非有險遠難行臨倉親自納糧更無
里甲科騙顯是小民無知爲奸豪主使圖便已私妄意
爭割不知五十年已定之版圖豈從么麼數子之欲輕
啓厲階備詳到院未結續經巡道謝汝儀再看得上杭
疆界糧米共一千五十九石三斗內賣過永民者五百
四十九石五升三合未賣者五百一十石二斗五升二

合先被吳璘捏詞遂將前糧不分已賣未賣槩行永定
徵辦預爲今日爭端切思已賣者永民旣不肯納于上
杭未賣者杭民安肯納于永定且所謂寄庄者係異縣
人民買過本縣之業田糧難以過縣故于本縣立籍當
差未賣田糧自有原戶何謂寄庄安有舍本縣而納異
縣之理仍照正德七年黃冊以杜後爭前後詳報續奉
巡撫潘 批勘歸結問軍情罪行布政使陳策按察使
周用再勘得吳璘等緣當攢造之時里甲團聚璘等倡
率以至喧競原問克軍相應分豁各減等徒杖照例收
贖詳院覆題依擬施行 十年永定吳璘賴本瑛等賄

縣隱情申府又連名狀告巡按虞守愚衙門本縣周文輅等隨具僉呈俱批守巡道查勘巡道梁世驃轉行知府劉烱查看永定上杭疆界田糧各有分管就中雖有彼此錯雜之嫌是亦犬牙相制之意賴本瑛等不思前事屢經勘斷朦朧援引正德九年改造爲詞知縣毛鳳新任未諳事體爲其轉達致民互爭本府承行官吏又不查原卷來歷徑行永定收割殊屬乖方合令二縣遵照原議彼此互立寄庄詳道叅看得前項田糧分設之初區畫已定歷年黃冊攢造甚明吳璘等覬覦之念未息奏告之詞迭興屢經撫按司道等官議處悉照舊規

永當遵守自後永定里老人等敢有告擾者定行究問詳院續奉院批前項田糧初設既有定規屢造亦不擅變况經題奉欽依事理遵行已定豈容故違知縣毛鳳該府承行之吏各不查明案卷輒聽申行以啓爭端罪有攸歸該巡道徑自提問以示懲戒

十一年重造永定縣溪南里民吳曰若吳文統復以改正田糧事赴告巡按御史蘇信批布按二司行本府查勘續奉院批上杭縣民周天球等狀告斷明寄庄田糧事發府併勘知府劉烱勘得上杭糧米雖有一千餘石坐永定界內但照當時分置分糧共以三分爲率上杭

例得二分永定例得一分自正德年來杭民漸將田糧坐永定界內者賣與永定永民既買前糧遂謀割歸管轄以便已私節行奏告此後經官議處已非一人題奉欽依亦非一次仍照前案詳行

二十一年又值重造永定吳璘林正生盧青山等復捏虛情控巡按徐宗魯批督冊道轉行本府牒推官商璉問理本官聽猾吏永人陳有定將永定買過上杭田糧七百零三石原在上杭寄庄者斷割永定仍賣卷冊親到省城曲稟冊道將杭民孔舉等橫加責治至十二月孔舉廖繼等二十人連名具詞赴巡撫虞守愚告理批

分巡道會同分守道勘正 二十四年永定林正生吳璘顧一孜張九復捏正經界事赴告署分巡道徐緯勘得分設永定始自成化十四年造冊直至十八年經界田糧彼此料理已歷五年若有不便不明永民何肯緘默設有指留是於原分之額有虧彼縱爲之此誰許之後此二年又該永定知縣王環會修縣志糧額何不開寫六千九百餘石而止開五千餘石明是當時分畝分糧俱以三分爲率上杭例得二分存四十畝田糧一萬一百餘石爲全設永定例得一分分一十九畝田糧五千八百餘石爲裁減中有田地交雜准梅花分管是亦

犬牙相制之意惟其勘處停當是以可無異論詳究其禍不過起于圖近就輕之鄭錦遂於倚仗權勢之廖積其後吳璘等多人反覆援此爲奸就如所辯而論既有二千五十餘石被上杭人捐畱何正德二年供稱上杭人民見在永定界內田糧八百三十餘石及已買未割二百餘石并已買寄庄六十五石共一千一百餘石該應推割永定正德十年又稱永定人民買過上杭人民原坐永定界內糧五百四石七斗零并上杭縣原在永定界內糧五百五十四石八斗零共一千五十九石六斗零合推割永定嘉靖二十年又稱驗明界限已買七百零三石割回永定未賣仍畱上杭據此三番辯論俱

奸邪附會其說並無一合指畱情詞及查嘉靖五年守巡道細審永民盧金穀等一百六名各戶田糧文契多寡不等係弘治正德年間陸續新買俱在分縣定畱之後已經五次造冊版籍難更况永定所有皆上杭所分初買五百而欲併溪南三畝盡割後買七百而止畱未賣在杭誠有如該部所謂今若割之不已將來不奪不讓也且分縣分糧之初上司議處案卷在官于嘉靖年間上杭吏林新拴同書手袁應祿受賄竊出希圖無藉不思府志原額現在能併盜而盡滅之耶且訪得溪南

等處田地先年荒蕪丈量未及自分縣以後漸次開墾民頗得利永民假指畱之名妄行爭擾其意專在并割溪南三畝及近年買過上杭田糧一以就近之便一以避差之繁實是奸狡百端合照正德七年黃冊攢造田地交雜則准梅花分管彼此買過則准互立寄庄使通例有一定之規奸頑絕後變之患中詳巡按御史趙應祥批縣有全減里應多寡分設之舊額也田聽寄庄糧不過縣勘處之定論也先次問官或盡割所爭之糧或止推已買之數雖欲息永定之訟何以服上杭之心此皆阿承之過意見之偏耳叅看卽今斷處深協事理人各縣依准繳

情守巡道卽行二縣查照遵守派徵糧差仍曉諭各該里老舊額已定屢告何爲仍前恃刁逞訟從重究治取各縣依准繳
論曰永定分自上杭田糧之多寡視乎公務之煩簡其初擘畫法意周詳本無可議所以紛紛爭訟者啓於鄭錦之挾私橫於廖積之倚勢至吳璘諸人更反覆以逞其奸蓋許奏凡十有二疊經憲斷屢奉部題七經造冊而衆喙始息人情之險至此可駭可懼今者版籍釐然其安耕鑿然在當時奸民之怙終官府之執法烏可使後之人不曉知情事之顛末也前令

馬公定齋向輯解紛紀成爰節錄其要并續紀其事
以附於編

儲卹

宋皇祐元年於縣治東置常平倉有庫

在鍾寮場

建炎二年減上供錢三之一 紹興元年盡蠲田租

五年以建劍汀邵細民生子多不舉命州縣各於鄉村
置舉子倉儲米遇生子者人給米一石在縣者六所一

縣東門一鰲沙團二興化鄉二勝運里

後經寇亂並廢

十四

年十五年免民間秋稅 十八年罷上供銀

淳熙十四年罷無額上供四分之一

上杭縣志

版籍

三十三

端平三年以紹定寇攘之後免民間田稅一年

明永樂五年知縣劉紹立賑濟倉四所一縣儀門右一勝

運里盧豐一白砂里華家亭一豐田里慶清寺

今屬永定每

歲以秋米支運所餘及官罰贖鍰併勸里民所捐輸之

穀入之

天順六年燬

景泰元年歲不熟民相聚將爲亂刑部郎中夏時正奉
命勘災憑縣冊報卽發倉穀分賑盜遂息

天順元年縣丞趙榮重建預備倉二所在城隍廟之左

右適年入穀一準前規 四年賑饑奉例上米四百石

者賜勅旌爲義民本縣得郭衡等五人上米二百石者

官立石旌之本縣得郭資等五人共上米三千石

成化元年賑饑例上米二百五十石者授七品散官在

城里周俊傑郭端皆如例上米備賑 九年同知程熙

重建賑濟倉四所

各仍舊址

勸邑人郭鑑等輸穀萬餘斛次

年適旱荒卽發所輸賑之民不知災 十八年賑饑例

上米二百石者授冠帶榮身得在城里丘禮等三人

嘉靖二十一年饑流移者相望巡道王庭發倉穀千餘

石分賑之民賴以安 二十四年知縣汪應奎增置預

備倉七所其二附際畱倉之東西其五在各里勝運安

仁寺來蘇義合寺白砂崇福寺華家亭白雲寺古田里

延福寺歲勸各里捐輸得穀就近貯倉上其籍於官以
時覈之

萬曆四十四年大水民饑各倉無積儲知縣李自華先

捐俸爲邑殷戶倡復詣府借糴於富室得穀米二千餘

石賑之全活者甚衆 四十八年大旱山田彌望皆赤

地民大饑署巡道洪世俊捐俸併贖鍰及勸輸得銀七

百餘兩先後就隣境穀賤處召買行縣按期分賑凡當

賑者編名於冊剗其眉以爲記冒領獎絕饑者咸沾其

惠

天啓六年夏水壞田禾知縣吳南瀨盡發倉穀賑饑者

不足巡道朱大典捐俸助之復遣標官赴贛州告糴旬日間商販之米四集民始有起色

崇禎九年大水四月江贛間遏糴合郡米價騰貴每斗銀一錢八分知府唐世涵具檄請於贛院弛其禁瑞金會昌之粟始通旋平價爲每斗一錢遍檄八縣勸富室各發糶相濟民乃甦

國朝順治四年秋旱苗已秀者半槁至五年三月斗米價一兩二錢貧民無所得食洶洶煽動巡道張嶙然急勸邑中殷戶量力捐賑或數石或二三石不等義民黃鏞獨捐米一百餘石於西郊蓋厥煮粥以食饑者救活甚

上杭縣志

政籍

三十五

多

康熙二十年知縣蔣廷銓重修舊預備倉二所又於鎮東街初置義倉一所每歲捐俸糶穀六七十石并勸紳士量輸貯倉備賑至二十五年清查故明永樂時邑人龔濟甫捐施南塔渡田二百零三畝歲除正供外餘穀亦收貯倉 二十五年九月

上諭戶部福建地方昔年爲賊竊踞民遭苦累所有康熙二十六年下半年二十七年上半年地丁各項錢糧及二十五年未完錢糧盡行豁免十一月部文到省行縣萬姓懽呼

養濟院附

明洪武十二年置養濟院在縣治西北塘頭巷正統間燬於寇成化二年知縣胡鉞復置後遷西城外石固廟之左收養民間鰥寡孤獨廢疾不能存者男子每名月給米三斗婦女每口月給米一斗五升四時給以布衣其人數逐年稽覈之增耗不一

國朝每年有存恤孤老衣布孤貧口糧於正項錢糧下按期支給

論曰杭邑山田磽瘠瀕溪之田又苦水潦一歲所收常不足供一邑之食幸獲有秋尚藉江西瑞金會昌

之粟時相灌輸猝遇凶荒非流移載途卽嗷嗷思逞耳是何可不於豐登之日預爲積儲之謀顧所爲預儲不出餘米贖穀勸輸三者今支運旣無存餘問理久無罰贖且邑鮮素封則捐輸亦復寥寥廩虛粟匱將何所恃或者常平社倉之法但能實心任事亦可倣求而斟酌舉行也至若奏報災傷或請蠲免或請改折此固有司之事豈杭邑數百年間從無爲民請命得邀朝廷浩蕩之恩者乃各志無聞楊志僅紀其槩於宋而又失實殊爲缺典後之司牧倘不幸遇天災之流行毋急散利而忘薄征致嘆德意之不下逮

也

義田附

迴龍渡田禾稅 良吉坑口二十八秤 當風砌一十四

秤 石下二十八秤 南坑口一十四秤 井山下一

十四秤 跳石一十四秤 橋頭二十八秤 北坑口

一十四秤 蕉坑口六十秤 塘尾坑六秤 官倉河

山頭七秤 江尾塘坑一十八秤 官路下一十八秤

官倉大圳下七十秤 礫峰口二十秤共三百六十秤

載糧米七石 此照舊志今計數缺七秤

宋時贛州寧都縣曾萬仁萬全兄弟並仕於潮年老致仕歸行經此渡阻水乃捐貲買前田施縣之渡夫饒一

上杭縣志

版籍

三七

致令每歲造船濟涉糧米俱入饒戶其後一役死絕本里林旻遠等六人轉佃年久匿租廢渡明弘治三年巡道伍希閔清出之旻遠等各供認仍造船輪次撐駕五年造船林旻遠林亦致張六四江永清周易曾光致於饒戶下各收米一石一斗六升六合五勺歸本戶辦納 國朝康熙二十五年知縣蔣廷銓以修志清查本渡渡夫張國盛林育彩劉文勝曾君賜林奇茂仍各供認照前造船撐渡

南塔渡田禾稅 打蛇坑三十秤 楓山下二十秤 坡

水塘三十秤 苦板園并師孤塘四十七秤 段上二

十一秤 宮背四秤 紐絲角二十四秤 凹背一十

一秤 河消堤上一十秤 壠裏一十一秤 城下三

秤共二百一十一秤載糧米二石四斗

此照伍志按嘉靖間碑記止應

二百零三秤

明永樂十一年在城里民龔濟甫及曾世良歲施錢三百貫共造船僱人撐渡十八年世良死二十年濟甫獨捐銀二百零七兩買安鄉田二百零七畝內以四畝捨洪山廟餘田盡授里民黃子慶黃普光等佃種通年納糧外悉克修船撐渡之費及弘治五年縣有修志之舉時龔之子姓哀徵世良孫富齡具呈于官竟以世良同買義田入志正德四年世良孫冕處志輒思分管田租濟甫之孫曰繁曰孝控巡道茹公鑾斷明與曾氏無涉迨嘉靖十五年冕弟昂以舊案被焚復控龔孝于巡道錢公世賢行縣拘集高年耆民吳璵頌資田隣謝儉等審供明白仍斷龔氏管業濟渡立有碑記自浮橋旣成往來便利田收竟歸黃子慶之裔崇禎末黃氏裔絕異姓子陳某耕收濟甫後裔訟縣皆競爭田租不復以義渡爲事每春夏溪漲浮橋時撤止官渡一船渡者爭先同遭覆溺國朝康熙十八年邑紳士四十五人復捐貲造船一用以協渡又置店屋四間歲收租給渡夫工食康熙二十五年知縣蔣廷銓清釐前田現存二百零三畝佃戶陳友盛賴正卿等二十八人陳私與龔分收歲租各經供明在案着令每年完辦錢糧外餘穀盡納入預備倉○施渡店業廩生曹馨執契姓氏鐫冊可查

上杭縣志

版籍

三八

褒忠祠田禾稅

溫岡背歐坑下七十三畝

白墓前二

十五畝

苦油竹前赤竹逕二十畝共一百一十八畝

載糧米一石二斗六升二合六勺

明弘治三年本府經歷周琛旣改修祠復謀置田以永祀事倡捐銀二十五兩經歷許節銀五兩知縣徐綬銀一十五兩縣丞徐忠銀五兩武平義官舒顯材本縣義官雷經各銀一十五兩縣民郭瓊郭義鄭昭鄭佑林昇林楫羅瓚張鼎各銀五兩共一百二十三兩買置前田擇民人林穩爲祝俾歲收田租贍家且以時修葺專司香火五年造冊將本祠編在城里十二畝錢糧入本祠戶內辦納國朝康熙二十五年知縣蔣廷銓清查前田久屬他姓佔匿無可究正○弘治四年知縣徐綬督造本祠銅祭器籩豆簠簋爵酒罇花瓶香爐共六十七件重一百六十九觔零原貯縣庫鐵鐘一口重一百二十觔又鐵紙架一個在本祠今祭器俱失併附記于此

水西渡田禾稅

真照庵前田八十畝

藍逕田塘三十

秤 眞照庵前田塘屋基山林週圍共載官民米一石二斗六升五合

國朝順治八年白砂里人丘道堯廖繡張有懋傳修傳承仁陳順等共捐銀四百七十餘兩置買前山造設渡船二隻歲收租穀給渡夫張以南張儉妹各撐載外撥租穀一十二石在石灰嶺供僧施茶濟衆存穀二石二斗備修整道路○又明萬曆十九年本里人林巒松捐田五十秤施本渡崇禎末田被贖去今巒松後裔每年給渡夫王振泰工食銀三兩修船撐載

南蛇渡田禾稅 蘇坑一十五秤 寨逕裏五秤 楓山

畝下一十秤五分 圳背一秤 畚坑裏八秤五分

凹下三十秤共七十秤載民六斗二升五合

國朝順治十年邑生薛應吉捐施豪康里前田造渡船一隻歲餘租穀給渡夫薛伯嘉父子工食至康熙三年

上杭縣志

版籍

三十九

盡撥渡夫自收
自辦納錢糧

龍文會館田禾稅 舊寨松樹塘田秤 牛角窩六秤

馬薺塘四秤 老虎巖二秤 低陂下三十七秤 獎

坊五十七秤九分五釐 中心墩三角坵八秤 屋場

坊五秤 磔面上一秤四分 盤古石一十秤 員舖

一十一秤七分 石陂牛角坵圍下一十秤二分 荷

畚尾一十五秤 牛背筋八秤 竹山裏二秤 山塘

尾二秤 圳背沙坵五秤七分五釐 大水坑一十秤

共二百秤載民米九斗一升二合租米五升八合

國朝順治十年邑生薛應吉捐置會館於南蛇渡復捐施八字陂前田歲餘租穀供來蘇里中庠士儒童四季

會課文
藝公刊

潭頭渡田禾稅 上下巖一百一秤三分 雙坑一秤五分
分 巖山村背頭四上六秤 黃坊村三十四秤七分
大地村一百秤共二百四十三秤五分載民米二石零
三合

國朝康熙二十一年勝運里儒溪人陳敬丘叔萬劉秉
積張淑奇范伯昌丘孔彰李友蘭劉克篤李亦章羅毓
炳陳必昇等共捐銀一百六十兩置買上下巖雙坑田
稅又雙坑湖子裏人丘淑萬丘麟捐施巖山村田稅棉
村鄉人何永亮何漢其捐施黃坊村田稅共造渡船二
隻儒溪礫下人陳伯太陳敦陳濬捐施大地村田稅造
渡船一隻歲餘租穀分給渡夫吳朝貴劉維王賴九蒲
撐載

官田鄉渡田禾稅 蔡坑等處共五十秤載官米一斗二

上杭縣志

版籍

旱

升二合民米三斗二升三合

國朝康熙二十三年勝運里人丘和李永劉攀生共捐
捨前田造渡船一隻歲餘租穀給渡夫李成德撐載

義塚 附

宋崇寧中令州縣以常平錢置漏澤園葬民之死無所
歸者其時杭應設置而前志不載明初官設義塚一區

在北門外厲壇之側嘉靖間邑紳雷鈇 江南岡塔下買

施一區萬曆間邑人丁希盛又在滄洲地內捐捨立有

石碑可攷卽楊志所載在東門外涸湖者是也今涸湖

舊塚旁及西門外十里亭皆

國朝順治初邑人黃錄買施更益二區焉

論曰縣境三面環溪往來負販之衆需渡者無虛日
官設渡船常苦不足以給義山之設誠爲濟人利物
之盛舉至於報功有祭育材有塾掩骼有歸皆見古
道猶存觀風問俗庶幾君子之鄉願慕義而興者後
人毋遜美於前人也

上杭縣志卷之四

上杭縣知縣長洲蔣廷銓纂修

典秩志

學制

祀禮

壇壝

祠廟

國之大事在祀致力于神垂諸往訓惟是聖人教澤無窮故禮行于文廟特稱隆重其在羣神之享要皆爲民請命也杭卽叢爾而若祈若報于境內所主者祀必以時明德薦馨非神之所式憑歟

學制

儒學在縣治東二百步宋初遷縣時在縣治東五十步

卽今

上杭縣志

典秩

一

城隍廟基

嘉定十六年知縣事趙彥挺徙建今所創禮殿兩

廡明倫堂及崇德廣業居仁由義四齋淳佑十一年圯於水寶佑五年知縣事李務行重建講堂爲樓奉先

聖燕居像更學門於堂之左以別廟學之制年久悉圯明洪武九年知縣劉亨縣丞周文郁倣舊制重建省四齋爲二曰尚德曰樂育正統元年知縣張琳縣丞楊孜建大成殿及明倫堂景泰六年殿壞於蟻知縣黃希禮改建教諭季遠倡諸生建櫺星門天順二年門壞諸生李良等更造以石成化八年殿復壞於蟻教諭胡匡訓導鄭鎬謀易石柱重建之具狀上督學游明兵備周謨

乃委同知程熙通判吳桓知縣蕭宏縣丞陳清前後綜

理邑人郭端郭鑑丁聯林崑等助費諸生林繁等督工易石柱三十有二規制弘

壯十年知縣蕭宏改建明倫堂視舊基進丈有餘臥碑一通

在東遷兩齋於堂東西重飾先聖四配十哲像係邑民鄭

儉捐弘治九年堂蠹於蟻知縣高以政重修設科貢題名兩牌於

堂之嘉靖二年僉事王俊民從師生請遷建縣之東北

隅鎮龍庵舊址委署縣通判楊太古督之二十七年巡道桂

榮以學既遷罕登賢書者集議仍移舊基屬知縣汪應

奎先正廟門三十年知縣趙文同重營之遵制改大成

殿為先師廟嘉靖九年詔改殿為廟撤像易木主廟之後為明倫堂廟之

上杭縣志

典秩

二

前為戟門又前為櫺星門基地廣一十八丈深四十丈七尺右深加一丈左深加八

尺門外拓地一區廣一十三丈七尺深九丈四尺中為屏牆今隆慶五

年知縣周裔登教諭林一道倡諸生鑿泮池橫二丈深九尺為

石橋環以欄而移其前石表萬曆間知縣鄧良佐倪應

春李自華相繼修整

國朝順治十年巡道郁之章檄教諭陳奎光倡諸生藍

學鑑郭復儀等重修增鋪廟前雨坪坎改縮明倫堂前雨坪坎又加堂之前簷三尺康

熙十九年守道周昌捐俸檄知縣蔣廷銓倡諸生何淵

如等助貲重修尊經閣廩生郭圖耆民丁正方董其役二十五年

御書萬世師表頒降各學知縣蔣廷銓恭繕金字扁額懸

供廟中

先師廟 前爲東西兩廡左爲祭器庫明嘉靖三十年建

明倫堂 先師廟後左右爲居仁由義二齋典籍司厨二庫又西爲儒學署明嘉靖三十年建

敬聖公祠 敬一亭之左明嘉靖三十年建萬曆四十三年知縣李自華移祀尊經閣下

敬一亭 明倫堂後明嘉靖三十年建石刻世宗敬一箴於內今箴存亭改

尊經閣 明倫堂後明萬曆四十三年知縣李自華撤文昌文公二祠及敬一亭改建 國朝康熙十九年守

道周昌捐俸倡修

學倉 三廩明成化八年建在教諭署後嘉靖三十年改建學門前左今圯

省牲所 三間明成化八年建於桂香亭左嘉靖三十年重建今圯今在明倫堂東北隅

號房 十一間在訓導署南卽二先生祠舊址明成化八年義官郭端捐貲建後爲膳堂三間厨房一間俱廢

上杭縣志

典秩

三

射圃 明正統元年知縣張琳縣丞楊孜創置在學後東北六十步廣袤皆六十餘丈成化間以圃地先後建布

政分司察院行臺餘地一區弘治元年知縣徐綬建觀德堂於中仍繚以垣嘉靖三十年知縣趙文同復改爲

府公館圃遂廢今在學之東偏

文昌祠 舊在戟門東明正統八年知縣羅謏遷明倫堂右景泰七年教諭李遠仍遷原所土地附祀焉嘉靖

三十年知縣趙文同重建於敬一亭之右萬曆六年知縣楊萬春改入官屋爲祠在岡背西四十四年知縣李

自華移祀于尊經閣上

土地祠 舊在東廡末明崇禎初移祀鄉賢祠之前 國朝順治十一年教諭陳奎光移祀于泮池左

朱文公祠 明嘉靖二年遷學僉事王俊民卽於學址建祠三十年重遷學知縣趙文同移祀文峯書院隆

慶二年災萬曆六年知縣楊萬春卽文昌祠祀焉四十年知縣李自華移祀鄉賢祠之前 國朝康熙元年

教諭林時應移于明倫堂右司厨庫二十六年知縣蔣廷銓重建二先生祠移祀

二先生祠

宋寶佑五年知縣事李務行創建於殿西廡之南祀宋朱文公熹及門人汀郡楊淡軒方後廢

為訓導署明弘治六年僉事伍希閔檄知事周琛改建桂香亭遺址萬曆間圯國朝康熙二十六年知縣蔣

廷銓重建於訓導署廢址並祀

各宦祠

戟門左明嘉靖三十年知縣趙文同重建國朝康熙二十五年知縣蔣廷銓重修

鄉賢祠

戟門右明嘉靖三十年同建

附社學

明弘治十五年知縣馬淳於各寺觀中就便開設社學四所教讀民間子弟年久寢廢國朝順治

十年巡道趙映乘立講藝堂於縣治前之右康熙十九年守道周昌檄縣增設一在縣東北舊察院行臺一在

縣西南劉巡道祠知縣蔣廷銓捐俸重修

龍文會館

國朝順治十年巡道趙映乘倡捐邑生薛應吉創建在南蛇渡歲為下都生童課文公所

清惠書院

東門外太子宫西畔古田白砂二里向有倒畝浮糧百四十石差徭久累國朝康熙二

上杭縣志

典秩

四

十年知縣蔣廷銓勘實詳免里民德之因捐貲創建八畝子弟歲時肄業其中

論曰杭之學五遷而後定其在遷縣之前固已若後

此之卜地奠基輸財董役經營况瘁倍甚于前而上

倡下應曾不言勞蓋當年為樹人計者如此繼今以

往念前功之不易而有舉無墜惟教育者是視非曰

既得吉卜遂可有基勿壞也

儒學前後管收田地歲入租銀四十七兩有奇舊額歲解

學租銀一十三兩九錢

國朝順治十四年奉文以一十三兩五錢給貧生四錢

解司康熙十三年盡解充餉二十二年復分給廩生貧

生餘爲本學送考心紅紙劄及朝覲造冊等公費學有舊籍可稽

明鄉官吳珂送入白砂里田新墩上袁屋塞背等處田稅一百三十秤佃人傅守仁等歲納租銀四兩二錢二分

教諭林一道置買水南埧地一區佃人吳子忠等租銀三兩四錢五分

推官馬中驂撥入謝廷舉沒官土埔埧地一區佃人吳茂榮等租銀五兩四錢

知府

撥入生員雷與庚與台縣前山背田稅三十

上杭縣志

典秩

五

六秤佃人李思明等租銀四兩二錢七分五釐

署縣同知熊茂松捐置民人劉大德來蘇里樟樹潭田稅一十五秤佃人陳守儀租銀一兩四錢

署巡道洪世俊捐置民人孔立敬溫岡背田稅四十三秤佃人李得春等租銀三兩零七分五釐 又置民人

郭檯扶洋田稅二十四秤孔橋茶山一區佃人丘化孟等租銀三兩五錢 又置民人孔一禹小官田禾稅二十秤佃人黃辛龍租銀八錢五分

生員丁啟賢送入白砂里新坊田稅二十秤佃人李惟新租銀一兩零五分

知縣 撥入曹沛沒官平安里上太平田稅一十秤
佃人李尚仁租銀八錢

民人廖如珠送入來蘇里小黃田稅一十六秤佃人雷
朝漢等租銀一兩一錢四分

南贛巡撫李 撥入吳稷沒官石門大羊埧田稅六秤
佃人魏應宜租銀六錢

巡道 撥入丘中鳳沒官來蘇里下都黃竹逕田稅
七秤五分佃人丘守開租銀五錢

知縣趙碩來撥入劉盛鄉沒官白砂城田稅一十秤佃
人傅君廷租銀一兩二錢

上杭縣志

典秩

六

國朝民人曾惟忠送入水南埧地一區佃人曾玉租銀
五錢

民人李洵同姪貽慶貽亨送入來蘇里磔子下坡尾清
潭面上田稅三十秤佃人王三一等租銀一兩一錢

民人丘淑萬送入勝運里湖洋芒花逕田稅一十三秤
佃人丘一琳租銀六錢四分

生員楊春送入張灘坪尾埧地一區佃人王時忠等租
銀二兩九錢六分

生員楊上遴送入黃田埧龍頸凹田稅一十一秤七分
佃人李日彰租銀九錢

永定縣民人賴爾奇送入太平里黃田鄉田稅一百一十一秤佃人陳廣韶等租銀九兩六錢

督院姚啟聖捐置民人張逢年藍屋七里山禾田五畝四分二釐零佃人藍宗宇等租穀一十三石二斗除辦納錢糧外歲給貧生

論曰自明嘉靖二十三年邑紳吳廷鳴始捐田送學義聲所倡感逮士民重以當事加意培養百餘年間額日增益然經斷沒入之項不無磽瘠且捐送之中或有浮開米數藉爲木戶規免差徭地者美意幾成弊矣又若趙若楊兩令前後有所增入載諸往志豈

上杭縣志

典秩

七

屬空文而歷年旣遠釐剔惟艱名存實廢更可慨也

楊志嘉靖三十二年知縣趙文同以入官米二斗四升濟貧士萬曆七年知縣楊萬春清入官田四十七畝六分抵還遷學宮時官賣資給貧生學塘三口今俱無考

店房二十三楹在儒學之前明萬曆四十二年知縣李自華勅造召佃歲納租銀二十七兩八錢崇禎十六年燬於火各佃庀材重造止納地租

國朝順治六年又於內易民地改開學門康熙二十一

年增入店房二楹

邑人丁博如捐助

實存租銀一十四兩有奇

每年給聽差工食外所贏者教諭存六訓導存四以備公用學籍可稽

羅命臣地租九錢

丘習市地租一兩五錢

丘元地租七錢五分

李德祺地租五錢

張逢年地租五錢五分

張逢年郭政地租八錢

張逢亨郭政地租五錢

張逢亨地租五錢五分

丘德地租一兩

李自榮地租五錢

羅惟元地租一兩二錢

丘遇桂地租七錢五分

李文夫地租一兩五錢

廖偉品地租七錢

劉長春地租五錢

鄒時清地租四錢

林際雲地租八錢

丘元地租一錢二分

丘遇桂等地租三錢

鄭淑端店租一兩六錢

上杭縣志

典秩

八

劉仲立店租八錢

書籍自明洪永來頒給萬曆中頒大全註疏諸書外亦有
學宮購貯及紳士送入者至

國朝順治四年頒降律書一部

四書一部

五經各一部

通鑑綱目一部

資治通鑑一部

通鑑節要六本

史畧二本

南史一部

北史一部

宋史一部

遼史一部

金史一部

明御製大誥一部

五倫書一部

爲善陰騭二本

孝順事實二本

明一統志一部

四書程文一部

五經程文各一部

翰墨全書一部 山堂考索一部 源流至論一部
四書大全一部 五經大全一部 通鑑大全一部
性理大全一部 大學衍義一部 十三經註疏一部
孔子世家一部 丹鉛錄一部 四書以下見伍志四書大全以下見府志
大清律一部

書籍易至散佚况杭邑叠罹兵燹乎舊目空存亡失過半卽現在所貯非殘缺卽蠹蝕求見全書不復可得好古者倘能不靳購置以資觀覽絃誦成風此固有本之學矣

秩祀

上杭縣志

典秩

九

先師廟正中奉

至聖先師孔子之位

廟中四配位

復聖顏子

述聖子思子

東列

宗聖曾子

亞聖孟子

西列

廟旁十哲位

閔子子騫

諱損

冉子仲弓

諱雍

端木子子貢

諱賜

仲子子路

諱由

卜子子夏

諱商○東列

冉子伯牛

諱耕

宰子子我

諱子

冉子子有

諱求

言子子游

諱偃

顓孫子子張

諱師○西列

東廡先賢先儒位

澹臺子子羽

諱滅明

原子子思

諱憲

南宮子子容

諱适一作緇

商子子木

諱瞿

漆雕子子開

諱開一字子若

樊子子遲

諱須

公西子子華

諱赤

梁子叔魚

諱鱣一作鯉

冉子子魯

諱儒一作孺

伯子子析

諱虔一字子楷

冉子子產

諱季

漆雕子子歛

諱哆

漆雕子子期

諱徒父

商子子季

諱澤一字子秀

上杭縣志

典秩

十

任子子選

諱不齊

公子子正

諱良儒

奚子子皙

諱容藏

顏子子襄

諱祖一作相

甸子子疆

諱井疆一字子野

秦子子丕

諱商

公祖子子之

諱句茲

縣子子橫

諱成一字子祺

燕子子思

諱伋一作及

顏子子叔

諱之僕

樂子子聲

諱欬一作欣

却子子歛

諱異一作輿

公西子子上

諱與如

公西子尚

諱藏

陳子子禽

諱亢

琴子子開

諱張一作宰

步子子車

諱叔乘一作褰○以上先賢

左子

諱丘明

穀梁子

諱赤

高堂子

諱生

毛子長公

諱長

杜子

諱子春

王子子淹

諱通

歐陽子永叔

諱修

周子茂叔

諱敦頤

程子正叔

諱頤

張子子厚

諱載

楊子中立

諱時

朱子元晦

諱熹

陸子子靜

諱九淵

蔡子仲嘿

諱沉

許子平仲

諱衡

陳子公甫

諱猷章

王子伯安

諱守仁○以上先儒

西廡先賢先儒位

宓子子賤

諱不齊

公冶子子長

諱長

上杭縣志

典秩

士

公皙子季次

諱哀一字季沉

高子子羔

諱柴

司馬子子牛

諱犁一作耕

有子子有

諱若

巫馬子子期

諱施

顏子子柳

諱辛

曹子子循

諱卹

公孫子子石

諱龍一作寵

秦子子商

諱祖

顏子子驕

諱高一作刻

壤子子徒

諱駟赤

石子子明

諱作蜀

公夏子子秉

諱首一作守

后子子里

諱處一字里之

公子子中

諱肩定

鄒子子家

諱單

罕父子子素

諱黑

榮子子祺

諱旂一作祈

左子子行

諱人卽一作卽

鄭子子徒

諱邦漢史避諱改名國

原子子籍

諱亢一作菴

蕪子子庸

諱繁一字子曹

叔仲子子期

諱會一作噲

狄子子皙

諱黑一字皙之

子蔑子

諱忠至聖兄之子避孔子改稱

施子子恒

諱之常

秦子子之

諱非

申子子周

諱振一作續

顏子子聲

諱噲○以上先賢

公羊子

諱高

伏子子賤

諱勝

子國子

諱安國至聖裔避孔子改稱

董子

諱仲舒

后子近君

諱倉

韓子退之

諱愈

胡子翼之

諱瑗

程子伯淳

諱顥

邵子堯夫

諱雍

司馬子君實

諱光

上杭縣志

典秩

三

胡子康侯

諱安國

呂子伯恭

諱祖謙

張子敬夫

諱栻

真子希元

諱德秀

薛子德溫

諱瑄

胡子叔心

諱居仁○以上先儒

啟聖公祠正中奉

啟聖公之位

明嘉靖九年始詔天下建祠

四配先賢位

顏路氏

諱無繇

子皙曾氏

諱點

伯魚孔氏

諱鯉

公宜孟氏

諱激

從祀先儒位

伯溫程氏

諱珦

喬年朱氏

諱松

季通蔡氏

諱元定

周氏

諱輔成

各宦祠位

宋知縣事孫公

瑞

知縣事鄭公

稷

知縣事陳公

朝章

知縣事趙公

彥挺

知縣事趙公

時鉞

知縣事李公

務行

縣丞何公

鎬

元攝縣事鄭公

從吉

明知縣劉公

亨

知縣秦公

斌

分巡僉事伍公

希閔

分巡僉事杜公

啓

分巡僉事鄒公

賢

提學宗公

臣

提學熊公

汲

分巡僉事武公

尚耕

上杭縣志

典秩

十三

分巡副使張公

斗

知縣李公

自華

知縣吳公

南灝

知縣陳公

正中

國朝知縣董公

鳳舞

鄉賢祠位

元連城主簿詹公

子微

明義士周公

子禮

本縣訓導胡公

時

武平訓導丘公

子瞻

江西僉事李公

綸

浙江僉事羅公

經

廣西道御史周公

弘

陵水教諭范公

金

戶科都給事中丘公

弘

烈士江公

瀚

孝子劉公

敬

戶部主事李公

楫

雲南道御史郭公資

紹興知府梁公喬

南雄知府丘公道隆

隱士李公穎

吉安同知張公恩

盧氏知縣陳公于階

每歲以春秋二仲月上丁日有司官致祭遇朔日日食者改仲丁

其祭禮

先師用帛一酒罇三爵三登一釂二簋二簋二籩八豆八

羊一豕一

明洪武時籩豆各十成化十三年加籩豆爲十二嘉靖九年定制府縣學八籩八豆

四配各用帛一爵三登一釂二簋一簋一籩六豆六共

用羊二豕二

十哲各用爵一釂一簋一簋一籩四豆四共用帛二豕

上杭縣志

典秩

古

二

東西廡各用爵一共用帛二豕二廡每四壇壇各用簋

一簋一籩四豆四

啓聖祠用帛一爵三釂一簋一簋一籩六豆六羊一豕一

四配共用帛一爵二簋二簋二籩四豆四豕一

四從視四配

名宦鄉賢祠祠各一壇壇各用帛一爵三簋一簋一籩

四豆四羊豕各半體

籩實形監藁魚棗栗榛菱芡鹿脯 豆實韭俎菁俎芹 俎筍俎鹿醢魚醢醢醢 簋實黍稷 簋實稻粱 登

實大羹 鉶實和羹○凡常登獻官別遣教職先詣啓 聖祠行三獻禮四配四從祀俱一獻畢獻官乃於文廟

行三獻禮四配亦三獻十哲兩廡及各名宦鄉賢皆分遣教官一獻俱於同口次第行禮

樂舞之制宋元無考明洪武二十六年頒大成樂器於天

下府學令州縣學如府式麾一祝敔各一琴六瑟四編

鍾編磬各一十有六篴塤各四簫笙笛各六鳳簫二搏

拊鼓二楹鼓一

堂上之樂用之

節二籥翟各三十六

堂下之樂用之始

定樂用登歌樂生五十六人

司麾一人司祝司敔各一人司歌十人搏拊二人琴

六人瑟四人笙簫笛各六人篴塤各四人鳳簫二人鍾磬鼓各一人

舞用六佾舞生三十

八人

引舞二人各執節舞生三十六人各執籥翟

成化十三年增樂舞爲八

佾嘉靖九年詔釐祀典定制三樂三奏文舞六佾

宋徽宗大

觀四年大晟府撰釋奠樂章十四章明洪武初協律郎冷謙採用其六至是又改定其詞○迎神奏咸和之曲

上杭縣志

典秩

五

大哉孔聖道德尊崇維持王化斯民是宗典祀有常精神並隆神其來格於昭聖容○奠帛初獻奏寧和之

曲自生民來誰底其盛惟師神明度越前聖案帛具成禮容斯稱黍稷非馨惟神之聽○亞獻奏安和之曲

大哉聖師實天生德作樂以崇時祀無斁清酤惟馨嘉牲孔碩薦羞神明庶幾昭格○終獻奏景和之曲

百王宗師生民物軌瞻之洋洋神其寧止酌彼金罍惟清且旨登獻惟三於嘻成禮○徹饌奏咸和之曲犧

象在前豆籩在列以享以薦旣芬旣紱禮成樂備人和神悅祭則受福率遵無越○送神望瘞奏咸和之曲

有嚴學宮四方來宗恪恭祀事威儀雍雍歆茲惟馨神馭還復明禮斯畢咸膺百福

國朝定制皆用之

祭繩舊用磁瓦年久毀缺明成化二十一年教諭林昇申

請提學任彥常巡道李紀鑄造銅器至弘治三年巡道

伍希閔始督成之

檄縣以街市牛隻稅錢三分之一發學購銅鑄器旣成收貯縣庫每當祭

先期送學應用其竹籩木豆各一百一十二帛箱九盛
肝木盤一百三十俱貯學庫○今俱貯學庫爐失五爵
失六簋失五簋失四○啓聖祠祭器係隆慶五年教諭
林一道續鑄造

鐙三 重四十八觔

爵一百三十八 重一百三十九觔

登五 重三十二觔

釧二十 重一百零七觔

簋四十四

重一百五十七觔

簋四十四 重一百三十七觔

籩七十六

重二百三十六觔八兩

豆七十六 重三百零二觔

廟中大爐瓶一列

重一百零九觔

小爐六 重七十四觔

兩廡爐瓶二列

重一百四十六觔

小豆一十 重一十二觔

啓聖祠爐瓶一列

爵一十八

釧二

簋簋共一十六

上杭縣志

典秩

六

志學校者率載學宮規制及祭器學田等其餘以爲
事屬大同不必紀也閩邑紳藍龍友全椒縣志中有
秩祀考一條謂諸生於廟樂祭品之儀文兩廡之姓
氏位次茫然未解者甚多故爲考而錄之由此尋繹
庶可進於禮文之學按其持論殊足指迷然猶有未
盡晰者茲倣其條而叅之以闕里志揚州文廟學書
詳列於右雖今日之杭器用未備有志之士正當考
古興思講求禮陶樂淑之本豈徒係殘守缺甚且視
爲具文已乎

論曰學校之所以常尊於天下者非僅生徒之盛已

也必有事業文章不愧科名之士而後爲學校重顧
今之學不異於古而今之學者恒遜於古則何也

聖天子廣勵人才敦崇實學多士幸得生逢隆盛况此邦
如楊龜山李延平朱考亭蔡西山諸先生理學淵源
炳傳千古聞風興起更有餘師苟不思以學之流於
今者進而返諸古不幾負 朝廷而羞當世之士乎
雖然教化之興權先在上唐有常袞而歐陽詹始見
宋有蔡襄而周希孟諸公始出閩之文教前事可徵
是惟司牧者不以俗吏自待且得蘇湖之範互相訓
型未見今之不可返於古也至於櫺星門外舊築屏

上杭縣志

典秩

十七

墻圯廢之後遂與大街相接販負之衆輕瞻富美殊
非所以崇聖域又

啓聖一祠向有專所今移祀尊經閣下閣之上乃祀文
昌其位置亦未安宥有以昭崇奉之體有志未逮竊
深疚焉邑之人士幸勿忽遺之也

壇壝

社稷壇每歲春秋二仲月上戊日有司官備牲醴致祭壇
在縣城西通駟門外北畔元在縣治南百二十步明洪
武九年知縣劉亨徙建今所未樂十四年水圯知縣沈
新縣丞梁衡重建中爲壇北向前爲大門三座神厨神

庫各三間宰牲房一間宿齋所三間神井一口俱在壇外之左周繚以垣歲久圯成化九年知縣蕭宏重修後復圯弘治四年知縣徐綬重修今厨庫神井門垣俱廢祇壇如故

風雲雷雨山川壇每歲春秋二仲月上戊日有司官備牲醴致祭壇在通駟門外南畔元時附祭於社稷壇明洪武九年知縣劉亨創建今所未樂十四年水圯知縣沈新等重建中爲壇南向前爲大門三座神厨神庫宰牲房宿齋所各三間神井一口俱在壇外之左周繚以垣歲久圯成化九年知縣蕭宏重修後復圯十八年縣丞

上杭縣志

典秩

十八

趙鏞重修弘治四年知縣徐綬重修今俱廢祇壇如故邑厲壇每歲清明日七月望日十月朔日有司官備牲醴致祭壇在城北迎恩門外西畔中爲高壇一祀城隍以主之左右兩壇低亞以咸秩諸乏祀者前刊頒降祭文于右覆以亭又前爲總門門之內東西爲厨房庫房宰牲房周繚以垣

舊志不載創建之由楊志亦在明洪武九年

明成化十八年

主簿俞嵩重修弘治四年知縣徐綬重修今亭房等俱

廢壇址甬道僅存

戍兵之死亾者率瘞其旁

鄉社壇鄉厲壇在縣之各里歲時鄉民各隨俗禮致祭

祠廟

城隍有司歲以春秋二仲月並祭于風雲雷雨山川壇清

明日七月望日十月朔日迎祭于邑厲壇及新令到任

應朝考績水旱祈禱皆特祭廟在縣治東五十步舊在

縣西宋嘉定十六年知縣事趙彥挺移建儒學故址卽

今所也

各志皆作嘉定十六年楊志作十六年考趙令以嘉定十六年四月到任當從楊志

明洪

武二年知縣夏煜重修

本年頒誥封爲顯佑伯

後漸圯天順二年

縣丞趙榮重建之中爲堂三間堂之東西爲六司各三

間又爲神厨等房前爲飲福廳三間又前臨街爲大門

一座通繚以垣規制旣備

老人郭明德等督工

弘治中僉事劉愷

杜啓相繼修葺縣丞王獻臣畢其工至嘉靖二十二年

上杭縣志

典秩

十九

知縣趙文同又稍修之

僉事梁佐顏儀門曰靈應福民

後又圯萬曆三

年知縣錢堯中倡衆重建

耆民郭興祥等

中爲大堂後爲川堂

堂之前爲亭又前爲月臺環以石欄東西爲六司飲福

亭儀門較舊加敞三十九年知縣倪應眷重修復建廳

國朝康熙二十三年後殿圯知縣蔣廷銓重修

鎮龍宮

所東北祀真武明嘉靖四十二年知縣余一貫倡建○前廳之左有閼帝行宮

玄帝宮

褒忠祠左舊在北城外明崇禎間以不利于邑毀之奉像祀聚星公館卽今所

三官廟

縣治北岡背街明萬曆六年知縣楊萬春倡建

三元閣

縣治西小街明萬曆十八年邑人通判劉燧倡建

玉皇殿

在三元閣右國朝康熙二十二年緣首丘欽若等倡建僧英石焚修

關聖廟

迎恩門內西畔明成化二年千戶所軍士建嘉靖初毀末年邑人重建○又舊廟一在縣北貞字鋪

大忠廟

縣東北興文坊祀唐張中丞舊有東平王祠在東嶽宮左廊嘉靖二年毀十九年知縣伍遠重建于

城外北山萬曆二十一年知縣鄧良佐遷建今所即布政分司舊址

岳王廟

在縣治南舊祀南門城樓上國朝順治三年官籍民居改建

石固廟

今為聖濟廟在西城外二十餘步東向宋時在長汀縣南明洪武二年知縣夏煜禱而有應遂立廟

于天王寺右正統末寇燬景泰三年邑民闕懷安等重建嘉靖二年毀諸淫祠廟亦毀末年邑人復建今所

靈顯廟

縣西小街陽明門內宋嘉定間知縣事趙彥挺建明洪武二十九年知縣秦斌重修每歲之九月二

十八日設會于此以集遠商正統末燬于寇景泰初邑民周俊華等重募建嘉靖二年毀二十年邑民復建國朝康熙二十二年邑民拓基地更深之增建前堂及門樓

太子宮

今為仁聖帝宮在鎮東街之東舊在潭頭渡明嘉靖三十年改建今所國朝順治年間兩著靈應

上杭縣志

典秩

三

邑民更復建祀一在城內北門街一在東竺寺之右

褒忠祠

縣東北察院行臺前祠明御史伍驥署都指揮丁泉初耆民孔文昌等塑二像祀于舊南門城樓成

化八年同知程熙命耆民郭明德等督工建祀今所北向十年知縣蕭宏奏聞賜額歲命官致祭弘治三年經歷周琛拓射圃之餘益以民地委老人郭瓊督工重建南向仍捐倡置田供香火嘉靖十九年知縣伍遠重修萬曆四十二年燬于火知縣李自華重倡建之立聚星公館于其左○今歲祀奉裁

武畧將軍祠

鎮東街之北祀邑義勇賴思智明正德九年巡按胡文靜奏請勅贈建祠

忠勇祠

城北舊學址之右祀百戶賴榮華明嘉靖三十六年僉事王時槐奏請勅贈建祠

義勇祠

縣東北布政分司後祠勇士張壁秀明嘉靖三十七年巡道

懷德祠

城北舊學址祀王文成公明嘉靖三十七年巡道王時槐建崇禎三年知縣陳正中重修

王公祠

懷德祠前明嘉靖三十八年為巡道王時槐建

惠德祠

東門外鎮東街引嘉靖四十二年為推官劉宗寅建

三憲祠

興文坊明萬曆二十五年為署巡道徐緯巡道王建中金節建

漳南道

功德祠布政分司右明萬曆三十六年巡道程朝京檄署縣同知區日振營建祀歷任分巡

道之
春秋二祭

有功德者十五人祠前置店房二十楹歲入租供

朱公祠

通駟門內明天啓七年為巡道朱大典建有田贍僧供香火

吳公祠

布政分司左明崇禎元年為知縣吳南瀨建有田贍僧供香火

熊公祠

察院行臺右明崇禎三年為巡撫熊文燦建

義烈祠

岡背街明崇禎四年知縣陳正中為陣亡把總賴思養建

賴百戶

祠北門街明崇禎五年知縣陳正中為陣亡百總賴其勲建

顧公祠

縣治東街明崇禎六年為巡道顧元鏡建邑紳士置田供祀

上杭縣志

典秩

三

陳公祠

熊公祠前明崇禎七年為知縣陳正中建邑生郭鴻等捐置店房一楹收租供祀

馮公祠

天王寺右明崇禎十二年為巡道馮之圖建

盧公祠

通駟門外明崇禎十二年為知縣盧躍龍建

又通駟門外四祠一倪公為知縣倪應春一李公為

知縣李自華一熊公為署縣同知熊茂松俱明萬曆

末建一寇公為署縣推官寇從化天啓中建後皆燬

于寇今改盧公祠為清忠祠並祀云

周方伯

祠大街康巷口國朝順治八年為署分巡道布政使周亮工建

王公祠

縣東門外鎮東街國朝順治十四年為總鎮王之綱建

劉公祠

周方伯祠西國朝順治十七年為分巡道劉三章建

孟公祠

縣儒學東

國朝康熙元年爲知府孟熊臣建

申公祠

縣城隍廟左

國朝康熙二年爲巡道申偉抱建

封公祠

縣東南

國朝康熙二年爲知縣封珂建

董公祠

縣東門外潭頭

國朝康熙三年爲總兵董大用建

論曰祀典之制爲其能禦災捍患而死勤事勞定國者同之無非崇德而報功也邑之壇壝祠廟載諸秩祀者無論已他如三元真武漢之關壯繆唐之張中丞宋之岳忠武崇奉且遍天下杭雖不得私神神豈獨不歆杭乎若夫靈佑具著于當年廟食嘗隆于往代此其功德皆在民間以至遺愛去思輿情尸祝者羣公先正亦籲呼之所及典卽不載祀之固宐禮以義起咸得附紀焉

上杭縣志卷之五

上杭縣知縣長洲蔣廷銓纂修

武備志

兵防

邛傳

寨隘

寇變

論曰兵可百年不用不可一日不備杭邑界連江廣
既憂外奸又虞內宄凡將卒之選練器械之儲蓄驛
遞之聯絡險要之控禦皆所以建威銷萌不俟風鶴
而後知警也

兵防

宋置梅溪寨設巡檢一員戍兵一百五十名守之紹定後

上杭縣志

武備

一

每年催賊絕米五百二十石充寨軍食米除縣催到二
百八十七石五斗六升係本州科撥苗斛措支有倉在
寨北

明初縣無兵衛寇至輒遭殘破天順六年勝運盜起被害
尤劇既平巡按御史伍驥從耆民孔文昌等請奏調汀
州衛右所官軍一千一百二十人於成化三年駐縣防
禦後額兵以漸裁減至崇禎七年官兵四百九十一名
裁撥九十一名協入巖前營實在官兵四百名每年餉
銀長汀寧化清流歸化協濟約十分之七本縣支給不
及十分之三以武平永定協濟足之其月糧以本縣及

寧化歸化連城三縣協濟米給之十六年營額僅三百名巡按陸清源增募鄉勇五百五十員名十七年知縣羅萬藻募三箇鄉勇二百三十人總爲新兵餉皆給於河稅次年巡撫張肯堂共汰兩營留二百名又選鋒二十名號標奇營

弘治三年巡道伍希閔僉點民快丁力近上者三百人

向無定額有警僉

人月給米四斗五升府縣巡捕官時

毀事平罷遣之操閱之每歲以二十五人赴會昌團操至正德十年巡道胡璉召募溪南來蘇勝運三里鄉夫四百人分三班團操於縣以長汀寧化清流連城歸化五縣兵快爲三

班歲休一班徵其銀爲鄉兵費後爲四班而減休班之徵嘉靖二年巡道王俊民以千二百人爲四班上杭武平永定三縣畱守城於長汀取一百寧化取六十四清流連城歸化各取六十共三百四十二人徵爲鄉兵費九年巡道謝汝儀罷團練鄉夫選縣驍勇四百名至十九年巡道侯廷訓從知府馬坤議於寧化加取二十一清流歸化各加十二連城加十三以足四百之額末年盜起漸增至萬曆初共六百三十人崇禎七年知縣盧躍龍練四十箇鄉兵二千人委隘官賴永仁等分統於各本箇把隘

嘉靖三十七年巡道王時槐旣平溪南之盜因於河頭坪築城建撫民公館以本府捕盜通判一員統機兵一百名防守至萬曆二十七年巡道金節議撤通判令汀漳守備每季撥哨官一員疊戍未幾武平營兵以更番爲不便武平令沈之崧條議謂三畝地屬杭宜戍以杭兵院司可其議遂抽撥杭營兵七十名屯守之以爲常崇禎元年後寇警屢告巡道顧元鏡與知縣陳正中議以三畝民狎險習亂宜募爲兵使之勇於公戰因得百人充之營兵乃撤戍

崇禎五年廣寇標掠四出巡道顧元鏡允同知黃色中

上杭縣志

武備

三

議以巖前地當要害築城控禦之六年冬城成巡撫熊文燦偕詣勘閱奏請以把總李國英所領兵三百名移屯其地部議別統以欽依守備一員九年知府唐世涵巡視見城中廬舍無幾委典史王賜爵分畫街衢平治坑塹度地分給鄉民令各營建爲居已而布政使潘涵春至復檄知縣盧躍龍建營房招民居之漸有生聚可倚爲保障

軍器舊無製造成化以來始修備禦之具至崇禎元年四年巡道曾櫻朱大典前後委邑人光祿寺署丞周思文監督造之其貯庫者 腰刀七十五把 鈎刀一十

四把 倭刀四十五把 鐵斧三十四把 鐵鉞一十
九把 鐵鎗鑽一百五十一把 刀口鎗二百六十三
把 鐵鑽一百六十四個 鐵鎗頭四百六十五根
長竹鎗四十九根 茅鎗一千四百一十九根 竹將
軍一百八十八個 藤牌五十四面 弩三十把 火
箭三十枝 狼機銃四架 大銃二把 發煩銃十把
連二銃十把 鐵耳銃十一把 梅花瓶銃二十把
碗口銃十四把 單銃二十八把 三眼鏡三十二
把 追風銃三十三把 百子銃五十九把 連珠銃
九十五把 邊銃一百零三把 烏銃一百四十把

上杭縣志

武備

四

銅銃六十一把 鐵盔八十六頂 藤盔二百七十五
頂 戰帽一十六頂 戰甲二十五件 大鐵彈九百
零五個 小鐵彈九千二百零二個
已上軍器今所存無幾從府志錄入所以俟修整也

國朝順治七年 題定經制汀州設總鎮一員管轄左右
兩營以右營遊擊一員千總二員百總二員統兵五百
名駐防上杭十八年汀州改設城守中左右三營上杭
仍爲右營其千把總時奉抽調分防各縣汛其額兵以
次裁汰康熙二十五年實在防杭官兵二百六十八名
每年餉銀於本府支給月糧於本縣秋米內支給

康熙八年奉文建塘舖分營兵汛守本縣界內設塘房
二十二所 迴龍 目忌灘 三潭頭 鯉子湖 雞
籠山 石下 連城河口七塘係上水路 半店 黃
泥壠 大沽灘 信豐灘 南蛇渡 豐市六塘係下
水路 水埔 響石前 大灣舖三塘係上旱路 鵝
公嶺 安人凹 水草逕三塘係下旱路 觀音井一
塘通武平 石灰嶺 將軍橋二塘通龍巖每塘遊擊
府撥兵五名分班輪戍之

郵傳

縣前舖 縣門東明洪武十年知縣劉亨設置在縣儀門前
正德十年知縣謝浩遷置今所

上杭縣志

武備

五

水埔舖

二十里○舊名捲籠明成化十年巡撫張瑄檄凡
兩舖去遠者中增之此舖在本縣岩頭武平縣黃
栢二舖之中弘治二年僉事伍希閔委典史王剛遷置
於此

澗頭舖

三十里明弘治二年僉事伍希閔增置○伍志未
載

悅洋舖

四十里有公館舖兵徭屬武平○舊名黃背在武
平界陳坑袁畚二舖中明弘治二年遷置

大灣舖

五十里徭屬武平○
府志入武平 山湖舖 六十里明洪武十年
置○一作珊瑚

九華舖

七十里明成化十年
增置 藍屋舖 八十里有公館明洪
武十年置

官莊舖

九十里明成化十年
增置 迴龍舖 一百里明洪武十年
置

以上俱縣西北
通長汀界

大磔舖

一十里明成化十年
增置 巖頭舖 二十里明洪武十年
置

二舖俱縣西
通武平界

便民舖 一十里明嘉靖十九年僉事侯廷訓增置 安鄉舖 二十里明成化十五

盧豐舖 三十里有公館明嘉靖十九年增置 鷺嶺舖 四十里明嘉靖十九

歸仁舖 五十里公館在官川明成化十五年置

以上俱縣東南通永定界○又白砂箭灘羅潭湖雷龍嶺撫溪六舖界屬永定共舖兵徭屬本縣

梅溪舖 一十里 牛坪舖 二十里俱明弘治九年增置

二舖俱縣東北通連城界

又縣東舊舖九一十里曰方村二十里曰定塔三十

里曰張慶四十里曰九泰有公館五十里曰茶田六

十里曰跳河 府志作雙溪 七十里曰燈籠八十里曰湯邊

九十里曰石銘明成化六年新設漳南道關路置舖

上杭縣志 武備

六

通龍巖界嘉靖間僉事侯廷訓改路由永定九舖遂

廢

又按兩舊志皆載宋時舊舖八縣西北三十里曰濁

口六十里曰茶木九十里曰鍾地南三十里曰語口

六十里曰語源九十里曰劉奢有驛百二十里曰黃

坑在平安里曰通賢俱廢楊志則云宋置舖七無通

賢考元史至元二十五年置汀梅二州驛通賢設舖

或在此時也

附 巡警舖一十二所 在城內各坊久廢明成化九年知縣蕭宏清舊址而復之尋又廢萬曆六

年知縣楊萬春可清復之今仍廢

寨隘

梅溪寨

縣東北梅溪口

石壁寨

掛袍山上

雷公寨

縣西北

武婆寨

勝運里安鄉石山

王家寨

勝運里乾田

丁光圍寨

勝運里上南湖○
以上見舊志

西天寨

勝運里

古塘寨

來蘇里中都○以上
見楊志

按梅溪寨爲宋時所設石壁以下五寨元時鄉民避

寇所居其西天二寨楊志以爲置在五寨後云

新長嶺隘

府志作新城長嶺
誤

寒陂隔隘

程鄉界

逕石磯隘

饒平界俱溪南里

狗悶嶺隘

龍岩界勝運里

赤牌嶺隘

連城界古田里

羊蹄嶺隘

長汀界白砂里○
府志作洋頭

上杭縣志

武備

七

彩眉山隘

古田里

板寮隘

白砂里

賴溪口隘

胡廬岡隘

興化岡隘

何樹岡隘

俱在城里○府志
作湖嶼

檀嶺隘

武平界

鮮水塘隘

程鄉界

銀子凹隘

小溪口隘

俱溪南里

郭公嶺隘

軍營前隘

俱來蘇里

虎岡隘

永定界○府志作斧
岡

上南坪隘

盧豐隘

俱勝運里

九十九墩隘

來蘇里

按新長嶺等六隘明弘治六年南贛巡撫金澤所檄
置彩眉山等十五隘爲嘉靖十九年置其後一隘隆

慶四年所置今俱廢矣此據楊志府志增入而府志所屬各里多舛錯則以楊志列圖參定之府志又載勝運里水歸白砂里弓鍾巖平安里驢子嶺太平里牛皮來蘇里佛祖高白鵬雙髻嶺在城里通橋凡八隘皆年遠蹟湮所以備載之者因時制宜或有起而議修復者耳

寇變

宋紹定三年寧化賊關胡麻等入寇破縣城攝縣事趙時鉞以計勦平之

元至正六年六月連城賊羅天麟陳積萬等陷縣江浙行

上杭縣志

武備

八

省右丞總都不花合江西行省右丞禿魯統兵三路進討賊戰不利遁踞山寨負險自固至十二月其黨羅德用殺天麟積萬以降餘黨悉平

二十年江西陳友諒別部鄧克明等寇汀漳據縣縣治燬明年福建行省叅政陳友定破走之

明洪武十八年來蘇鍾子仁作亂隊長張愛力戰勝之以搗巢深入被殺

正統十四年沙尤寇鄧茂七等破縣邑民邵縉紳妻陳氏縉纓妻黃氏被執俱赴水死諸生江瀚死於汀州城

下

天順六年勝運山背人李宗政憤邑豪侵奪有司弗能禁招誘流亡闕永華等作亂自號白眉破縣治義民張秉和死於賊次年巡按御史伍驥親督兵剿之都司丁泉陣亡驥督戰益急宗政等尋就擒

成化十三年冬溪南賊鍾三黎仲端等哨聚劫掠四出巡按御史戴用剿之未克十四年詔起右僉都御史高明明先以親老致養捕治明行縣招撫流亡計授副使劉城擒渠魁仲端等十一人平其餘黨十七年賊復起義民吳海斬鍾三海亦死於陣

二十三年勝運賊劉昂來蘇賊溫畱生糾武平賊箬采

丘隆等數千人攻掠江西石城廣昌信豐廣東揭陽等縣殺官劫庫三省奏聞漳南道兵備伍希閔奉勅專駐縣檄府知事周琛指揮劉廣授以方畧擒三酋餘黨以次平朝遣刑部郎中鍾洪臨縣審錄悉梟於市

弘治八年來蘇賊劉廷用張毓陳宗壽等聚眾攻劫江西瑞金會昌寧都轉掠廣東程鄉等縣朝命副都御史金澤節制江西廣東湖廣福建四省專鎮贛州以撫捕之寇漸平澤復奏薦伍希閔備兵汀漳於十年蒞杭里老僉呈來蘇等里保安砂布等處接廣之程鄉松源積年賊徒恃險爲亂若張若羅尤逆克乃募驍勇李福瑛

鄧惟端等分布伺察計擒賊首張鑑羅福興等五人又誘保安賊首羅景玪張景自首卽刑之又誘擒沙布賊首鍾孟恭鄭繼稔廖廣富等一十三人各正法羣賊始戢

正德二年程鄉縣石骨砦松源等處盜發程鄉人李四子乘機結黨倡言平糶巖前賊首陳裕應之遂分立二十營肆劫杭邑罹害尤甚七年會三省官軍駐縣四面把截搗其巢擒斬四子等招撫脅從餘黨乃散至十二年巖前餘寇劉隆等復熾而內多脅從虔撫王守仁駐節於杭觀兵不進親書告諭翻刻千餘張遣老人劉本

上杭縣志

武備

十

義等分馳各地方曉以禍福許其自新隆等感悔乞命其黨悉解散王公班師回汀州

十六年廣寇林壬孜薄城巡道范輅以鄉兵禦之典史梁勝聚射殺二賊爲象峒鄉夫所賣敗於演武場民壯鄭穩等被殺後壬孜寇武平邑勇士張士亨殺之

嘉靖十年正月賊首傅仁敬等十四人殺獄卒鍾賴端而逃尋捕獲伏誅

二十年溪南三畝賊楊世聰王五等四十人劫長汀境杭民李口杭應募勦之陣亡於胡坑舖後世聰等爲永定官軍所擒

二十二年溪南盜張文政朱子猴張日洪葛得旺等寇江西贛州殺指揮斯邦爵流劫者歲餘二十四年巡撫虞守愚巡道鄭炯守備俞大猷授義民練弘丘遠崑賴榮祖等領兵襲搗其穴皆誅之

三十二年溪南盜葛用貴劉鳳爵勝運盜陳秀奇及大埔劉全等流劫龍巖大田連城巡道梁佐督兵勦之用貴伏誅鳳爵等就撫邑諸生鍾易丘愛有招諭力云

三十七年溪南三畝張四滿等起爲盜勢猖獗巡道王時槐提兵壓其壘生擒之散其餘黨因立撫民館未幾上饒盜梁寧入寇在城里人張壁秀應募爲卒長禦之

上杭縣志

武備

十一

黃舖間力戰而死周效良被執裂屍從死者凡數人

四十年二月勝運李占春者福瑛之裔世捕其土因歲饑率所部羅廷秀李迺暄卜廷詔張節等以平穀爲名日間衆至萬人劫永定連城署永定同知黃震昌遣義民賴一鳳等招之不從巡道金澗督三縣兵合剿永定兵自湯湖鼓樓岡進本縣兵自安鄉半徑進連城兵繞賊後戰未決縣兵稍却賊衆衝之死半徑者數百賊乘勝抵南岡兵爭先渡溪溺死者又數百一鳳等亦死於壘澗乃檄武平令徐甫宰邑諸生李琛持文告金帛招之占春等降而淫暴如故雙坑人丘廷盛與迺暄謀殺

廷秀已而迺瑄懼禍復構廷詔等反泐又遣諸生李嘉言往撫爲賊所脅不屈罵賊死勢燄益張雙坑丘明裕有女占春迫奪之明裕給以親迎成婚醉以酒而扼殺之賊黨復勾廣寇攻殺明裕明裕二子守長守端請兵血戰迺瑄等俱被戮追奔至廣界殲其遺黨 是年六月上饒盜梁紹祿入寇掠邑民鍾世瑄妻丘細姑不辱罵賊而死

四十三年饒平賊羅袍等五千餘由箭竹隘突至肆劫城外村落男婦被殺者七百餘人以積雨溪漲不敢犯城官軍逐之潛引去

崇禎元年正月廣賊平遠人龔一龔二龔三爲倡及蘇丫婆賴顛四花腰蜂黃滿梁和尚鍾成旺丘南髻劉鈞鼻等數百人焚劫日熾三月巡撫朱欽相調指揮劉震百戶李中秀領兵三百會武平守備郭應元兩路合剿震中秀至巖前賊潛遣數人詭爲武平官軍稱應元統兵相候二將信之遂前進賊分左右翼圍住官軍驚竄二將皆爲賊磔死 四月守道董象恒委把總韓應璫等分領漳兵四百六十人許勝劉漢廷等領三畝兵三百四十四人進剿漢廷刺殺賊首龔二賊潰遁奪獲馬匹甚多 五月巡道僭知縣吳南灝督領守備張問行

浙兵千人把總韓應琦曹經許務等兵千餘人至上登
象峒等處分營犄角散諭賊之脅從者二千餘人及戰
大敗之於銅盤嶺斬級九十餘生擒三十餘獲器械無
算遂直搗員子山石骨砦梅子畚等巢悉焚之餘黨遁
去 六月賊寇會昌都司甘耀率百戶曹經等統兵分
截經遇賊於東流坑接戰水衝急經跌石溜中被賊搃
殺把總朱球哨官羅應時馬萬宗及官軍死者數十人
七月賊攻安遠會昌遁歸恐杭兵截歸路聲言將取
道藍屋攻上杭知縣吳南灝測其詭計先率三晷兵兼
馳至中堡聞賊已圍武平從小路常風嶺直抵城下已

踰二更賊驚宵遁南灝麾許勝等追至中赤地方斬首
百餘生擒數十人蹂踐死者尤衆 十月巡道曾櫻檄
知縣吳南灝督三晷兵至象峒中軍守備李鐸領營兵
先到賊從小路突至官兵驚潰鐸急下馬讓南灝曰某
戰死沙場分也公全城倚命須急去南灝因疾馳馬又
爲賊砲所傷哨官黃祥又急以馬易之乃得歸鐸步戰
格殺數人力竭爲賊所殺 十一月十七日賊自佛子
岡來如蟻屯聚教場中次日求招安當事佯許之城
中居人盡忿櫻聞乃手書牌招兵時賴思養及溫子魁共
率千餘人賴君選丘汝華李朝育亦率數百人叩轅門

願出殺賊櫻授勝思養等方畧率兵自榕樹門出繞城東直趨教場賊不及備許勝挺身入一賊來交鋒殺之劉漢廷殺一賊葛廷龍殺一和尚城上喊起如雷賊敗走官軍追殺甚衆至雷公寨日晡兵還獲器械鎗重無數十二月巡道曾櫻先期令舉人李魯貢生詹彌高赴潮州謁兵道謝璉會兵搗巢許期還報乃令典史李日瀚密召象峒鄉兵至十四日知縣吳南灝勒兵駐南巖寺武平知縣巢之梁率象峒兵千餘亦至次日兩縣督指揮張大倫嚴明及賴思養溫子魁等分兵搜勦斬獲數百人經一巖孤懸如燕巢賊匿其中主簿顧所行

上杭縣志

武備

十四

投火燠之賊沿巖走急以銃擊之斬首十餘級復燒田壘逕搜南坑尾野猪窠等巢賊首謝和尚鍾書公劉尖鼻皆擒斬餘遁入員子山復遣張大倫李國英等同廣兵四處把截羣賊皆入石砦設木棚自蔽大倫等以火攻破之死者過半

四年三月廣寇鍾凌秀等數千人剽掠高梧知縣陳正中率兵合勦時總兵謝弘儀屯高梧與賊對壘被賊殺傷百餘人巡道中軍守備吳奇勲千總林應龍指揮黃應官張大倫把總賴思養賴君選曹緯王國佐皆死於陣次日許勝督戰不利官軍又傷百人三箇把總陳大

策陳萬振童緒及汀州應襲把總張耀俱被殺 九月
凌秀等復聚石骨巡撫熊文燦駐縣檄叅將鄭芝龍
弟守備鄭芝虎剿之凌秀就縛 五年二月凌秀弟復
秀叛聚黨五百餘人出綠水潭至迴龍岡劫燬民居巡
道顧元鏡遣把總許勝百戶賴其勲等禦之其勲先至
高毛溪餘兵觀望不進勝營中俄發一砲賊覺分翼截
逼其勲孤軍無援血戰而死 八月虔撫陸問禮移鎮
汀州以汀同知黃邑中偕巡道顧元鏡總兵陳廷對屯
程鄉九月搜銅鼓障員子山松源藍枋等處斬賊鄭蛟
精九良星等一百三十餘級生擒郭和尚水鱉蛇等一

上杭縣志

武備

五

百八十餘名十一月巡道設太平宴於演武亭

十七年四月賊首張恩選

白號猶婆熊
來蘇里人

鍾雲龍鄭蒲子

游細子等標掠上登諸處官軍戰於寶坑威遠守備李
國楨上杭副中軍許紹美死之至七月復掠黃坑河坑
諸處巡按御史陸清源檄縣遣三番兵許勝葛登標等
分剿殺賊總鄭蒲子楊和尚等時村落俱無樓堡賊沿
鄉焚劫來蘇勝運白砂古田諸里無不殘戮及十月恩
選合江西瑞金會昌安遠長寧羣賊數千由藍屋一路
劫掠巡撫張肯堂以十二月抵汀州遣遊擊張一俊陳
天榜等分兵尾擊自除夕前二日至元旦後五日截斬

賊魁數十人恩選乃就叅將包象乾營乞降尋散遣歸
次年丙戌七月張恩選復煽合葛登標糾集廣寇王
九萬何新登張秤鍾賴若孚等數千人圍城巡道傳天
祐悉力守禦以諸生黃中龍叅軍事時城中民高道化
通賊爲祟申龍調得其狀誘殺之并殺其奸黨百餘賊
猶未退夜半襲東城城上大銃突發斃賊前鋒葛倫及
驍勇十餘賊驚以爲神燒營遁走

國朝順治三年八月大兵入閩十月廣寇謝志良賴若孚
等復聚雷公寨四出焚劫軍門李成棟統兵臨縣剿
殺夜半遁 四年正月廣寇張秤鍾等復至官兵剿之

上杭縣志

武備

十六

至黃田水坑間賊假裝鄉民誘兵入其伏中遂敗掠去
塘尾婦女及殺傷居民凡數百人七月復掠水埔玉女
下等村民居皆被焚燒九月賊扎藍屋悅洋劫金山
五年正月廣寇王九萬劫掠梅溪寨上圓山又陳坑黃
舖等處羣賊哨聚立鴛鴦寨探視河下貨船及陸路過
客肆劫四月巡道張時然遊擊賀國相督兵擒殺數十
人賊焚寨遁去

六年張恩選踞來蘇大帽山葛登標踞溪南三畝裏華
國蘊踞白砂華家亭號投誠仍聚衆自固恩選尤猖獗
七年巡道趙映乘蒞任邑生薛應吉陳勗逆方畧明

年巡撫張學聖駐汀州映乘繪杭民劫難圖力請剿滅
應吉統鄉勇爲導官兵直擣賊穴恩選竄走平和之烏
石洋爲鄉人火炮所斃登標國蘊及恩選所設四鄉頭
目二十餘人先遣邑生丘之麟招諭之皆就撫縣境始
肅清

康熙元年茅礫峰賴丫婆等賊起擄劫師姑坑知縣封
珂知邑生薛應吉素具幹畧委轄鄉勇攻巢殺賊奪回
所擄男婦餘黨悉平

上杭縣志

武備

七

以僞職相繼宰杭應麟行縣派餉逼勒之威民不堪命
至十五年應麟復通海寇吳淑薛進思等爭踞汀州受
奉明伯僞爵九月 康親王統兵定閩雲龍反正淑進
思敗於邵武同應麟奔杭合邑人堵塞城七門以拒之
柯治驚跳城而走應麟走潮州死淑等仍遁入海

康熙初年廣賊古端周良珍結黨踞程鄉武平上杭三
縣界之山峒潛劫行旅遼耿逆之亂克炤愈熾每乘夜
劫村落并掠男婦索贖婦女稍姿艾者輒拘留不出四
鄉咸罹其毒十九年守道周昌蒞任捕治之二賊皆就
撫守道旋調任去賊仍橫行二十三年冬劫三屬邑生

張殿揚家塾師程鄉諸生謝煊及學徒張學逢等六人俱掠去幽置土窖知縣蔣廷銓密與遊擊楊輔鼎定計先令壯丁扮遊術丐者察賊之出入至二十四年元夕後三日訓知二賊皆在巢初更時遣把總陳進率兵分道疾走六七十里與壯丁內外攻圍擒二賊出所掠七人於窖中方鞠訊之詳憲請正典刑而前後自斃於獄餘黨遠竄積患頓絕

論曰地方所當勦者寇也所當撫者民也至民起爲寇則所當撫者卽所當勦者此時身任地方之責撫之不能而議勦勦之不忍而又議撫蒿目時艱固未

上杭縣志

武備

六

可執此以廢彼也杭固巖邑開治以後寇警屢告顧自外至者十之三四自內起者十之六七外寇之來可藉師武臣力若在內之寇其根滋蔓其醖潛伏芟除而撲滅之良非易事明季以迨國初民之罹害尤亟矣今者內外寧謐爲勦爲撫俱可無容置喙然而安不忘危大不忽小兇苴當求有用之材鷹眼不無未化之質桑土綢繆實兵志之善經故志武備而詳寇變蓋前事之不忘可爲後事之師云爾

地310.763
32
:3

卷之六 職官志

文秩 武統

卷之七 名宦志

宋 元 明 國朝

卷之八 選舉志

科第 貢生 薦舉

例監 武科 吏掾

貤封 冠帶附

卷之九 人物志

德業 賓耆 勇烈

列女 仙釋 方伎

上杭縣志

禮



上杭縣知縣長洲蔣廷銓纂修

職官志

文秩

武統

官司之建置因乎地亦因乎時因乎地故或多或少之各殊因乎時故或設或裁之互異上下五百餘年地方之寧蠢民俗之生耗咸繫於斯紀其名所以責其實也

文秩

宋

知縣事

縣丞

縣尉

梅溪寨巡檢各一員

上杭縣志

職官

知縣事

周式

道州人茂叔之伯見世家行狀○楊志增

上官拯

見舊通志○徐志增○年代俱無考

廖揆

建炎中任見宋志○楊志增

許顏

紹興初任見夷堅志○楊志增

孫瑞

紹興二十九年任有傳

鄭稷

乾道二年任以憂去

陳朝章

乾道七年任有傳

任文茂

淳熙十年任十四年

蕭輅

淳熙十四年任慶元三年

鮑粹然

淳熙間任有傳○楊志增

薛洽

慶元三年任六年滿替

黃葵

慶元六年任開禧三年致仕

陳沂

開禧三年任嘉定三年滿替

林半千

嘉定三年任十一年

鄭必學

嘉定十一年任十二年致仕

曹南老

嘉定十三年任十六年

趙彥挺

嘉定十六年任寶慶二年滿替改建學

陳準

寶慶二年任三年罷去

趙時鉞

紹定四年任端平二年滿替有傳

方應祥

端平二年任嘉熙二年滿替

謝觀國

嘉熙二年任淳祐元年滿替置蘭省莊

余繼祖

淳祐元年任嘉熙三年滿替

趙希諱

淳祐五年任八年滿替重築城垣

王廷慶

淳祐八年任十一年致仕○舊志作延

楊仁吉

淳祐十一年任本年致仕

潘景丑

淳祐十二年任寶祐三年滿替更砌城垣

李務行

寶祐三年任六年滿替重建學

林似孫

寶祐六年任

鍾紹安

寶祐間任見贛州志○楊志增

縣丞

郭纘

紹興間任見舊通志○府志增

何鎬

淳熙間任見舊通志○有傳○徐志增

呂伯固

嘉定六年任九年滿替

饒洽

嘉定九年任十二年滿替

陳絃才

嘉定十二年任十六年滿替

吳次春

嘉定十六年任寶慶二年滿替

上杭縣志

職官

二

江寅

紹定六年任○兩舊志作紹興誤

林桂

端平二年任

廖武子

端平二年任嘉熙三年滿替

趙汝嵩

嘉熙三年任淳祐二年滿替

趙時時

淳祐二年任寶祐四年滿替

梁濤

寶祐五年任六年夏去

陳稷

寶祐六年任

縣尉

林韶

嘉定六年任九年滿替

陳元震

嘉定九年任十三年滿替

柯岐

嘉定十三年任十六年滿替

張窩

嘉定十六年任寶慶二年滿替

康濟

紹定元年任四年滿替

陳夢凱

紹定四年任端平元年滿替

林翊龍

端平元年任嘉熙元年滿替

黃師心

嘉熙元年任四年滿替

趙時著

淳祐元年任四年滿替

陳僑

淳祐四年任七年滿替

陳時學

淳祐七年任九年滿替

趙時儵

淳祐十年任寶祐元年滿替

陳時可

寶祐四年任開慶元年滿替

鄭應雷

開慶元年任

論曰縣開於淳化乃宋志職官題名始建炎而止開慶楊志所謂前後之闕者多也况卽所載姓名核其年代往往有相去數年餘者當必更有脫誤第見梗槩云耳至梅溪寨巡檢姓名絕不一見按熙寧時巡檢馮某建塔於鍾寮場又紹定後有充寨軍食米數則其職員殆與縣相始終而前志固畧之矣

元

達魯花赤

縣尹

儒學教諭各一員

達魯花赤

上杭縣志

職官

三

伯顏

至正二十年任建縣治

鄭從吉

至正末攝縣事有傳

○府志作二年誤

縣尹

魏侃夫

至正中任

吳楚

至元中任○俱據府志增入

論曰元至元二十年定江淮以南三萬戶之上者爲上縣一萬戶之上者爲中縣一萬戶之下者爲下縣其全設官有達魯花赤縣尹主簿縣尉典史儒學教諭各一員杭邑自紹定寇攘之後戶多逃絕當爲下縣官不全設固也獨是伯顏以前八十年來曾無第二人姓氏二尹偶見其名而至正至元年代之前後又復倒置蓋邑之事實至元概無可考不止職官一

條亦存什一於千百耳

明

知縣 縣丞 主簿 典史 儒學教諭 各一員 儒

學訓導二員 興化鄉巡檢司 太平巡檢司 巡檢 醫學

平西驛 藍屋驛 驛丞各一員 陰陽學訓術 醫學

訓科 僧會司 僧會 道會司 道會 〇二巡檢司 成化

十四年分屬永定主簿及訓導一員平西驛驛丞皆崇

禎元年裁又弘治九年設巡捕主簿正德元年裁

分巡漳南道

成化六年新設二十三年駢劄上杭

伍希閔

字仲孝安福進士成化二十三年任弘治十年再

周鵬

字雲翔玉山進士弘治

杜啓

字子開吳縣進士十五

茹鑾

字世和無錫進士正德

胡璉

字重器沐陽進士八年

上杭縣志

職官

范輅

字以載桂陽進士十五

儲洵

字平甫泰州進士五年

梁世驃

字南臯順德進士九

侯廷訓

字孟學樂清進士十

鄭燭

字確南餘姚進士二十

桂榮

字近庵上饒舉人二十

熊洛

字景之南昌進士二十

王時槐

字子植安福進士三

黎元

字淑期涪州進士四十

袁大誠

字池南鄞縣進士四

張啓元

字文峯龍泉舉人隆

徐梓

字汝良餘姚進士四十

金澗

字汝東東陽進士三十

梁佐

字心泉大理衛進士三

楊梁

字勿齋歸安進士二十

韓柱

字龍南餘姚進士二十

王庭

字直夫常熟進士二十

錢世賢

字四年任臨川進士十

謝汝儀

字四年任鄞縣進士七

王俊民

字用章石首進士嘉

靖元年任

四年任

四年任

四年任

四年任

八年任

八年任

十一年任

四年任

四年任

三年任

〇府志缺

王圻字元翰上海進士四年王喬桂字引瞻石首進士五年

尹校字原學歙縣進士萬曆三年任彭應時字化中廬陵進士六年

盧整字敬甫臨海舉人八年以副使任武尚耕字邦聘溧水進士十一年任

張文燿字養晦沅陵進士十年任徐汝陽字時泰臨川進士十五年任

李得陽字伯英廣德進士十年任張斗字景北烏程進士十八年以副使任

黃正色字端甫秀水進士十年以副使任邵夢弼字仲良餘姚進士二十年任

王建中字銘新平湖進士二十一年任金節字子卿南海進士二十四年以副使任

孫光啓字子昭嘉興進士三十年以參政任程達字順甫清江進士三十一年以副使任

程朝京字康侯新安進士三十四年以副使任潘陽春字伯乾餘姚進士三十七年以參政任

陳德元字叔仁秀水進士四十年以參政任馬呈秀字君實江都進士天啓元年以參政任

上杭縣志
職官
五

沈珣字幼玉吳江進士三年以參政任朱大典字延之金華進士六年以副使任有傳

曾櫻字二雲峽江進士崇禎元年以參政任顧元鏡字明生歸安進士三年以副使任

王源昌字紹貽黃岡進士七年以副使任周昌儒字詡為安興進士九年以副使任

吳簡思字明止武進進士十年以參議任馮之圖字密庵興國進士十二年以參議任

王繼蕪字銘蘊長興進士十四年以參政任

論曰憲司之所統轄初非一縣縣何獨紀其姓名以其駐節專在於縣也故設官自六年不紀周公謨以下數人而特始於二十三年之伍公循舊府志例也間有訛缺奉題名記可考備為採訂

知縣

吳煜 洪武二年任重建城隍廟 劉亨 鄭州人由文學九年任有傳

鄧致中 十二年任丈量田畝 韋貞 十九年任 鄉團○應作十四年

王彥良 二十五年任 秦斌 臨桂舉人二十七年任有傳

顧祥 江都進士永樂元年任 劉紹 四年任重建賑濟倉 ○應作建文元年

梁貞 六年任 沈新 錢塘人十年任重建壇壝

張光啓 南城人由人材十五 劉伯蘊 鄆陵舉人洪熙元年以給事中謫任

姚秀林 浙江人宣德 胡泰 華亭舉人八年任重修 譙樓

張琳 興寧貢生十年任卒於 羅謔 餘姚貢生正統四年任 官創建浮橋

熊琰 進賢貢生十年任以憂 岑嵩 德慶舉人十二年任致 去

楊瑾 蘭谿貢生景泰元年任 黃希禮 永嘉貢生四年任罷 重建縣治

上杭縣志 職官 六

劉泓 當塗貢生天順七年任 胡鉞 嵯縣貢生成化元年任 致仕

孫安 錢塘進士六年任以憂 蕭宏 武岡舉人八年任以憂 去

石塘 餘姚進士十三年任以 李曰思 弋陽貢生十七年任 憂去

張祐 桐鄉貢生二十三年任 徐綬 常熟舉人弘治二年任 卒於官

高以政 崑山舉人九年任 馬淳 順德舉人十五年任設 立社學以疾去

陳思誠 襄陽舉人正德三年 謝浩 海陽舉人九年任重建 任

黎鐸 陽朔舉人十四年任 王世熙 柳城舉人嘉靖元年 任

謝明 番禺舉人四年任 黃鑾 上饒監生九年任

馬節 通州舉人十二年任 劉存仁 懷集貢生十五年任

伍遵 安福舉人十七年任 汪應奎 歙縣舉人二十三年 任蒲去有傳

趙文同

靖安進士三十年任

朱世微

豐城舉人三十五年任建杭川公館

李仁卿

東莞舉人三十七年任

余一貫

浮梁舉人四十一年任

陳與言

安春舉人四十五年任

周裔登

南海進士隆慶三年任

錢堯中

會稽貢生萬曆元年任

楊萬春

錢塘舉人五年任有傳

殷守善

歙縣舉人八年任

徐鍾嶽

豐城舉人十四年任

樂九疇

東鄉舉人十七年任

鄧良佐

從化舉人二十年任

梁仲仁

山陽舉人二十五年任

梁祖寅

順德舉人二十九年任

何其義

瓊山進士三十三年任

倪應春

桐城進士三十六年任

李自華

江寧舉人四十一年任

彭玘

南昌舉人四十四年任

周廷臣

番禺舉人四十七年任

吳南瀨

武進進士天啓五年任

上杭縣志

職官

七

陳正中

上海進士崇禎二年任

盧躍龍

順德舉人六年任

蔣盈幾

全州舉人十二年任

趙碩來

涇縣舉人十三年任

羅萬藻

臨川舉人十七年任

趙碩來

涇縣舉人十三年任

縣丞

周文郁

洪武五年任興建學

黃魁旺

洪武間任○徐志增

何仕能

洪武間任○徐志增

汪信立

洪武間任○徐志增

潘義

餘姚進士永樂三年任

梁衡

番禺舉人十二年任修

楊孜

萬載吏員宣德五年任

易華

華容監生正統八年任

劉致思

歸善監生十一年任

趙榮

宏山監生景泰四年任

留紳

西安監生成化二年任

熊璉

高安監生四年任罷去

以憂去

熊璉

高安監生四年任罷去

陳清 德慶監生七年任署清趙鎮 進賢監生十三年任罷

徐忠 餘姚吏員弘治元年任胡盛 荆門監生五年任

蔣鎰 建德吏員八年在滿去張銳 贛縣監生十五年任卒

王獻臣 吳縣進士十六年以御史謫任有傳胡淵 宣府監生正德元年任

宋濬 確山監生四年任致仕黃永忠 蘇州吏員六年任調

陳秉 孝感吏員九年任以疾黃鵬 餘姚吏員嘉靖三年任

鍾夔 安遠監生九年任方鐸 安福吏員十四年任○

陳梗 龍泉監生十六年任王瑚 玉山監生二十二年任

方憲 弋陽吏員二十九年任凌眼 太倉監生三十一年任

王載臣 南康貢生三十三年李良模 太湖貢生三十四年

上杭縣志 職官 八

邵新 靈山貢生三十七年任范津 休寧監生四十年任

鄧鈇 清江監生隆慶二年任傅伊 會稽吏員四年任

沈子燿 德清貢生萬曆三年梁汴 高要貢生七年在

朱士嵩 餘姚監生九年在羅從先 龍川監生十四年任

余純章 浙江貢生十七年任陸率履 南直貢生十九年任

郭炫 江西吏員二十二年任鄒元良 豐城貢生二十五年

劉承芳 麻城舉人二十八年蔡文會 豐城吏員三十九年任

李如珠 山陰吏員三十四年許衛 餘姚吏員三十九年任

陳梧 會稽吏員四十二年任章應奎 會稽監生四十三年

鈕銘 會稽吏員四十五年任嚴惟中 湖州廩監四十七年

朱應魁

山陰吏員天順三年任

沈之紀

北直吏員九年任

金懋會

六安州儒士崇德元年任

蕭致章

貴池吏員五年任

周維新

浙江吏員十一年任

王爾燧

浙江監生十四年任

梁廷俊

浙江吏員十五年任

王規

仁承差景泰四年任

陳元輔

浙江吏員十五年任

王裕

永樂元年任

王簿

洪武二年任

孫俊

山東人宣德五年任

王敬

上海人九年任○府志

董繼生

融縣人正統三年任

魏原泰

永樂間任○俱徐志

王規

卒於官

張鎮

分宜吏員七年任

王規

卒於官

王敬

上海人九年任○府志

王規

卒於官

上杭縣志

職官

王規

卒於官

吳盛

長洲吏員天順三年任

朱文錫

建德吏員成化三年任

孫必通

湘陰吏員六年任

阮振

山陰吏員八年任

潘輔

錢塘監生十四年任

余嵩

昌化監生十七年任

陳秀

鄱陽吏員二十年任

林恒

四會吏員二十三年任

唐賢

崇德吏員弘治三年任

王壁

建德監生七年任

魏敏

青縣吏員九年任

梁福

安福監生十一年任

胡萬

廬陵監生十二年任

丁仁

合肥監生十六年任

葉貫

盱眙監生正德元年任

康祺

泰和吏員五年任

張泰

樂昌監生九年任

傅斌

義烏監生十二年任

王俊

長洲吏員十六年任

譚希崇

茂名吏員嘉靖三年任

楊環 郴州人

柳尚學 臨湘監生十九年

阮庸 餘干監生二十三年

蔡棐 大興監生三十一年

李美 南昌吏員四十年任

吳貴 千吏員四年任

胡用 宣城監生萬曆二年

蕭芳 廬陵監生十一年

周用中 浙江吏員十八年任

楊一明 山陰儒士二十二年

上杭縣志 職官

陳士英 宣城吏員三十年

王洪度 餘姚吏員三十五年

陳學化 會稽吏員四十二年

章日升 貴池吏員泰昌二年

毛元英 武進吏員七年

典史

李進 貴池人永樂二年

葉世聰 廣東人宣統九年

熊止安 新金人宣統九年

三族 新金人宣統九年

孫文傑 麗水監生十四年任

劉祥鳳 會昌監生二十年任

李應策 程鄉監生二十六年任

陳璿 浦江貢生三十一年任

高 徐聞吏員隆慶二年任

周孝 泰州貢生五年任

王應龍 吳縣吏員四年任

徐文議 永康監生十五年任

余一中 直隸吏員二十年任

方梓 會稽吏員二十五年任

楊標 黃岡貢生二十二年任

王時明 山陰吏員三十七年任

周為貴 興寧吏員三十二年任

謝奇芳 餘姚吏員天啓二年任

黃所行 奉化吏員崇禎元年任

童明 宣統元年任

吳文敬 金華人正統三年任

章慶 宣統二年任

岳景 宣統二年任

岳景 宣統二年任

牛貴

澤州吏員八年任卒於官○府志缺

朱永義

當塗吏員成化三年任罷去

萬瑀

南昌吏員六年任卒於官

羅宗仍

慈谿吏員九年任卒於官

王宗榮

臨海吏員十四年任卒於官

王信

黃岩吏員十七年任卒於官

解俊

黃岩吏員十八年任卒於官

王剛

富陽吏員弘治元年任

黃雷

餘姚吏員八年任朝覲卒於塗

徐慶

德慶吏員十五年任罷去

龍鸞

茂名吏員正德二年任罷去

潘昌

豐城吏員七年任罷去○府志缺

黃科

信豐吏員十年任以憂去

梁勝聚

融縣吏員十五年任罷去

馮世清

浙江吏員嘉靖二年任○府志缺

覃表

融縣吏員七年在

任鎬

慈谿吏員十二年任

伍世顯

柳城吏員十七年任

陸鉉

三水吏員二十年任

羅鎮

定海吏員二十九年任○府志缺

上杭縣志

職官

士

黃文林

餘姚吏員三十年任

王賢

永康吏員三十五年在

夏孟高

高安吏員四十一年任

阮大章

茂名吏員隆慶元年任

周昆

臨川吏員六年任

趙中

會稽吏員萬曆五年任○府志缺

陳大綱

臨安吏員七年任

蘇正道

當塗吏員十三年任○府志缺

甯清

永康吏員十八年在

滕雲蛟

會稽吏員二十年任

徐世盛

山陰吏員二十年任

平應陽

仁和吏員二十五年任○府志缺

吳一龍

繁昌吏員三十年任

韓紹文

泰和吏員三十三年任

王文照

涇縣吏員三十六年任

汪世俊

仁和吏員四十年任

黃珂

東流吏員四十二年任

孫鍊

安遠吏員四十六年任

歐夢鯤

高明吏員天啓元年任

盛伯元

仁和吏員四年任

楊緒 六安州吏員 三年任 張樵 吳縣吏員 三年任

王賜爵 婺源吏員 六年任 江登鵬 婺源吏員 九年任

鍾元亮 新喻吏員 十二年任 趙世瑞 永嘉吏員 十四年任

馮桓 會稽吏員 十七年任

教諭

黃元震 永豐儒士 洪武七年任 陳閏 建安舉人 見舊通志

李庚 香山貢生 永樂九年任 陳思旻 衡陽舉人 十三年任

吳克讓 新城舉人 宣德二年任 葉儒林 寧海進士 正統四年任

劉貴 安福舉人 六年任 廖潤 新淦舉人 十二年任

陳興 新建貢生 景泰元年任 季遠 龍泉貢生 七年任

上杭縣志

職官

十三

胡匡 泰和舉人 成化元年任 孫能 山陰舉人 十一年任

林昇 潮陽舉人 二十年任 楊宏 化州舉人 弘治九年任

柴祚 鄞縣貢生 正德二年任 李朝會 潮陽舉人 九年任

陳諫 海康貢生 十四年任 陳濟 南海舉人 嘉靖三年任

程邁 高明貢生 八年任 梁彥錦 東莞舉人 十七年任

夏啓東 繁昌貢生 二十二年任 蕭祥庚 泰和舉人 二十六年任

陳典 南海貢生 三十一年任 劉順之 馬平舉人 三十五年任

楊稿 餘姚貢生 三十九年任 徐朝隣 武康貢生 四十四年任

鄭用淵 番禺舉人 隆慶二年任 林一道 泰順貢生 四年任

黃建可 海陽貢生 萬曆元年任 顧伯侃 雲和貢生 四年任

朱民範

南平貢生八年任

黃一岳

上海貢生十一年任

陳棟

嘉興貢生十四年任

朱廣章

饒平舉人十五年任

程可達

永豐舉人二十年任
滿去○府志缺

唐時興

晉江舉人二十二年任

林薦章

莆田貢生二十七年任

姚柄

崇德貢生二十九年任
○府志缺

陳廷樑

同安舉人三十二年任

薛庚

長泰貢生三十五年任

譚之鳳

豐城舉人三十八年任
滿去

馬應義

永康貢生四十四年任
○府志缺

蔣尚茂

全州舉人四十六年任

王國珪

閩縣舉人天啓三年任
滿去

陳志孔

連江貢生崇禎元年任

吳廷聘

連州貢生二年任

郭衛都

星子貢生四年任

黃應祺

滁州貢生五年任

王志伊

南平貢生七年任

李鍾佳

晉江舉人十年任
滿去

上杭縣志

職官

十三

洪鳴鸞

仙遊貢生十三年任

孫傳要

山陰貢生十六年任

游漢龍

龍溪舉人十七年任

訓導

胡時

本縣儒士洪武八年以薦辟任有傳

曾宜勉

廬陵儒士永樂五年任
滿去

鄭孟華

開化貢生六年任

毛誠

仁和貢生十年任
卒於

王盧淵

安福貢生十八年任
卒於官○府志缺

盧功名

海豐舉人宣德元年任
滿去

顧繼

上海貢生八年任
以憂去○府志缺

奚讓

吳縣貢生正統三年任

鄭自強

鄞縣舉人四年任
卒於官

羅震

番禺舉人十二年任
滿去

潘啓明

黃岩舉人景泰二年任
滿去

吳崧

南城貢生七年任
以憂去

李盛

浮梁貢生天順五年任
滿去

李壽

金華貢生八年任
卒於官

鄭鏞 蔭谿舉人成化五年任
李鏞 太平貢生十一年任滿

張貞 浦江貢生十五年任滿
黃元憲 南海貢生二十一年任以憂去

陳倫 增城貢生弘治二年任
羅淵 錦山貢生三年任

陳章 海康貢生四年任○府
劉祖 豐城貢生八年任

袁慶雲 零都貢生十一年任
俞玠 浮梁貢生十六年任○府志缺

譚震 大庾貢生十八年任
羅大經 柳城貢生正德四年任

劉耀 海陽貢生八年任○府
周民獻 浮梁貢生十四年任志缺

丁冕 餘杭貢生嘉靖元年任
宋應奎 仁和貢生五年任

張定 龍游貢生八年任○府
崔如慶 番禺貢生九年任○志缺

李尚恕 香山貢生十一年任
邵徵 都昌貢生十四年任

上杭縣志
職官
古

陳遂 麗水貢生十七年任○府志缺
盛應登 吳縣貢生十八年任

郊夔 臨海貢生二十一年任
陶陽鳳 山陰貢生二十一年任滿去

沈芳 山陰貢生二十三年任
馬返文 河源貢生二十五年任致仕

黃尚經 番禺貢生二十七年任
吳治 桐城貢生三十年任

劉鸞 峽江貢生三十三年任
黎本淮 崖州貢生三十五年任滿去

張轅 廣州貢生三十八年任
黃山 博羅貢生三十九年任○府志缺

徐天祺 高安貢生四十一年任
徐珏 建德貢生四十四年任

莫文泰 河源貢生四十五年任
陳嘉言 貴溪貢生隆慶二年任滿去

黃遷 長樂貢生五年任滿去
張磐 海澄貢生萬曆二年任

趙穎昌 新建貢生三年任○府志缺
馮瑞 番禺舉人五年任滿去

翁以貫 廣州貢生八年任 陳應桐 延平貢生九年任○

何珊 閩縣貢生九年任滿去 應綏寧 永康貢生十年任

朱洪猷 莆田貢生十六年任 蔡一龍 平和貢生十九年任

劉天秩 連州貢生二十一年任 黃喬貞 南靖貢生二十一年任

黃中久 南安貢生二十二年任 范天然 建陽貢生二十八年任

劉應廷 仙遊貢生二十八年任 廖楨 龍岩貢生二十九年任

徐朴 保昌貢生三十四年任 李玉琛 惠安貢生三十四年任

李良智 通州貢生三十八年任 龐鍾魯 南海貢生三十九年任

賓悅 衡山貢生四十一年任 吳三樂 將樂貢生四十二年任

謝淶 永安貢生四十六年任 張其傳 鉛山貢生四十六年任

上杭縣志 職官 五

諸應龍 高淳貢生天啓二年任 李一椿 邵武貢生二年任○

施所學 蕭山貢生四年任滿 詹學恭 壽寧貢生七年任

李日明 建水貢生七年任 楊世勲 鎮海衛貢生崇禎六年任○

林一貫 仙遊貢生十年任 孫鰲 山陰貢生十六年任

論曰楊志職官止於萬曆六年後此成書可考端賴

府志乃其間率有脫謬而莫甚於贊僚之司訓如何

珊蔡一龍黃喬貞范天然李玉琛龐鍾魯吳三樂謝

淶張其傳數君子列之天啓者一列之崇禎者八今

考學宮之題名又採邑儒之筆記則皆萬曆間履任

不知何以倒置參錯若此蓋歷官先後惟憑年代府

志之失在崇不紀年耳悉經釐定較若列眉庶可爲

後之徵信矣

巡檢 興化鄉 太平寨

徐思義 浙江吏員正統十年 王原坪 麗水吏員正統十三

何永通 麗水吏員景泰三年 周聰 德清吏員天順三年任

汪濟 星子吏員成化二年任 曹能 仁和吏員成化六年任

楊榮 黃岩吏員八年任病故○以上自興化改太平

梁南容 鬱林吏員成化元年 鮑麒 鄭州吏員六年任卒於

何文輝 建德吏員八年任以 胡益 南昌吏員十一年任病

杭邑故有巡檢二員興化鄉洪武五年所設也正統

上杭縣志

職官

六

十四年以太平鄉多盜移置其地卽以名司天順七
年興化盜起乃復置如舊而太平爲增置至成化十
四年皆屬未定矣今存其屬杭以前者共得十一人
云

驛丞 平西驛 成化六年設崇禎元年裁藍屋驛成化十

梁綱 陽江承差成化七年任 王英 慈谿承差十六年任滿

陳麟 上虞承差二十二年任 李濬 進賢承差弘治九年任

宣澄 會稽吏員正德六年任 任宇 清苑吏員十三年任

夏志榮 宣城吏員嘉靖七年 王應奎 郵縣吏員十三年任

朱文通 隆慶州吏員十八年 蔡榆 高安吏員二十一年任

鍾勝 南昌吏員三十二年任

丁宗禮 麻城吏員四十二年任

熊晃 新建吏員四年任

蘇世賢 霍山吏員萬曆二年任○以上見楊志

諸士文 餘姚吏員四十七年任

靳水吏員天啓六年任○以上俱平西驛

吳江 鄞縣吏員十四年任罷去

曹錫 衡水吏員弘治元年任三年撤回玉華驛

楊濟 進德承差五年任

陳倫 南海吏員十年任

職官 十七

徐鏌 豐城吏員七年任

陳定 瓊山吏員十五年任

甘霖 志缺 吏員七年任○府

金龍 台州吏員十年任○以下府志俱缺

蔡友鳳 定遠吏員二十一年任

費淳 穎上吏員三十三年任

王應驥 鄞縣吏員三十七年任

嚴光泰 南豐吏員四十五年任

霍中 南海吏員五年任

宣城吏員隆慶二年任

余奇壯 莆田吏員萬曆二年任○以上見楊志

上杭縣志

張智 餘杭吏員正德六年任

張志 紹興吏員九年任○府志缺

王詔 錢塘吏員嘉靖六年任

施誠 臨淮吏員九年任

趙賢 浦城吏員十三年任

黃文旻 番禺吏員二十九年任

饒鉞 初門吏員三十四年任

張良相 武陟吏員四十三年任

何文科 宣城吏員隆慶二年任

陳民秋 福清吏員六年任

王子雲

鳳陽吏員三十七年任

宋燭

山陰吏員四十二年任

王可立

靈璧吏員天啓三年任

李元會

海寧吏員崇禎二年任

邢彥觀

高淳吏員八年任

凌希相

南昌吏員十三年任
○以上俱藍屋驛

論曰丞秩雖微而使節之供張支應係之既已設官

固無空署今楊志止紀萬曆之初府志乃以啓禎上

接嘉靖中更二三十年姓名槩缺遍詢邑之聞見亦

絕無可稽考蓋皆以其卑末而忽遺之耳嗟乎獨怪

此二三十年間貴客經過嚆訶鞭撻惟此卑末之丞

是問也

陽學訓術

上杭縣志

職官

六

薛得宗

洪武中保除

湯祖旺

正統

郭鏌

弘治

郭鏌

弘治

溫璧

德

溫璧

嘉靖

學訓科

王光壽

永樂中保除

雷渙

成化

孔成

正德

孔成

正德

會司僧

惠焯

成化

惠焯

成化

建會司道

建會司道

俞狝虛

長汀人正統中護記

謝得真

成化

黃碧霄

成化

以上俱縣官選邑人及僧道納銀保除雖屬辦公徒

應故事沿及於後每虛無人矣

國朝

知縣 縣丞

典史

儒學教諭

訓導各一員

醫學訓科

僧會司僧會

道會司

道會○訓導康熙四年裁十五年復

分巡漳南道

順治三年初設駐劄上杭康熙三年裁歸分守道仍駐劄四年移駐漳州六年并裁

十七年復設分守汀漳道駐劄二十一年仍裁歸巡海道

周之翰

字治三年任

江都貢生順

張嶙然

字崧瞻烏程進士四年任

趙映乘

字涵章祥符進士七年任有傳

郁之章

字衷恒嘉善進士十年任有傳

上杭縣志

職官

十九

衛紹芳

字匪莪猗氏進士十年任

劉三章

字逸仙景州進士十年任有傳

申偉抱

字又韓遼陽鑲藍旗貢生十八年任

宗彝

字兆祥大興進士康熙元年任

陳啓泰

字貢生三年任遼東鑲紅旗

周昌

字又文遼陽鑲藍旗貢生十八年任

知縣

陳兆勲

海鹽貢生順治三年任

董鳳舞

東寧衛人六年任有傳

文國楨

陽信舉人九年任卒於官有傳

張登選

東寧正藍旗進士十年任行取

翁需

常熟舉人十六年任以憂去有傳

封珂

沛縣貢生十八年任建譙樓致仕去

吳起鵬

深州貢生康熙八年任罷去

孫驚濤

祥符進士十年任以憂去

朱廷燦

富平貢生十一年任罷去

甯維邦

遼東筆帖式十六年任罷去

蔣廷銓

長洲貢監十九年任蒙請以京官正印陞用

督

撫兩院保舉

題

縣丞

胡拱極

溫州府貢生順治三年任

蔣泰

涿州監生九年任

宗泰

靈山貢生康熙四年任

張一貫

萬安貢生七年任

賈璠升

長子貢生十年任罷去

馮登鰲

新城貢生十八年任

典史

丘必盛

太平吏員順治三年任

施有謨

青陽監生八年任

何廷球

諸暨吏員十三年任

董德峻

慈谿吏員康熙元年任罷去

朱青曦

宛平吏員十八年任

教諭

鮑之漢

仁和貢生順治四年任

鄭熙運

澄海舉人八年任

上杭縣志

職官

三

陳奎光

晉江舉人十年任陞去

林時應

侯官舉人十八年任

郭祚永

古田貢生康熙十年任

楊孟璫

晉江舉人十八年任卒於官有傳

胡曇嘉

惠安舉人二十一年任

訓導

林翼宁

漳浦貢生順治十年任

林九錫

平和貢生十五年任

官天眷

南平貢生康熙二年任

鄭一藩

大田貢生二十二年任卒於官

陳耀芝

永福貢生二十四年任

醫學訓科

丘萬鎰

順治十年劄授

武統

宋 無考

元 無考

明 守禦千戶所正千戶一員 副千戶二員 鎮撫一員 百戶十員

正千戶

張興 大興州人宣德三年襲父友職成化三年調任張瓚 興子成化三年襲

張滄 瓚子弘治元年襲張顯宗 滄子正德十一年襲

張西銘 顯宗子嘉靖二十六年襲張應基 西銘子嘉靖四十四年襲

張問仁 應基姪萬曆十二年襲張師孔 問仁姪萬曆四十一年襲

張天恩 師孔弟天啓七年襲

副千戶

上杭縣志

職官

三

潘俊 儀真人景泰六年襲祖敬職成化二年調任潘榮 俊子弘治七年襲

潘元濬 榮子正德十六年襲潘思學 元濬姪嘉靖二十一年襲

潘憲 思學子嘉靖四十年襲潘應麟 憲子萬曆三十一年襲

潘洙 應麟子崇禎十四年襲

余昶 衡陽人天順四年襲父吉職成化二年調任余蘭 昶子弘治元年襲

余相 蘭子正德十四年襲嘉靖中除

曹瓊 清河人成化元年襲父禮職二年調任曹瑛 瓊弟成化九年襲二十三年降百戶

賴榮貴 本縣人嘉靖三十八年襲兄榮華職

鎮撫

劉晟 沙縣人宣德二年襲祖富職成化二年調任劉杰 晟子成化二年襲後除

王覲

高郵人天順七年襲父

王得

覲弟成化十五年襲

王裕

得子弘治七年襲

王鳳

裕子嘉靖十年襲

王恩

灝子嘉靖二十三年襲

王寵

恩子萬曆二年襲

王國裳

寵子萬曆四十一年襲

李鋼

泰興人景泰四年襲父

李茂

鋼子成化二十三年襲

李玉鸞

茂子嘉靖九年襲

李聰

玉鸞子萬曆二年襲

李中秀

聰子天啓元年襲崇禎元年岩前陣亡

李汝麟

中秀子崇禎二年襲

嚴琮

建德人宣德八年襲父

嚴政

琮子成化十二年襲

嚴壽

政子嘉靖三年襲

嚴希聖

壽子嘉靖四十三年襲

上杭縣志

職官

三二

嚴嘉詔

希聖子萬曆六年襲

嚴嘉訓

嘉詔弟萬曆四十年襲

嚴華

嘉訓子崇禎七年襲

莊瑞

睢寧人天順三年襲兄

莊端

瑞子弘治九年襲

莊韜

端子嘉靖十六年襲

莊子蒙

韜子萬曆元年襲

莊士廉

子蒙子萬曆四十年襲

湯禎

定遠人宣德九年襲父

湯輅

禎弟成化六年襲

湯葵

輅子成化二十一年襲

湯文

葵弟嘉靖八年襲

湯澄

文子嘉靖十九年襲

湯鳴鸞

澄子嘉靖三十九年襲

湯宗道

鳴鸞子萬曆十六年襲

湯日照

宗道子萬曆四十二年襲

湯有光

日照子崇禎元年襲

饒昇 南豐人正統六年襲父勝職成化二年調任 饒弘 昇子弘治元年襲

饒恭 弘子嘉靖八年襲後除

王琳 金壇人正統三年襲兄伯善職成化二年調任 王澍 琳子成化十三年襲末

王璧 真定人景泰六年襲祖斌職成化二年調任

尹端 定遠人景泰五年襲祖子忠職成化二年調任

姚鋼 潯州人成化六年襲祖定職調任

武誠 江寧人成化六年襲祖安職自永安衛所調任

孫秀實 南陵人成化十六年襲祖榮職自松門衛所調任

賴楷 本縣人正德十二年以父思智蔭 賴榮華 楷子嘉靖九年襲調征倭陣亡陞副千戶

賴宗仁 榮華子萬曆六年襲 賴其勲 宗仁子萬曆末年襲崇禎五年迴龍陣亡

上杭縣志 職官 二十三

賴天球 其勲子崇禎六年襲

曹鎮 瑛子嘉靖三年襲 曹佳元 鎮子嘉靖二十七年襲

曹經 佳元子萬曆二十年襲崇禎元年東流陣亡

論曰邑向無專城守禦自明正統天順間叠遭沙尤

勝運之寇成化二年始設防兵由汀州衛右所調至

統之者皆軍功世蔭之子弟當時重在承襲故舊志

各分紀其世系今皆革除亦仍舊例備存其名爾

國朝 駐防上杭汀州城守右營遊擊一員 千總二員 把總二員

守禦上杭所千總一員順治十四年裁 百總一員 順治十三年裁

遊擊

賀國相 丹陽人順天籍順治五年任卒於官 高滿敖 陝西人順治七年在陝去

張國棟 陝西人順治十年任卒於官 李欒 順天府人順治十四年在陝去

郝樸 山西人康熙元年任以病去 郭鳴鳳 河南人康熙七年在陝去

尹雲龍 太倉人康熙十四年任罷去 白珍 鐵嶺鑲紅旗人康熙十六年任罷去

楊輔鼎 通許人康熙十九年任

千總

董印 汀州府人康熙十六年任 楊明 西安府人十七年任

陳建勲 晉江人二十二年任 李明 揚州府人二十二年任

把總

賀有賢 上杭籍康熙十六年任調去 王國良 大興人十六年任病故

上杭縣志 職官 二十四

嚴成功 鳳陽府人十六年任 陳進 邵武府人二十二年任

蔡玉 莆田人二十五年任功加左都督銜

自順治四年迄今駐防將弁若營若所歷任姓名不一而以康熙十三年耿逆變亂冊燬無稽今祇詳載十六年以後之職員若其從前則就賾記之所及者約紀於右云

論曰邑藉官而理官藉志而傳凡宦遊斯土者無問尊卑所當臚載乃百年以來文獻殘缺今悉意搜羅竟有無從核其姓名者况事實乎然而建節剖符握兵司教卽至佐貳雜流苟垂懿績固自彰彰可傳則

其湮沒非盡文獻之無徵也後之視今猶今之視昔
感慨係之矣

上杭縣志

職官

十五

上杭縣志卷之七

上杭縣志卷之七

名宦志

宋 元 明 國朝

上杭縣雖小而六百年中官師相繼建茲教育其人
興學校者有其人以至愛士恤民與利惠者數其人
變諸君子慕惠一方曩錄其在美不勝書採其大者
而彙著之匪獨冰炭陰之口碑實亦樹花封之身軀

循

宋

上杭縣志

名宦

景瑞紹興二十九年知上杭縣事縣自淳化五年開學
百六十餘年未立學舍至是始營建之復置學田以
主暇日暇治學與諸生講論經史品其文行定爲
一曰士氣奮奮入公實首庸焉

陳朝章乾道七年繼鄭稷爲令先是稷以縣凡四遷
發掘皆治非其所之故奏遷於郭坊得吉從民之便方
經始遽以憂去朝章至慨然以爲已任凡所屬意
園井全徑具有條理不二年而工告成

趙靜然字淳父括之龍泉人以淳熙間進士任時士風
西聘三山老儒職教導士始知所學邑多知人

...定光佛祠...
...在...立...州人...呼爲上杭南安撫司...
...入境...上杭令名委之一閱具得實...
...政宣...

...人與朱文公熹友善講論精密...
...補安溪簿未起淳熙間調上杭丞治...
...征賦提舉司...
...之鎬取文書閱視得其精旬日...
...不均貧弱受病條其說...其他...

名宦

...事者滋不悅鎬卽前去...
...創建之扁其書堂曰高遠初蒞任母不...
...省每行輒不受俸秩滿調善化令計月...
...勞於...

...定三年以長汀丞攝縣事適寧化...
...逐之次年拜爲真時城壘縣治官...
...力營繕皆復其舊而民不知勞

...勳直勇敢膽畧有過人者至正末邑...
...入城自保因力延之託以捍禦從吉至...

衆約必殺賊盡乃已賊惧不敢犯境時田疇屢荒流移者半從吉多方招集闢而治之屹然爲一邑保障行省知其能授以攝縣事

明

劉亨鄭州人洪武初以文學舉九年來知縣事甫下車鼎新學宮以次創置山川社稷諸壇縣治廨舍無不修整時兵殘之後邑多逃亾亨綏懷有方政務寬恕民皆樂於復業在任五年戶口之數歲增雅善屬文以邑兩生胡時丘子俊才薦於朝皆任學職邑之人士由是蒸蒸知嚮文矣

上杭縣志

各宦

三

秦斌臨桂舉人洪武二十七年爲邑令勤於政理遇事明敏專以鋤擊豪強爲務孱弱者加意撫恤之吏民帖然畏服縣境故僻商貨罕通乃於歲之九月二十八日就靈顯廟爲會招集遠近商旅各以方物至與民貿易市旣成會亦旋罷斌饒幹畧於此見其一端云

袁宏武岡州舉人成化八年任知縣以剛直稱蒞事勤而蠲吏不敢欺以私初邑民建祠祀御史伍驥署都指揮丁泉而事未上聞祀典不備宏條其事以請得賜額褒祀歲以春仲致祭輿情始愜又以邑志久缺延教諭孫龍偕邑生孔經輩修之上下百有餘年故實亾失蒐輯

便垂於後安之力也

王國安福進士御史驥之子也成化二十三年以分巡

道專駐上杭時勝運來蘇賊劉昂溫留生糾武平

縣且隆聚衆數千流劫江廣間希閔初下車知脅從者

衆首事招撫以所帶其黨就撫者立二團營處之計以

二數昂等猶拒命乃遣府知事周琛統民兵偕指揮劉

廣授以方畧昂等皆就縛餘黨悉平希閔旋以憂去至

弘治八年來蘇賊劉廷用等復聚衆攻劫希閔方補任

廣東南贛巡撫金澤薦其才再調任抵縣募驍勇李福

瑛鄧維端獎勸備至福瑛等踴躍用命於是保安沙布

上杭縣志

名宦

四

積盜張鑑羅福興等以次擒斬境內肅清及九年考滿

阨於寡合竟致仕歸

王獻臣吳縣進士弘治十六年以御史謫任縣丞居官嚴

介而勤敏不以謫故自放亦絕不立崖岸與知縣馬淳

同心諮議造文峯塔建際畱倉修城隍廟以及橋梁道

路應平治者百廢具舉時以其暇進諸生講藝娓娓不

休聽者忘倦輿情想望謂當再入臺班十八年復謫厓

州都許驛丞去蓋忤於中貴一黜固未已也

汪應奎歙縣舉人以嘉靖二十三年涖縣任日講求地方

利弊於城鄉各處增置預備倉凡七所歲勸各里隨力

捐輸賑貸有所資民不爲病二十四年浚南盜張文政等寇賴兵備鄭炯發民兵剿捕時義民賴榮祖有弟榮昌榮德亦黨賊應奎以義激榮祖榮祖先攻殺兩弟遂襲搗賊穴誅文政賊平所獲馬匹兵備分各里甲牧養應奎循環均配無偏枯之累民咸德之性本坦易然鯁直不容人過遂有以蜚語中之者邑耆民數百人赴直指使者白寃狀賢聲溢於省會居八年陞廣州通判去之日橐裝蕭然民益多其廉潔

林一道浙之泰順貢生隆慶四年任本學教諭行方而量廣其訓迪一出懇誠浮囂之習爲之一變知縣周裔登

上杭縣志

名宦

五

議鑿泮池一道首先捐俸爲倡池成費不干於公帑又以啓聖祠祭器未備學田不足供贍貧生前後鑄造置買合計四年俸入未嘗取以自資食粗衣敝怡然也嘗署縣事三月餘翕然稱治萬曆改元轉亳州學正去諸生德之爲建亭於黌宮之右

楊萬春字汝和錢塘舉人嘗兩刲股和藥奉親平居兢兢一介有真孝廉之目萬曆五年宰杭縣有曾安及無主名之老於程鄉見殺安之兄曾元訟三人於縣非實也繫獄三年莫決萬春始至卽齋戒三日禱於城隍引元同宿廟中夜元夢安悲愬殺我者爲薛守瓚密訊得其

人捕鞫具服蓋守瓚始誘安殺老人分其財後遂殺安併取之三人之寃得白邑稱神君至七年閩省通行丈量時屆春耕萬春集衆議以爲丈量者不過豁糧之浮於田加田之浮於糧耳今縣四千餘戶浮糧百石有奇籍不定其何人冊不註其何戶莫若於各戶計畝而補官可不勞而民無廢業詳請再上守道鄭汝璧令各里甲自首無糧田以補其額尤爲均平於是額旣足且有贏民咸便之他如創寅賓館重修縣志皆事之有關於一邑者也

朱大典字延之金華進士任給諫疏觸魏璫調外天啓六

上杭縣志

名宦

六

年三月以分巡副使駐杭入夏禾田壞於水民乏食汀人復遏糴旬日間米價騰踴大典首出俸賑饑者旋遣標員告糴於南贛商販四集民賴以甦慮頻歲饑僅奸民易致竊發公餘輒引指揮李鐸百戶賴其勲等訓習兵法自是軍容始整明年調福寧道以去流寇果嘯聚出劫邑賴有備人咸思公能預防至三元鎮建塔瀨溪築堤前後捐俸三百七十金又疏通街市鑿渠日亟亟以轉移風氣爲事邑人懷德至今祠祀之

吳南瀨字鯤池武進進士天啓五年任邑令清介而慈厚以待士庶嚴以馭吏胥其材尤長捍禦崇禎初元潮寇

倡獮南灝募溪南三苗民剽悍者爲兵每寇掠武斗輒督兵協剿屢捷及寇逼城復選義勇賴思養等有擊城下殺賊幾盡乘勝進掃其巢巡撫熊文燦榜其功於通省以風守土二年優調閩縣擢諫垣去邑人德而祠之額以再造杭川云

陳正中字念修上海進士崇禎二年任知縣性孤潔一蔬一縷不忍擾民間縣所徵秋糧米向有羨耗百石零剝歸縣官正中糶粒不受悉儲爲兵餉助值廣寇鍾凌秀等肆掠高梧親率兵進剿從間道一日夜馳二百餘里時有擒獲賊旣退議築巖前城置隘樓於各險要處控

上杭縣志

名宦

七

禦有恃前後五年募兵措餉日無寧晷積勞咯血不止猶以其間與諸生郭鴻劉如蘭等講藝課文訓誡諄切六年春疾革易簣時諸生環侍家人執硃筆稟取殮衣正中舉筆題云黃泉那有凍死鬼何必紛紛去擾民攔筆遂逝邑人悲思建特祠祀之仍請附學宮俎豆焉

羅萬藻字文止臨川舉人崇禎十七年爲縣令時寇賊充斥守備許勝所統新兵及葛登標所統鄉勇皆駐杭餉無額設暫支河稅旋奉南贛軍門檄解甚急軍心騷然萬藻悉力籌畫條議侃侃臺司不能撓之餉賴以濟次年五月鄉兵隊中賴漢廷等十三人劫來蘇里擒置獄

其黨練勝龍忽擁衆幾二百人臨城脅保而張恩選舊部號狼頭星者內應之變起倉卒萬藻閉城門誘執勝龍解遣餘黨出漢廷於獄并狼頭星立斃之而後報聞聲色不動民得安堵萬藻初爲諸生與同邑章世純大力陳際泰大士東鄉艾南英千子互以制舉義相劇切力追先民遺架天啓丁卯倪文正元璐典江西試未入境首爲萬藻屈一指榜發以第十六人雋賢書文正咨嗟累日曰吾失大士而後文止耳世皆知萬藻能文乃其臨政綽有可觀以履任日淺未足展其底蘊也

國朝

上杭縣志

名宦

八

署分巡周亮工字元亮祥符進士順治八年七月以本省右藩來駐節時山海交警亮工晨入署向夜卽躬出登陴戒勵城守軍卒人人思奮有前道署中軍事呂吉橫肆通邑苦之莫敢言亮工廉知其狀立捕逮申革重懲以法鎮將多爲吉寬者毅然勿顧也往例巡道衙門器用責舖戶供應傾家者時有亮工詳請革除并盡焚歷來成案勒石於縣數百年陋規自是頓絕尤加意於造士雖羽書旁午分題親試邑號能文者無不蒙其鑒拔計視篆僅踰三旬而興利剔弊之念日不暇給旋省士民號泣扳留甚至閉城門遮塞道路則公之德意可鑒

見矣

汀南道題名記不載署官此以官制言耳有善政者不在此例

趙映乘字涵章祥符進士順治七年由刑部郎擢任漳南道時劇盜張恩選等負險自固未定賊蘇榮朱以太等復焚劫苦竹等鄉映乘初下車已逼歲暮急以撲滅爲事繪劫難圖三十冊上巡撫張學聖躬督鄉勇偕遊擊賀國相直搗賊巢榮等悉就擒恩選亦竄走死平和伏莽爲之一清暇日購買民居於縣之西爲講藝堂擇社師之良者捐公費以給月課寇變之餘民間始聞讀書聲規模弘遠矣甫二年丁內艱去任惜未竟厥施云

郁之章字衷恒嘉善進士順治十年以分巡道駐杭抵任

上杭縣志

名宦

九

未幾海寇入漳州僞總兵萬禮統所部扎古田聲言來攻上杭人情驚沸之章鎮之以靜密會商城守張國棟整頓營伍趣通邑士民齊集演武場手自草檄諭禮首責以大義次示以利害詞旨曉暢見者無不色動禮知有備宵遁去平時銳意作人每月之朔望分題課士四季月倣棘闈式校藝七篇嘗自爲文以程士操筆立就諸課卷必親加評閱時時而進前列各生指示奧義日移晷不倦十二年賁捧入都條奏上杭入學之額宐爲大學武平宐爲中學皆得復舊邑之文風自此再振比去諸生祀於學宮右壤以誌不忘

三章字逸仙景州進士順治十六年由戶部郎分巡漳南適靖南耿繼茂初調駐閩府檄派上杭民夫千人遠至浦城境上聽候點用三章方抵省廉知民困亟請之督撫得免杭之民未之知也迨駐節衙門舊有供給公費一槩禁絕有茹冰飲藥之風凡訟牒批行有司讞案既上一一詳審覆閱多所平反所擬贖鍰悉蠲之在任三載前後一轍擢池太道副使去邑人爲立祠於周方伯祠之西

董鳳舞遼陽人順治五年知上杭縣縣當初定人戶流移田多未墾而援勦潮漳之兵往來絡繹供需百出鳳舞

上杭縣志

名宦

十

隨宜措置費省民力得紓四境漸見安集之象未及二年以積勞卒邑人悲思請祀名宦

文國楨字六符陽信舉人順治九年爲令常俸外矢以冰蘗自茹遇事當執法者持正不撓凡准行詞訟不遺一隸行拘到者隨與剖決不願終訟則聽其便刁訐之風頓息尤雅意教育每月必三課諸生終始不形倦色十二年卒於任貧至不能舉喪

翁需字雲將常熟舉人順治十六年來知縣事性方嚴言笑毫不輕假邑中徵收陋規火耗積弊一切革除殆盡每當讞決進兩造於庭反覆論以情理訟者嘗涕泣釋

爭而出在任始終無罰鍰撫字教化殆無之矣
論曰士自一命而上宦遊之地孰不思流芳百世凡
得如豆宮牆者固聲施不朽矣然從前祀典或舉或
未舉則直道在人簡編之傳後卽公論之待仲也若
夫監司控制旣遙膏澤豈偏一邑而駐節所在食德
倍多例當登載但紀年而不序爵亦曰所重不視乎
爵也

上杭縣志卷之八

上杭縣知縣長洲蔣廷銓纂修

選舉志

科第
地封

貢士

薦舉

例監

武科

吏掾

周禮選士於鄉在漢猶爲近古唐宋以來諸科並設
要以進士爲重則古意寢微矣杭邑在宋元間人才
不少槩見由勝國以入 國朝登仕籍者後先相望
析而計之爲科爲貢爲薦辟爲上舍而翹關掾叙咸
得自奮立賢固自無方茲仍統以選舉蓋義從乎古
耳

上杭縣志

選舉

一

宋

無考

元

科第

詹子微

在城里人至正間進士任連城主簿

薦舉

林懋馨

在城里人以遺逸舉任福州府商稅局大使

按元延祐元年甲寅八月始行科舉次年乙卯二月
會試至元元年乙亥罷六年庚辰復行又元祐元年
詔各省訪求遺逸由此兩途出身亦各有數等其他
入仕之途班資甚雜當時之杭豈別無仕進者而僅

傳詹林兩公蓋此實一邑人文之發祥也乃詹登第之年既不可核若林之見於通志又以馨爲輕而屬籍連城傳信亦傳疑仍爲附錄於此

明

科第

建文元年己卯鄉試楊子榮榜

永樂後革除仍稱洪武三十二年

高鵬

字裏山勝運里人在歸安知縣○通志名季山

永樂元年癸未鄉試陳用榜

建文壬午靖難未行鄉試故以是年舉行明年甲申會試

李誠

字明善勝運里人在開封府學教授

三年乙酉鄉試楊端儀榜

上杭縣志

選舉

二

陳詳

字約禮在城里人由府學兄進士○府志誤作長汀

六年戊子鄉試楊慈榜

陳觀

字尚賓在城里人在新城教諭

林顥

字祖良在城里人由歲貢應天中式

九年辛卯鄉試林誌榜

游瑩

字尚明在城里人歷任潮陽教諭

李綸

字仕彌在城里人見進士

郭定安

字致道在城里人歷任德化教諭

梁弼

字仕賢在城里人見進士

十二年甲午鄉試何瓊榜

周弘

字友毅在城里人見進士

劉贊

字仲襄在城里人任建德教諭

十三年乙未會試陳循榜

梁弼

任於潛知縣

李綸

任行在廣東道御史陞江西按察司僉事有傳

十五年丁酉鄉試李馬榜

羅經

字履常在城里人第五

吳澄

字惟清勝運里人任經

曹寧

字逢吉在城里人任陽

黃中

字通理勝運里人

黃祐

字允吉在城里人應天

十六年戊戌會試李騏榜

即李馬賜名騏

羅經

歷任浙江按察司僉事有傳

十八年庚子鄉試吳觀榜

丘聰

字敏學勝運里人第三

劉誠

字彥實勝運里人

謝佐

字廷弼在城里人

十九年辛丑會試曾鶴齡榜

上杭縣志

選舉

三

陳詳

任行在山西道御史有

周弘

任行在廣西道御史有

二十一年癸卯鄉試汪凱榜

范金

字文堅勝運里人第三

梁旻

字元亮在城里人任遂

闕和

字以忠豐田里人○後

龔興

字思祖在城里人任新

宣德十年乙卯鄉試高岡榜

張楨

字應麟在城里人任湖

陳選

字廷用在城里人任萬

正統六年辛酉鄉試方玘榜

丘巖

字公望太平里人任歸善訓導○後屬永定

景泰元年庚午鄉試翁賓榜

張弘

字克載在城里人府學

郭緒

字秉紀在城里人任程

天順三年己卯鄉試楊琅榜

丘弘

字寬叔在城里人第二
名見進士陵宗子

羅懿

字仲美在城里人
子

八年甲申會試彭教榜

七年癸未會試場屋火移八月至
是年三月殿試

丘弘

歷任戶科都給事中有傳

成化四年戊子鄉試黃文琳榜

李楫

字時濟在城里人見進士

七年辛卯鄉試余廉榜

郭資

字逢源在城里人見進士

十一年乙未會試謝遷榜

李楫

歷任戶部主事有傳

郭資

歷任行在雲南道
有傳

上杭縣志

選舉

四

十九年癸卯鄉試

本省解元陳仁

吳琚

字廷珮勝運里人由歲貢順天中式任桐廬
府志作二十二年丙午誤

弘治五年壬子鄉試林文迪榜

梁喬

字遷之在城里人見進士

十一年戊午鄉試林士元榜

溫明

字孔昭在城里人任潮
州府推官有傳

周輅

字文載在城里人
惠州府同知有傳

十五年壬戌會試康海榜

梁喬

歷任紹興知府有傳

正德二年丁卯鄉試林文俊榜

周勳

字良弼城里人第三
名見進士弘曾孫

吳珂

字廷鳴勝運里人
張知縣

六年辛未會試楊慎榜

周勲

歷任徽州府通判有傳

八年癸酉鄉試張岳榜

丘道隆

字懋之勝運里人見進士

九年甲戌會試唐臯榜

丘道隆

歷任江西道御史陞南雄知府有傳

嘉靖十九年庚子鄉試鄭啟模榜

陳大猷

字汝嘉勝運里人任昌化知縣

二十二年癸卯鄉試黃繼周榜

丘尚志

字希尹來蘇里人府學

上杭縣志

選舉

五

隆慶元年丁卯鄉試張履祥榜

唐廷誥

字汝寵在城里人任瓊山知縣

萬曆四年丙子鄉試劉廷蘭榜

張恩

字子榮在城里人府學歷任吉安府同知有傳

十年壬午鄉試謝綱榜

劉燧

字允章來蘇里人歷任常州府通判有傳

二十二年甲午鄉試王畿榜

周行先

字毓一在城里人府學任常山知縣

廖行可

字觀吾在城里人

四十三年乙卯鄉試甘汝挺榜

陳于階

字懋升來蘇里人見進士

四十六年戊午鄉試戴國章榜

鍾應明

字邨運來蘇里人

天啟四年甲子鄉試程祥會榜

李魯

字得之勝運里人府學有傳

七年丁卯鄉試戴震雷榜

郭見龍

字叔雲在城里人

崇禎元年戊辰會試劉若宰榜

陳于階

歷任盧氏知縣有傳

三年庚午鄉試

本省解元張能恭

詹彌高

字卓爾在城里人府學貢順天中式

上杭縣志

選舉

六

六年癸酉鄉試陸希韶榜

丘夢鯉

字魚父來蘇里人任榆次知縣有傳

按明洪武三年庚戌卽開鄉科四年辛亥開會科六年旋罷至十七年甲子復開科遂定子卯午酉年八月鄉試丑辰未戌年二月會試三月殿試至武科鄉會試之年與文科同鄉試以十月會試以九月而於十月殿試其初非不並重後乃偏輕士之由此進者旣鮮各志亦不載及考杭邑僅於萬曆乙酉科得來蘇里劉玠一人附誌其名不復從文科之例

歲貢

洪武間 十六年始詔各學貢士

陳德義 字克善在城里人歷任河南道御史 黃友杭 在城里人

張定 平安里人歷任刑部主事 陳順民 在城里人歷任岢嵐州同知

鄧公仁 在城里人 官文慶 在城里人

羅義積 在城里人 藍以清 平安里人歷任浮梁教諭

饒仲信 在城里人任烏程訓導 陳安 勝運里人歷任建昌通判

鄭仕達 溪南里人任光山主簿 吳蒙 金豐里人任富陽知縣

劉禎 卜貞 勝運里人任烏羅知事

丘原慶 古田里人歷任江華教諭 李亨 勝運里人歷任交趾三江府推官

鄒忠義 古田里人任交趾古縣知縣 陳新 溪南里人任廣東布政司照磨

上杭縣志 選舉 七

高琛 在城里人歷任行在左春坊司諫○兩舊志名惟

永樂間

王和 溪南里人歷任光祿寺監事 賴祖隆 勝運里人

陳祖義 字以宐在城里人歷任興寧知縣 曹克安 在城里人歷任陵水知縣

林顥 戊子科應天中式 周亨 在城里人

羅友亨 在城里人 吳信 在城里人

郭綬 在城里人 曾魯 字宗道在城里人府學歷任州判

孔政 字以德在城里人 王溫 字克和在城里人

江仲遠 勝運里人 王善 勝運里人

林參 字廷相勝運里人 許聰 在城里人府學任瑞州府推官○各志失載

宣德間

丘陵宗

字崇高在城里人歷任浙江布政司經歷

江浩

字知化勝運里人任德府訓導

吳寬

字復仁勝運里人歷任巴東教諭

林津

字大濟在城里人歷任蘇州府通判

正統間

謝肅

字敬夫金豐里人歷任陽山教諭

謝欽

字致敬在城里人歷任縉雲知縣

詹穆

字彥深在城里人歷任平湖教諭

林濡

字文澤在城里人歷任南寧衛經歷

黃瑀

字楓宸在城里人任合浦縣丞

賴政

字惟正勝運里人

陳斌

字文中勝運里人

胡廣

字光太平安里人歷任海豐知縣

李勉

字克修勝運里人任靖江王府典儀

劉龍

字納言溪南里人任新會縣縣丞

景泰間

上杭縣志

選舉

八

曹能

字廷用在城里人歷任廬州府推官

劉觀

字用賓勝運里人

李榮

字時顯來蘇里人

沈穆

字彥和溪南里人冠帶

吳仕榮

在城里人府學任穀城典史

張鐸

字文振溪南里人

陳綱

字用舉在城里人

天順間

七年令各學學生四十以上者應貢

曾茂

字時芳在城里人任江西布政司副理問

李良

字彥直勝運里人任要訓導

賴璫

字文光勝運里人任安順州判官

梁寬

字道弘在城里人府學任廣東鹽課司提舉

沈文

古田里人府學任饒州府照磨

雷復

在城里人府學任肇慶府照磨

丘瑄

來蘇里人府學歷任海康知縣

曾惠

字公溥在城里人任華平戶所吏目

賴迪

字允吉勝運里人任建平主簿

郭輔

字廷佐在城里人任陽主簿

盧章

字文顯豐田里人任武寧主簿

溫祐

字吉陵在城里人任孝陵經歷

江浙

字文淵金豐里人任合肥主簿

黃鯤

字法山勝運里人任潮州府照磨

游表

字儀鎮在城里人歷任瑞州府通判

李奎

字文光在城里人歷任太平府通判

李嗣夔

字希賢勝運里人歷任南雄府推官

胡濟

字澤民在城里人任堂邑訓導

龔陽

字養正在城里人

李應奎

字文明勝運里人

成化間

朱和

字文節在城里人任德安訓導

廖廷才

字公器在城里人

孔經

字用章在城里人任南京中城兵馬副指揮

吳琚

癸卯科順天中式

范昇

字朝陽溪南里人任岐府奉祠正

曹泰

在城里人任連山訓導

黃鑑

字克明在城里人任慶遠衛經歷

陳珍

在城里人府學任海州訓導

上杭縣志

選舉

九

林繁

在城里人任廣南衛知事

林時著

在城里人任景寧縣丞

周昭

在城里人府學

周錄

在城里人府學

林廷瑞

在城里人

弘治間

丁晉

在城里人任柳州府知事

林瓊

在城里人任建昌檢校

張欽

在城里人

林遇

任電白訓導

李實

在城里人歷任梧州府通判

鄒韶

李昌

任漳州府經歷

郭訥

任昌化教諭

李尚德

任江西布政司檢校

李政

任河源訓導

丘禎

任維摩州同知

何富

府學任巴陵縣丞

丘岐 府學

正德間

張景 任高州府訓導

羅鳳 任高安訓導

曾文 任翁源訓導

張儀 任恭城訓導

李挺秀 字 在城里人歷

薛常 歷任潮陽教諭

曾應榮 任宿松訓導

丁仕達 任崖州訓導

黃瀾 任龍水訓導

何濬 府學歷任南康府通判有傳

丘端 府學

丘昂 府學任寧德訓導

嘉靖間 十一年停歲貢行選貢至十七年仍照舊制

張淵 元年

郭溥 二年 資子

上杭縣志

選舉

十

周景文 四年

李澄 字志清五年任崇明縣丞 輯子

鄭鑑 七年歷任黟縣教諭

丘道明 九年歷任應天府治中有傳

何稽政 十年府學歷任饒平知縣 濬伯子

丘佐時 十一年歷任龍南教諭有傳

何稽賢 十一年府學歷任蕭縣知縣 濬仲子

劉紹辛 十二年選貢歷任夔州府通判

聶旦 十三年選貢歷任趙府教授

劉紹丙 字克晦十五年選貢歷任廣信府通判

林廷顯 十七年任寧遠訓導

張文仁 十七年府學任寧海訓導○府志缺

林佩 十八年府學

雷東陽 十九年任萊蕪訓導

劉紹宣 二十年府學

張忠 二十一年

張文俊 二十三年歷任從化教諭

丘道充 二十五年歷任涿州同知

藍遇 二十七年

溫典 二十四年歷任石城教諭

與嘉猷 三十一年

劉紹寧 三十二年府學○府志缺

丁致卿 三十三年任臨安訓導有傳 卞彥中 三十五年任德化訓導

張珂 三十六年府學歷任寧 鍾文紀 三十七年歷任荆門州學正

立孔懷 三十八年長汀學任 賴榮光 三十九年任玉山訓導

丘道成 三十九年府學歷任 劉希文 四十年府學歷任淮府紀善

郭廷陞 四十一年歷任當塗 丘孔昭 四十一年府學歷任漳州府教授

廖志道 四十二年府學歷任 郭良猷 四十三年任潮州府訓導

張汝賢 四十三年府學歷任 梁袞 四十五年金華府教授

丘世卿 四十五年府學歷任仁化教諭

陸慶問

上杭縣志

選舉

士

劉佐 元年恩選歷任南京貴 羅昊 元年府學歷任處州府州道御史有傳紹辛子經歷

劉希曾 二年歷任政和教諭 丘自昂 四年

鍾易 四年府學歷任灌陽教諭 官中道 六年歷任寧德教諭

萬曆間 三年再停歲貢行選貢七年仍復歲貢

陳憲勳 元年恩選任新喻訓導 觀曾孫 何文甲 元年府學恩選歷任魯府教授

丘愛 元年府學任歙縣主簿 鄭璉 二年

張大顯 三年府學歷任永平 郭雲行 四年選貢知縣○府志缺

丘夢周 六年選貢任贛縣訓導 李文寧 字起豐八年任龍川主簿

丘可詔 字仲塘十年任諸暨 鍾煦 字賜谷十二年歷任英主簿

雷朝輔 字碧川十四年任陵 丘錯 字龍衢十六年歷任嘉興府通判

張憲 字子德十六年府學

丘鉉 字龍溪 府學任建寧府

劉承祚 字守卿十八年歷任

黃源 字仲卿 府學任建寧府

李文粹 字耕山二十二年任

鍾翰 字子卿 府學任建寧府

周翀 字鵬溟二十六年任建

李濟 字子卿 府學任建寧府

何愛卿 字桂林府學歷任益

莫若愚 字子卿 府學任建寧府

劉承緒 字素字三十一任府

劉三戒 字子卿 府學任建寧府

何瑾 三十二年府學歷任恩

周定先 字子卿 府學任建寧府

丘三傑 字毅齋三十六年歷

黃建中 字子卿 府學任建寧府

丘備 字純涵四十年歷任寧

陳治安 字子卿 府學任建寧府

丘光祚 字奎隆四十二年府

丘敦復 字子卿 府學任建寧府

上杭縣志

上

郭應樞 字惺寧四十六年

丘希成 四十八年府志缺

丘鏘 字龍吾長河學 鏘鏘皆道成之子

泰昌間

林申槐 字晉臺元年恩選歷

李天民 字子卿 府學任建寧府

天啟間 元年凡鄉試副榜

陳序 字仲龍元年恩選歷任

陳九思 字心乾元年任南平

陳序 字仲龍元年恩選歷任

丘振常 字允襄三年

丘問禮 字子卿 府學任建寧府

羅蓋 字耿康五年

雷有復 字梅初七年歷任成

崇禎間 八年各學拔貢一人十三年已卯科副榜皆准貢

曹萬選 字青如元年恩選 蔭補高 元年府學恩選庚午 科順天中式

丘敦履

字坦菴二年

游中行

字復如二年補貢任上海縣丞

劉定達

字日上三年府學任黃梅縣丞○府志缺

陳綬

字紫垣四年

郭從龍

字霖寰六年任建寧訓導

丁頤

字自觀八年歷任閩縣教諭

梁耀祖

字武先八年選拔

曾鉉

字斗仲十年

郭毓伸

字潛初十二年

曾友閔

字如孩十四年

劉鶴齡

字聞野十五年府學

唐應科

字君選十六年

周標先

字顏如十七年府學

貢以歲名楊志以爲卽次而年可知然自天順以迄萬曆法時變通其中更有恩拔副榜諸例而在一邑言之又有寄籍郡庠及他邑庠者不紀其年未免訛

上杭縣志

選舉

十三

雜且預此選者原與甲乙兩榜並重不宜畧其表字里居乃兩舊志先畧於紀年楊志府志仍其貫而槩畧之今採丁氏丘氏家輯志稿一自嘉靖迄萬曆初一自萬曆迄崇禎末皆詳紀年而他又畧矣兩存其是所以前後例自異同

薦舉

林秀山

金豐里人以孝廉任金華府同知

劉秀實

勝運里人以孝廉任饒州知府

胡時

金豐里人以明經任本學訓導有傳

丘子瞻

勝運里人以明經任武平訓導有傳

吳湘

勝運里人以精通書算歷任南京戶部郎中

羅文振

在城里人以人材任河陽州河泊所所官

梁貞

在城里人以人材任絳州判官

周子信

在城里人以人材任江西按察司檢校

林英 在城里人以人材任廬主簿 吳仕隆 在城里人以人材任兩浙橫浦場大使

謝志亨 在城里人以人材任上海主簿 周永忠 在城里人以人材任廣昌主簿

丁良宗 在城里人以人材任安福主簿 李存淵 勝運里人以人材任浮梁主簿

姜崇 在城里人以人材任明主簿 林洪 在城里人以人材任贛榆主簿

丘璿 在城里人以人材任兩淮餘西場副使 張谷賓 在城里人以人材任杞縣主簿

張子方 在城里人以人材任清遠濱江巡檢 周翥 在城里人以人材授冠帶禮部辦事

丘良潤 勝運里人以人材任奉新主簿 劉廷標 在城里人由廩生歷任永昌通判有傳

明初用人薦舉在科貢之前至宣德以還始漸寢格

崇禎末造間一舉行而少見多怪議者反籍籍矣舊

志載二十人楊志又載丘君良潤而誤入吏掾纂逸

上杭縣志 選舉 古

其年莫可追考要惟劉君廷標為崇禎九年所舉餘皆洪武至天順初之人物也近見通志乃入武平因纂修之局已竣無從詳請改正併識簡末以俟異日

例監

郭琛 在城里人 林楷 在城里人任揭陽縣丞

羅敬 在城里人任廣州知事 郭紹元 在城里人歷任許州知州

郭復 在城里人任泗水縣丞 鄭弘恭 在城里人任長樂千戶所吏目

林景暘 在城里人○以上見徐志 簡志 在城里人任苑源主簿

吳遂 勝運里人補汀州衛散指揮 溫言 在城里人歷任鄭府審理

郭械 在城里人任石城主簿 郭京 在城里人任南昌府照磨

郭聯成

在城里人任隄州吏

雷賓陽

在城里人任

丘嘉程

勝運里人任南京中城兵馬司副指揮

吳元

在城里人任

陳典

勝運里人任贛州府照磨

簡能

在城里人任

溫大賓

在城里人任柳州衛知事

溫大部

在城里人任

丘嘉呂

勝運里人任廣西布政司經歷道隆長子

雷鈇

在城里人任

丘嘉周

勝運里人任山東按察司經歷道隆三子

曾鰲

勝運里人任

溫大通

在城里人歷任郎陽府通判

林棟

在城里人任

吳紹周

在城里人任上元主簿

劉中立

在蘇里人任

丁思純

字小州在城里人任順德縣丞

丁思謙

字毅齋在城里人任

郭日昇

在城里人任建德縣丞

丘可繼

勝運里人任山西

上杭縣志

選舉

十五

劉明甫

來蘇里人任茂名縣丞

丘可觀

勝運里人任南京西

郭連芳

字蘭亭在城里人任臨高主簿

雷甘雨

在城里人任奉議州判官○以上見陽志

溫臯

字贊廷任廣元主簿

郭繼芳

字竹亭任湯溪縣丞署縣事

郭應葵

字兌陽任丹陽主簿

楊俊

字翼寰歷任衛

溫如瑛

字華宇任瑞安主簿

黃生輝

字奎一歷任贛州衛

周思文

字彬字歷任光祿寺掌醢署署丞

鄭應五

字振九任蕭縣主簿

郭纘芳

字槐亭任南京北城兵馬司副指揮

劉聰

授鴻臚寺序班

丁啟元

授南京東城兵馬司副指揮

雷與垣

授武英殿中書舍人

章士爵

字雲吾任景東衛經歷

丁天使

授鴻臚寺序班 啟元子

明成化二十一年河南山西早始令各學廩膳生員

納粟入監而例以事起或舉或停合考邑中徐楊兩志所載頗多府志僅載數人而取著姓殊非當時立制之本意今則就登仕版者紀之若徐志七人其二未仕亦存其名以其為一邑之倡始云爾

吏掾

張均義

豐田里人任貴溪縣丞

梁端

勝運里人任項城縣丞

沈榮忠

溪南里人任滕縣縣丞

華誠

白砂里人任黃陂主簿

賴得祥

平安里人任臨川主簿

羅良佐

勝運里人任江夏主簿

羅信

勝運里人任臨汾主簿

李茂奇

勝運里人任交河縣丞

李致和

勝運里人任固安縣丞

廖均錫

平安里人任瓊州府照磨

上杭縣志

選舉

十六

薛如輝

來蘇里人任寧遠縣丞

華晏政

白砂里人任瀏陽主簿

鄭文智

來蘇里人任華亭縣丞

丘潤

白砂里人任陽春縣丞

羅鄭孫

平安里人任樂安典史

羅景聰

白砂里人任臨江府典史

羅德富

大平里人任信宜典史

范敏

勝運里人任南京北兵馬司吏目

張瑄

勝運里人任漢川縣河泊所大使

汪弼

金豐里人任武昌典史

黃斌

平安里人任寧都典史

羅觀勳

來蘇里人任武定縣民府知事

張厚

勝運里人任京衛吏目

吳確

勝運里人任廣州府磨

林琪

在城里人任涇縣典史

王琮

溪南里人任兩廣總督場大使

丘瑛

勝運里人任龍川縣通衢巡檢

丘子厚

太平里人任家司

劉暹

勝運里人任永豐縣砂溪巡檢

何碧

來蘇里人任

丘永宗 古司里人任清遠縣 黎獻 太平里人任懷慶府倉

藍清 勝運里人任文昌縣舖 陳亨 溪南里人任陽山縣銅

羅徵 勝運里人任儋州安海 曾輝 金豐里人任龍川縣平

廖敞 勝運里人任宿州倉大 高貴 勝運里人任沁州倉副

藍璟 勝運里人任南康府倉 何瓊 來蘇里人任海陽縣關

何仲信 來蘇里人任滁州大 江李茂 金豐里人任樂清縣

鄭宗輝 溪南里人任徐州稅 范善卿 府丁字庫大使

李景清 勝運里人任平樂府 葉茂崇 來蘇里人任襄陽府

羅文智 勝運里人任高州府 溫鑑 勝運里人任永平府倉

丘斌 白砂里人任撫州府倉 何遠 勝運里人任鳳陽府倉

上杭縣志 選舉 七

華忠 白砂里人任武進縣毘 賴蒲成 古田里人任海豐典

林永嵩 白砂里人任萬安縣 林洸 太平里人任河源縣稅

羅賢 太平里人任南雄府稅 李寬 勝運里人任南京內府

吳善 白砂里人任武昌倉副 黃清 勝運里人任安遠縣大

溫景和 勝運里人任應天府 丘衡 勝運里人任廣州府倉

游海 勝運里人任高州府倉 鄭達 來蘇里人任鬱林州倉

許魁 勝運里人任德慶州倉 吳璚 勝運里人任宿州倉大

孔易 歷任徐州同知 孔琢 歷任京衛經歷

孔濂 歷任鴻臚寺主簿 鄭銓 歷任慶元縣丞

孔盛 任龍川典史 孔恒 任安仁典史

丘時敬 任歸德府倉大使

鍾元玉 歷任安肅縣丞

黃和 歷任昆明縣丞

黃忝 任博白典史

黃稷 任宣化典史

廖丙齡 歷任濟州衛經歷

孔世爵 任臨江府司獄

丘時進 任鄱陽縣石門巡檢

何文邦 任建寧府倉大使

劉益甫 歷任歸安主簿

王仲文 歷任仁化主簿

湯淳 任英德典史

劉諫 歷任新城主簿

丘時俊 任淇縣洪門驛丞

張有能 歷任承天府經歷

鄭興祥 任漢陽府通濟倉大使

梁哀 任祁州倉副使

李柰 任合浦典史

李楠 任周羅寨巡檢

曾會德 任鳳陽典史

上杭縣志

選舉

十六

鄭秉通 任汾西典史

郭萬全 任周羅寨巡檢

曾鉞 任潮陽縣倉大使

林世華 歷任平樂府經歷○
以上見楊志

郭鏞 歷任徐聞主簿

劉永德 歷任靈璧縣丞

廖成德 歷任饒平主簿

廖浩 任道州吏目

郭復生 任武岡州吏目

陳海 任江夏典史

李亨 歷任河津縣丞

林仍亨 任武清縣楊村驛丞

林得茂 任三河典史

郭從愛 任漢川縣河泊所大使

周象輅 任南海縣胥江巡檢

張應琚 任新會縣倉大使

郭英賢 任南寧典史

郭濟學 任肇慶府倉大使

雷正 歷任懷遠衛經歷

張有贇 歷任登州府知事

黃紹龍

歷任壁山主簿

賴朝聘

任巴州吏目

鄭恩

任高要典史

湯克寬

任咸寧典史

張其蘊

任吉安州吏目

張其猷

歷任監利縣丞

溫如珠

任雲和典史

林世榮

歷任蜀府典簿

丘一濂

歷任橫海衛經歷

溫熙

歷任桂林府右衛經歷

溫廉

任博羅主簿

黃紹麟

歷任延慶衛經歷

周明道

歷任德安主簿

周敬賢

歷任碭石衛經歷

周嘉賢

任偃師典史

林士標

任龍泉典史

張遐齡

任保德州吏目

張士選

歷任宏興縣丞

雷起亨

任武康典史

江起龍

任桂平典史

上杭縣志

選舉

十九

葛惟峻

任貴溪典史

高登庸

任潛江典史

莫天寵

任新喻典史

張可則

任天津右衛知事

藍希蓀

歷任射洪主簿

劉瑋

歷任從化主簿

余慶元

任黃巖典史

黃嚴鏐

任雲南右衛知事

薛國寵

歷任清遠衛經歷

袁益勤

歷任惠州府司獄

江鍾岷

任蕭山典史

張可訓

任兩浙浦東場大使

謝遐才

歷任清遠典史

林賓

任兩淮白塔河巡檢

謝廷舉

任三河典史

郭日芳

歷任荊府典儀

劉珂

任安陸典史

林秉守

任鉛山典史

林明奇

任平樂典史

李見明

任魏縣典史

丘子茂

來蘇里人任瓊山縣丞

溫輝

在城里人任彭城衛經歷

戴士亨

任遵義典史

呂應龍

歷任潯州府經歷

童顯龍

任陝西廣積庫大使

周思成

任雲南布政司照磨

謝秉常

任龍川典史

陸錦

任梁山典史

林廷詔

任仙居典史

曾應鵬

任西寧縣懷鄉巡檢

鄭僑

任萬載典史

林秉賢

任通山典史

梁弘

任博羅典史

吳學淵

任北京承運庫大使

蔡萬春

任西寧衛茶馬司大使

吳朝元

任灌陽典史

吳國相

任通山典史

邑之以掾吏入仕者見於三志不乏若各鈔本紀萬

上杭縣志

選舉

三

曆以後姓名更繁然或虛列職銜似同遙授或紀蒞任之所又近似而失真偶閱汀州會館記及昆明丞黃君栢軒崇恩勝槩履歷頗多井井因採入之餘則從闕疑之例又若郭主簿鏞至雷經歷正凡十五人皆在嘉靖間今第補楊志之遺不更序其前後也

武職

范興

來蘇里人洪武初任通州衛帶俸都指揮同知

范瑛

與子襲任本衛帶俸指揮使

丁忠

在城里人任通州衛正戶

丁誠

忠子襲陞本衛指揮僉事

丁廷用

誠姪襲任

鄭興

豐川里人任通州衛正千戶

李榮

在城里人永樂元年山軍士授

李德用

在城里人元年由軍所正千戶

張忠 授在城里人元年出軍士 鄭綱 授溪南里人元年山軍士

李旺 授勝運里人三年由軍士 吳璵 監勝運里人成化間由例

藍元彬 授武平籍天啟間將材 章士爵 崇禎初勦寇功由經

許勝 授溪南里人崇禎八年勦 陳德隆 寇功加署守備

邑故多材勇奮身行陣赴公家之難者先後歷有其

人如李福瑛鄧惟端賴思養賴其勲輩或給冠帶或

受劄委名未登司馬之籍志載有缺各別見傳記中

勲封

陳文政 以子德義貴贈南京 吳谷用 以子湘貴贈南京戶

周永茂 以子弘貴贈行在廣 羅克寬 以子經貴贈淇縣知

上杭縣志 選舉

林廣 以子津貴贈左軍都督 丘陵宗 以子弘貴贈戶科給

溫以恭 以子祐貴贈孝陵衛 郭俊 以子資貴贈行在雲南

孔濬 以子經貴封南京中城 郭琳 以子紹元貴封北京西

梁時衡 以子喬貴累贈兵部 孔琦 以子易貴贈南京孝陵

周世昌 以子輅貴封上饒縣 丘廷鳳 以子道隆貴封江西

吳世奎 以子彥貴贈北京燕 廖世賓 以子丙齡貴贈濟州

劉紹辛 以子佐貴封貴州道 溫璽 以子大通貴贈北京北

劉廷美 以子諫貴贈登仕佐 林珊 以子世華貴封登仕佐

丘偉 以子一濂貴封南京橫 張大本 以子恩貴贈廉州府

莫大春 以子若思貴贈嘉定 周价 以子思文貴封光祿寺

郭世仁

以子纘芳貴封南京北城兵馬司副指揮

陳嘉謨

以子干階貴贈雞澤縣知縣

士子身叨爵秩無問尊卑皆思榮其所生顧或甫登仕版旋遇覃恩或洊陟崇階未膺錫命遭逢正各不同所以邑中自一命而上纍纍若若而為封為贈者無幾幸得邀恩則存歿雖殊顯揚歸于一致核而著之志亢宗之慶也

冠帶

附

陳謙

藍永受

俱在城里人天順四年賜民年九十以上者冠帶榮身

周俊傑

郭端

俱在城里人成化元年各上賑濟米二百五十石授正七品散官

丘禮

鄭熙

羅琦

俱在城里成化十年各上賑濟米二百石賜

上杭縣志

選舉

三十二

雷廷祐

在城里人成化十九年於萬全都司納賑濟銀四十兩賜榮身

郭秉賢

黃永宗

鄧馬魁

李聰

周文廣

廖祖仲

丘泰宗

李宗義

鄒永瑞

張秉賢

俱在城里何琛

黃得昌

俱勝運里人成

化二十三年賜民年八十以上者

雷經

丁遲

郭觀瀾

陳福成

溫盛

俱在城里

丘得聰

何龍

俱來蘇里弘治四年各納賑濟銀四十兩賜

丘嘉伊

勝運里人嘉靖二十一年納賑濟銀一百兩授典膳冠帶

按天順四年賑饑在城里人郭衡郭端郭鑑鄭昭太平里人簡惟一各上米四百石則賜勅旌異在城里

郭賢張曙鄭齡鄭祥平安里林五二各上米二百石
則官立石以獎之不輕授冠帶也成弘而降寢失古
制矣至高年之異數非遇大恩赦未嘗得賜當嘉靖
五年在城里溫瑛行端德厚壽躋百有一齡而終未
邀榮人固有幸有不幸歟

國朝文武兩科俱用明制順治二年乙酉順天江南山東
山西河南陝西舉行鄉試三年丙戌會試是年秋復
舉順天江南山東山西河南陝西湖廣浙江江西鄉試
四年丁亥再行會試十六年己亥雲貴蕩平再行會試
在福建省於順治五
年戊子始開鄉科

科第

順治八年辛卯鄉試陳聖泰榜

上杭縣志

選舉

三三

楊夢吉

字允升勝運里人任常山知縣有傳

十一年甲午鄉試熊臣忠榜

藍學鑑

字龍友在城里人任江
全椒知縣候補中書

黃璘

字光其在城里人任平
江知縣

十四年丁酉鄉試吳孟榜

林鸞

字賡成在城里人

莫之偉

字偉人在城里人由
府學見進士

劉應

字同伯勝運里人府
任資縣知縣

郭連城

字宗維在城里人由
學任龍陽知縣

十七年庚子鄉試吳道來榜

羅銓

字次公在城里人

十八年辛丑會試馬世俊

莫之偉

任咸寧知縣

康熙五年丙午鄉試蔡奎梅

二年甲辰會試始改策論兩
切至八年已酉鄉試仍舊制

丘作聖 字奮生來蘇里人

十九年庚申鄉試曾炳榜 乙未鄉試

八年午兩科以耿逆之亂停
是年補行

鍾尚志 字非常來蘇里人

二十六年丁卯鄉試蕭弘樑

丘嶠 字碧上來蘇里人

武科

順治十一年甲午鄉試

江宗梁 字志揚在城里人任太原衛左所千總管守備事

十七年庚子鄉試

上杭縣志

選舉

三

郭栻 字叔謙在城里人

康熙五年丙午鄉試

羅錦 字雲予在城里人

八年已酉鄉試

黃麗 字可威太平里人

十一年壬子鄉試

姜丹書 字又呂在城里人 陳金章 字二交在城里人

十九年庚申鄉試

溫瀚 字伊人在城里人

二十六年丁卯鄉試

張純 字賓如在城里人

歲貢

順治朝

四年五年八年十一年各學拔貢一人五年戊子科副榜俱准貢八年定每科副榜十名准貢

梁振祚

字霖若四年選拔

陳殷葵

字吾宗四年任尤溪訓導

張書紳

字見其五年選拔

黃象奎

字魯台六年

楊岸

字有其八年選拔任秦州同知

黃煜

字水心八年任龍溪訓導

羅振有

字伯溢八年府學任廣州府訓導

郭于冀

字玉畿十年

李憲卿

字挹度十一年選拔任沂水縣丞

戴士葵

字象山十一年府學選拔

周洸

字清海十一年府學

莫其昌

字鴻長十二年任安溪訓導

郭琦登

字元岸十四年任崇安訓導

郭萃

字虞修十四年副榜貢任武進知縣

上杭縣志

選舉

三

郭鴻

字偶生十六年

賴有此

字二房十七年府學

劉觀成

字寧云十八年恩選

鄒一松

字公召十八年

周賡顥

字燕嘉十八年府學

康熙朝

二年停歲貢八年復貢十一年二十四年各學拔貢一人

羅世偉

字偉人八年

丘待問

字蘊之八年府學任龍巖訓導

李燠

字毓明十年

藍芝室

字室生十年府學任南平訓導

黃紹中

字上萃十一年選拔

李必大

字坤含十一年府學

劉宰裔

字白門十二年燧孫

丘民悅

字德來十六年

許倣謙

字非葵十六年府學

梁九韶

字賡虞十八年有潛齋文集行世

周曆象

字授人十八年府學

周鳳資

字彩梧十九年府學

郭復儀

字位兩二十年

郭萬祺

字純祉二十年府學

周民隱

字公悉二十一年府學

張如璿

字虞玉二十二年

莫祁鼎

字采勛二十四年府學之偉子

鍾琳

字林玉二十四年

丘坦

字亦平二十四年選拔

丘嘉穗

字秀瑞二十四年府學選拔

林夢緯

字惺二十六年府學

郭圖

字穎宗二十六年

例貢

順治十六年進取滇黔兵食是亟許各省生員監生捐輸銀米如例者准作貢監

丘祖馨

字其佩勝運里人由府學

鄧在我

字縣學

來蘇里人由

例監

李偉卿

來蘇里人由縣學考授州同

丘鳳

來蘇里人由縣學例授

黃錫蕃

溪南里人由縣學考授縣丞

劉龍光

來蘇里人例授州同

上杭縣志

選舉

主六

丘瑋

來蘇里人考授州同作聖子

丘坤

來蘇里人考授州同

孔夢周

在城里人考授主簿

劉次琨

在城里人考授州同

太學自古稱養士之地邑中不乏英俊而姓名未盡

臚列僅登考職者數人倣各志例也唯望人自振勵

毋失教化之本原則庶幾矣

地封

楊汝明

以子夢吉貴贈常山縣知縣

藍田璣

以子學鑑貴贈全椒縣知縣

郭候

以子萃貴贈武進縣知縣

國朝仕長吏者五人得地封者實止三人歿身之榮亦

非偶也

論曰杭之科第在明最盛於永樂及乎正德猶號濟
濟乃自丘郡守練塘至陳大令辰六登甲第者相去
幾六十年卽其間乙榜不過數人文風稍替茲以
皇朝四十年之額俊亦尚未覩拔茅連茹之象豈地之鍾
靈有異耶若夫選舉歲貢有明中葉一置停罷一拘
資格致身通顯每嘆無階邑中如劉鳳南得與陳克
善後先輝映者稱爲僅事今際闢門芻求之盛當無
投閒置散之虞矣朱紫盈坊自昔卜之各能乘時奮
興以應山川之瑞將後來居上寧第踵美前規已哉

上杭縣志卷之九

上杭縣知縣長洲蔣廷銓纂修

人物志

德業

勇烈

列女

賓耆

仙釋

方伎

一方無人物則一方之山川長泯矣一時無人物則一時之歲月空徂矣在杭言杭境析兩縣禩更六百而挺生傑出者初不以地之廣狹殊亦不以時之今古異流風餘韻豈不賴諸君子以爭雄八閩哉

德業

明

上杭縣志

人物

胡子俊以字行名時金豐里人有學行都授於鄉隱居二十餘年洪武八年知縣劉亨以禮敦請至學後申達本省薦於朝授本學訓導教人先審其材質隨高下而授之多所造就焉善吟咏尤工楷書

丘子瞻字德馨勝運里乾田人以學行名隱居教授洪武初求山林碩儒時子瞻年六十餘知縣劉亨以耆德薦赴京授武平訓導勤於課育無倦容武平令徐傑二尹朱衡皆以師禮敬事致仕歸以觴咏自娛清名雅望士林仰之

二里後析入永定八閩通志皆作永定人

周子禮在城里人家饒於財而尚義洪武二十年來

鍾子仁糾廣寇曾水廕將攻縣民競奔避子禮挺身告衆曰有能敵賊者當罄子禮家業充賞民兵隊長張愛偕其侶梁文彪率所部以應子禮與之誓斷左手食指以示信衆皆感奮爭先殺賊賊旣退子禮卽出白金分賞金盡出家人簪飾以繼又盡復出布帛器物又盡乃曰願出田產立券衆諒其力竭遂已凡城中有缺食者仍出粟米周之以弭內患縣賴以全

陳德沂與弟德漢友愛四世同居不析產奉事其父母盡孝元季兵亂德沂負母避難安福縣道遇賊刦之傷一臂事平奉母還家產耗失承懽至老不衰

上杭縣志

人物

二

李綸字仕彌在城里人永樂乙未登進士年甫三十歷任廣東道御史負氣英果遇事敢言無顧忌究所指陳皆詳明愷切同官更推服其老成巡按河南劾藩府違法事又觸忤權要出爲江西按察司副使致政歸

羅經字履常在城里人永樂丁酉以易經魁於鄉戊戌聯捷初知江西雩都縣愛民興學再補淇縣廉而惠尤重民事其地不知水耨之法經教民作桔槔汲水溉田歲收始裕洪之人戴其德立生祠祀之召入擢廣西道御史出按察浙江以老告歸里卒年七十有奇

陳詳字約禮在城里人永樂三年鄉榜六上春官辛丑始

成進士連丁內外艱終制於家宣德三年戊申赴京卽拜山西道御史蓋異數也詳感恩奮激知無不言上重其剛介已酉勅巡浙江兼按銀場時國課屢虧工役煩費詳條具其法纖悉得宐課比足而民咸便之用是久任歷五年甲寅乃還朝值雲南車里酋長構釁爭地復勅詳往勘正之酋悔服因貢白象及方物於朝上特命量賜以表勞績詳久典機務將以卿貳擢而抗表求歸於正統五年庚申旋里優游林泉者十有五年乃卒年七十一

周弘字友毅在城里人永樂辛丑進士初知柘城縣寬恕

上杭縣志

人物

三

而廉慎邑有治官如家愛民猶子之頌居五年擢廣西道御史斷獄一以平恕爲務每一決囚數日後猶忽忽不樂飲食或因之廢嘗語人曰我豈不知犯者之罪當死特此心惻然自不容遏耳

范金字文堅勝運里人性沉靜訥言爲諸生刻苦自勵永樂癸卯以春秋中第三名正統間典始興陵水兩學教意有所不合輒移疾歸家居二十餘年善引後進隨事啟發士子樂從者衆值太平鄉多盜建議徙興化鄉巡檢司治之警漸息先是試春官與雲南張淑京邸友善淑舉進士爲御史巡汀訪金於郡寓促膝道故郡之求

託者叢集金嚴爲謝絕一無所挽其方介類如此
劉敬字謙之在城里人幼孤事母吳至孝凡得食纖微必
先奉母正統己巳沙尤寇至家衆悉驚竄時母年八十
有二敬背負出城西二里許爲賊追及箠楚索金杖及
於母敬抱母號天乞免賊亦釋之去母因傷病不能興
敬自舍哺飼之家貧益甚日採拾以爲養及母卒哀毀
踰禮蓋至性有過人者

丘弘字寬叔在城里人髫時父嘗遇盜弘挺身蔽衛盜義
而捨之天順己卯鄉試以易經中第二名甲申成進士
成化二年授戶科給事中時淮揚大饑奏發帑金賑濟

上杭縣志

人物

四

隨陳時政十二條曰畏天戒容直言精選法抑僭奢通
錢法息紛爭廣儲蓄憫窮民革弊政敦風俗公賞罰飭
邊備上嘉納之三年四月地震條上修德弭災七事六
月勅往河南查理孳牧馬匹九月復命稱職尋掌本科
印四年陞都給事中因嬖倖求討莊田具奏禁革復劾
張真人不法事前後報聞七年奉差冊封琉球國王充
正使賜一品服未出境卒

李楫字時濟號傅岩成化戊子舉於鄉乙未成進士初知
新昌憂闋補分水持躬清慎吏畏民安上臺交章薦之
入爲戶部主事會計精覈糾胥弊嘗請寬卒於官

鄧資字逢源號蓮齋少負雋才成化辛卯以詩經領鄉薦登乙未進士觀戶部政卽差山東湖廣勾當公務一毫無少私還朝除浙之嘉興知縣燕介有爲聲動兩京久任幾二考擢雲南道御史旋奉勅清理江西軍政簡汰虛冒夙弊一清道經杭州聞母陳孺人喪驚哀疾頓作卒武林驛舍年僅五十一家貧喪不能舉伍僉事希閔聞而傷之令縣官買地葬於郊西

李穎字嗣英世居勝運里爲開封教授誠之孫早喪父事母吳以孝聞天資雋異十三歲時或授以老子書讀竟曰學者當師孔孟何用此爲遂舉付火性耽吟咏旣不

上杭縣志

人物

五

得志於有司從永豐丘賢遊肆力探索源流大放厥詞都諫丘公弘序其稿謂煙霞風月陶寫性情皆自然流出胸坎蓋知之深矣家故貧非講授所致修脯義不肯自汙急人之急然諾必信晚年有司將以遺逸舉固辭隱居梅坡人稱梅隱先生所著有梅隱稿又輯宋元以來鄉先輩詩名杭川風雅集

八閩通志誤入寧化

丁曄字仕昭在城里人籍勝運總角博覽羣籍小試而躋遂息意進取結廬東潭之上扁其居曰靜樂軒弘治中江右豐城劉祖雱都袁慶雲司訓於杭嘗作記焉雅工詩花晨月夕偕知己三四輩徜徉山水翛然有出塵之

致及遇邑公事時時率先爲倡成化壬辰學殿方易石柱急出數金助工永定爭界糧事起邑紳其推曄爲首事條畫曲中事宜有需費者毫無靳情事已閉戶如故監司高其品屢給冠帶邑令兩延鄉賓皆呈詩辭謝詞致清婉可誦卒年八十有八其孫致卿以明經入仕爲輅字文載號石潭在城里人弘治戊午薦鄉舉任江西上饒知縣值歲祲民多負租輅力請於朝得減常賦三之一邑賴全活者甚衆邑諸生罕習周易者輅盡心指授造就者濟濟而起易學遂盛於他邑九年陞惠州府同知未履任遽以疾乞歸

上杭縣志

人物

六

溫明字孔昭號龍湖在城里人資性明敏過目成誦弘治戊午舉於鄉任潮州府推官勤於政理獄訟必再三覆閱使不冤稍暇博覽古籍嘗曰仕卽未優學不可偶輟也及歸里悉俸資構屋數十間給貧族之無居者人稱其敦睦

梁喬字遷之號靜軒世居在城里喬領弘治壬子鄉薦及壬戌成進士正德初授刑部主事同官疏劾劉瑾不法章數上不報喬獨面奏之上怒命下錦衣衛獄喬大呼曰臣得寢閭豎逆謀死且不惜何辭於獄乃命枷朝門外久之上怒解得釋尋遷兵部郎中出守紹興政惠民

和有瑞麥之應鄉官謝文正遷王文成守仁皆以循良稱之涖政六年以母曾安人年高致政歸奉母備甘旨事事得其懽心歲丁丑文成公以勦寇駐杭題其堂曰愛日母既歿哀毀成疾因築小樓謝客二十餘年公門絕無干謁終日坐樓中讀書不輟澹泊不異儒素卒年六十督學田汝成祀喬於鄉賢曰吾以爲後世勸也

周勲字良弼號栢林御史弘之曾孫正德丁卯鄉試第三名辛未進士初授蘭谿令邑舊無城勲至卽會計公餘羨額併捐俸以倡築之民不爲病及基而城完又出俸修學每月必親課士民有犯當罪者量令出粟貯倉以

上杭縣志

人物

七

修賑士民皆德之然負氣敢言不愜臺司意考滿僅遷徽州通判居半載力請致仕歸卽所居築栢林書院日讀書其中

丘道隆字懋之居勝運里之練塘卽以爲號正德癸酉以易經中亞魁甲戌聯捷初知順德縣值歲饑立法賑濟多所全活嘗新學舍毀濠祠規模秩然可觀十四年擢江西道御史首請逐佛郎機停浙江織造二事十五年巡山西督河東鹽課疏請開濟古永豐渠建鹽倉處屯軍補額課言言碩畫時分守太監黃玉怙勢逞威道隆臚列其罪狀劾之並聲動天下嘉靖初再巡四川又劾

分守少監閩良會有旨舉用人材特疏薦三原羅欽順
馬理高陵呂杓嘉定州安磐再巡南直復疏薦崑山朱
希周吳江盛應期皆一時耆宿碩望士論翬之卒以鯁
直觸忌出知南雄府持政先大體條屬稟稟奉法常八
書畏天憫人四字以自警涖任七閱月以親老告歸居
家孝友篤至暇則娛意於詩文登臨所至輒畱題咏凡
所舉動後進奉爲矜式焉

何濬字通源來蘇里人正德末由府學貢歷任南康府通
判鄱陽湖漁人九姓積歲爲盜甚或官入其常例陰縱
不問濬至有以千金託餽者厲色峻却之終濬在任湖

上杭縣志

人物

八

中盜竟絕跡其他常俸之外毫無所取歸裝僅存八金
一女及笄至不能遣嫁僑寓郡城屏足不至公室太守
重其名以時致餽亦曲辭焉二子稽政稽賢皆有文名
以明經任邑令

丘道明字誠之號新溪知府道隆仲弟以嘉靖九年貢任
武城知縣寬徭恤刑著有實政奉委於臨清築城調度
得宐費省而工完臺司稱其能陞杭州府同知俗尚奢
靡一以儉朴風之會督織造役舊例絲緞一無所取民
間有四年清似水九縣煖如春之謠以上考陞應天府
治中遂告歸季弟道充嘉靖二十五年貢判均州適興

殿工委探木道充徒步入山區畫有法省費千餘金部
民孫仁美以殺人受誣久不決道充齋宿祝天而訊之
觀者如堵忽一羊入堂上於人叢中突觸一人卽執而
訊之其人駭服具得殺人跡仁美始釋民間呼爲神
君仕至灤州知州

丘佐時字良輔勝運里人爲諸生卽以名教自任嘉靖乙
酉歲薦任爲太平府訓導嘗署繁昌縣事有洪天祐者
被誣許慮罪夜以百金託餽佐時懸之譙樓卒出天祐
罪名又出俸立荻港之渡士民交頌陞龍南教諭未赴
卒於太平

上杭縣志

人物

九

丘金字世重來蘇里人博聞尤精易數正德初程鄉賊四
劫鄉里皆奔避而金繼母病篤金冒死負母以逃獲免
及居喪終三年不私室年八十五疾革命子孫習喪禮
正襟而逝

丁致卿字克修號東洲在城里人嘉靖甲寅歲薦任臨安
訓導三年卽告歸罄俸薪束脯之資倡義捐贖城市店
房數十楹俾族人輪收歲租供七世祖以下春秋祭祀
當析產膏腴聽弟自擇人有負者不能償卽面焚其券
遇歲荒輒煮粥食饑者家本饒裕自此中落致卿絕不
以爲意迄老終不衰

劉佐字鳳南世居勝運里之豐朗夔州判紹辛季子也隆慶改元恩貢萬曆初知霍丘縣土瘠而民貧頻歲旱大別諸山草竊頻發佐撫而戢之境漸寧謐官衙敝陋粗糲自安南銓曹特以廉能推八年擢南京貴州道御史時錢法阻滯弊在工部佐抗疏劾論御史魏允貞以言事降調亦疏救之爲臺班所重奉勅巡視上江督漕糧僨運以時未幾疾作告歸力疾猶舉劾文武官數人大著風裁從弟承祚以萬曆庚寅貢入南雍爲大司成馮公夢禎所器重尋謁選令和平有惠政臺司顧不悅改建昌教授御史史弼特薦擢知湖廣之石門又以出冤獄失上官意承祚慨然曰慙直不容向已知之吾病晚矣遂致仕歸

上杭縣志

人物

十

張恩字子榮號近陽居來蘇里之古坊登萬曆四年丙子鄉薦六赴禮闈至二十三年乙未以母老始謁選授青州司理青號劇郡案牘紛集恩剖決如流恤刑熊鎮至州釋重繫四十人其二十五人皆恩所平反曲阜聖廟瞻拜者率迂道至而廩給夫馬諸費爲額止三百金縣苦不支恩條議歲增四百官民俱便之己亥服闋補廣之廉州越一年肅指使委恩審錄高廉雷瓊四郡有上杭黃大浦兄弟三人偕周某業淘金自昌化歸周被

賊殺昌化令謂殺周者卽三黃也誣服久繫獄恩心疑之及閱石城盜案盜有自供殺福建淘金客者急持牘白直指出三人譙而明頌聲日起然性直率拙於逢迎甲辰滿考僅以同知涖吉安往例屯軍千名額有贊禮千金恩一概麾去同僚悚然敬憚會與監司伍某齟齬卽拂衣告歸杭邑之北有陰圳古塘爲恩世業形家言是縣來龍護沙宜塞當事議別鑿塘還恩恩曰果利一邑吾何愛吾塘遂塞之他塘亦不鑿至廣祭田贍貧姪塋亾嫂又定高地相公塘塔基里居三十餘年絕無私營田宅計卒年八十有三膺郡邑鄉賓歷二十九次伯

上杭縣志

人物

十一

兄憲與恩有二難之目嘉靖辛酉山寇肆掠憲集鄉人築堡寨飭牌甲併力禦之寇無所得引去入秋汀諸生赴省試途多被劫旅次失措憲百方假貸分給所知交者雖僅膺歲薦未綰半綸其志畧固可見矣

劉燧字允章號鎮峰父天楨郡庠生特精醫理爲人診治不責謝貧者遺以菜米亦往往卻之燧早饑邑庠以舌耕給俯仰外悉供父爲施藥資萬曆十年壬午登賢書三十年壬寅始爲安陸令值旱災流移滿路燧請以倉粟分賑臺北未下輒便宜先發又請蠲本年額賦民始甦山寇王加印彭玉等聚衆爲暴監司議將發兵燧曰

盜本吾民何忍卽誅力以撫戢自任捕得賊黨之黠者釋之反覆開諭使招加印加印等感泣盡散其衆未嘗戮一人尋丁內艱起補鳳陽陞常州府通判府界七字堰有權屬艇所理正稅外陋規革除都盡堰口窄隘貨商停舟擠候土舶亦然艇別濬支港以通之商稱便課益裕焉及致仕宦橐一肩門庭蕭瑟不異諸生時

莫若思號霓川世爲在城里人博學工古今文詞爲諸生試輒第一萬曆己卯壬午戊子鄉闈三備副卷歲壬寅與父大春當同膺歲薦大春旋以病逝大春才尤敏妙巡道梁佐延居師席佐會試出楊升庵慎之門升庵著

上杭縣志

人物

十三

丹鉛錄未卒業貶戍佐屬大春校閱刊行之多所考定在幕酬唱甚富偶大雪寒鴉集雪上佐口吟云雪地鴉棲白紙斜揮數點墨大春應聲曰霞天雁過錦箋橫寫一行詩佐咨嗟嘆賞焉若思後任嘉定州同臺司知其才名重案多委審理無不得情尋署本州事四閱月勞瘁竟卒於任州人爲之立祠子與京以增生入南雍萬曆癸卯闈中亦備副卷讀書能世其家如此食報固未艾也

若思曾孫之偉

國朝順治辛丑進士

藍木芳字桂芬郡廩生資性穎異博極羣書尤精制舉業講學於家邑子弟多所造就萬曆間七入棘闈弗售遂

棄去善吐納秘訣年八旬神明如故終日手不釋卷邑
今陳公正中甚敬禮之家教嚴而有法子田璣生孫學
鑑本芳愛其幼慧常引置膝前口授之謂人曰吾家亢
宗必此子也壽八十有九素無恙一日洗沐焚香拜天
隱几而逝著有修真要錄及枕秘數卷

陳于階字懋升號辰六世居來蘇里萬曆乙卯舉於鄉崇
禎戊辰成進士初任雞澤縣撫白蓮教妖賊梅上月卒
得其力餘黨盡解散調知盧氏縣有礦礦戶例有餽官
利之歲課往往不登于階峻却之秩滿候補京秩以葬
親歸里運邁鼎革杜門掃軌日以著述爲事有尚書副

上杭縣志

人物

十三

墨四書要增等書行于世卒年八十有五

李魯字得之幼孤甚穎慧且骨鯁性成每讀書見忠孝節
義事卽拍案起舞見奸佞詭誕輒指裂其名迨登賢書
益勵名節著有家訓累策皆本先儒法語甲申山寇蜂
起魯條議戰守具有碩畫當事允行之後避隱福員山
邑人強之出魯正色曰我自行我意耳關若何事見勢
促因椎心大哭血淚迸落久之聲氣不續絕吭而死

劉廷標號玉存早孤赤貧以館穀養母備極怡婉餼於庠
九試秋闈三副鄉榜巡道朱公大典雅器重之崇禎丙
子開徵辟科大典時爲淮督首薦於朝顧無奧援就試

得縣丞廷標曰皇皇詔旨豈爲天下缺一丞士何足惜慢朝廷耳竟歸大典貽書謂當路以天下賢士戲是以人國戲也君當破崖岸爲之使知天下有不可戲之士乃就選得浙之永嘉丞會邑有四十七八都者民殷而梗逋課至巨萬法不行憲使檄之往廷標襆被入鄉與鄉之人狎處逢士與論經史逢農與占晴雨逢商賈與籌什一逢童稚與習罄折說章句委曲開發歸于忠上奉法安家保身之道而止匝月鄉之人傾心悅服爭輸積逋六千餘金三院奇其才交章薦未滿遷判永昌旋署府事甲申哀詔至滇廷標一慟幾絕密以腰經繫

上杭縣志

人物

古

龍亭側門役覺急解之復甦自是不坐公堂錢糧悉委郡屬而稽其成亦不受民詞或奉上牒當鞠者以溫言反覆剖論兩造往往涕泣平去合郡呼爲老佛順治丁亥粵西入版圖廷標先幾欲就死慮其子之譴阻之給往夢勿納婦甫行卽自縊永昌糧署臨絕題幅布叙其生平復爲詩四章從容畢命時九月三日也後子之謙亦死於滇

丘夢彩字熊生嗜古能文崇禎甲申春羅邑侯萬藻拔童子第一入邑庠聞闖寇之變時時失聲哭一日携書數卷飄然出門家人迄不知踪跡其從兄士麟幼有文譽年十五補邑庠第二名再試高等甲申後廢書不讀嘗

太息曰時事如此恐復與諸生試哉遂屏居深山親知罕覩其面鬱鬱發病死又溫夢良性沉摯事繼母如所生十三歲爲諸生研窮性理之學執經問字者履相接甲申後棄舉子業多所著述皆憂國救時之論亦遯跡荒山抑鬱而死古稱逸民此殆其流亞歟

鄒宗善字本初爲府庠生夙負至性以古人自期順治丙戌大師平閩宗善走明倫堂痛哭歸室伺家人睡熟密書衣裾云先王之教曰忠與孝聖賢之訓曰仁與義殺身成仁舍生取義孝子忠臣含笑相視取儒巾藍衫整服之自經死書生雖不識時務而氣節凜然勵俗者固不忍視沒也

上杭縣志

人物

十五

國朝

丘夢鯉字漁父號樗庵世居來蘇里幼工制舉業尤善詩古文詞明崇禎癸酉舉于鄉家居食貧者二十餘年順治丙申始任榆次令初至洗刷積弊如稅糧外耗布戶常例并一切雜徭不登賦額者悉捐除之間閭相慶以爲從來所未見在任僅年餘而修文廟建文昌閣起奎星樓前後出俸力營之比去扳留者遠且至四五十里外歸里日鍵戶讀書也中凡所紀述皆出其手有歸來草澹園集讀史隨筆數十卷藏于家

吉字元升號上漳順治辛卯舉人康熙五年知浙之
常山縣地瘠而衝旣抵任亟詢民間疾苦縣有荒棄田
地四萬餘畝遺糧二千五百兩有奇派徵於現在人戶
民苦賠累夢吉履畝勘明條上司院照溫處二府荒田
例奉請得蠲之宿累始豁縣處萬山中水勢下瀉舊制
築壩蓄水資以溉田而商人木簕每乘流下衝壩壩圯
水洩各村下泉塘等口多涸致土裂不可耕夢吉修築
水礮草壩等九十一所水有所潴復嚴立禁每歲四五
六七月商簕撐放俱由大河餘月方聽從各壩往來自
是田得墾逃亾漸歸戶口歲增於舊諸凡規畫皆可爲

上杭縣志

人物

十六

縣經久計在任五年告病歸邑人士謳思之歸橐携贈
行詩詞數十篇龍游余太史恂爲之序

詹恒高字岳伯府庠生居在城里能文兼工書至性篤孝
明萬曆間父以經商出其祖柩厝南岡一日洪水驟漲
恒高年纔十三卽號哭白母僱人往移柩柩甫移水已
沒所厝矣及父耗本還恒高恐傷父心時延父所善戚
友相過從父憐其貧屢止之則又潛以修脯所入致戚
友治具速其父母晚年失明恒高携持左右從無倦色
遇生徒供果餌之屬適口亦必携歸奉父母父母善病
恒高偕其婦止侍湯藥衣帶常不解及喪哀毀枯瘠至

葬廬居墓側三年猶時時作孺子泣聞者皆爲墮淚恒
高嘗郊行有女婢潛逃追者將及婢遺其所竊奩飾一
器值可數十金拾之歸其主毫不可受謝其友某館永定
病劇歸報而其子幼恒高徒步疾赴之友已死爲屬歛
輿喪而還歲時每分東脯給其家淳心填行人未易及
勇烈

明

張愛字得旻水南人膂力絕倫洪武二十年鍾子仁之亂
衆推愛爲隊長與梁文彪等力戰斬賊數百級賊敗走
復隨官軍進剿搗其巢奮不顧身深入後隊不繼被賊

上杭縣志

人物

七

執罵不絕口而死人哀念之祀於赤岡廟中

江瀚勝運里人爲邑庠生正統己巳沙尤寇至瀚避寇入
郡已近城爲賊掠去詢知爲儒生強畱之瀚曰朝廷養
我有年未能効報豈從汝反賊耶賊怒摔近城下脅之
跪瀚膝不屈挫拉之終不下罵愈厲遂爲所殺賊揚穀
語城守者曰此上杭江秀才也

張秉和在城里人天順六年溪南寇護秉和被執強之跪
罵曰吾良民豈跪爾賊賊首欲殺之傍一賊曰爾跪可
免殺秉和復厲聲罵曰死強盜作此等事我恨不啖爾
血跪爾何爲遂遇害

吳海勝運里人性豪俠尚義成化庚子冬溪南賊剽掠其鄉戶多乏食海盡散倉粟濟之明年春賊復發海率民壯擒斬賊首鍾山等乘勝進戰於峽頭之麓伏發遇害鄉人至今義之

賴思智溪南里人弘治十八年克捕盜老人統民兵勦禦屢有功正德四年僉事茹鑾給以冠帶七年武平界掛坑等處賊首吳顯曾惟茂聚衆刼殺三司調遣思智統鄉兵擣巢所至先登斬首級二百四十有九賊散走思智乘勝進兵伏發被賊支解九年巡按御史胡文靜具奏勅贈武畧將軍立祠以祀廕其子楷爲本所世襲百

上杭縣志

人物

十八

戶

賴榮華思智孫也襲百戶嘉靖甲寅浙江倭寇猖獗總戎徵兵於閩榮華奉調守禦嘉善縣未及息肩倭突至枵腹接戰斬獲數級復用大旗當賊以法捲之倭賊悉衆來搏戰別部將觀望自保榮華孤軍衝突爲伏砲所中墮水死僉事王時槐以聞勅贈忠勇陞副千戶廕其弟榮貴建祠城北祀之

周效良在城里人嘉靖三十七年廣寇梁寧等刼掠陳坑黃舖間效良應募往禦之戰敗被執賊脅之使從不屈置之旗下將殺以祭旗效良大罵曰我死必作厲鬼殺

盡爾等爾等乃望我相助平賊怒裂其屍

李嘉言字憲章邑庠生世爲勝運里人負義有膽畧嘉靖辛酉李占春作亂巡道金淵訪能招諭占春者得嘉言令往嘉言直詣賊巢勸以好言且責其不法詞氣慷慨倘若無人賊壯之百計誘留不屈脅之以死嘉言罵愈厲曰寧碎吾身不負吾心賊遂支解之

賴思養在城里人崇禎元年廣寇龔一等薄城思養應巡道曾櫻之募捐金三百得城中勇士五百人同三營兵踰城出殺賊四百餘人進搗南坑尾野猪窠等巢皆捷給把總劄至四年廣賊鍾凌秀等復熾思養率其族賴

上杭縣志

人物

十九

君選仍募鄉勇衝鋒俱陣亡于高梧知縣陳正中爲立祠祀之城北岡背額以義烈云

論曰人材不擇地而生一邑六百年間光明俊偉之倫後先表表雖服官野處行事不同承平遭亂遭際各異惟此忠孝節義在國爲社稷之重在鄉爲桑梓之光豈必別其爲衣冠爲韋布哉卽文采風流照映今古亦山川靈秀之所萃也拔尤撫實寧嚴勿濫其他片善微長更臚雜志尚有典刑可以聞風而興起矣

列女

明

陳氏在城里邵縉紳之妻黃氏紳弟縉纓妻也正統十四年陳年二十黃年十九值沙尤寇至共匿金山岩穴間爲寇所執至梅溪寨欲犯之給以過河入人家賊信之中流各抱嬰兒投水死越三日屍浮出容如生嬰兒各在抱人驚異之成化六年御史涂棐奏聞詔旌之扁其門曰雙節

丁氏名定姑在城里太學生黃均之妻均卒丁年三十哀慟絕而復甦者數次或有以再圖諷者丁厲聲斥之言者大愧丁益自謹屏膏沐絕宴會奉老姑撫弱子而外

上杭縣志

人物

二十

日事紡績姑歿喪葬如禮子克素能成立丁以高壽終均有妹適丘福泰亦早寡守節不渝嘗曰吾嫂所以教我也崑山葉文莊盛爲作傳

郭氏在城里人年十八歸同邑雷廣生甫兩月廣生出外卒計聞痛哭不願生竟旬不食夫之兄將奪其志郭舉足蹴地曰此足豈可再踏他家門戶乎屏居一室時時以死自期人遂不敢異議壽至八十而終

張氏在城民曾宗哲妻年二十四宗哲死二孤長三歲次數月祖姑郭年餘九十姑溫年七十憐張不能存活欲嫁之張曰吾去兩姑何所依二孤何所託吾不苟活一

身絕曾氏三世也日勤女紅爲仰事俯育資皆盡其道
年七十六卒

林氏名台姑在城里人年二十歸梁時亨五年時亨死一
子在抱舍辛撫育未幾殤乃嗣姪而撫之娶婦郭生四
孫嗣子又早夭率其婦竭十指之力以佐饔飧至老不
休息正德二年奏旌建貞節坊於縣治之東年九十餘
乃卒

羅氏在城里官子曦妻年二十七而寡舅姑先喪二子相
繼殤僅一女四歲家赤貧莫肯爲之嗣子曦之兄勸羅
改圖羅憤懣什地良久乃甦日勤績紡獨養其女居室

上杭縣志

人物

三

湫隘人終不聞其轂非至戚不得相見年七十始就養
女家又九年而卒

劉氏來蘇里朱永寬之妻永寬死劉年二十四相依無舅
姑遺腹生子瓚撫之成立女紅之餘銖積寸累家漸裕
歲饑煮粥以濟人瓚嘗道拾遺釵命訪還失主皆爲人
之所不能爲者卒年八十三

黃氏邑民馬宏妻年十八歸於宏甫二年宏卒卒後八月
得遺腹一子黃撫之成立名景華奉其姑胡孝養備至
姑壽八十終以禮治喪葬黃至七十有四卒

丘氏名細姑來蘇里民鍾世瑄妻嘉靖四十年辛酉丘年

二十二值廣寇梁紹祿劫縣丘被執于綠竹岡罵賊爲所殺遺三歲女於傍家犬爲守之三日夫逃歸收之面如生藁葬岡側兵備金泐表其廬

周氏年十六許字邑民湯憲德踰月憲德病忽作其母欲邀周至家周父母難之周聞奮然欲往父母不能沮至湯面其夫致語父母曰吾許湯卽湯婦今安於湯不復歸矣旬有七日憲德竟死周矢以身殉念有姑存復止湯鮮恒產紡績膳姑撫一姪以嗣憲德拮据者五十年至萬曆末御史徐鑒上其事建坊旌之年七十五卒

莫氏邑民詹洪之妻方洪死莫年二十二有子未週姑王

上杭縣志

人物

三十一

氏亦婺居莫抱狹稚事垂白之姑旦夕曲求得其懽心王若不知子之亾也旣歿喪葬皆拮据成禮天啟辛酉年八十卒崇禎四年巡撫羅元賓具奏得建坊以旌孫彌高登庚午賢書人以爲節孝之報

郭氏故民羅遜妻年二十五遜歿一子纔四歲與孀姑共

苦相弔郭盡心奉事之姑以高壽終崇禎四年御史羅

元賓奏聞建坊旌表

孫羅銓

國朝順治庚子舉人第

康熙乙丑聽漢年十八歿女年十七聞訃欲奔其喪母與兄未許女卽自縊爲家人救解三日不復起坐水漿不入口母諭勸之強起啜粥潛以白線繫髮縫葛鞋履之俄聞有議婚者女憤泣曰身不歸羅終死若受他聘頭可斷不能從也至聽漢五七期遂哭拜柩前成服持喪志操凜然可稱節孝相繼并附識于此

郭氏名子姑孝廉郭見龍之女年十七歸丁大德越二年
大德殲歿郭慟哭不欲生守喪二十四日大德旣殯詰
朝潛服殮服外披麻闔戶自經死崇禎七年巡按路振
飛具題未及旌

國朝

賴氏儒童詹鳴華之妻年二十鳴華歿遺孤纔週歲兩世
姑皆孀居賴菽水盡力曲得兩姑懽子亦成家順治十
四年巡撫佟國器具奏建坊旌之

賴秀姑武畧將軍思智裔孫女幼爲儒童周有仕聘室年
十七未嫁而有仕死號泣欲奔喪父母不聽秀姑時欲

上杭縣志

人物

二十三

自盡家人多密防之乃與父母決誓不再適屏居內室
一間長齋奉佛依母膝下卽至戚不輕出見也康熙二
十三年年五十六巡撫金鉉奏請卽所居北門街建坊
旌之題曰貞女

林氏安鄉人年十六歸故民藍蔚文爲妻年二十夫死無
子日織布奉其翁持售於集場以供口食翁歿姑老承
事愈謹貧不能俯育竟不立嗣康熙二十三年巡撫全
蔭奏請旌表時年五十七

藍氏廬豐鄉人年十七適同鄉包集球後四年集球死未
有子藍方媛及產得女藍愈悲哀欲引決翁若姑委曲

勸諭乃忍死立嗣歲成布數十疋助給俯仰及翁姑相繼歿祖姑年八十餘在堂藍日伺膳伺寢凡滌浣衣裳亦一一身親之迨其喪心力無不盡者康熙二十四年年五十五巡撫金鉉題請建坊

吳氏明灌陽典史朝元女也年十六歸在城儒童羅誥甫四年誥早歿無子併應嗣者亦未舉家產又不足贍生吳日夜勤女紅節縮口食錙銖積之年逾六十始得姪天祺爲嗣撫而教之天祺尋爲邑諸生吳乃見齒一笑五十年未嘗有也事翁姑生死皆盡禮人屢言其苦節宐公舉吳輒堅辭遜避康熙二十五年年八十知縣蔣

廷銓詳憲候旌

論曰婦人而以節見此婦順之窮也顧所謂節者非必誓激烈以殉死臨患難而殺身也門祚單寒室如懸磬宗祧絕續關繫一身而能仰以事俯以育茹荼忍死百折不回均足以維朝廷風化之原全天地正大之氣語云死易立孤難在內則論之兩者正無容有所軒輊至於未嫁守貞雖不可以槩俗然非至性過人烏能若此巾幗有人閨房生色矣旌揚盛典時或未徧而核實無遺令名長留彤管死者可以無憾生者可以爲法其在斯乎

賓者

郭連城號瑤公性冲淡生平不苟取與漣洽羣書弱冠餽於庠丁酉登賢書筮仕龍陽令有惠政下車甫八月被逆藩吳三桂襲執餌以重祿不屈乘閒走險路梗粵東迨大師恢復繞道從江省潔身旋里杜門養高不愧先正典型卒年七十有二兩舉大賓

周如芝年九十四幼時貿易豫章客有遺金者如芝拾之歸還客卒不受謝遇宗族中貧乏者輒助其喪葬親疎交稱其德舉介賓

郭萬仞業儒不就棄去服賈洗腆以奉親平日處鄉黨間

上杭縣志

人物

卷十四

謙厚和平恂恂然言若不出諸口年九十有三猶能步履善飯人以爲厚德之報云與周如芝並舉賓筵

王室藩字翰臣縣庠生也賦性孝友不事浮飾居鄉非切已事足不入城市常能拯人之急居恒訓子弟曰靠聖賢一邊做去務在正直忠厚年躋八十餘有一鄉祭酒之日舉介賓

論曰朝廷養老尊賢而鄉飲之禮行焉蓋將以風世而勵俗也有明與斯典者已見於本傳中

國朝事事復古邑中此禮歲或闕舉寧缺毋濫不忝大典者得四人焉列而識之以備後來觀感云爾

僊釋

黃七翁本邑人宋時鍾祭場未立縣石峽間兩山如束中通一徑有山精虎豹爲害翁偕其子皆有異術以符法治之羣妖屏息因隱身入石現像於石壁間每風雨石中隱隱聞鍾鼓聲民敬畏之立祠香爐石巖下遇歲災旱禱之輒應縣既遷改建行祠於今縣治之西南舊志稱黃偉三仙師倖其壻姓也

天山上人本邑人也梵行修整明永樂間演教金陵諸大刹歷遊名山及歸坐一軒有白雲宿簷際上人頓悟說偈云我觀世間相閒雲自來去兀坐與心馳無軒可名

上杭縣志

人物

三五

處福唐林棠因以閒雲扁其軒未幾化去

王破頭不知何許人頭破一罅因以自名明嘉靖中來杭假寓縣北貞字舖所宿一小樓夏月獨無蚊又偶宿南泉庵舍蚊亦不集有童子鬻茄破頭戲取茄置頭罅中頃刻盡童子頓足泣笑曰勿憂茄還爾家矣歸視果然嘗取楊姑稍花和藥煉之立成白金人叩其術秘不傳曰偶一爲之不可悞後人也邑人姜白石等從之遊因元夕讌坐談蘇杭燈花之盛破頭語衆暫瞑目可隨我往衆因遍覽其勝少頃卽還居一歲辭去衆約同時分餞以試之破頭同時各赴宴若分身者然比曉遂不見

全道禪師名性戒本吳中人六歲從闔縣僧敬心爲徒及
削染年二十閉關歷五寒暑博通經典一日書壁云出
家不成佛心中思何物遂徧叩諸方叅學明崇禎間至
縣結茅庵於小吳地之馬頭山

國朝順治三年僧臘五十七預製一龕端坐示寂遺命
僧衆六年後依教焚化至期啟視肉色不壞骨節珊瑚然
里人驚異卽真身漆之以金

方伎

李源字松山明正德間以工山水名其寫生翎毛亦時有
飛舞之勢姿容魁岸性輕財家累千金至源而落非沾

上杭縣志

人物

三十六

沾以繪事爲家者也

父時英嘗植松三層嶺

李濟字明川明萬曆庚子歲貢隱居不樂仕善畫菊風晴
雨露並臻妙境特自矜貴求者往往不應乘興則放筆
爲之故流傳者絕少

邑人溫泰湖斲竹爲鎖堅澤如銅機發如之景陵鍾伯敬
惺奇之爲之銘曰綠兮猗威兮蕤華兮院鑰兮筦如冠
斯籥籥敢勿諾勿金火箭則可用視體審閉啟脆乃生
愛後金剛壞銘詞奧澁竟陵文體如是泰湖或藉此以
傳乎

郭師惠字和字善奕萬曆末歷遊都會間嘗輯手談集龍

嚴少司寇王公命璿序之以行

江萬丈姑在城里從高人得種痘訣凡欲嬰兒痘速者以綿裹粒藥塞鼻中半日許取出一二日後痘旋發發必愈遠近爭延之然性冲淡不計酬術雖售而食貧如故康熙丙寅年八十餘強飯一日忽示微疾卒

李世奎字雲圃在城里人業儒不售遂棄去精于醫究心素問靈樞及王肯堂準繩李東垣十書薛立齋醫案諸種無不探索奧義務求貫串詮註王叔和難經脉訣而內外陰陽之辨頗得妙旨尤好秦漢篆隸摹石極工又常集梓法語勸世子琰亦工書能食貧修志抄謄皆出其手并列之以旌其勞勩焉

上杭縣志

人物

三七

論曰釋氏色相盡空道家清淨是尚豈必表著靈奇以震炫凡俗然從來應真示視不乏遊戲神通或產於本土或來自他邦陳編口實大率非誣豈曰聖人不語神怪顧使薪盡而火不傳也若藝成而下亦小道可觀往志類必載及在杭旣不多得苟有可錄恐復軼之故知一藝擅長未始非彰身之具君子所以疾沒世而名不稱爾

上杭縣志

智

310.163
32
:4

卷之十 藝文志上

勅命

奏疏

古文

上杭縣志卷之十

上杭縣知縣長洲蔣廷銓纂修

藝文志

勅命

奏議

古文

詩歌

在天爲雲漢在地爲河嶽在人爲文章文章之著見者非徒華國實以經世此班史所以旁採藝文而後之作志咸宗之也上出之爲播告下納之爲敷陳以至繼德功而立言託謳吟而見志邑卽編小賴此以黼黻休明誠不朽之盛事用示來茲庶有裨典故之林乎

上杭縣志

藝文上

一

勅命

明

勅戶部貴州司郎中吳湘

制曰國家以戶口田賦金帛之政任之戶部而置屬特詳俾各分理一方非志存乎公清才堪乎繁劇弗足以稱爾奉議大夫戶部貴州清吏司郎中吳湘始以才藝爲屬地官暨陟正郎克勤厥職是用錫之誥命以爲爾榮服此茂恩益勤祗愼盖朕方以養民之政寄之戶部爾必公必廉毋徂于習庶副朕懷尚有顯官需爾後效其往欽哉



勅廣西道監察御史周弘父母

制曰國家推恩臣下必及其親者所以重本而勸孝也而何間於存沒哉行在廣西道監察御史周弘故父永茂慶鍾厥子而祿養不逮揆其所自宜有顯褒今特贈爲文林郎行在廣西道監察御史靈其不昧尚克承之制曰國家於任職之臣必褒顯及其親者所以重源本也爾丁氏迺行在廣西道監察御史周弘之母克勤厥事皆爾善德所致茲特封爲太孺人服此隆恩尚懋敬之勅廣西道監察御史周弘并妻

上杭縣志

藝文上

二

家之治厥任匪輕文林郎行在廣西道監察御史周弘發身賢科擢居斯職旣歷年歲式克勤慎是用錫之勅命以示褒嘉夫官以察爲名以言爲職在明大體而畧細故在植君子而飭小人其益端爾志堅爾守毋私于法毋撓于勢毋訐以爲直毋苛以爲能明以燭之公以行之懋修而不懈尚有顯爵以待爾成欽哉

制曰夫婦人之大倫故朝廷推恩羣臣命必及之行在廣西道監察御史周弘妻官氏克相其夫茲特封爲孺人祇服榮恩永光閨闈

勅洪縣知縣羅經父母

制曰國家推恩臣下必及其親者所以重本勸孝也而何間於存沒哉河南衛輝府淇縣知縣羅經父克寬慶鍾厥子而祿養不逮揆其所自宜有顯褒今特贈爲文林郎河南衛輝府淇縣知縣靈其不昧尚克承之

制曰朕惟羣臣之才者固本於父亦必資母焉存有褒榮歿有追贈此有國之通制也河南衛輝府淇縣知縣羅經之母梁氏有子能官而不逮養溯維所自宜錫褒榮茲特贈爲孺人靈其承之永賁幽壤

勅淇縣知縣羅經并妻

制曰國家以牧民之責寄於郡縣之長必得其人方舉厥

上杭縣志

藝文上

三

職爾河南衛輝府淇縣知縣羅經發身賢科兩任長民撫字克勤課有成績茲特進爾階爲文林郎錫之勅命以示褒嘉服此寵恩懋修不懈尚有榮秩以需爾成欽哉

制曰夫婦人之大倫故朝廷推恩羣臣命必及之而於存沒一也河南衛輝府淇縣知縣羅經之妻郭氏克相其夫而已蚤沒茲特贈爲孺人爾其有知服斯榮命

制曰國家推恩臣下而必及其室家者所以厚人倫之本也河南衛輝府淇縣知縣羅經繼室丁氏克勤內助茲特封爲孺人服此隆恩毋忘儆戒欽哉

勅左軍都督府經歷司都事林津父母

制曰國家於任職之臣必褒顯及其親者所以重源本也
豈存沒而有間哉左軍都督府經歷司都事林津父廣
慶鍾厥子而祿養不逮揆其所自宜有顯褒今特贈爲
文林郎左軍都督府經歷司都事靈其不昧尚克承之
制曰朕惟人子之孝皆欲顯其親故羣臣之任職者必有
推恩之命所以體其心而勸孝也左軍都督府經歷司
都事林津之母羅氏有子登庸克勤厥事皆爾善德所
致茲特封爲太孺人服此隆恩尚懋敬之

勅左軍都督府經歷司都事林津并妻

上杭縣志

藝文上

四

制曰國家設都督府以總內外軍政長貳皆以勲臣處之
至於協贊其幕者亦必得人乃克有濟爾左軍都督府
經歷司都事林津發身胄監授職於斯歷年旣久式克
慎勤是用進爾階爲文林郎錫之勅命以示褒榮其益
盡乃心修乃職懋於厥官尚有榮名需爾後効欽哉

制曰夫婦人之大倫故朝廷推恩羣臣命必及之左軍都
督府經歷司都事林津妻黃氏克勤內助以相其夫茲
特封爲孺人祇服榮恩永光閭闔

勅戶科給事中丘弘查理河南孳牧馬匹

勅戶科給事中丘弘見今各營官軍數多騎操馬匹甚少

特命爾前往河南開封等府所屬孳牧數內選取堪騎
操好馬來京應用爾宜督同分管太僕寺丞并各該管
馬官吏將通見報在官孳牧兒騾馬并駒弔查文冊照
數逐一點視辨驗印記就於見馬并駒數內揀選四歲
以上十歲以下臚壯堪以騎操之數開具齒歲毛片明
立文案責令暫領喂養伺候爾遍歷所屬點選畢日通
將揀選堪中數目星馳奏來定奪一併差人管解赴京
其經該官吏人等中間如有廢弛馬政徇私作弊情由
聽爾量情拏問懲治應奏請者具實奏聞區處爾務在
親歷州縣審勘虛實不許拘集一處勞人動衆妨誤農
業亦不許縱容下人虛報數目及那移應點有妨國計
如違責有所歸爾其欽承毋忽故勅

勅戶科給事中丘弘父母

制曰朕惟人子孰不欲顯揚其親故子能效職者朝廷必
推恩以遂其心所以勸天下之爲孝也戶科給事中丘
弘故父陵宗敦德履義晦迹丘園有子登庸祿不逮養
推原所自宜有顯褒茲特贈爾爲徵仕郎戶科給事中
尚其祗承永慰冥漠

制曰孝子愛其親靡有存沒之間故朝廷推恩必及之所
以重人倫厚風化也戶科給事中丘弘母雷氏端靜慈

善風敦母道有子能官爾乃早世推本慶源宜申卹典
茲特贈爾爲孺人服此隆恩永光世祚

勅戶科給事中丘弘并妻

制曰國家設六科給事所以平奏述詳命令審覆是非
駁正違失其任重且要矣非得恭慎端直之士曷克稱
焉爾戶科給事中丘弘發身賢科擢任斯職歷年茲久
茂著才猷宜錫寵章以旌勞勩茲特進爾階爲徵仕郎
錫之勅命以示褒嘉夫居近侍之職在明大體而畧細
故扶正道而進讜言爾宜益端乃心勵乃行毋徇毋激
懋于厥官尚有顯陟待爾後成欽哉

制曰夫婦人倫之始故朝廷推恩臣下命必及之所以重
風化厚恩意也爾戶科給事中丘弘之妻鄭氏婦道克
勤內助良多夫旣顯庸爾宜偕貴茲特封爲孺人祗服
榮恩永光閨闈

勅孝陵衛經歷司經歷溫祐父母

制曰國家推恩臣下必及其親者所以重本而勸孝也而
何間於存沒哉爾溫以恭乃孝陵衛經歷司經歷溫祐
之父慶鍾厥子榮養不逮揆其所自卹典宜申茲特贈
爾爲徵仕郎孝陵衛經歷司經歷溫其不昧尚克承之
制曰子之愛親無間於存沒故君之禮臣必因所欲而推

恩焉爾林氏乃孝陵衛經歷司經歷溫祐之母善著閨門訓成其子雖祿養之不逮而恩典之宜加茲特贈爲孺人服此休嘉永慰冥漠

勅孝陵衛經歷司經歷溫祐并妻

制曰國家兵衛之設所以分理軍政長貳皆以武臣處之至於幕職亦必得人乃克有濟孝陵衛經歷司經歷溫祐發身胄監擢任今官歷歲旣深克勤且慎是用進爾階爲徵仕郎錫之勅命以爲爾榮爾尚益盡乃心用稱厥職欽哉

制曰夫婦人之大倫故朝廷推恩羣臣命必及之所以厚

上杭縣志

藝文上

七

恩意也爾孝陵衛經歷司經歷溫祐妻王氏克謹婦道以相其夫茲特封爲孺人服此榮恩永光閨闈

勅南京中城兵馬司副指揮孔經

制曰國家於都邑之內置兵馬之官所以清治道塗竊詰姦盜旣分城以領事必選才以授官爾南京中城兵馬指揮司副指揮孔經發跡成均入官仕籍勤勞奉職夙夜靡遑旣閱歲年宜申恩典茲特進爾階文林郎錫之勅命爾其益其乃事毋玷厥身俾詞訟自此而肅清敵賊由之而屏息欽哉

勅刑部浙江司主事梁喬父母

制曰旌獎賢能乃朝廷之著典表章先德亦人子之至情
盖忠本孝移而親由子顯式關倫理奚間存亡爾梁時
衡乃刑部浙江清吏司主事梁喬之父郡邑名家鄉邦
善士心惟尚義素敦卹匱之風志在亢宗克篤明經之
訓肆成令子蚤掇賢科司刑功著于郎曹報德心違于
祿養宜示追崇之命用覃錫類之仁茲特贈爲承德郎
刑部浙江清吏司主事尚期神爽之昭益迓寵靈之賁
制曰教養無隆毋德不殊於父寵榮均被君心實體乎臣
茲惟禮典之常允繫彝倫之重爾曾氏乃刑部浙江清
吏司主事梁喬之母生全懿質歸于善門操勤儉以相
安人欽服寵名永綏祿養

勅刑部浙江司主事梁喬暨妻

制曰尚書列職惟刑部爲特繁司寇屬僚至主事而極備
民命攸繫國脉所關必才行之俱優庶職務之有濟茲
惟慎選不輕授人爾刑部浙江清吏司主事梁喬業工
經術名起甲科首擢屬于卿曹寔分司于邦禁刑書明
啓丕揚聽斷之能名檢懋修克篤撝持之志賢榮旣積
美譽用彰屬茲慶典之行宜示褒嘉之寵是特進爾階

承德郎錫之勅命於戲奉公守法念古訓之具存謹始保終庶官箴之不負尚加慈憇以俟登崇欽哉

制曰臣勞于國爵賞之所必加妻相于家褒封之所宜逮况乃賢能之配可無推錫之恩刑部浙江清吏司主事梁喬妻鄭氏德性柔嘉言容謹飭出自華族嬪于儒流儆戒相成克服圖箴之訓儉勤自勵聿成閨闈之儀宜有顯褒以彰懿行茲特封爲安人尚其祇奉益迓寵光勅兵部職方司郎中梁喬父母

制曰父以教忠爲賢式隆佑啟子以養志爲孝務在顯揚矧爲郎署之英克服義方之訓寵褒所貴幽顯奚殊爾

贈承德郎刑部浙江清吏司主事梁時衡乃兵部職方清吏司郎中喬之父樸質無華安恬有守周貧尚義播善譽于鄉閭教子登庸列清班于郎署曩緣最績已荷褒恩茲陟穹階載申卹命禮典有隆而無替潛德旣遠而彌彰是用加贈爲奉政大夫兵部職方清吏司郎中匪徒慰英靈于九原亦以彰遺範于百世

制曰母氏劬勞義寔兼乎教育朝廷寵數禮特重于褒榮肆緣報本之心誕示貤封之命亦惟有德始稱厥名爾封太安人曾氏乃兵部職方清吏司郎中梁喬之母慈孝夙全儉勤兼至相夫治內賢聲茂著于宗婣教子登

庸褒寵早頒乎國典顧今五品復進崇班庸按彛章載
申錫命是特加封爲太宜人薦膺冠帔之華益享庭闈
之樂

勅兵部職方司郎中梁喬暨妻

制曰卿分六職惟兵部爲特繁屬列四司在職方爲尤重
戎機攸繫邦政所先匪資才行之全曷稱郎官之長爾
兵部職方清吏司郎中梁喬儒業起家甲科登第久司
刑于秋署聽斷惟精比膺薦于戎曹聲稱愈著官仍五
品任總一司事識獎端吏蠹每勤于禁戢政知首務將
才恒切于訪求屬慶典之方行念賢勞之久著預加褒
上杭縣志

藝文上

寵奚侯陟明茲特進爾階奉政大夫錫之誥命於戲官
在明揚簡拔尚需于來效恩當圖報懋修勿替于初心
勉副訓詞嗣膺顯擢欽哉

制曰人臣有勞于國朝廷必寵其家肆爲伉儷之良亦被
褒封之命典章具在存沒攸同兵部職方清吏司郎中
梁喬妻封安人鄭氏出自德門嬪于儒彥閭儀祇肅德
性柔嘉早歲勤勞久共儒生之業中年光顯已沾國典
之褒顧茲五品之階載示九泉之賁式彰往懿庸慰柔
靈是特贈爲宜人庶冥漠之有知服休光于無斁

勅江西道監察御史丘道隆父母

制曰義重君臣慎爵祿以勸有位親惟父子推錫命以體至情倫理是敦彝章具在爾丘廷鳳乃江西道監察御史道隆之父執德有恒抱才弗用篤生賢子爲國良臣推厥本原宜加恩典茲特封爲文林郎江西道監察御史煥賁國恩永綏祿養

制曰母道本于鞠育有教斯存君寵重于追崇惟臣是勸顧忠孝之一致乃上下之相須也爾李氏乃江西道監察御史丘道隆之母夙勤慈訓致子顯庸溯澤求源靡施弗報旣懋官以酬其往勸必錫命以厚其所親茲特贈爲孺人幽靈未昧明命其歆

上杭縣志

藝文上

七

勅江西道監察御史丘道隆併妻

制曰朝廷置風憲之職以監察爲名內肅百寮外巡羣服于事未始不得預于言無所不得陳匪用直介之人曷免曠廢之失爾江西道監察御史丘道隆占籍甲科分符劇縣丕宣愷悌之化爰遷風紀之司惟律已以奉公竭嘉謀而入告居內廵外綽有政聲激濁揚清每多顯績可無寵命以示褒嘉茲特進爾階文林郎錫之勅命於戲天下之曲直皆繫臺臣庶政之弛張必先憲體尚懋已成之績益揚終譽之休欽哉

制曰人臣盡職業以効于國朝廷推錫命以榮其妻蓋以

敦風化之源明齊體之義也江西道監察御史丘道隆妻劉氏婦道聿修夫賢有助官登顯列爾宜並榮茲特封爲孺人尚敦順正之風益迓駢蕃之寵

勅濟州衛經歷廖丙齡父母

制曰國家褒奉職之臣而遡其式穀之自貤榮厥考以酬其庸廣孝而作忠也爾廖世賓乃濟州衛經歷司經歷廖丙齡之父志承世業行洽鄉評善慶旣延義方允篤爾子服官起譽惟爾之良是用贈爲徵仕郎濟州衛經歷司經歷祗服顯命永賁幽原

制曰稱母之賢必徵于子之所就而酬庸錫典及于慈闈

上杭縣志

藝文上

十三

豈不宜哉爾江氏乃濟州衛經歷司經歷廖丙齡之母貞順持身孝恭範內有子迪訓克勤其官瞻祿養之獲伸屬褒綸之覃錫亦足慰爾于遲暮矣茲特封爲太孺人寵命維新壽祺永艾

勅濟州衛經歷廖丙齡暨妻

制曰國家設武衛以拱護都邑控禦遠邇厥制重矣乃置之贊幕授以文階所以翊戎務之修而成並用之能也爾濟州衛經歷司經歷廖丙齡素閑律學授倅武垣爰贊甲兵之區無理錢穀之寄初試輒效久績可徵茲值覃恩持授爾階徵仕郎錫之勅命夫官無崇薄得奉璽

書酬庸進律可謂榮矣爾筮仕京朝獲茲殊典尚思仰
答無忝訓詞欽哉

制曰夫有能官之譽則婦有從爵之榮此國之令典朕所
持以勸士者也爾濟州衛經歷司經歷廖丙齡妻張氏
夙秉婦儀克修家政夫秩旣顯爾貴與偕茲特封爲孺
人祇服恩華益敦順正

勅南京貴州道御史劉佐母

制曰人子懷怙恃之恩切顯揚之願朕方錫慶廷僚推廣
孝治可無以遂其私乎爾贈孺人陳氏乃南京貴州道
監察御史劉佐之母恪修家政動爲母儀篤誨嗣賢克
上杭縣志

藝文上

三

昌後祚雖風木之悲徒切而機杼之澤如存茲贈爾爲
安人永賁幽局流輝彤管

制曰人子于繼母事之如母爲其與父齊體與母並恩也
緣子推榮寧有間哉爾封太孺人孔氏乃南京貴州道
監察御史劉佐之繼母夙嫻女誡克踐閭儀撫愛前孤
不殊已育遂成令子奮起臺臣茲封爾爲太安人用酬
機杼之勤益衍桑榆之慶

勅南京貴州道御史劉佐暨妻

制曰國家設栢臺以振飭憲度準繩百司卽在留都猶朕
左右也其惟俊流乃膺茲選爾南京貴州道監察御史

劉佐起籍制科蜚聲宰牧稽於輿論簡置南臺乃克秉
誼奉公茂激揚之烈矢謨宣力弘幹濟之猷茲因覃恩
授爾階文林郎錫之勅命夫舊都王業所基紀綱具在
顧人心玩愒蠹弊日滋所賴以糾正闕違惟封駁之臣
是寄勉旣乃心未終厥譽朕且圖爾之功欽哉

制曰人臣出奉單車之勞入嚴退食之節必資內德以佐
外修錫命䟽榮所宜並逮爾南京貴州道監察御史劉
佐妻封孺人廖氏毓自德門嬪於哲士柔嘉維則孝敬
不違爾夫夙夜在公蓋交儆之益弘已茲仍封爾爲孺
人賁以新章華其舊秩

上杭縣志

藝文上

十四

勅橫海衛經歷丘一濂父母

制曰凡能理一官疇不願邀榮其親也朕以忠孝教天下
每錫類而廣之爾丘偉乃南京橫海衛經歷司經歷一
濂之父行履克修義方允著教成令子效績戎司茲封
爾爲徵仕郎南京橫海衛經歷司經歷榮膺有秩譽播
孔遐

制曰母氏劬勞欲報罔極乃有啣恤栝樅而茹哀風木者
匪藉國恩曷伸末慕爾賴氏乃南京橫海衛經歷司經
歷丘一濂之母勤儉持家愛勞勗子嘉茲良幕用表慈
儀是用贈爾爲孺人一命承休九原永耀

勅東城兵馬副指揮溫大通父母

制曰士有蘊德抱藝未膺一試能詒式穀之誨成賢胤而效明時與其身爲之何異也爾溫璽乃東城指揮司副指揮大通之父躬服章縫世承書禮鄉閭多其長厚黌序推爲雋髦督子登庸宦能著蹟茲特贈爾爲文林郎東城兵馬指揮司副指揮服此顯章光於幽窆

制曰人臣出身事主宣力奉公將貽父母令名而不畀之以榮無以爲移孝作忠者勸爾李氏乃東城兵馬指揮司副指揮溫大通之母莊靜持家慈和訓子宜推揚顯用錫覃恩茲特封爾爲太孺人益耀遲齡永綏後祿

勅東城兵馬副指揮溫大通并妻

制曰我國家採往代之規設都城之吏用以銷奸戢暴警衛輦轂職至劇也非廉明幹健曷能勝斯任乎爾東城兵馬指揮司副指揮溫大通才足任煩智能摘伏茲以覃恩授爾階文林郎錫之勅命爾其殫精劇務勉率初勞內服之臣予一人耳目所先逮也豈爾忘哉

制曰婦以夫貴古之道也今吾諸臣詔列于朝而內階靡授非所以語從爵矣爾東城兵馬指揮司副指揮溫大通妻鄭氏柔明稟質順正持身相夫始仕能著當官茲特封爾爲孺人惟祇佩乎寵光尚無違於敬戒

勅光祿寺掌醢署署丞周思文父母

制曰國家有廣孝作忠之典而二懿具者則惟是褒嘉臣
績遯源家庭以其貴貴之耳爾周价乃光祿寺掌醢署
署丞思文之父賦性冲夷秉志正直承家孝弟晨昏謹
問視之儀撫姪勤劬終始極愛勞之誼賑貧倒橐更約
腹以粥饑折券捐貲乃厚施而忘報動多義舉望重賓
筵是用覃恩封爾爲徵仕郎光祿寺掌醢署署丞休綸
初渙義訓爲昭

制曰父母俱存人之至樂也矧邀恩于國內階外秩輝映
一時者乎爾廖氏乃光祿寺掌醢署署丞周思文之母

上杭縣志

藝文上

七

性莊以靜質慧而溫孝奉尊章務聲氣之並下和諧羣
姒亦意色之無違時脫珥以佐施仁慈及物乃和凡而
迪哲勞愛成賢胤子立名天庖展采是用封爾爲太孺
人賁芝綸之焜耀介護背之禧祥

勅光祿寺掌醢署署丞周思文暨妻

制曰國有大烹庖卿爲政而負鼎以佐之者列署也逢時
慶叙庸愛褒嘉爾光祿寺掌醢署署丞周思文器資穎
異學識該通蜚譽橋門試庸庖鼎五味調而酸醎非適
予口戒在濫觴一塵遠而清白以居爾心儼規戒膳雅
著靖其之節不忘靡懈之箴相我鼎臣良于厥職是用

覃恩授爾階徵仕郎錫之勅命夫光祿諸署地瘴易賦役繁多冒其克潔已奉公而山體節縮至意者其在爾乎朕行有顯擢焉爾惟懋哉

制曰令德之儷殖學而贊其勤業官而贊其潔若是乎壺勞之于宦業相須也爾光祿寺掌醢署署丞周思文妻彭氏動容有則主饋無違率其孝誠浹懽心于寢室安茲澹泊厲雅志于縹囊躬浣紉以勤家秉杼機而佐養睠言淑德宜荷命階是用封爾爲孺人祇膺冠帔之華益慎衿輦之度

勅南京北城兵馬副指揮郭績芳父母

上杭縣志

藝文上

六

制曰記有之士庶人有善本諸父母而況於登仕者乎朕作求世德豈其忘報爾原典膳郭世仁乃南京北城兵馬指揮司副指揮郭績芳之父孝友無摯外內交孚勤儉作裕後之謀詩禮爲傳家之法諸子恪共臣職繇義方之訓在羣孫作養天朝實積善之慶餘覃恩晉及因子之勤贈爾爲文林郎南京北城兵馬指揮司副指揮佩此龍章之錫當思燕翼之庥

制曰風木抱恨人子念親何日忘之至於佩服遺範綽有令名朕寧吝愍章以慰未慕爾劉氏乃南京北城兵馬指揮郭績芳之前母質稟貞純德擅幽閑事公姑以孝

聞相夫子以順正桂茂其枝蘭茁其芽未祿而逝亦孔之悲茲以覃恩贈爾爲孺人喜綸音之有赫映松陌於長春

制曰古之賢達必有母師蓋家庭薰習其教不肅而成子之揚名厥有繇也爾周氏乃南京北城兵馬指揮司副指揮郭纘芳之母冰玉媲美菽水承懽剪髮抒延賓之敬和丸畢課子之勤觀茲駒齒之多悉本渥洼之產官箴業業慈訓諄諄是用覃恩封爾爲太孺人永貽女史之範益成令子之名

勅南京北城兵馬副指揮郭纘芳暨妻

上杭縣志

藝文上

十九

制曰國初定鼎金陵四方鱗集奸宄淵藪於其中五城各置執金吾以彈壓之非沉毅有材畧者不勝其任焉爾南京北城兵馬指揮司副指揮郭纘芳沉酣孔壁陶冶成均大才而小用寬中而嚴外決斷如流可稱霹靂之手撫字有方聿來佛子之歌奸黨散落境內安瀾茲因覃恩授爾階文林郎爾其益勵猷爲以求終譽朕且有後命焉欽哉

制曰君有公忠之臣夫有貞順之配其勤勞於國與相助於家也人主共有以念之矣爾丘氏乃南京北城兵馬指揮司副指揮郭纘芳妻孝心與順道俱全婦德同母

儀並著相夫竭勦之力宦蹟蜚聲迪子殫夙夜之勞
士林生色甘藜羹而作食分麥舟以濟貧夫有華問爾
賢益章今以覃恩封爾爲孺人朝恩新被於六珈閨訓
益襄乎三善

勅雞澤縣知縣陳于階父母

制曰士負明經之業不獲冥感夫風雲而其嗣能振藻明
廷家聲蔚起則天道之還泉壤錫賁國典所不能外耳
爾生員陳嘉謨乃直隸廣平府雞澤縣知縣于階之父
發憤董帷賈餘邊笥錄先國士篋猶鼓于四方鐸振羣
英教每先于六德迺至跗聯棣萼譽并二難樹協田荆
上杭縣志

藝文上

三

和蒸百忍以與爾鄰里鄉黨譬陰德有如耳鳴多識夫
往行前言凡籬經皆其指授睠思詒穀用啓握蘭茲贈
爾爲文林郎直隸廣平府雞澤縣知縣祈歆初命之榮
益篤方興之祐

制曰傑士起家奧濞砥節當官者大都稟酌庭訓而閭範
亦多厥勩焉若乃朱紱方來板輿不待孝子所致悲于
靜樹也爾鍾氏乃直隸廣平府雞澤縣知縣陳于階之
母慈和爲質淑慎其儀井白丁年率儉勤而作則篝燈
丙夜舉圖史以襄工志雖毅而若怕日旣晏而猶績迺
至方韋絃以勗元珪之德軋機緒以程崔篆之勤遂有

庭芳爲余國寶茲贈爾爲孺人慰烏哺以伸情霑龍章而耀采

勅雞澤縣知縣陳于階暨妻

制曰朕所嘉與安輯勞來底靖厥績者惟視守若令綦重令三輔地視外邑尤重股肱膺春所函弇翕集處拊御固難其任也爾直隸廣平府雞澤縣知縣陳于階擢自制科來司巖邑長汀瀧嶠之秀潮海當關洛州山藪之雄太行俯翼而爾鍾其穎特試乃盤根入境卽戶頌保嬰䟽穢而庭無煬竈春融花縣霜靜槐庭人知負日之暄化悉隨風而偃茲用授爾階文林郎錫之勅命於戲

邇者烽火震驚狡寇狂熾爾武安當鉅鹿天雄之上游隔離兵燹休養生息緊猶得天特虞歲比不登矧山右之流亾東土之蓮妖所在見告得無爲震鄰懼爾其益殫真實心以撫字務俾土著者樂生而走集者愈益歸命也朕當闢路要津以大陟汝欽哉

制曰朕讀詩而見芾棠之詠與采芣之歌並存篇什蓋有宜民之績自不乏宜家之賢也思逮厥配以獎臣勞曷可後已爾直隸廣平府雞澤縣知縣陳于階妻劉氏德以婉容女而曰士靜琴餘韻式佳林下之風碧水流清雅颯閨中之佐迨服縞以從仕益戒寐而瞻星以至薦

燔燭主婦之供勉旃助孝效績稟持戶之範勅誌襄忠
爾夫最奏翔鳧繫爾和徵舞鳳茲封爾爲孺人祇霑寵
命益懋坤儀

國朝

勅常山縣知縣楊夢吉父母

制曰資父事君臣子篤匪躬之誼作忠以孝國家弘錫類
之恩爾楊汝明乃浙江衢州府常山縣知縣楊夢吉之
父善積於身祥開厥後教子著義方之訓傳家裕堂構
之遺茲以覃恩贈爾爲文林郎浙江衢州府常山縣知
縣錫之勅命於戲殊榮必逮於所親寵命用光夫有子

上杭縣志

藝文上

三

承茲優渥永苾忠勤

制曰奉職在公嘉教勞之有自推恩將母宜錫典之攸隆
爾浙江衢州府常山縣知縣楊夢吉母鄧氏壺範宜家
夙協承筐之媿母儀詒穀載昭畫荻之芳茲以覃恩贈
爾爲孺人於戲彰淑德於不瑕式榮象服膺寵命之有
赫永賁泉壚

勅常山縣知縣楊夢吉暨妻

制曰錫類推恩朝廷之大典分猷亮采臣子之常經爾浙
江衢州府常山縣知縣楊夢吉職任花封才堪良吏清
廉克彰乎庶事慈惠允著於當官慶典適逢新恩宜沛

茲以覃恩授爾爲文林郎錫之勅命於戲弘敷章服之榮用勵靖共之誼欽茲寵命懋乃嘉猷

制曰恪共奉職良臣旣殫厥心貞順宜家淑女爰從其貴爾浙江衢州府常山縣知縣楊夢吉妻張氏含章協德令儀夙著於閨闈黽勉同心內治相成於夙夜茲以覃恩贈爾爲孺人於戲龍章載渙用褒敬戒之勤翟第欽承永作泉原之賁

制曰臣子敦服勞之誼典旣疏榮女士嗣淑慎之徽恩宜並茂浙江衢州府常山縣知縣楊夢吉繼妻廖氏素嫻內則動協女箴相夫載著勤勞宜家克彰令譽茲以覃

上杭縣志

藝文上

三

恩封爾爲孺人於戲蘋繁繼嬖式揚彤管之輝綸綍同褒勉贊素絲之德

勅全椒縣知縣藍學鑑父母

制曰資父事君臣子篤匪躬之誼作忠以孝國家弘錫類之恩爾藍田璣乃江南滁州全椒縣知縣藍學鑑之父善積於身祥開厥後教子著義方之訓傳家裕堂構之遺茲以覃恩贈爾爲文林郎江南滁州全椒縣知縣錫之勅命於戲殊榮必逮於所親寵命用光乎有子承茲優渥永茂忠勤

制曰奉職在公嘉教勞之有自推恩將母宜錫典之攸隆

爾江南滁州全椒縣知縣藍學鑑母莫氏壺範宏家風
協承筐之媿母儀詒穀載昭畫荻之芳茲以覃恩贈爾
爲孺人於戲彰淑德于不瑕式榮象服膺寵命之有赫
永賁泉壚

勅全椒縣知縣藍學鑑暨妻

制曰錫類推恩朝廷之大典分猷亮采臣子之常經爾江
南滁州全椒縣知縣藍學鑑職任花封才堪良吏清廉
克彰乎庶事慈惠允著於當官慶典適逢新綸宜沛茲
以覃恩授爾爲文林郎錫之勅命於戲弘敷章服之榮
用勵靖共之誼欽茲寵命懋乃嘉猷

上杭縣志

藝文上

十四

制曰恪共奉職良臣旣殫厥心貞順宜家淑女爰從其貴
爾江南滁州全椒縣知縣藍學鑑妻曾氏含章協德令
儀夙著于閨闈黽勉同心內治相成于夙夜茲以覃恩
贈爾爲孺人於戲龍章載渙用褒敬戒之勤翟第欽承
永作泉原之賁

勅武進縣知縣郭萃父母

制曰資父事君臣子篤匪躬之誼作忠以孝國家弘錫類
之恩爾郭侯乃江南常州府武進縣知縣郭萃之父善
積於身祥開厥後教子著義方之訓傳家裕堂構之遺
茲以覃恩贈爾爲文林郎江南常州府武進縣知縣

之勅命於戲殊榮必逮於所親寵命用光夫有子承茲
優渥永茂忠勤

制曰奉職在公嘉教勞之有自推恩將母宜錫典之攸隆
爾江南常州府武進縣知縣郭萃母黃氏壺範宜家夙
協承筐之媼母儀詒穀載昭畫荻之芳茲以覃恩封爾
爲太孺人於戲彰淑德於不瑕式榮象服膺寵命之有
赫益賁徽音

論曰綸綍之榮旣獎人臣之宣力而復加恩于其親
卽服官之秩有崇卑生我之身有存歿而所爲顯揚
則同典至優渥矣杭邑得膺之者代不數人是宜推
崇寧容少畧顧或當年未及頒給或已頒給而散亡
非核其實亦不敢存誠慎重名器之義也百爾君子
移孝作忠前哲固後賢之懿矩已

奏議

明

請却佛郎機貢獻疏

丘道隆

臣聞天子爲天下之共主義者賞而不義者誅執之天下
截然無敢有違越者也我祖宗混一天下尤嚴於義不義
之誅賞故蒲刺加雖海外小彝亦得通朝貢而詔封其國
蓋在我固嘉其向義在彼亦慕吾禮法自永樂三年以後

朝貢往來未絕近有爨人出佛郎機國者未知是何種類
輒肆強梁併吞本國致本國王流落海上遣人赴懇於陛
下蓋望天朝正義示法爲其克復故土哀痛迫切之情不
言可知而佛郎機爨人方且明言併吞之故挾其所有以
獻且爲邀我封賞之計罪狀明白在大義所不容王法所
必誅而無赦者縱使蠻方事從末減豈可受納無擇而遽
封其國乎譬之人家僕御一旦爲外侮侵奪爲主者弗能
往伸曲直乃從而禮貌或啖之以嗜欲焉其失義損威甚
矣臣以爲滿刺加之難在所當拯佛郎機之惡決不可長
也然此特舉其事理之粗迹耳若其隱憂伏禍陛下固得

上杭縣志

藝文上

二十六

而知之乎臣嘗備員廣東順德縣知縣審知本爨桀悍狡
詐習于戰爭自屯門航海而來戈矛劍戟銃砲彈射精而
且備當時同事如暹羅等國諸爨見之垂首喪氣莫敢誰
何今之來交通者無他實以併吞勢強爰及中國欲聚貨
財與得土地志固不在小也故今稍泊屯門收藏拐誘子
女招納亡命盜賊擅立抽分事例肆無忌憚其在此者復
聞聽信姦人撥置欲討廣東屬地建屋以居使此計得行
將來久住延蔓招集無賴不軌之謀蓄而不發則今日與
之地者乃自決外內之防擾中國之漸誠非細故也況今
天下根本空虛四方災異疊見內治不足禦端易啓若復

納無義強彘授之以土是內有攻心之疾外益塞邪之侵
軀命殆不自免豈但謂驅虎狼入雞犬之域而畜產受其
傷耶伏望陛下過萌杜漸下令廷臣集議將佛郎機彘人
明示順逆卻其貢獻驅之南歸果能還蒲刺加封國恪守
本土許其將來朝貢一體封賞脫使執迷不悛吞併如故
雖外彘不煩中國兵力亦必檄召諸彘共聲其罪而討之
墟其巢穴而後已庶幾天朝大義旣明後患自絕蒲刺加
得雪其恥佛郎機之強不義者無所容于天地間矣

請停止織造內監䟽

丘道隆

臣聞養民猶養牲也養牲者十羊九牧驅迫禁遣之不能

上杭縣志

藝文上

三七

不擾雖日求其茁壯生息不可得已然是特收擾之弊爾
若今織造差官供應之費日累數金誅求之計時復百出
蓋聚羣羊而絕芻秣拔毛抉皮吮血啗肉暴害烈禍過於
焚溺一之已甚其可再乎仰惟陛下神聰四達聖斷獨裁
縱惡貽害如織造太監張志聰者一經論劾卽降旨取回
別請更代是陛下救焚拯溺脫浙民于水火雖閭閻之下
匹夫匹婦亦懽呼鼓舞而知所慶幸矣臣愚以爲事不愼
初望于懲後取回志聰者固不遠之復別請更代者又再
誤之幾也方志聰始差之時言官反覆論列不蒙俞允致
有今日往事不足論矣不審今之更代者人品又何似耶

使其賢于志聰伺接從新勞費如舊誅求或減而供應不容廢惡黨或少而隨侍不能無終未免爲牧者之擾而苗壯生息所由累也使其不賢于志聰貪嗜之初饜足尤難官吏重遭凌轢軍民再罹漁獵是前門放虎後門進狼勢必拔毛抉皮吮血啗肉不至于傷生就死無有底止也陛下銳圖中興躬示節儉尚方服用責之守土官員民不重勞而事自辦若以身體之飾貽害於民孰謂聖明所甘心焉况今天下災傷水火盜賊日以告報雖清軍刷卷之差亦已罷遣身事國事本無重輕誠不可明于彼而暗于此夫于前而不懲於後也如蒙陛下往鑒前轍俯念疲民乞

上杭縣志

藝文上

三

將織造事宜下部議處專委浙江布政司及府州縣官督造供用收回更代之命并查天下奉差官員有貽害如織造者通行議處取回以養和平安靜之福則陛下至仁淪民膏髓中興盛治成於視掌之間天下臣民豈勝願望

叅太監黃玉疏

丘道隆

臣聞刑賞者人主鼓動天下制馭臣民之柄功焉必賞罪焉必刑四海之內翕然心服使其無功虛受有罪幸免僭濫之弊將流于無所勸懲固非人主所宜有也恭惟陛下嗣統賞功刑罪至公至明中外臣民歡欣愛戴獨於安置太監黃玉一事臣則不能無可疑者夫惡如黃玉而罪止

於閒住豈陛下其爲是姑息耶亦以惡逆形跡未著姑從寬處之耳臣請指其一二爲陛下陳之黃玉本無倫閹宦目不識丁惟以心術險詐善于夤緣先年賄賂權姦錢寧等妄於潼關添設內臣分守而身當其任威柄入手勾集無狀伴僕并收克三原華陰等縣無賴軍民馬英馬保黃永黃壽胡璉郭德趙錦鄭興王苟兒高四兒等六十餘人併不知姓名無數俱稱叅隨名目又收克三原縣省祭官侯懷潼關衛軍餘田美張守端黃鎮俱爲私房主文又委任潼關等衛所指揮王臣盛鼎陶永劉杲彭松千戶吳山潘隆梁堂百戶奔弘奔大綸廖章劉永竹英劉禮沈世和

易簡大慶關等巡檢司巡檢張泰林福單臯吏張鸞杜汝東段景昇程富并知名未盡三十餘員名俱爲腹心爪牙一夫造惡羣克煽殃通將各處關隘城門市鎮河道緊關總會處所分布把截無論朝覲公差過往官吏軍民商旅人等留難剝削每木筏一座銀十五兩每貨船一隻銀十二兩每放違例段疋大車一輛銀三十兩每載行李大車一輛銀八兩小車一輛銀五錢每馬一疋銀二兩每羸一頭銀一兩每驢一頭銀五錢每空人一名銀一錢下至貧難小民尋常鬻販錙銖毫髮權盡其利而潼關衝要之區四方交會之地數年之間左右網羅上下漁獵數月何可

勝計其受害者如病故府尹胡宗道乃欲開棺按檢將衣服首飾索取一空如經過御史韓奕被其索取無獲將夫馬行李遮留四月况其他者乎然猶未也延綏操備旗軍共六百五十名每名科銀三兩潼關衛屯糧七千八百餘石每石科銀五分又將本衛官軍既扣除月糧分例仍責辦月兒銀錢以至指稱接駕進貢名色橫科蒲州銀一千餘兩其餘州縣奚啻數萬且又採取各處水陸品產強買軍民各樣貨物假公濟私無有饜足稍不愜意羅織鍛鍊刑辱百端如勒取指揮陳霖財物不足致將本官頭髮割去而又拷傷臀足幾成廢疾遠近軍民爲其殘虐賣男鬻

女忍饑受寒延活不過十逃八九然猶未也濫受詞訟大啓爭端局騙民財坑陷人命先因各地方不送月錢打死軍餘張續又因襄垣等王府不行賀禮打死校尉王虎山又因該州同知原任吏科都給事中呂經不肯承奉賄賂遂誣奏本官繫獄二年幾就死地又暗主姦黨虐死吏目郝友益吏楊本濟民楊連楊隨楊戢然猶未也貪取華州賊賊差人解散同知祝壽擒捕人馬全其生路陰附江西叛逆差人探聽宸濠進取消息預爲降謀似此惡逆豈止一端臣特舉其得聞者而言之耳叅照太監黃玉附結權奸變亂成法以民財爲魚肉而恣意誅求視人命如雞豚

而非刑逼死而又欺凌宗室冒投鼠忌器之嫌陷害忠良
延林木池魚之禍他如貪賊賊而暗地交通蓄異志而先
事觀望乃窮兇極惡亂臣賊子之尤此而可容孰不可忍
如蒙陛下念姑息之非仁審平刑之爲義乞勅錦衣衛將
首惡黃玉拏解法司并行撫按衙門查提一千助惡人犯
通行從重治罪仍將各犯所得不貲之贓盡數追沒解貯
山西布政司折克拖欠各王府祿米支銷庶有以還百姓
之財寬百姓之力而消其忿懟不平之氣而陛下鼓動天
下制馭臣民之柄操而無失後雖有惡逆亦將知所警懼
而不敢犯矣

上杭縣志

藝文上

三

叅左少監閻良疏

丘道隆

題爲革冗官除邊患以荅災異事先該四川按察司整飭
建昌兵備副使楊守禮呈據建昌衛河泊所考滿吏杜九
隆呈稱嘉靖九年五月初二日有家養母豬一隻生小豬
三口內一口一頭二身八脚內有二脚背生與人手相同
連母氣絕等因到臣臣謹會同巡撫四川左僉都御史宋
滄議照和氣致祥乖氣致異乖氣之積人事之招建昌人
事足招乖氣者臣等以爲冗官未革貪黷悖戾殆其爲甚
者也查得建昌行都司自洪武永樂以來不設分守後因
塩井會川二衛管下彝方彌勒等處開有銀銅各廠添設

少監一員會官監收銀兩隨因前廠無出累損地方已經具奏停免添設官員亦經裁革至成化間姦臣規利復差少監分守夫建昌彈丸之地已設兵備副使督糧叅議各一員而復添設分守使賢者居之亦爲九牧十羊不勝騷擾而况不才貪黷如左少監閻良者乎閻良自嘉靖元年到任役占官軍濫受詞訟擅自抽分和買貨物此其罪狀最著臣等姑置勿言其餘瀘川驛日支廩給口糧需索無名供應已自多餘猶占種庄田三十餘處歲收穀麥一千餘石牛犊工力出自擺爇爇人夏稅秋糧遞年升合不納又於建昌官倉歲支糧米二十五石稱爲馬料又令跟隨

軍伴賈貴等於各門屠戶每殺猪羊一隻抽肉八兩殺牛一隻取白銀三錢西北二門近城人戶約有二百餘家每家歲取地錢一錢二分通濟橋舖店二十餘間每間月取稅銀二錢建昌二衛軍舍餘丁三千餘名十月上操之期每一名取白銀五分名曰柴薪其會川塩井寧番越嵩四衛操軍取如前數又歲取寧番衛椒二百觔核莖五石麀皮三十張會川衛芝蔴五石菜油一百觔號爲年例又歲取建昌等六衛下程銀六十兩又收買瘦馬一百餘匹令二衛軍人喂養稍肥輒差叅隨人員分送六衛指揮李雄等三倍勒價有不收者卽生事責打計其一日之間一歲

之內誅求剝削數已至此總計十年之久所得不貲此皆出于臣等耳聞目擊之真以是官軍遭殃民焚受害乖氣日積和氣日消雖欲不致災異其可得乎伏望皇上軫念凋弊邊方本無內地之積貪鄙細人亦非分守之才乞將左少監閻良取回追問贓罪以後建昌分守官員特賜停止庶惡虐不加邊方蘇困和氣積而災異可轉爲祥矣

陳時政疏

劉佐

臣聞天下之治係于用人用得其人則任賢圖治得一士焉可安天下苟或匪人則徒取克位適爲民生之累而已故自古帝王勞于求賢而又不忍濫設以爲民困誠有見

上杭縣志

藝文上

三三

于吏治民生關係甚重不可不慎也我國家二百年來號稱極治迨我皇上踐祚八年於茲四方賓貢海內乂安彬彬盛矣然臣愚以爲天下雖治尤當思所以保其治民生已安尤當思所以固其安臣有芹曝之愚其爲說者二敬請爲皇上陳之一曰簡賢俊以興吏治夫人君不能以一身理天下也卽恒人辨之矣故其道在興吏治臣觀世之談吏治者咸曰在內有公孤卿貳在外有監司郡縣吏是可以用爲治矣然不知此特其職司也設不得賢俊居之則媮惰以廢職粉飾以長奸吏治無時而可興矣故臣願陛下虛心以簡天下之賢必實心實政不要譽以近名有始

有卒不宦成而改節在內則端本澄源表率百僚而師師之風以起在外則承流宣化恪供厥職而蹇蹇之節以成如此則所用盡賢後而社稷靈長之計在是矣謂吏治猶不興也有之乎一曰裁冗濫以安民生夫庶官之祿養必取諸民也乃從古爲然矣故安民之道在于裁冗濫臣觀世之議事者偶因一事輒請設一官文職則有各道府縣屬之添設武職則有叅遊守把之加增星羅棋布以爲可以保治矣然不知添一官則添一官之供億民竈財盡此何時也十羊九牧其何以堪故臣願陛下悉心以汰天下之冗員各道府縣屬之可裁者裁之叅遊守把之可革者

上杭縣志

藝文上

三

革之或以一人而兼數事或以數事而責一官期不廢事而止如此則冗食悉除寬一分而民受一分之惠矣謂民生猶不安也有之乎臣嘗有以喻之矣夫治天下猶治家也家有嚴君揭綱提領百事舉矣家既富矣然或舉幼穉獲任用匪人家固未易保也又或羣遊弄遊食者叅於其間則家之所入不足供其所出卽嚴君安能幹盡用譽哉知家則知天下矣臣以一介草茅當此極難之朝恭觀熙之盛竊欲効謏謏之忠爲聖明萬分有一之助而朝政肅清計無可爲杞人之憂者惟此一事言之雖若平常而其所關係者甚大行之無甚難能而其爲效實悠遠而不可

可禦臣惟願皇上加之意焉耳矣

請宥言官疏

劉佐

臣待罪南臺近接邸報山西道御史魏允貞條陳救弊一本奉旨言官建白須顧大體據實跡虛心爲國言乃可行允貞漫逞私臆語多過當姑降一級調外任欽此臣竊惟皇二聖德天覆從諫若流邇者朝政一新嘉言罔伏卽有不知忌諱者悉從寬宥何獨於魏允貞所奏有此處分及詳閱允貞條陳肆事其中委有如明旨切責者罪亦何辭但臣竊以爲魏允貞言官也言官論事各陳所見使其言盡當固當嘉納以爲善治之圖卽其言未必盡當亦宜包容以作敢言之氣盖天下事恒懼壅闕不得上聞而天威震赫司言責者往往以批鱗爲慮非聖明平日寬其觸冒之罪萬一臨大利害大事變誰肯爲皇上直言者且允貞言雖過當心實無他不過欲防微杜漸以儆將來所謂杞人憂天之見初未嘗實有所指而槩疑其爲私也茲者蒙恩降調在皇上之心無非少示懲創使建白者不敢輕率進言耳然臣以爲懲創者裁抑躁妄之微權而優容者廣開言路之大機也今降調之命旣下所以懲創允貞者至矣若卽從而寬宥之則懲創之權與優容之仁並行不悖大小臣工咸仰聖心之無我而凡負一得之愚者皆願獻

於明廷以自效豈不休哉語曰主聖則臣直夫臣之直何與於主之聖哉蓋言之順耳者易從逆耳者難受惟能包容逆耳難受之言乃爲盛德而益見主之聖明伏望皇上務憫愚狂曲垂恩宥將魏允貞賜還原職則仁恩愈廣言路益開而聖德之寬洪垂之萬世而永光矣

築巖前城議

黃色中

議得包巖以爲城三尺童子知爲形勝爲扼險而屬官乃有託百姓以爲言欲築社壇此其故何也職知之矣百姓非他卽居巡司與居寺東之民也民之視築城與屯兵猶虎也版築一興衙門開設得無拆其居乎平其墓乎將來

上杭縣志

藝文上

三六

兵民共域無相陵援乎種種驚疑而僧又可知矣惟有社壇在空虛無用之地旣無居民又無墳墓以目前言任其剗土掘地而我不與以後日言兵自兵民自民兩不相混而我無擾此愚民之見也而不知居官任事爲朝廷萬年之計者正萬萬不可何者社壇尖削所謂犁頭尖嘴明明是砂所以無一人居此無一墳葬此爲座下無龍故也夫立城不用龍而用砂有是理乎守府衙門不用子午而用卯酉有是法乎經曰何知人家被火燒面前朝列似芭蕉今惡煞兇鋒布列在前不一迴避有是曜乎後面玄武遠而飛去不肯垂頭前巡司順水斜射名曰拖刀有是局乎

棄高就卑舍要路而守偏隅有是險乎故曰萬不可也巡司之局原有破綻職不敢護短若寺場者天造地設之勝槩也背山面水一勝也坐子向午二勝也穿田過峽來脉清明三勝也衆水朝堂竟煞退避尖鋒後照木星特朝四勝也水纏玄武五勝也山名獅子獅爲百獸之王降盡虎豹六勝也草木鬱蔥遠望皆兵七勝也據巖瞭望賊盡在目八勝也居高制下砲石易施九勝也倚山作城工力可省十勝也衆路必經扼要抗喉十一勝也明堂容萬馬水口不容舟十二勝也此等勝槩不用而又誰用哉爲邪說者曰神前佛後不可并也夫所忌神前佛後者或斬其龍

或奪其壇斯犯鬼神之怒耳今不惟不得道場且作城護之佛如有靈應有喜色又何忌焉寺亦何城弗有杭之靈山寺楚之武當宮無論也汀之府衙現與定光寺爲隣均一定光豈于此獨不容衙門依傍乎再則曰工程費大耳夫依山爲城正北一帶可以不必築堤西北萬畝并可以不砌牆欲小可小欲大可大總不越此六百丈之外較之平地更爲省工胡言費大耶三又曰鷺頭鴨頸夫山形如獅山名獅子老僧曾向職言之指鹿爲馬千古爲笑今指獅爲鴨更將誰欺矣汀州掛山爲城永定掛山爲城武平掛山爲城何獨至于巖前而疑之此一舉也將費國帑萬

金而顧不擇形勝不據天險不知其何見也古云築舍道旁三年不成又云非常之原黎民懼焉及臻厥成晏如也是在憲臺獨斷獨行之耳

申詳三院請協濟兵餉文

羅萬藻

憲臺於去年冬月新募崗兵五百五十員名計扼邵武以防楚寇軼入先聲旣張寇亦喙息隨以漳寇蔓延復移守漳而上杭自三月初一日王壽山賊突入鄉保殺人掘塚擄掠男婦亾算人心震動投城自全卑職料兵兵虛察帑帑匱勉強拊循軍餘獎率良家子爲城守之計至於今未罷賊雖睥睨不得入然視杭如無人之境矣四月初四日

上杭縣志

藝文上

三八

五營會勦復有寶坑之敗賊益得氣聚衆進逼伏蒙垂念賊衝調許勝一旅赴杭卑縣喜惧并至方集薦紳父老議餉所從出而武平復告急矣卑縣爲具十日行糧赴援謂兵抵武則武當館穀耳而師出賊退武平遂告止師杭代武費隣誼固當但念此兵初置扼邵則通省之計也守漳則列郡之計也今援武則全汀八縣之計也此兵如奕子有急則救而未奉上臺安插之地與夫額設之糧杭恐不支兵亦難久卑縣竊以爲今從通省起議是責爬搔于不關痛癢之人不可也從列郡起議是呼恩澤於未經焦爛之日不可也獨上求武三縣聯絡爲全汀門戶則長汀清

商人易小舸達鎮平自鎮平達武呼杭最親杭固則翼武船武平奸民已干本處地方每船痛之情徒薪共急之勢已儼然成一權關矣竊計武平一道府酌議庶八縣有所二百有奇今私收于武者不貲而申明河稅積剩方冊併於武者徒以腹奸人之橐而給於之留餘無幾也

支也合無請於武平私稅之所卽

羅萬藻

官主其徵收每季卽以給本所額不過開田築陂以便農之稽也則請武平所哨弁中委一廣士於科目而已上杭若干計稅銀若干用合同印票前方官無可藉手至於除半存武平以便稽察如不足則從剔積習亦已漸移橫民

上杭縣志

藝文上

三九

解上杭收貯以佐他餉庶在武猶新舊各處兵餉總資鹽有創建亦因地勢通塞人情趨避害大中於國計况武平之大理酌之使利興於武平而累額則今日在杭言杭興百出爲地方兵食計不分彼此者治具以溷清聽謹奉憲一議欲通漳潮諸商無如禁上杭乞賜裁鑒施行

填票稱稅點名放關不過五六人稅竊炤上杭西津河稅者仍近二十家商人稱稅先經其杭巖武各營兵餉本道火耗備解等費銷詳各悵而後依額自十七年三月鹽貨畏見官府尤畏往來結怨故吞聲一千二百有餘卑職察線之河非獨取徑便直抑且私稅者乃自三河另有小水

寧連歸當議協濟三縣而求急則平所過山從羊角水下最密三縣當自議協濟真炙艾分收稅五分雜用三分則耳卑縣冒死敢陳其槩統祈批行所歲仰上杭河稅一千稟承卑縣仍繕募兵措餉情由及額給于上杭者如故收呈憲覽庶知杭之多事而悉杭庫上杭者攢眉剗肉莫之申詳巡道興革事宜文

公建爲稅場以武平縣

竊以昔之守令號爲與民興利者餉或疑其來貨多寡莫業通商召工以作地材崇儒建學忠實者逐日登記船數山多田少農稀商衆士篤於學地後登記一樣半解本道害則彈丸耳目周知功令節經搜上杭關補有餘則仍封上杭縣志

藝文上

四

俱知悔禍又不敢多事以茲擾唯在杭也此於事宜非別課邇者法久弊生利半歸於奸徒物力盈虧不得不變通私徵未有之稅上杭又缺久成之弛於杭邑亦卑職焦思革之要莫大於此卑縣不敢粉飾也

示據實陳列二款如果芻蕘可採包商計本縣收稅之役一議抑武平暗稅無如興武平明足用而此外號爲包商額有解部解司解虔臺及關給汀手取足各役雜用壓抑衙門各役工食等費歲需向有定票填數陸續上櫃商人等船爲寇所梗歲經總計虧額共忍痛望闕而悲武平一得盜貨客船自潮州運至三河坝無幾彼寬此暴豈當專

罪寇之塞其來而驅其去乎本縣細廉其弊槩議革去商人船至河下床竈不越一舟何用投歇各依豐市填票持銀赴縣秤納領票上關何用包商間之者曰包商由來久矣他日河稅起解有解府者有解司者有解贛州者皆包商管解傾錠水脚等費皆包商認辦獨不思包商爲利不倍彼何苦而任此使包者倍利則納者先倍害矣且官府第貪包商可以暫卸勞費而明以商人膏血聽其倍浚抑亦何無變計哉度稅場用橋子若干人巡攔若干人填票秤稅點名放關若干人或委捕幕監視點放心紅公費幾何併傾錠水脚等費幾何通計其人而上下其食明會各

上杭縣志

藝文上

四一

費而徵之以名因酌一定收額爲永著令久之約定俗成三尺童子不可欺以繩墨之外庶商人之害可除故卑職以爲包商斷宜革也包商革而趨上杭之商害可盡去卽走武平之商或可半回流寇之害有已而包商之害復盡除則客販流通軍需足給未必非地方所當首議也

國朝

詳請各院革鋪戶文

周亮工

看得以官價買民物致有賠累民已不堪矣從未有公然出之鋪戶不給毫釐之價者亦未有不給毫釐之實而尚責其物之精粗美惡令之求死不得者亦未有本非鋪戶

而必令其子若孫承當不替者有之自上杭始自上杭之供應巡漳道始自借供應巡漳道名色以恣其餘之無窮取索始巡道之執事旗幟桌幃座褥上下鋪陳旣出之鋪戶矣二十年之前猶給半價十年之前尚有三分之一邇來但有供應並無價值矣所謂鋪戶者蓋先年其祖若父或經營於吳浙或張肆于本鄉或歇宿商賈覓有蠅頭或克當行戶分其牙用雖多賠累尚利分毫勉力支持已覺難勝今兩廣路阻商賈難通且向之所謂鋪家者半登鬼錄半徙他鄉矣士之子不必恒爲士農之子亦不恒爲農而上杭之鋪戶則如克問祖軍其祖若父雖死其子若孫

卽改他業而鋪戶之名終不可得而去也幸而本戶絕矣又必累及其親枝幸而逝之他邑矣又必連及其姻戚間有賢有司至爲自了之計者則曰我但不取爾等一物耳勢必不能通之上及之下爲調停之術者則曰我多報數名使之眾擎易舉耳實則不能去其籍絕其根間有求情脫免受賄更易者亦必有一名頂替而後有一名開除其頂替之人卽出開除者之口所報者非衙門中所共垂涎之人卽彼平素所私恨之人也一名入簿今日取納緞明日取氈絨非嫌其色不鮮明則怒其物之粗惡道路旣阻又往往取邑中所絕無者以難之求之鄉紳而不得謀之

他邑而不能差役之權從此而尊非曰代爾回官受責必曰諒情代稟收用取一物卽有一番刁難交一物卽有一番使費富者求貧貧者求死其來非一日矣况旣承舖戶之名無論其家之貧富而貪吏垂涎奸胥側目旁枝錯出意外誅求其苦又不止於應當官物已也幸近日文武官僚加意撫恤少有起色然相沿已久若不申請禁革累終無窮合無請乞憲臺嚴批勒碑永遠禁革其答應巡道一應舖陳等項據所開帳目應用二百餘金除上杭縣動綱銀備辦外其餘不足者令七邑量行協濟官自差役赴省置買不許分毫取之舖戶其歷來相傳舖戶姓名冊籍俱

令該縣焚燬其所屬各邑大小官員并道標中軍千把之類日用蔬菜鹽米魚肉等樣俱發紋銀平買如官價擅取一物者卽容本道按法解院究治如此則民命少甦逃亡復集矣本司言之激切伏乞憲臺鑒察施行地方幸甚民生幸甚

請革銀亭值櫃申文

周 昌

竊照汀屬地方雖僻處一隅然自遭變亂之後連年力役民不聊生官斯土者亟宜設法調劑查向來徵收錢糧例係吏收官解從無見年值櫃收銀之事茲訪汀屬各縣徵收糧銀竟不遵依成例私派見年輪值收銀值櫃十日此

十日之中庫書有禮算書有禮拆封有禮甚至內外人役匠作食用皆索見年供應每名里役費至五六十金不等合通縣全年計算非二三千兩不能答應及至拆封或有兌頭欠缺復又責其賠補嗟此刁遺正供尚且難輸何堪額外吮吸若不亟爲禁除恐流弊愈深合無詳請憲臺迅頒嚴示令各縣凡徵收條銀悉聽民間照司頒法馬自封投納止許公點誠實典吏一名監收下櫃庫書一名登號給串其見年值櫃收銀十日之例併從前一切需索陋規槩行禁革勒石銀亭各垂永久庶殘黎少甦生計日遂矣

詳允均米申文

蔣廷銓

上杭縣志

藝文上

四

查看得興利除害誠 憲臺爲國爲民之碩畫匡時救弊亦下吏盡心盡職之微忱凡有撫字之責者自當于民生休戚竭力圖維仰副 憲臺弘濟時艱之至意但卑職庸愚識短聞見未確者不敢草率上瀆現在多方諮訪果係實切利弊容次第申詳外惟是卑縣賦役一事最切民隱釐弊均徭行之可有成效籲請宏先查杭邑額載糧米一萬二百一十六石有奇舊例照糧輪役分設鄉城四十箇每箇十甲每甲一里共計四百名十年一次當差每年輪有四十箇現役凡本年催徵糧務及一槩力役差徭惟四十人是問此從前沿習之規也獨其中箇甲雖分而糧米

之多寡不一查各甲或有一二石者或有一二十石者或有數十石以至百石外者糧既參差則徭役易亂徭役既亂則奸里行私算書飛洒富甲陰受衆擎之安貧里獨肩重負之累且畝中細戶不諳役務惟聽里長派撥苦累百端若糧數一清各畝均有成額水落石出鄉民易于輸將所以凡爲里役者樂于米數之縱橫不樂于條理之畫一也更有奸猾大戶每于未役之先詭寄避差或投托勢要央倩親戚暗立僞契假稱授受甚至賄通書算以推收利囑權奸而跳甲飛來飛去任意營私忽減忽增誰其稽核以致素封殷戶坐享安閑單弱孤丁偏多擾累一經應役

上杭縣志

藝文上

四十五

里甲誅求鮮有不力盡筋疲骨枯髓竭者卽如康熙十七年分輪值七甲當年合計四十畝僅存糧米二百四十石適際海孽未消差繁役重其間賣兒貼婦飲泣吞聲者不可勝數富者貧貧者困勢將逃竄他鄉正供莫辦卑職到任後訪知此等流弊有極重難返之勢輾轉思維務期少甦民困以康熙二十年九甲當差之米通盤預算止存三百餘石卑職不畏豪強不避嫌怨將闔縣徵糧冊籍密弔內衙遞年搜查焚膏繼晷徹夜清釐凡從前詭寄者槩寬已往之愆勒令扣轉以十六七兩年米數爲則合計存當差米一千二百有餘較之九甲現存者已追回飛米九百

餘石矣卑職隨卽揭示通衢窮簷編戶無不踴躍稱便更有十甲里役應輪康熙二十一年者連袂呼號哀求預定若有刻不可緩之狀卑職又復現在查核但思除弊莫如澄源立法貴于經久若年年核算甲甲清釐在卑職固不辭其勞瘁第恐神奸作弊節外生枝稍有檢攝不到弊竇旋茲今幸 憲臺痼痼念切千載一時相應亟懇 憲慈議行均甲之法請將卑縣額載糧米一萬二百一十六石八斗以四百名之里照數分勻每甲派載二十五石四斗二合每畝派載二百五十四石二升以四十畝總算合符成數酌令升合不多釐毫莫混將從前豐畹之畝截長補

短令其從便自行搭配槩予均平竣日造冊申報勒石永遵此法實行則奸猾積棍無處藏奸此畝飛出而彼不能容彼甲推來而此不肯受如有真正交易仍從民便俟十年後大造推收公平衡準照米當差自能甲甲相幫畝畝協辦可無苦樂互異之嗟得收肥瘠相均之效且糧額既平則歷來弊藪一一澄清遠近編氓灼然共見現年里役亦不敢多派分毫咀嚼鄉愚杭川閩邑窮黎從此可以安居樂業無不蒙 憲臺再造之福矣卑職實爲地方起見激切詳請伏候 憲裁批示遵行

均米冊成績請定役詳文

蔣廷銓

覆看得均米一法先經卑職備陳利弊縷晰具詳業蒙
各憲臺洞察批允繼奉頒發條議詳冊首列里役安均一
款是知下吏一得之愚誠與上憲憂民之碩畫微有印
合敢不益加勉勵以副憲行遵將卑縣四十畝額載官
民租三色糧米共計一萬零二百一十六石八斗零于四
百名里役之內均分截長補短糧多者均出糧少者均入
每里一名承米二十五石五斗四升二合一勺六抄二撮
爲率十年一次輪值見年每年見役四十里共計應差糧
米一千二十一石六斗八升零年年如此甲甲皆然彼此
無多寡之異同賦役公平莫此爲甚再查康熙二十二年

上杭縣志

藝文上

四七

應輸一甲當差所以前五甲之米以見役逼近飛避甚多
應于下五甲所餘之米均入補足再有不敷不得已將八
九十甲大戶內均剩之米提入卑職非不念九十等甲見
役纔過然米數參差萬難畫一在彼等十年一輪不過以
分前後此舉難于剗始而實利賴無窮除備造均糧清冊
見在申報憲臺聽候查核舉行外惟是此法一行官民
皆便獨不利于糧多豪右之家并不利于赤棍無糧之輩
何也凡豪強有力之人乘見役將至悉將本戶糧米飛寄
空閑甲內富者避差苦累貧里茲米數一均在在如斯山
鬼技窮寄無可寄此糧多者之啣怨一也問有赤棍奸徒

自恃祖遺里長名色更有則身戶首應辦睥睨甲戶攬寄包當或本無升斗之糧反承極重之役挺身兜攬魚肉細民無之侵蝕錢糧互相誘誤若糧米一均雖三尺黃童亦知賦役有定照糧當役貧富同然詭寄之弊旣清包當之害自絕閑丁赤棍無地可容積年穩啖之生涯一旦消弭殆盡此包糧者之啣怨又其一也卑職旣爲地方民生起見一切嫵怨自不敢復存避忌之心但聞省民風土俗險悍居多錮習未易消除投鼠必多忌器所以杭邑之前令非盡不賢也均役之定規非有未善也亦恐易俗移風事多掣肘自

上杭縣志

藝文上

四六

本朝定鼎以來束手因循苟延時日者職是故耳卑職身膺民社使于閭閻之疾苦膜不相關利弊之興除全無覺察素餐滋愧貽悞非輕是以終不敢碌碌因人自蹈曠瘞之咎也伏乞 憲臺細加覆核如果切實可行叩乞卽賜允詳仍祈禁戢阻撓永遵勿替則杭邑萬姓子子孫孫均沾再造之仁矣

詳允以船代夫申文

蔣廷銓

爲詳定以船代夫之法節勞苦以裨民生恩垂不朽事切照上杭一邑界聯江廣路達漳泉故向有平西藍屋二驛額設贍夫以資應付嗣因軍興芻午驛站奉裁一切需用

人夫始累及于里迤凡兵馬經臨有由粵入閩者有由漳至汀者需夫答應累百盈千或值東作方殷或際西成在望拋農廢業趨赴行期更有 各憲差員齎文緊急隨到隨行淒風苦雨之中烈日嚴霜之下擔簦躡屨力盡筋疲自甲寅變亂以來下吏之苦于支持里民之疲于奔命已非一日矣卑職身在地方目覩凋殘思欲稍甦民困苟可寬一分民力者不敢不敬抒一得以瀆 憲聽卑職伏讀憲行有夫役何以使之均節不勞船隻何以使之應差無悞此誠天地爲心正下里小民起死回生之日卑職凜遵 諭令仰屋圖維夫卑邑旣係江廣之要衝而人夫又

上杭縣志

藝文上

四九

爲往來之必用欲圖上不悞公下甦民累無如以船代夫一節何也杭邑溪河一道上水可達汀城下水直抵峯市溪船雖小每船可載貨物一千觔若裝載行人亦可容受四五人不等若是則一船可抵夫十名矣所以來往客商率由水路舟行之便今設遇有過往官兵一時需夫緊急若欲僱募每夫一名非銀七八錢不可以致刁難勘措每悞行期况官兵沿途跋涉至杭雖給人夫止供弁將肩輿挑擔之用而一切日兵仍屬步行艱苦且夫一名僅可肩挑七八十觔旣擔重負偃仰于層巒疊嶂之間三站程途勢必延捱時日若以船代無論餼糧芻蕘槩置于中卽徒

步之衆亦得逍遙坐卧安瀾可濟便達鄞江較之陸路勞
逸懸殊體行役而恤民情無有過于此者况今漳糧止運
客貨無多而溪船鱗集河干若照民價僱其裝載無有不
爭先樂從者伏祈 憲臺俯察微情應否將上行開載之
夫許以船代每船一隻代夫十名并嚴飭索夫員役不許
額外苛求目今雖地方底定漸獲救寧然歷年之疾苦既
深將來之望恩倍切如蒙採擇勒石永遵著爲定令若遇
緊急飛差勢須晝夜兼程者所需夫役爲數無多仍自撥
夫應付不在此例外至民間僱載上水每船一隻計銀八
錢下水每隻三錢俱有一定之則卑職時時覺察凡有船
上杭縣志

藝文上

五

價俱當官面發並不敢以官價名色短少分毫自此船工
夫價相隔天淵既可節省民力又不致應差有悞一舉而
二善兼備是望 憲臺之所急予恩施者也緣干地方應
付重情卑職未敢擅便合行具詳

論曰章奏者事君者靖獻之誠也杭之先不乏名臣
封事儘多遺失可歎茲之所載其事初無關於一邑
乃大有關於天下存其文所以重其人也至歷官斯
土凡所申詳條議何可殫求而一時地方利弊之大
不惜爲民請命痼瘼乃身之念寧忍忘之採錄數篇
俾後之觀覽者知所稽覈焉爾

古文

明

駟馬橋記

曾宏勉

橋名駟馬蓋取司馬相如題柱之意未知創自何代按郡志宋乾道三年徙縣治于此橋始建于是歟舊名通駟慶元間重建改今名自後或廢或興不得而考今去慶元二百餘載而復建之不可不識其歲月也橋在縣西里許水自北來衝激成溪與大溪會于石壁潭凡走驛傳行商賈實一邑之要津苟無橋梁則旦暮之際風雨水潦豈無病涉之患哉舊爲兩石架之以木淺狹隘陋日就頽壓邑人

上杭縣志

藝文上

五

周永定不煩有司之令不假衆人之力慨然率其族人傾其私篋以成鑿石于七峯伐木于雙髻心計意營兩載而始成橋高若干長若干鈔以錠計千三百四十有奇旣而構屋橋上凡若干楹中立佛祠新其神像供器計五百錠起永樂九年春三月訖十年冬十月橋西高築其路以丈計者若干橋東買地爲居招民無業者守之規模宏大足垂久遠非昔比也一邑之老者少者不知有是役而樂見此橋之成行路之往者來者不聞有是役而坐乘此橋之便永定之利于人有如是哉大雄氏有福田果報之說如其說將見乘駟馬而過此橋者不惟永定之子孫雖周氏

一族之子孫皆食其報與此橋相爲無窮可也傳曰歲十一月徒杠成十二月輿梁成蓋橋梁者王政之所先有司之急務也永定能不煩有司聿新斯橋詎非偉事歟有司于此能復守者之身而優之斯橋之久豈但傳千百年哉昔周單子聘楚過陳見其道穢而川澤不陂梁知陳之不祀吾有司其亦知所謹哉耆民謝子信率衆請予記之予旣爲永定先䟽其事于石今子信之請亦不得而辭也遂爲之記

新建橋閣記

高琛

杭邑爲東南勝地山川明麗人物風土無異中州故東抵

上杭縣志

藝文上

五三

龍溪南通交廣西接贛水北達江右實甌閩之奧壤也納鄞江遶三摺杭川之名肇于此大溪橫流吞吐原隰烟帆水鳥出入有無每歲比澇民病于涉今正統二年大尹循陽張公琳二尹宏陽楊公孜創謀暨玉泉釋常靖耆民曾始賢等咸捐俸資指日命工斲木造舟五十艘鐵索數百丈夾江縈迴費用鉅萬而民樂于趨事赴工而不知勞者若赤子之慕慈母也又創闢公晏公祠堂于橋北建觀音閣於琴山之巔去惡草樹治地戒工山石丹碧錯若織文巨木崇竹參差翳翳植長松數十章其地窈而燠其址夷以固其材美而朴其戶牖適暄涼之宜若夫天朗氣清惠

風和暢登斯閣也則樂乎天地之大滯者于是乎釋之狹者于是乎廓之察品類之盛極視聽之娛信可樂也樂也者樂民之獲其所也至若臨高縱目逍遙徜徉登斯閣也吾則愛乎耕耘收歛之時民之饑吾之饑也民之寒吾之寒也夫饑不得食寒不得衣雖嚴父慈母不能保其子邑令焉能有其民乎憂樂洽于民而民莫不孚于我矣吾朝奄有萬方日月出入之地罔不臣服而杭邑爲東廣要途有司述職冠蓋逢迎商賈絡繹殆無虛日牧茲邑者尤貴乎善政善教弗欺恩信識地勢之險易知民風之得失然後漸民以仁摩民以義敦尚行實崇敬禮義俾杭邑教化大行有鄒魯之風始可徵勝地之實也諸公之志其有不在于茲乎是爲記

黃節婦傳

葉盛

黃節婦者太學生黃均友杭之妻也姓丁氏名定姑出自杭川儒宦名族夙抱淑德既笄嬪于友杭而復有所刑焉友杭病卒節婦年始三十晝夜悲號絕而復甦者數四有寬之者曰母自苦如此世固有再圖者節婦厲聲曰吾豈夫兩姓者耶夫亾吾所以未亾者有老姑有弱子在耳吾豈夫兩姓辱門戶者耶言者有愧色節婦益謹自防謝脂飾絕迎會惟色養其姑姑嬉嬉怡怡不知其子之亾也子

克素督就外傳以學仰繼先業躬紡績以資其禮幣女五人皆擇歸士人家姑年九十餘歿治喪無違禮克素卓然有立家就殷裕孫男曰珏曰環輩若干人曾孫曰鏗曰鉞輩若干人皆彬彬文雅可用之材節婦更以高壽終豈非節能致慶哉節婦女之子新城教諭龔興爲予道節婦事求傳且言友杭有女弟適丘福泰者亦早寡守節不渝其言曰吾固義當然奚忍負吾嫂也然則節婦又有以化乎人矣

杭川鄉約序

丘弘

鄉之有約所以順人情因土俗酌事理之宜而約之于禮

上杭縣志

藝文上

五四

法之中者也一鄉之中爾家我室貧富不齊奢侈儉嗇志趣不一必有禮以約之而後一鄉之心一焉風俗同焉先王制禮以辨上下以定民志其以是與我朝建國制度文爲酌古準今尊卑上下各有定分禮法之行民俗淳厚最爲善矣杭川風俗素稱淳朴比年以來流于奢侈俗日以偷凡禮之行惟事賁飾日積月累漸習成風富者極有餘之奢貧者以不及爲恥噫是蓋徒事其末節顧其本安在哉邑之梁氏崧傷世俗之流弊慨然有感于心於是合衆人之見通衆人之情條其冠婚喪祭慶慰酬酢之禮汰奢爲儉損過就中儀章簡約品節詳明名之曰鄉約請予

序其首予 鄉約之行而一鄉之禮闕焉然禮有本有文
貴于得中爲善苟或過焉則文滅其質或不及焉則質勝
而野二者偏廢豈先王制禮之意哉今梁氏鄉約切于事
理曲盡人情大抵以不違國制爲先以敦化厚本爲尚無
非欲人從儉約守禮法而無流蕩之失質之經傳殆周公
所謂束帛弋弋賁于丘園孔子所謂禮與其奢也寧儉之
意與以是約而謀諸邑之士大夫皆曰善焉謀諸鄉之富
者貴者皆曰善焉謀諸貧者賤者亦無不曰善焉將見人
咸便之服而行之厚其本而抑其末財不竭而用之舒淳
厚之風日興禮讓之俗日作則梁氏是約其有關於世教
爲鄉人之勸云

重建孔子廟記

劉 鉉

世之任親民之政而惟汲汲於利祿聲勢僕僕於簿書刑
獄繩民於法者累累是焉有能本之以仁義施之以禮樂
優游於文字以導其民者鮮矣汀之上杭學在縣治之東
建於國初歷歲滋久楹棟朽蠹瓦甃竄裂前令嘗補其竄
而易其朽景泰甲戌永嘉黃公希禮來尹茲邑謁拜廟下
觀殿庭之敝壞寢逮陟壓慨然曰爲治孰有重於是乎乃
與丞等圖新其構遂各捐俸倡民之好義者爲伙市材鳩

工伐石陶瓦凡所宏需次第畢集撤其舊而新之重簷峻
角疎櫺廣牖宏敞壯麗有加於昔丹漆黝聖燦然煥赫觀
瞻聳動對越秉虔經始於甲戌告成於乙亥冬繼以教諭
季遠與令同心暨諸生助資琢石以建櫺星之門遷建文
昌祠於戟門之東重飾聖賢之像費不出於官而足工不
勤於民而就可謂善於有作者矣今年春大尹希禮因太
常少卿黃公采請予記其事予謂古之繼天立極而善於
爲治爲教使民不識不知而由之宏之者必曰伏羲神農
黃帝堯舜禹湯文武周公之羣聖推明其所以爲治爲教
而鼓舞於千百世之下使皆樂其性分之有安其日用之

上杭縣志

藝文上

卷六

常而不容自己者則惟在吾孔子焉所以孔子徧祀於天
下歷千百世尊之如一日良有自也我朝列聖相承以文
明而鼓舞於當世者後先一揆有光羣聖宏乎希禮作新
斯廟以體國家重道崇儒之盛心也抑廟爲格於神明之
所格於神明者必由乎誠誠存必由乎敬敬也者所以歛
吾心而爲學之要也士之游於斯者皆能致力乎是則足
以窮道德性命之微識公私是非之辨制耳目口鼻之私
敦孝弟忠信之實出焉而周天下之用則是廟也匪徒報
本於先聖又所以啟發於將來噫爲治而克導其民者吾
於希禮見之焉

送給諫丘君使琉球序

李東陽

國家統一區宇掃乾滌坤滌濯萬物逮于百年化洽功成五服之內藩臬郡縣之所治出賦稅共使命者弗論暨于海中外風殊界別以國稱者萬數邇者先沾遠者後被冠纓椎髻詩書甲冑梯高航深四面而至克中庭溢下館禮部繁于奏納鴻臚勤于奉引象胥勞于通譯自有中國以來無若是盛者若琉球國在海東南諸國小大遠邇之間烟火相望順颶利舶七日而至然其始俗以盈虛爲朔望以草木爲冬夏粵自古昔未通中國時雖或窮征黷討而賓服無聞及我國家號令所到嚮風奔附遂封爲中山王

上杭縣志

藝文上

卷七

齒于圖版奉職貢者日涵月煦潛移默革被服冠帶陳奏章表著作詞賦有華士之風焉成化庚寅其王世子當嗣封遣其長史來請命天子封中山王賜璽書冠服遣正副使二人致命中山戶科都給事中上杭丘君弘實克正使之選賜朱衣一襲以行六科諸給事皆爲行餞徵辭翰林東陽於給事君同年進士言在不讓曰於戲給事大丈夫入則居諫爭出則承使命誠所願爲今聖天子在位賢大臣在列嘉惠于彼外國中山王謹畏孝順不墮臣節以俟我威命而給事身負荷之國體之所繫小邦之所瞻後世之所稱誦胥此焉在給事其克自重感厲精發山動海立

以宣達天子威德國家之典章式俾小邦君長陪從暨于
閭巷明識逆順保其初心惟億萬世服事罔敢教亦罔敢
後於戲豈不真大丈夫哉給事君起曰使者職也敢不勉
於是諸給事驩曰使哉使哉乃導上供張三爵而後別

杭川風雅集序

丘立賢

杭川風雅集者邑隱士李君嗣英所輯錄也既成詩社君
子莫不爭先快覩然未之有序迺貽書于予曰吾杭爲臨
汀鉅邑山川秀美風土淳厚故士生其間多聰明俊偉讀
書能文爲官食祿上而朝省下而州郡以及山林巖穴高
人逸士隱德弗耀者比比皆是其文章翰墨流傳于世代

上杭縣志

藝文上

五十六

不乏人惜乎屢經兵燹而存者無幾余嘗于隱居教授之
暇輿念前修落落如霜木晨星不可多得而翰墨又皆散
亡無存屢增慨嘆因廣詢故老博訪遺文得宋元以來至
于我朝上下三百餘年之間諸名公若干人詩若干首編
次成集名曰杭川風雅庶備文獻之一徵願一言以弁其
首嗟夫嗣英之用心亦可謂勤也已惟昔夫子刪詩以其
出于國人者謂之風出于朝廷政事者謂之雅風雅雖有
正變大小之殊無非欲使人得其性情之正而列之于經
垂之萬世今嗣英之輯錄能得聖人刪述之微意取其善
以爲勸惡以爲戒不惟有以見杭川前代達官顯宦通儒

碩士皆由山川秀氣所鍾而致抑使後之經生學士騷人墨客誦其文辭仰其風聲而皆有以法其善而懲其惡則其有益于風教也爲不少矣雖然文章顯晦關乎氣運其幸存而載于斯集者固猶寥寥皇麗天人皆見之其不幸而遭兵燹與散亡遺逸不得與於斯集者不能無滄海遺珠之嘆是亦氣運之使然也嗟呼惜哉

新造城記

柯 潛

上杭爲汀屬邑舊號樂土無反側之虞正統己巳沙尤寇發延蔓旁邑而上杭被其害爲尤深時知縣岑高奏請築城以民力罷憊不果景泰壬申知縣黃希禮申前請得俞

上杭縣志

藝文上

五九

旨於是右布政使石公琄臨視其邑知縣率邑人鄭仕敬林祖楨孔文昌等二十餘人協心供事天順壬午溪南里民嘯聚而工阻巡按御史伍公驥左布政使姚公龍副使錢公璉僉事游公明同撫捕之因民請謂城郭宜守以兵乃奏調汀州衛右千戶所官軍捍禦之成化丙戌巡按御史朱公賢右叅政許公振叅議張公雄僉事牟公俸劉公子肅以城隘不足居軍乃更擴大之知縣胡鉞任其事丁亥巡按御史余公裴又委成于本府同知程熙通判吳桓而以邑人郭明德唐紀等二十餘人佐之繼而右叅政趙公昌副使何公喬新僉事周公謨都指揮吳公杲各出意

見經畫其未備者而周公勸督之力尤勤遂以壬辰正月
畢工高廣堅壯邑人喜其可恃以爲安也謂宜有文以記
其成周公乃遣邑庠生林廷瑞具始末來屬筆于余余惟
君子之任官貴於勤其政溥其利于民使民傾心仰戴可
也苟得民心雖畫地而限植衣而守効死者不去冒死者
不能入否則封疆之界不足以爲域山谿之險不足以爲
固而况於城郭乎雖然王公設險見於易商邑翼翼歌於
詩蓋防患立極皆政治所當先者其可置而不問乎巡按
及藩憲諸公皆朝廷之所掄選敷宣政教得本末先後之
宜是固有以得民心矣又以防患立極有不可緩者此上

上杭縣志

藝文上

六

杭之城所以作也然自肇建迄今二十餘載功始告備蓋
役民之力欲其紓用民之財實有節而民心亦怡然承順
未嘗以爲勞也以此心而守此城則上杭又將號爲樂土
以復其初而凡與謀爲此城者其勲烈並著於永久矣春
秋之法重民力凡有興作必書譏不時也上杭之城作於
寇難之後而又施爲有序不失其時異乎春秋之所譏者
余故爲之記俾刻石置于城隅以告後之人焉

重修義倉記

鄭 鎔

義倉之設重民食固邦本凡天下府州縣各置之以儲蓄
用濟民饑也上杭縣之儀門右勝運里之盧豐白砂里之

華家亭豐田里之慶清寺諸處向各置立以便民之出納
天順壬午卒遭兵亂火其倉墟其址殆十有五稔矣成化
癸巳貳守程侯熙謀于縣令蕭侯宏丞陳侯清請于上鼎
新之凡爲倉四計勸郭鑑輩所輸穀萬有千斛擇邑人之
賢者吳壽齡等十人典守之適甲午夏亢旱民苦饑賴濟
以活余目斯善政固欲言之而未能茲因典守者請而告
之曰仁人愛民之心造化之心也古者三年耕必餘一年
之食積之三十年則餘十年之食而民不阻饑此萬世之
良法也次而李惺之平糶耿壽昌之常平當今之義倉亦
良矣然世之爲吏者以刻爲威以察爲明以儲蓄爲故事
苟罹歲歉若秦饑而乞糶于晉魯饑而告糶于齊專事其
末於愛民也何有哉今安靜不擾體悉民隱于廢弛者修
之俾有儲蓄之所侯之功也有餘者勸之致盡周急之義
侯之仁也其愛民也至矣苟更代者知散不知歛受代者
知出不知納則侯之惠難久而民無所藉要必歛散以時
出納無弊使侯之澤自一世而衍千百世永享太平之治
可也

重建儒學記

孫能

洪武初詔天下府州縣立學而是學則因宋嘉定舊址九
年劉亨氏來令茲邑與其丞周文郁鼎新之於凡學制始

備歷久頽毀正統間令張琳丞楊孜協力重加營繕後蠹于蟻令黃君希禮改造及成化壬辰復蠹于蟻教諭胡匡訓導鄭鎔白其事于分巡僉事周公謨勸邑大姓郭端郭鑑輩出貲命汀州判吳侯桓董其事旣而桓以丁內艱去貳守程侯熙來嗣之多方措置務底於成於時縣令蕭宏丞陳清克贊其功而生員簡重林繁林時著孔經耆民郭明德鄭昭實左右焉工善吏勤晨夜展力殿制爲屋五間其柱以石可垂不朽門廡各得其度仍建桂香亭於櫺星門之南殿後建明倫堂堂之左爲尚德齋右爲樂育齋生徒有舍庖廩有次丹漆黝堊無不工緻越明年落成能以

上杭縣志

藝文上

卷二

成化乙未冬來教于此諸弟子員述其事謂余宜記余惟三代之學皆所以明人倫也秦始皇坑儒焚百家之言以愚黔首一再傳而滅爲天下笑何耶人倫不明人惟見利而忘義焉耳學之廢其禍慘矣有宋太祖增葺祠宇塑先聖先師之像自爲贊書孔顏之座端屢臨幸焉太宗封孔子後賜九經于學校延于末代爲臣死忠爲子死孝何也人倫旣明人惟見義而不見利焉耳學之興其効大矣今逢聖代更得程侯之賢蕭君贊畫之力學校一新使諸生由庠序以明人倫出而見用行先王之道以陶吾民持忠孝之節以事其君使人有所歸且有所法也若夫操筆硯

以要利達豈二三子之所當事哉余素拙於文今喜附名于石遂不辭而爲之記

上上杭縣志書

孔經

伏以治教休明四海樂雍熙之化人文宣朗萬方崇誌載之書顧諟杭城載諸圖版地理裔揚州之境天文襟牛女之區山川雄列於八閩人物卓冠乎七邑信爲美矣僉曰奇哉欲垂示於將來當表章於今日恭惟大人先生筆叅造化學貫天人桂籍題名步月登雲於往昔楓宸拜命承流宣化於遐陬德政覃敷仁聲廣播溥陽春于百里老者安而少者懷下膏澤于四民寒者衣而饑者食風淳化美

上杭縣志

藝文上

卷三

物阜民康旣措俗于隆平乃留心於著述謂上杭之巨邑何紀事之無書爰聘師儒重加編訂庶憑舊誌獨斷迺衷表沿革以源作邑之由稽分野以區別宿之別風俗形勝遠邇弗遺物產山川大小畢錄列土貢以供職方之入著公署以嚴制度之規文事周而學校修則育才有地武備具而軍所設則禦侮有防祠廟寺觀咸在簡編樓閣闕梁悉歸紀載題職官之姓名所以貴其貴詳人文之選舉所以賢其賢書義烈以彰節行之懿紀恩封以推源本之仁列女爲風教所關僊釋乃方技所尚廬古蹟則往昔可鑒採詞翰則文獻足徵辭省有意則該實具而名不爽門分

彙別綱舉目張覽風景于戶庭不必芒鞋竹杖挹輿圖于几席何須秣馬脂車非特備勝覽於一時實足垂芳徽于百世此蓋大人先生以致治之餘功而著傳後之盛事也經等猥承嚴命叨厠纂修樣畫葫蘆慙實深於蹈襲管窺斑豹愧不廣于見聞訛舛正而乖謬除雖竭駑鈍繁蕪芟而脫畧補尚慮豕魚幸繕寫之就篇丐高明之加郢凡諸鄙陋悉賴含涵謹拜書隨誌上呈者

新設漳南道記

李 鎬

閩爲天下大藩例設三司以總轄郡縣衛若所國初旣重其任續因地方遼闊洪武二十八年分設福寧建寧二道

上杭縣志

藝文上

六十四

歲勅一憲臣掌之慮下情不能遍知也福興泉漳道隸福寧自東北以次而南建延邵汀道隸建寧自西北以次而南二道所隸惟漳汀極南爲最遠以東西之地各至此而極也漳汀之界其地多高山林木蓊鬱幽遐瑰詭艱於往來掌福寧者巡止漳州掌建寧者巡止汀州二郡之不通道如手足之痿痺氣之不貫也以故鄰於界者有司無警肅或得侵漁于下百姓無畏憚時得肆恣于鄉致天順間有溪南勝運之亂成化六年順天府治中巖人丘昂奏請添設一道爲漳南道獨蒞二郡旣得俞旨僉憲周公謨以經營伊始惟在任得其人特命貳守程公熙通判吳公桓

董其事公等親冒險阻斬荊棘燔樞櫓隨山開道置驛傳
鋪舍因地制宜無不曲當議以舊建寧道分司爲漳南道
分司而年遠窳朽且卑狹迺偕邑令蕭侯宏貳尹陳侯清
措置官錢若干木石之需工力之費皆有給於成化九年
始毀舊從新前堂後堂儀門外門及兩廊以次而成不數
月煥然一新其規模一主於程公而實蕭陳二侯贊畫之
督工則老人郭明德焉自後汀漳之界憲司由之而巡行
公移由之而傳送奸頑之徒知畏憚而屏迹矣衆將刻石
以記余謂金石有時而壞功業垂于不朽漳汀之民一日
之安諸公一日之功也百世之安諸公百世之功也紀於

上杭縣志

藝文上

卷五

新建布政分司記

鄭 鎔

縣有布政分司爲句宣設也舊在縣治之東而隣憲司近
通衢規模淺促凡按臨者意殊不愜成化庚寅叅政趙公
昌巡行至此慨然興念始謀于府判吳桓縣丞陳清將遷
徙而增大之未果後相得射圃西隙地一區在縣治東北
深四十一丈廣八丈有奇坳者窪者旣實而夷之復積壤
而崇之基斯卜矣而所需靡措漳南道僉事周公謨給帑
金二十鎰以備營繕且慮功鉅而難就也簡貳守程侯熙
主其事焉方掄材僱工而縣令蕭君宏適來志專力勩視

事愈勤于是前堂後室重門兩廊無一不具周圍垣墉悉
圻以堊翬飛雲蠹煥然一新蓋經始于辛卯秋落成於壬
辰冬也越明年癸巳病前無通道復出帑金四鎰買得民
地深四十丈廣一丈二尺以便出入焉董工老人羅嵩慮
年久而功湮也請爲之記余因嘆曰凡若是者豈啻于前
而侈于後哉付託非人則事不立就今茲簡任旣得程侯
之廉幹而蕭陳二君贊之甚力是以趨厥事赴厥功者莫
不竭子來之義而不日成之也故樂爲之記

新砌街衢記

孫能

天下郡邑必有城郭溝池所以捍外而衛內也而街衢亦

上杭縣志

藝文上

卷六

不可以不治杭川城郭周屹然矣但其通衢東西相距約
四里許舊砌石子雜以瓦礫歷久殘斷失次隨補隨毀遇
積雨泥淖往來不能無阻成化壬辰冬武岡蕭公宏來令
茲邑蓋嘗有意於斯謀易石版屬多先務之急未暇至成
化乙未秋集募邑中大姓經營之多寡各隨其意故材不
強於民而足時饑爲粥以食餓孺使供其役於是失業之
人樂於趨事故工亦不取於民而足日省月試捐已俸以
償匠石之需且漸次而治戒以勿亟而工不告病匠不告
勞越明年丙申夏功之成者僅什二三而公以內艱去職
時廣東古康陳公清爲丞茲邑旣守有爲爰嗣其事至冬

而街告完平正通達雖遇積雨而往來無所阻所謂周道如底其直如矢者也然則蕭公之志固善非得陳公以成其德將并其所爲而亾之矣邑人相與徵詞爲記余因美夫蕭公之能肇其始而陳公之能繼其成也遂鐫諸石以誌二公之功不朽云

重造浮橋記

李 鑑

橋以浮名作船於水比之而加板于其上以通往來者也粵自成周造舟爲梁之制天子維舟大夫方舟士特舟厥後上下通用以利民之涉汀之上杭阻山帶河而縣治在三摺水之間遇大雨水輒漲溢沒城者半以發源遠而叢

上杭縣志

藝文上

卷七

流多也爲橋不利木石而浮橋以作舊設于縣治右日久圯壞今左遷昭陽門外鎮東潭頭成化六年朝廷添設漳南一道獨隸漳汀二郡鑿山開路置驛舖以通二郡及各處公私往來道經于此蓋右逆而左便故也成化十年僉事余公諒臨縣檄府同知程侯熙邑令蕭君宏邑丞陳君清委老人黃珏等三十人董工肇造未幾蕩于洪水頻年民甚苦之十二年夏余公再臨縣檄同知程侯熙通判李侯祺縣丞陳君清重造且謂橋之易壞以水勢從曲赴直盪激洶湧當流之急而截流爲橋非堅其制不能垂久于是措置官錢若干繕規其用度凡金石竹木灰土之需視

前有加爲艘三十二兩貫以鐵索南北兩崖各爲石級以便上下某月日告成咸曰既有以成厥功當有以保厥功於是又設橋夫若干人擇其賢能者總之每當積雨水溢督令乘時開放以順水勢如是而一方之民無病涉之患矣大抵爲治之道當急于拯民之患苟患之不拯雖有仁聲之洋溢不足以利之也譬猶養身之法病之不去雖日資以美味不足以益之也昔諸葛孔明治蜀橋梁道路無不繕理而民不告勞公等能知先務之急不以旣廢棄其前功况財不取于民而足工不資於民而成可以追蹤于古人其與尋常流輩勞民傷財費出無經者不相去萬萬哉

上杭縣志

藝文上

卷八

增修褒忠祠記

劉戡

天順壬午上杭溪南里賊首李宗政憤嫉邑之富豪侵奪有司弗禁遂烏合羣醜攻破縣治大肆剽掠監軍暨都布按三司以兵駐汀州聞賊勢張甚不敢進日椎金鼓耀士卒揚虛聲民益駭散賊愈猖獗據巖險誘流亾時出侵犯傍縣官兵莫能禦退而自保癸未監察御史安成伍公驥奉命按治于閩次建寧聞之卽馳赴汀檄三司引兵會議方畧衆殊無固志公因詢上杭來者皆言道梗不可往公曰卽梗汝輩安得來立升肩輿携數老兵抵上杭詢賊巢

穴間一致仕教官家居乃屏徒從單騎造焉教官驚愕出迎備言家屬被賊驅迫狀公令召若親戚聽告諭賊見公無他明日下寨來者十數人公諭以禍福莫不感泣語聞賊中降者萬餘人立命復舊業其魁亦欲乞降會有謀給賊降而誅之者公固不聽而賊懷疑惑遂擁衆不下公躬督將士逼賊巢以營賊悉力來拒都指揮桂福欲避其鋒公拔劔擬福福跪謝曰請用命于是戰甚力賊稍引却遣都指揮丁泉領奇兵繞出賊後焚其寨且戒以賊遁勿追丁乘勝追賊遇伏鏖戰死之賊死傷亦衆已而公督戰益急賊遂平乃班師公因積苦軍中已染瘴癘代回京師竟

以疾卒上杭民聞之如哭私親搏土肖公像于邑城樓歲時祭拜而以丁配享久之累請當道祀公與丁未報歲壬辰按察司僉事新淦周公謨分巡其地始從民請擇地于布政分司之前委其事于汀同知歙縣程熙知縣武攸蕭宏廟得告成甲午宏具始末以聞賜額褒忠命有司每歲仲春祀以羊豕丁未汀推官涂琳來掌邑事執籩豆于廟顧瞻感嘆病其隘陋復新而大之于是朝廷褒崇之典齊民懷思之誠乃大稱焉琳以書來請記予按祭法能捍大患則祀之以死勤事則祀之公與丁之廟食茲土殆經所謂生于心而奉之以禮傳所謂其始自今欽于世世者矣

然予于公別有所感也夫民豈樂於盜賊哉其未發也治之不以道其既發也緩之不以誠置之于至危而激之以必變於是民始以其安居之身而爲此族滅之計故予嘗念公之忠不在滅賊而在於招賊以身自試于不測固全軀擇利害者之所深避而公不恤也使公得竟其志則國家無亾矢遺鏃之費反側之民無肝腦塗地之慘而上杭之生聚固不但如今日也然則公之忠之所成者殆公之遺餘乎是可慨也已若夫甲冑之士奮不顧身而繼之以死古所謂烈丈夫者如丁之忠其得配食于公固不待論述云

上杭縣志

藝文上

七

創置褒忠祠祭田記

馬 馴

君子於分內事必求盡心焉一惟理之是而已身之安危弗遑恤也人生大塊間百年一瞬偷生恐恥直與草木同腐審於輕重者寧肯忽于所圖哉范宣子曰太上立德其次立言立功此之謂不朽吾汀之上杭當天順壬午間草寇竊發倒逆天明度劉邊陲勢洊猖獗民苦之守臣具聞詔下廷議將伸天討巡按監察御史伍公驥暨守備都指揮丁公泉寔董厥師同心戮力仗節臨戎不避險難直搗巢穴丁則身先士卒與賊力戰死之伍則督衆躬剪其渠魁奏凱以旋旣殫心慮服茲瘴癘因而失豫昇疾如京師

遂不起杭之民無老弱聞二公之歿如喪考妣相與偶語
曰吾儕今日父母妻子之獲安井室田廬之無恙伊誰之
賜歟迺合謀捐貲卜地於邑之東偏立褒忠祠塑像祀之
且以廟額未頒祀典未定邑令蕭侯請於朝得賜扁如前
額仍令有司歲時致祭所以崇德報功備矣由是遠邇之
民咸奔走敬事奚啻潮人之信昌黎也又有爲後慮者謂
祀戶無定役歲享無圭田則祠宇缺守日居月諸如在之
誠將或有間兵馬孔經等爭白知事周琛哀工掄材廓而
新之聞風子來越月而落成監于舊規赫然偉觀華而不
僭朴而有文買田百畝有奇擇良戶林穩奉之歲取稅入
贍其家備錄其堂構之數田畝之詳及倡義者之姓名勒
於碑陰將傳諸永久而不磨也嗚呼源遠者流長膏沃者
光耀二公之竭忠於國布德于民使人浹肌淪髓而食祀
事之報於不朽者非幸也宜也

改修褒忠祠記

李東陽

上杭縣志

藝文上

七

褒忠祠者祀監察御史伍公驥及都指揮丁侯泉也初天
順壬午上杭賊首李宗政攻破縣治放兵四劫官軍莫能
禦癸未公奉命按福建道聞事急徑馳至汀州檄三司引
兵會衆猶豫未決公肩輿携數老兵赴上杭見縣獄繫賊
婦女曰此何罪悉縱遣之間有一教官致仕家居屏徒從

單騎造其廬詢賊情狀令召親戚聽告諭明日至者十數人公面諭以禍福莫不感泣語聞賊降者前後萬餘人公命復舊業其渠魁亦欲乞降會有謀紿賊降而誅之者公固不聽而賊懷疑惑遂擁衆不下公躬督將士逼賊巢以營賊悉力來拒都指揮桂福欲避其鋒公拔劍訶之福跪謝願盡死于是戰甚力賊稍引却乃遣丁侯領奇兵繞出賊後縱火焚其巢且戒以賊遁勿追而丁乘勝追賊遇伏鏖戰以死賊亦創甚而公轉戰益急賊遂平乃班師公因積苦軍中已染瘴癘受代還京師竟以疾卒公子希閔歸葬于家上杭耆民孔文昌等聞公計相率塑公像于城樓

上杭縣志

藝文上

七三

哭而祭之而侯亦與焉壬辰按察僉事周君謨謂像必有祠檄同知程熙知縣蕭宏等建于茲地名曰褒忠祠甲午宏等奏其事于朝賜額如舊每歲仲春命有司祀以羊豕著爲令丁未推官涂琳攝縣主祀事乃于堂後復創屋三間作三門二廡又于祠左市民家地衡三丈縮二十丈有奇圖有所增構未成而罷弘治己酉知事周琛倡諸耆民各捐私帑拓地衡縮各二十六丈有奇構堂三間易其舊以爲寢室前爲重門增廡室三之二其後爲宰牲之房守者之居而垣其四周復置田畝擇良戶林穩奉之俾歲入其租以供祀事乃具書於予曰願有記按祀典曰能禦大

患則祀之以死勤事則祀之而周書曰記功宗以功作元祀蓋於祀之中又叙其功之小大以爲等若漢蕭何發縱指示而運籌決勝者皆出其下故凡公議所在非君相所得私孝子慈孫所能易也伍公在上杭保障扞禦其功甚大生則事之死則祀之禮也丁侯之功舉而附之亦禮也或者乃謂侯爲守將親冒矢石以死功不在御史下是不然公爲王朝命使監藩臬以號令行陳而侯親受戒約以行是不得以守將例論况侯又違期會以蹈禍機雖死不悖義而其功亦少殺矣故邑人之瞻慕有司之論列國家所以表著而彰顯之者皆在公以及于侯詎不宜哉公之

上杭縣志

藝文上

三

子今爲福建按察僉事分巡茲地每至必拜於祠而後行事招疑定亂旃著勞績民之奉之若事公而益親故茲祠之修趨事惟謹旣成而奉公之祀愈虔琛承檄勦賊以功遷經歷且於郡事多所幹助蓋得公之風而興者其爲是役非以僉憲君故也故記之俾守是土者時葺之以示不忘

新建察院行臺記

羅璟

凡爲政聽治之所必嚮明而高廣則有以作其嚴肅恭敬之心又必有退而游息之處則有以散其壅滯之氣暢其清明之志而爲政之道得矣分巡漳南道福建按察司僉

憲安成伍君仲孝旣奉勅專居上杭然歲有監察侍御卿
命按部來此及憲臺諸君有事于此者未有所君曰是
不可緩也乃擇城東射圃餘地廣輪一百丈建察院行臺
中爲澄清堂五間高敞宏麗左右爲兩廊各三間前爲二
門又前爲大門深遠嚴正來質成者望而足以消其邪心
堂後有亭華朴適中衡三丈五尺縱稱之四窓洞開軒豁
明爽清風徐來飄飄襲人各曰清風亭又後爲退思堂三
間兩厦翼以小屋偏厦庖厨浴室在焉開北軒面方圃遶
圃皆種竹木桃榴柑橘丹桂芙蓉方勃勃有生意一二年
間繁茂可知夫觀風問俗自汀郡至此山行三日肩輿困
頓之餘而得明敞宏奧之居以解其勞可喜也凡有事于
此者出則聽訟于廣堂退可散懷于芳圃煩襟盪滌于焉
照燭民隱敷施善政威惠並行各當其可庶不負所職矣
則斯宇之爲助亦豈少哉經始弘治元年六月落成于弘
治二年二月財費不取於公帑不徵于民庶賦商賈之美
餘不數月而足皆伍君主之承委而始終其事者汀州府
知事周琛上杭縣知縣徐綬予以學校事至上杭首居行
臺伍君請爲記遂書之

重修漳南道記

羅璟

福建總八郡洪武中設福寧建寧二道歲輪按察司官二

員分巡理之時汀屬建寧漳屬福寧二郡皆二道盡處地連江廣山徑險隘林木深阻其交界間使輶希至民不知法武斷鄉曲甚者自作不靖屢勦王師成化六年議增設漳南道以蒞汀漳朝廷特命伍公仲孝以名進士領勅來鎮其先君子侍御嘗建功於上杭茲固其輕熟地也至之日首務德化招撫者以千數渠魁漸亦釋回皆勞以酒食俘擒賊效功卽賞立二團營使脅從與善良者混處以散其黨已而江西巡撫飛檄掩捕魁首甚急君明諭以法悚然就獄惟賊之驍鷲者不聽囑聚如故乃命知事周琛統民壯指揮劉廣領銳手授以成算以次斬馘古樓岡藍家

上杭縣志

藝文上

七五

渡荈菜計擒魁猾殆盡脅從者仍前撫之十餘年禍本一旦盡拔而三省良民安枕矣公以奉命居此當携家來于是委知事周琛董修漳南道其前堂大門量行補葺新建中堂兩廂爲退思之所又建重堂於後中爲寢室翼以樓居繞以周垣磚甃堅固庖井溷涵內外截然其經費皆取諸商稅羨餘不勞民力不費民財委任旣專財無虛費經始于弘治元年六月落成于次年二月不亟不徐輪奐完美事半功倍亦可謂善于用人者矣

文峯塔記

王獻臣

杭川諸山環抱蔥鬱蒼秀號爲佳勝而而缺文峯善風角

者皆以爲非宜宋嘉泰時造浮圖於水南以像之未就而燬于兵火余丞杭之明年覩茲缺廢乃勸率二三耆民葺而完之并移向學宮事雖緩而實急昔范文正徙饒學面妙果院塔俯瞰諸湖名爲文筆峰硯池且曰後二十年當有魁天下者已而彭汝礪果及第余之淺陋不敢妄擬先賢而杭之士子豈無如彭而興者乎余懼斯舉不知者以爲近于佞佛乃爲銘之以破其惑銘曰太歲甲子未月酉日人謀僉同筮亦從吉大谿之南琴岡之脊乃建浮圖庸肖文筆拔地倚天巍巍萃律光嶽氣完挺生賢哲翊我皇明百千萬禩

上杭縣志

藝文上

卷六

練塘書屋記

湛若水

張子鄧子與湛子居西樵之墟造而曰吾邑丘侯者良宰也昔爲書屋于練塘學于練塘比其舉進士宰是邑也語于人曰吾常若不忘乎練塘者練塘之義吾竊有取焉吾守職二子爲我究其義于湛子湛子曰侯賢乎哉昔者孔子律天時襲水土仰觀俯察學於天地之揆侯其有取乎哉夫塘也者以言乎其形也練也者以言乎其象也象也者以言乎其德也形也者以言乎其質也德爲紋爲縠爲經爲綸質爲潤爲清爲澤是故風過之而紋之象生焉雨過之而縠之象生焉二者縱橫分合而經綸之象生焉泉

受之而清之形成焉浸滴之而潤之形成焉決而流之而
澤之形成焉二子曰然則何取于斯義也曰在天成象在
地成形是故聖人近取諸身遠取諸物以一德備用是故
倫焉理焉備天下之至文蓋取諸紋有美于身不願人之
文繡蓋取諸縠濟天下之雲雷成天下之變化蓋取諸經
綸介而能義得而不苟不以濇瀆其身蓋取諸清陰滋百
里枯者蘇潤者膏蓋取諸潤溥乎均施達乎德愛加乎百
姓蓋取諸澤是故紋以飾治縠以成章經綸以集事清以
立本潤以畜德澤以利用大人之事備矣二子以告丘侯
丘侯曰請聞其功湛子曰吾常于練事而得練人矣顏也

上杭縣志

藝文上

七

以博約而卒也以卓爾曾也以三省其卒以一貫或事其
縷練之謂也或事其布練之謂也事縷也者其分殊乎事
布也者其理一乎與其殊也寧一夫萬一皆得謂之有德
矣侯其勉焉是故綜之以智純之以仁精之以勇百練之
謂也侯其勉焉二子以告於侯侯曰請益焉湛子曰江漢
以濯之秋陽以暴之皜皜乎不可尚已

時雨堂記

王守仁

正德丁丑三月奉命平漳寇駐軍上杭旱甚禱於行臺雨
日夜民以爲未足逮四月戊午班師雨明日又雨又明日
大雨民乃出田登城南之樓以觀民大悅有司請名行臺

之堂爲時雨且曰民苦於盜久又重以旱謂將靡遺今始去兵革之役而大雨適降所謂王師若時雨今皆有焉請以志其實嗚呼民惟稼穡德惟雨惟天陰隲惟皇克憲惟將士用命効力去其莠蠶惟乃有司實禱穫之庶克有秋予何德之有而敢叨其功然而樂民之樂亦不容於無紀也是日叅政陳策僉事胡璉至自班師遂謁文公祠于水南覽七峰之勝槩歸志于行臺之壁賦詩志喜焉

漳南道題名記

范輅

八閩始分二道建寧道領建延邵汀福寧道領福興泉漳若汀漳則皆二道盡絕處也漳瀕海隣廣而汀則隣江廣

上杭縣志

藝文上

七十八

疆域蜿蜒林竹深密恃險負固者往往弗率兼以三省逃遁土著雜擾勢不相攝故亦往往相侵犯成化六年鎮巡議請添漳南道以專理汀漳于時惟設分巡尚未有兵備名後來蘇勝運巖前諸處爲患未息當事協謀勦平之成化二十三年又復議請設兵備一員駐紮上杭以控其衝兼理分巡事始以伍君希閔領命來逮予承乏于茲嘉靖初元四月抵上杭自揣材識短淺恐負朝廷委託與地方責望乃歷詢前此整飭之方并分巡之政傳誦人口者因并及其人將以作則乃得自伍君希閔以下九人及輅并繼輅王君俊民共十一人而攝官于此者數過之記不與

焉夫舉事近名君子遠之故杜預守襄陽爲副碑沉江至今人尚謂其近名輅臨去汲汲于此者果近名歟夫記以記賢記功若輅蒞此甫及半載志之所欲爲未竟功與賢輅皆不與而謂近名非也夫閩離朝廷爲遠而漳南離閩又爲遠且僻遠而且僻倘或有怠心乘之者弊端潰出何以上副國家委任下塞民生責望哉輅爲此者欲後來同志君子知某可師某可戒又欲點檢所存所發足爲後來者可師母爲其可戒庶幾克盡厥職而汀漳之盜賊自此遠去風俗自是可美禮樂自是可興殆將爲善治矣是輅此舉不爲無謂也

上杭縣志

藝文上

七九

漳南分巡道鎮要地也記名于石以昭勸戒范公之意遠矣碑昔豎澄遠樓下今回祿迄二十餘載無存焉萬曆三年余承乏于此考志有范公所著題名記仰懷前哲作我典常矧由余遡往功烈在人者歷歷口碑可述爰命上杭尹錢堯中復爲勒石且以俟諸將來置堂右便觀省云 萬曆四年新安尹校跋

遷學記

林俊

澤宮之制古者擇國中勝地築宮陂水爲居業行禮之處掌以三老故士知自重相師成德相觀成性相勵成學居一鄉而名天下天下望治焉故曰學校賢士之所關教化

之本源也汀之上杭廟學宋乾道始建縣東也嘉定再建
又東嗣是修建徒勞訖無寧歲地卑而水患數也嘉靖癸
未憲伯王君俊民主遷議偕侍御丘君道隆相鎮龍吉址
擇才授事復侵地拓新基令長王侯世熙職其事丞簿文
學相焉董以郡丞楊侯太古而議可于巡撫聶公賢簡公
霄徐公州也贊成者督學邵公銳也僦工庀材兼毀淫祠
佐之未足輔以公嬴位序顯嚴景象麗壯崇正而闢邪寓
焉旣成屬丁文學冕請記夫士之於學猶農之於田農終
歲勤動不若士之安且習也而稽其所至士之得道殆不
若農之得歲蓋彼爲一家計而此爲天下計私與公異爾

上杭縣志

藝文上

八

私則專公則泛故雖舍焉與居業焉與習樞趨焉有堂瞻
依焉有廟玩愒歲月往往有之農有是謂之惰農况學聖
人之道者哉且夫學也者道也廟與學也者器也如舍道
而求諸器末矣然歆發感動之幾有神而化之之道閩蜀
鄒魯歸美興學潮士文行亦推本於擇師斯憲伯所爲杭
士倡也抑新學而不新士則猶夫學也發聖賢之響以對
烈于海內人士均有望焉杭可不于是而亟亟哉

遷學記

邵 銳

上杭廟學廢僉憲王君俊民來蒞茲邑首惟更新是圖爰
聽輿誦曰惟茲坎隅有岡鬱然風氣攸萃曷徒以從始副

厥勝按而是之乃規戍營侵地用拓厥址乃會公帑暨諸
濡祠用佐厥費乃白諸部使者咸以爲允庶僚駿奔匠事
有嚴自廟以達制罔弗備予惟天下之物盡極而新時乃
天道矧茲廟學柰何弗圖君於是乎知務焉抑予聞之三
代之學寔明人倫後世程以舉業浸失厥初記誦詞章是
崇是長而弊斯極矣惟我列聖寔懷隱憂爰命學使俾惟
正學是崇圖善厥後顧銳弗類敢用夙夜勉率厥屬俾我
髦士迪知允蹈克綏厥猷用祇若德意嗟惟望洋罔有攸
濟惟我髦士習讀聖謨矧茲更始盍奮以興咸用邁往用
謝我良監司之勤則銳亦永有餘耀嗚呼爾多士尚克念
之哉

上杭縣志

藝文上

全

遷杭川書院記

林 魁

觀察僉事王君用章駐節上杭先是縣廟學壞公用輿論
遷建城之坎隅鍾攬靈秀巖翼惟備卽故學址改建朱文
公祠蓋邑人舊祠文公于城南琴岡地望弗稱旣改建前
暨緯楔顏曰泰山喬嶽顏大門曰杭川書院總大觀也用
嶽麓白鹿洞故事聚士之秀者使講習于其中公于憲務
之暇身蒞之薦材考業日淬月礪文學鬱然以興乃走使
至海上命魁爲之記予于是有感焉惟考亭夫子之道上
繼往聖下開來學致知力行析之有以極義理之精合之

有以盡道體之大是以明道之功無一理之不察體道之重無一息之或遺天德王道相爲表裏體性達順同一始終先正稱朱子集諸儒之大成至哉言乎夫何異學紛紜謂聖人之域可一蹴而至以格物致知爲支離以誠意正心爲僞學在夫子之時已肆其喧豗尚何責于後世哉所賴秉彝在天道終不隕國家右文本道爲治非聖人之書不以立教非真儒之說不以取士然後斯道大行而不惑聖經賢傳各得其所用之以修身齊家治國平天下所謂君子得聞大道之要小人得蒙至治之澤嗚呼是豈人力哉公持憲一方作新廟學卽祠夫子以示的多士蓋入聖之階于是乎在其望于學者至矣予喜杭之士將由是相先正學以格致誠正之術輔君長民爲世道幸勿懼乎倡異學者起于其間爲世道憂嗚呼學可不慎乎哉

漳南道增修記

丘道隆

汀漳地接江廣羣梗弗治咸化甲辰會屬增道漳南丁未設憲臣備兵兼分巡事以駐劄上杭爲常道初不暇擇地左右迫官民動息相聞上下均稱未便嘉靖癸未石首王公用章嗣任也道左居民偶罹回祿民訴未便願易毀淫祠爲居公允之仍給徙費遂得地機所司增修事成徵道隆記曰道之左東抵故巷南臨市街北齊道地爲丈橫者

入縱者四十地也後爲閭古堂堂有夾室西折通後樂亭中爲遵憲堂前爲養正堂堂俱左右廂又前爲戟兵樓亭接舊構樓則東徙南向與堂相值制也塲工掄材陶瓦伐石崇墉飭坊費取公帑羨餘民役在官曠隙者財與力也鼓舞庶工節縮浮費郡丞楊侯太古爲專董邑丞黃鵬以下預贊理焉人也經始于嘉靖甲申冬十二月四閱月落成爲明年乙酉春三月時也夫地以機拓制以宜畫財力以經出人以才使時以利擇以速乘是皆可記也抑公猶有可記者君子之道全其體而達其用有諸已而喻諸人道隆從公登進士得廉其自負淵懿德器緒餘藝文殆其

上杭縣志

藝文上

八十三

蒙養之端長而師古人窮古書以從事實學比出爲蒲名守爲大名良佐今憲漳南嚴掾履明恩威寇盜以平廟學以新遏貪墨之風釐權奸之迹汀漳之民方且奠樂土頌歌太平以兵事爲緩公固憂其先矣後樂非其時乎然公正爲天子倚任旋應超擢嗣者登臨于茲反求自我正養乎古閱乎憲遵乎兵可戢乎後樂得乎由是儆惕生師服誠將圖善後計而公之垂裕者始足多矣若曰高明爽塏假以決氣壅滯暢志清明是知公之未深也

解紛紀成序

馬 節

汀郡屬邑八而上永爲之二先王之理天下體國經野疆

界之制二猶夫其六也而緣是以爲紛者則二之所有而
六之所無也然旣紛勢必爭爭屢而復紛以至於勢若不
可解者則又求之所有而杭之所無也先是杭邑爲一居
萬山之中旣衰且阻民往往不畏官府法急之則或聚爲
盜成化丁酉盜大起溪南至煩王師討之巡撫高公迺謀
於衆狀爲分縣之議以聞制報曰可汀之有求寔始諸此
嗚呼民之不改其舊也固矣夫人有紛不解者或聽之守
令又不解者或聽之監司監司守令又不解者然後聽之
朝廷若是而又不解焉則亂民也民亂法必誅余承乏於
杭嘗遍取二邑之移文而閱之矣爲巡撫聶公解者一潘

上杭縣志

藝文上

八四

公汪公解者二爲巡按閩公徐公解者一簡公虞公解者
二爲分巡伍公張公宗公解者一王公范公謝公儲公及
今梁公解者二是皆求之亂民矣自赴愬又或當時之爲
權豎者撫謀上聞年年動衆而不得一日安者其禍亦久
矣癸巳春永人復爲是紛至賂衆竊卷閉杭人之塗而奪
之氣適梁公按其事遂排羣議以正之而刺史劉公爭之
尤力紛之所以成解而紀者人皆知誦二公之功不泯也
雖然時移人改又安知是紀不復爲永人之竊而去乎余
用是集邑之士民而謀之曰子文之忠也舊令尹之政必
以告新令尹今解紛有人紀成有書板而遺之則所告者

無窮也士民皆懼趨之不浹旬而工竣屬余爲之叙

解紛紀成引

丘道隆

甲午邑長定齋馬侯集上永二邑構爭田糧始末卷案錄而梓焉閱月成命曰解紛紀成來徵引予曰侯其賢哉其知爲政者乎夫君子蓄道具明法守出而從政所絕者其端有三曰弊端爭端禍端爾惟弊故爭惟爭故禍三者恒相因是之謂亂亂者紛也而致之之由亦有三曰時不清論不公法不行爾時不清則小人在位論不公則私意橫出法不行則工不信度而肆無忌故小人爲之地則上不畏公法下不恤人言無所不爲是之謂致紛之由反是而

上杭縣志

藝文上

全五

解之之道存焉吾杭亦稱樂土第其地荒化室亂賊呼嘯東陲致勤王師討平之而增邑議起杭遂析地爲永是成化丁酉事也其謂南界溪流者出於中官撫臣初請之言而丁糧事產實大槩言之耳比壬寅再定版籍然後通融計處丁糧事產番杭若干撥永若干援圖擇戶以其數不以其地非不以地也數可計而地雜出亦勢使之然俗謂梅花分管是矣間有永糧在杭杭糧在永者復立寄庄之戶各輸其賦良法美意蓋一成而不可變者也顧茲賊豎入克閤寺憑藉聲勢者往往資之旣而附結逆瑾以及寧彬諸權奸氣焰薰灼迺鼓惑永之愚惡亾賴互相濟援遂

以求人謀買與未買杭田之糧計劃入戶假中官名色以避差賦其弊百出以予觀之本根枝葉之論其心甚公爲理甚明而杭以舊爲繁爲全設求以新爲簡爲裁減孰爲本根孰爲枝葉田糧之在二邑孰爲可少孰爲可多如執溪流爲界之言則杭田瘠薄其數加以求田膏腴其數加多是豈政之平歟今時清論公而法行矣馬侯乘而紀成非徒爲杭故事求人亦將追悔已往而新方來則挾弊息爭免禍而絕其所謂三端者果在杭耶抑在求耶况展卷之間孰爲計奪孰爲回護孰爲調停孰爲執斷森然如指諸掌執斷者大公調停者無識回護者徇私計奪者稔惡

而先今當事諸公之人品優劣政事得失亦從可識焉侯其真賢哉其真知爲政者乎

南津義渡碑記

程邁

善濟利者其惠斯溥善守成者其惠斯存然惠之及人尤賴達而在上者主持之而後得行諸有求焉上杭城南濟渡處大溪上接汀水之源下注潮漳溪面橫廣數百步深不可以尺計東南通乎潮漳興泉列郡西北通乎屬邑誠要津也而水勢奔騰洶湧難于造梁四方往來絡繹者胥於此經涉弗利求樂聞邑人龔濟甫首倡義渡造舟楫募津夫濟渡歲無虛日于時邑民曾世良協助舟楫之資共

成其美越八載計用錢二千四百貫世良物故濟甫慨然嘆曰君子貴大義遠圖不屑小惠莫若置田以贍用則其利溥而可久乃獨捐白銀貳百七兩置勝運里民黃宗榮土名安鄉等處田計稅則四十餘畝計租則二百零七秤內摘四秤施洪山廟宇餘田盡付農人黃子慶繼世而耕每歲輸租永供義渡之需由是往來者利涉厥惠溥矣歷歲已久邑志失真誤書曾氏之名厥後遂有曾冕乘隙侵田正德己巳濟甫之孫曰繁曰孝者深懼祖德泯滅白于僉事無錫茹公正曾之冑無何公案燬燼而又莫之有記嘉靖丙辰曾昂復謬訟前業憲伯鎮南錢公按節于杭公

上杭縣志

藝文上

八十七

明旁照而得其情委邑令懷集劉侯証以業隣別以曲直申之刑章命勒于石昭示有衆用杜厥爭繁孝因屬予記之予惟昔錢公輔深取范文正公之義田謂其規模遠舉然爲惠止及一族之親惟茲龔氏之義渡惠及四方之衆矣然而濟甫去今百二十餘年歷世凡三不有克肖之孫則先祖之惠安能世傳而不替哉禮曰先祖有善而弗知不明也知而弗傳不仁也若繁孝者能知濟甫之惠而傳之豈非明而仁者乎雖然使不遇達而在上者以德爲明則既往之是非久爭之誣訟其情僞豈得灼見于片言哉故于一事而衆善具焉創惠者之義也傳惠者之仁也質

正厥訟而求其惠者至公而明也皆可書也

青龍橋記

趙可與

青龍橋者憲大夫侯公之所成也橋以龍名者津當邑之左偏而面峙一山如虎而突取諸龍以壓鎮之義也夫杭在汀叢山中亦閩廣江浙之衢橋之當成久矣自夫有杭治問津者必曰唯橋便自夫有憲臺建議者必曰唯橋便而卒未有能成之者何哉才或有不足心或有未暇爾侯大夫起家甌東才子爲名進士爲賢部曹摠禮持正忤權臣意遷謫嶺海垂二十年天子察其賢迺擢僉閩憲使鎮于杭公益加感激開誠心布公道興學校明禮義凡所以

上杭縣志

藝文上

八十八

康民物而輯邊陲者無所不至居期年而政洽邑之老若幼無賢不肖相率詣庭而以橋請公慨然曰此王政也乃白諸撫按貲出於河稅之贏而民不知費役集於助義之力而工不告勞石梁鰲立覆楹輦飛複道行空日中爲市鱗鱗然總總然蓋不知橋之忽然成矣方其未橋也雖或方之舟之而晝夜之不繼緩急之不時人之沒溺而死者幾何今公有是役而宿患悉除人固謂橋成之已晚矣獨其費用廣若近奢喜興作若近名自好者或深避之公得無慮及此乎余曰不然士君子之於天下入則爲上爲德盡言以正天下之是非出則爲下爲民悉慮以處天下之

利害一身之死生禍福且不暇計而況於區區小嫌之恤哉昔蔡襄守泉州跨海與石建洛陽之橋凡三百六十餘丈非不勞且費也而當時之孽其短者豈微其人襄屹不爲動故能以有成今幾千百年而橋存如故夫橋存則襄存也而唯公之於襄則千載一人也其所就可知也橋焉已哉

永定開路記

田汝成

汀漳巖郡也介於萬山鳥道盤紆毒草蒙密爲暴客逋藪先是按察司分兩道以領轄諸郡而汀漳分隸判不相統視若邊圉使節罕歷故路廢弗除成化中立漳南道于上

上杭縣志

藝文上

八九

杭以領轄汀漳二郡始相聯絡復立永定縣于西偏去上杭百餘里自漳入汀者東由龍巖西由永定東路險遠不若西路便而驛傳舖舍俱從東偏故東爲孔道而輿夫之費跋涉之勞蓋有年矣是創始者鹵莽于謀而仍貫者憚于改作也是年秋八月侯公延訓以按察司僉事分巡漳南威立惠流百墜具舉迺極封疆所履達于四隅諏求疾苦父老咸言汀漳比鄰之國也緩急相援往來之道非近易不可且令永定新民頻覲官府習法令儀度不若開西路便公以爲然白之巡按御史王公瑛覽而報可乃令永定令唐君燦上杭令伍君遵綜理之刈芟草木墮高陞庫

而兩山之阻夷爲大途改平西驛附縣治以空解當之壩舊驛以建御史行臺遷舖舍于撫溪太平白沙爐諸路連延布列以給傳送比之東路減其遠三之一又少險阻旣近且易行者安之于是唐君以其事請記予維爲吏者率樂因循而憚改作卽有舉措又或橫主胸臆格閼輿情拂刺土俗莫克持久迺侯公俯採羣議而折衷于心裕而不迫可謂盡下二郡之民脫險就夷蠲其勞費可謂溥愛百年缺典一旦任之可謂勤事一舉而三善備焉是誠不可無紀也雖然予竊有感焉夫人情樂近易而惡險遠也豈直道途然哉秦以嚴刑峻法偃蹇其民民不堪命騷然而趨漢歡若更生其去秦之漢也猶脫險阻而就坦夷也故曰平易近民民乃安之夫近則不怨平則不疑爲吏者推此心以爲政無弗善矣吾聞侯公蒞任數月耳凡所規畫動中機宐無非平易其心以近民者然則可紀之績豈止開路一事而已哉

重建浮橋記

侯廷訓

杭城之南門曰陽明正德丁丑春三月陽明王公過之于其右水口作浮橋渡行者亦因以名蓋公本濟川名世之英乃顯設而爲之兆者如此旣而人往橋廢視爲塵迹且當門作亭屋以供臨眺蔽寒在前其于明通公溥之意何

如也廷訓旣蒞鎮采川士民言白于巡撫南臺李公巡按石沙王公出公帑餘積數千兩于潭頭作青龍石橋而于此復作浮橋爲舟者四十有五爲鉄索橫繫之者二計重四千七百觔有奇庶民子來乘冬月之隙遂告成事議以每歲額編徭夫五名之直分召兩河居民十有五人人定啗三舟遇有敝漏從所縣官依簿規告給歲收渡租銀及時修治又虞旱乾水溢給牌列各名姓更番夜直給鐸司警制旣備矣乃議徙立亭屋于橋之南涯以置碑扁父老曰夏月溪漲且淹及矣予乃陟降原巘諏度所宜命諸生吳燧等升亭屋于南涯之巔適當浮屠塔寺之後政暇一

登臨焉晉江張友天衛亦率其諸生以從時則春日載陽百物熙熙遠而高山大川之在望近而鳶飛魚躍之上下莫非此理至於城郭四周民居稠密追想孔門庶富以教之論禹謨府事允治之功深愧未之能也旣又思否泰相因重嗟天順溪南之變諸生則共誦王公所爲時雨堂記相與感慨久之爰有千戶張顯宗余相趨告陂澤中久仆一石父老言是刱建橋閣碑亟令諸生往觀字多剥落磨洗詳讀則正統戊午爲上杭令丞士民各捐俸貲共作此橋鄉先生高春坊作之記其言憂樂之情與今無異蓋以陽明名橋雖始正德而橋之建已肇于正統然亦豈但正

統已哉詩曰自古在昔先民有作誰獨無民胞物與之心乎顧以已私間隔有其舉之而不克繼則至于廢耳是誠後人之責也已

重建漳南道澄遠樓記

梁佐

樓舊名戢兵澄遠則今所標也制在漳南道內之東南隅正德庚辰始建于寧州周公期雍暨嘉靖癸未石首王公俊民改置稱備左控地勢下俯邑城而山川之偉壯風氣之峻起士民之具瞻遠人之震望皆繫焉壬子冬十月佐繼鎮茲土見樓制歲久逼于傾圯欲一飭之時則有未遑及者癸丑秋七月民屨火而燬延于樓未幾溪南賊葛用

上杭縣志

藝文上

卷二

貴授構于大埔狡賊劉金等道出龍巖諸邑肆劫鼓患時佐方有役于漳之詔安事甫及緒聞汀警率兵亟還而賊亦巢遁但梗踞不下將趨軍門請議以圖之上杭令趙子文同進白所以料寇之策且謂昔人建樓有深意殆不可廢當乘時而興佐許之估其費及百金陳之當路隨筮日卜工踰月佐自虔臺歸樓已告成是日適溪南劉鳳爵解其黨請降命有司姑與之而漳海之寇時亦告寧于是率汀郡同知李子仲候輩往閱斯樓櫟棟崇而楹牖豁視舊制爲益雄則見天高氣肅風恬日朗羣峰側立列戟擁屏招水縈迴抱珥沉璧衣冠負擔交雜市城與馬帆檣四達

水陸舉顧之餘可瞻太平氣象再踰旬渠魁葛用貴就獄其黨悉降汀漳之間晏然安堵夫寇之靖不靖何繫于樓之興不興信之殆幾于迂然而樓廢則寇警隨至樓成則寇患遂平其期之相值數之相待若有冥契焉不信又不幾于固乎爲更其標曰澄遠蓋古人握端本澄源之道建澄清天下之猷必精白以澄吾之心慎動以澄吾之身明肅以澄吾之政而後出之以不擾籌之以變通又何民俗盜源之不可澄哉君子繹斯義而廣之則樓之建也豈直壯山川起風氣聳遠近之觀而已耶

金山記

丘嘉周

上杭縣志

藝文上

卷三

環杭多山而金山爲最著以其屏障於坎位爲一邑之巨鎮然去郭四十里人跡罕至幾與凡山等世宗朝先大夫練塘公以直道忤時解組歸來寄意林泉每欲於中探索奇奧而亦未果予弗克嗣先德惟山水之趣則似加篤焉一日假寐夢青衣前導宛然至金山之椒四顧雲濤無際見山腹一池澄潔可數鬚眉徑旁緋朶簇簇紫艷映射人面陡拔一壁高插雲霄上有雙鶴鳴舞颺颺南去隨至一區大不盈丈中施淨几置佛經數帙炷香矯矯如青虬見居士數人容止甚都咸向予盤折作禮予憬然而寤明秋下第歸患瘧彌月時一暝眩卽神遊其地如此者數數予

益訝之然終莫測其故踰月瘡止支羸枯坐忽有耆友過予予以其事語之皆曰嘻山運其當興乎堪輿家多言金山形如烈燄安祀真武以鎮火災第窘於力耳斯事勉成不獨杭城並受其福且以克承侍御公之志吾儕當佐下風由是衆心翕合涓吉登山俛入蘄薈中至一綿密環抱處恍若夢中所見者相與聞然慶異迺薙穢繁斷木石諏日舉事首建麒麟殿奉真武聖像高敞靜深蔚乎大觀蓋三山龍嵒同列中峰屹立而石則觚稜外聳有若麟角傑出者前構複簷右爲元君閣築臺砌使人禮拜左有山形肖獅其陰爲鐘樓右有山肖象其陽爲鼓樓下建飛龍廟

上杭縣志

藝文上

九十四

爲醮釐之所蓋山本飛天龍形也去廟三丈許爲山門迤東越小澗復南爲橋當天宇澄霽風鈴琤琤橋則橫亘於前頽然踈疎飲澗矯然游龍卧波或林木蕭蕭山含雨意則層巒出雲週遭一色忽沒於煙嵐縹緲中故命之曰連雲也橋之下水潺潺趨南去花竹瀾兩崖或慮艱於步趨爲石梁跨流泉傍有懸泉如疋練界破山色涉流泉躡履西上上有石壁見山猿竦身驚起欲墮闢地一隅疊石作小亭名玉虛游人憑闌竚立青削一點或山雨驟至水勢奔騰有聲屋瓦交振亭右一泉名玉髓以手掬飲涼沁毛骨復下由仙榜石穿致恭巖抵山口古木鬱鬱交錯無隙

時聞珍禽調舌不一其音令人有翛然塵表之想迤東而南一阜胎自獅山阜上建毘盧閣視下地頗寬衍則爲紫金庵庵左隅爲夾堂以待賓客傍爲子房以棲瞿曇氏之衆規制咸備焉前橫一樓簷牙松竹恣態如繡遙望暖翠晴嵐似無還有一山之勝盡羅此樓矣更下凡十一折抵五龍峰下爲百丈泉衆山之水峻駛下注如飛雪遡泉而上渡琴橋迂徑繚繞深入道經雙髯泉泉韻潺湲野芳襲袂白雲紛入簷楹隱約見於對杪者爲菴源洞前爲歸鶴樓下爲海光池構基雖隘景類武陵自菴源而下約里許抵竒古石之山脊爲一天門游人憇此回首金山窅然高

上杭縣志

藝文上

九十五

入雲表其旁立茶亭設茗具以飲渴者喬木蔽天松濤滿耳雖赤日漫山而暑氣莫之侵也噫仙緣淺薄塵氣未除又安得羽人靜士偕採藥於此山臧景棲神以養其天真耶惟是先大人矢志於前余踵事於後追數昔時共事之人亾者今且過半因序其形槩使後來問竒者循是而攬勝焉知此山之興也有自且知吾邑人經營之不易云爾

重修城隍廟記

錢堯中

廟肇自唐而宋其來遠矣我高皇帝統一寰區諸祀典罔不釐正凡城隍之在郡邑者詔有司加意焉洪武二年令夏君奉命修飭天順初丞趙君重構然湫隘囂塵於告虔

爰靈無常厥後廉訪杜公圖卒前劉公業檄郡貳黃公董
之始恢拓壯麗春祈秋報得無瀆于祀而久復傾圯弘治
癸亥侍御王公獻臣左遷是邑丞念廟貌弗崇罔以宅神
而福民也甲子夏旱魃爲災旣鳩工以訖事復籲神以降
霖民大悅邑士孔經旣叙其始末矣今又踰十禩餘癸酉
春堯中承乏于此越宿展禮環視殿宇多圯壞亟宏整頓
時方倥偬未遑也甲戌夏恒雨水溢鄰壤胥沼民罹魚鱉
之毒以神之靈而杭獨不及冬關市罹回祿撲之愈熾予
督衆救矢口遙祝滅不旋踵乙亥秋恒暘民苦稼不實當
道尹公方下車省齋秉虔予亦潔誠偕禱雨隨下歲仍大

上杭縣志

藝文上

卷六

稔蓋神之靈應歷歷若此尹公曰民之所庇在神神之所
司在官神爲民庇而不能捍禦神之羞也官爲神司而使
之失所憑依官之恥也與若共官茲土廟祠頽蕪恥將誰
歸諾曰是有司責也有司志也出語寅屬則各捐俸若干
誓諸有衆則邑中上舍丁思純丘可繼者民唐大道郭興
祥等胥翕然慕義助貲若干量工計費度材卜良崇構殿
宇儀門戟房廊廡圍垣靡不井井而丹塗漆堊之飾亦煥
然掩映不踰月廟貌改觀落成須記予愧不文顧念神之
靈應皆耳目所覩記而尤有不能已于言者惟民至愚而
神惟神陰騭乎民杭民弗事產業遊惰之習弗可縱也尚

祈警而驅諸農杭民多好巫鬼邪僻之風弗可靡也尚祈
飭而歸諸禮杭民親氣嵩訟雖喪家捐軀而弗恤爭鬪之
獄不可使繁也尚祈默格其奸俾罔敢以怙厥終其間或
孝弟力田或忠信嗜學與夫化誨而懷服者其作善悛頑
之志不可使怠且怠也尚祈陰牖其衷而陽顯其用俾各
得以酬所願凡此下以匡予才之不逮而濟其夙志上以
代當道之明憲而贊休命實惟神祐焉

重建紀功亭紀事

鄧良佐

上與永之爭界糧也蓋自弘治三年庚戌始累經誣奏查
勘抵罪凡七次至嘉靖二十四年乙巳署巡道侍山徐公

上杭縣志

藝文上

卷七

力爲執議事遂寢杭人德之爲建亭勒石以紀厥功逮三
十二年癸丑三閩作孽兵巡心泉梁公藏其渠魁疆場底
定杭人又德之而碑并附焉亦旣多年所矣萬曆二十
年壬辰良佐捧檄宰杭而界糧之訟復作人心洶洶然先
是署篆別駕王公歷稽往牒得其顛末上之兩臺下其議
于兵巡邵公公主前議未報以調去平湖王公繼至詢其
事於良佐旣得其情乃執言曰糧隨商割版籍猶存擅議
變更是謂亂民亂民罪無赦爭遂復寢良佐讀舊乘志溪
南揭竿之事未嘗不悚然動色至唐郡丞附閣暨輕亂舊
章又未嘗不嘆其生厲惡至今爲梗也彼食祿者何心哉

乃百年紛爭一言消寢斯豈獨杭民卽永民無知亦得以
安其耕耨是王公爲兩邑造福功與徐公先後並烈矣良
佐感數公功不可泯適亭就圯因捐費鳩工仍舊址新之
屬程其能於孝廉劉廖二君三旬而工告竣爰表其槩勒
爲貞珉以識民心之公且使後之蒞茲土者得以考鏡云

重修觀音閣記

程朝京

世傳觀音顯蹟南海普陀巖有叩輒應因以千手千眼名
焉佛詎千手眼可量哉環華燹亘古今無時無處靡不崇
奉聲應氣求捷於影響夫豈無因致然耶漳南巡道駐上
杭縣之左衙署頗宏署左有教場自前街達後其教場左

上杭縣志

藝文上

卷八

區別有觀音堂一所創自前道王褒羽公自東至西四丈
五尺南至北八丈逼隣縣城隍廟堂前隙地雜植花樹竹
木甃石爲池蓊然有濠濮想誠宦游中一解脫地也當機
務紛沓時解帶盤礴其間或兀坐閣上清香一炷茗茗一
盃海天騁目魚鳥會心神情暢慧覺生以平軍事以甦民
隱以振紀綱以疏冤滯洞洞屬屬普照無遺何莫非佛土
之光明啟我靈廟而驅彼孽障卽城隍廟爲諸生借讀其
間乘王公陞任新道未至董修理一者私割以畀之非體也
余聞而惜之特還舊地撤堂建閣鼎新佛像特鑄精銅鐘
一口以銘崇奉香火之意勒石閣中永詔來者後之觀斯

文者可以惕然矣

漳南道功德祠記

程朝京

閩省當江廣之衝而閩之汀漳尤負山濱海爲上下四府兩盡處上杭又界兩府中原割建寧道之汀福寧道之漳于成化六年特設漳南巡道兼備兵以彈壓之蓋贛州開鎮節制四省而閩之汀郡屬其統轄若廣之程鄉大埔又與上杭隣跨江右瑞金諸縣鼓山深菁綿亘千里曩正德末年羣盜盤踞窟穴時肆煽虐致塵王師王公陽明提兵始開虔鎮嘗駐節于杭最稱重地以故添設守備司一員練兵武平所聽本道節制前後諸公蒞茲地者或撥亂于

上杭縣志

藝文上

九十九

方張或緩猷于旣輯恩威並用功德在民歷崇祀典凡十有五人第因陋就簡以西門巡警舖置諸神牌于中春秋縣所官俎豆祠下不能班行成禮蓋縣本有名宦祠漳南道以憲臣崇祀非有司所暇議而後來者亦莫一詢及也是百姓相率祀之當事屑越慢之非惟無以教民敬更以貽神羞矣余于萬曆丁未春以備兵至杭縣查空閑官地得布政分司餘地一區載郡邑志深一十九丈八尺濶八丈三尺洞開重門堂寢咸飭共四層圍以磚牆祠牆外之左偏及前門牆外之臨街俱有空地構店屋二十間入深三丈餘賃人居住翬蔽木祠歲取房賃

以克修祠及春秋祭費時汀丞區君日振適署縣務因令預將合用木石磚瓦釘灰及各匠工食一照民間估値官給現銀聽其庀材興工不逾時而告竣斯舉也以旣祀之羣賢新一方之廟貌官輸其貲工食其利一毫無擾于民而用以彰往勸來關係風化亦非淺鮮矣

重修大士巖記

張 恩

去藍屋驛數里爲珠寶鄉澗水北流大溪南注界龍盡處巖洞突然天開高五六軌廣袤可十丈有奇宏敞幽深秋毫畢矚崖內滴水若噴雪若飛花又若珠簾下垂恠石結成如鶴麟獅象或拳鼓或懸鐘或雲板狀其聲錚錚然瓜

上杭縣志

藝文上

一百

陔狀其蔓秩秩然芳卉靈芝狀其色蒼蒼然蓋天造殊觀也而細巖旁峙星羅碁布更助其奇至于帶漪拖藍香泉湧碧可檻可隄可陂可沼可以鑒睂睫而營理則又巖外之幽藪也聞先有葛真人者居平川之靈洞山間嘗寓此好事者因闢而廬之諸村落日殷盛其後乃稍頽塌塵埋邇來巖中景物寢爲牧豎所戕取勝跡湮則人從之望其地靈而人傑也得乎余宗人南祉與懷峰林君謀于余請諸眎篆郡司馬熊公不愛歲月俸捐之首倡一時冠紳士民罔不喁喁景止鳩工闢棘遠邇播和其底乃績竣厥工者豈難哉余固深慶斯巖之復遇也

邑侯念修陳公祠記

王命璿

上杭令陳侯以名進士令杭清惠宥民頌聲大作歲辛未山寇竊發侯日夜晷勦撫之策及寇滅而侯以積勞成疾死之日簡橐蕭然不給扶觀之費中丞鄒公上其事得溫旨優恤邑弟子員請諸當道俎豆於學宮聲施不朽矣乃邑之父老謂非崇祀畏壘無以求致報之恩復相率白邑令盧侯盧侯承陳侯後愛民潔已凡事依故躅而愈光其前列聞之欣然喜爰卜地中丞熊公生祠之前蓋熊公以勦寇駐杭陳侯上條畫相與有成甚相得兩祠相向其造杭功德正埒也祠成杭之紳士乞余爲記噫余豈待諸紳

上杭縣志

藝文上

一百一

士之言而始知侯哉余邑邇杭聞侯治杭狀甚悉又一再至杭領侯謦咳以爲蹇蹇匪躬之臣也侯素羸然精大子身一務之施而全力畢注凡蘇民困勵士氣積義穀核軍糈剖寃清蠹諸善政不可枚舉且持躬冰蘖視餒罰羨賦若汚也當寇發侯已日喀喀嘔血而籌兵詰餉寢食都廢又親督三畝驍勇冒雨涉險追賊于層巒邃嶂之中者五晝夜弗休自是疾日深猶條畫築巖堡城石寨爲扼賊未遠之圖至死弗已噫此余所謂蹇蹇匪躬者哉今祠成爽塏煥奕杭人歲時伏臘走祠下奉祀弗替其追慕致報之思於斯少慰而侯之魂氣吾知其彷彿安止于此中也矣

郡司馬大竹沈公疏糴賑荒碑記

陳于階

汀之邑八惟杭生齒較繁而近郭之田少仰食者半資舟楫之販載而所販載則率取給于汀武二邑蓋汀壤接瑞金武壤接會昌金昌二邑平田億萬頃歲入粟米無算昌之販載雖時由武境至杭然不如金之至汀者絡繹不絕金米雖日至汀而實藉杭爲之委不則粟死于汀矣故杭歲稔則商販每以金昌之粟下程鄉大埔江廣流通實爲利藪而杭歲歉則仰給于汀何者汀粟固金之粟借道于汀而非汀之所得而閉也歲癸未秋杭旱斗粟百五十錢甲申至二百五十錢皆前此未有者是時杭民嗷嗷所仰

上杭縣志

藝文上

二百一

止金昌二邑之粟耳乃金粟之至汀者汀人禁杭糴舟不得載羣請命于郡司馬沈公公曰天灾代有義期相恤柰何遏杭糴且今之肩販相續者賴瑞米耳彼利汀而汀遏杭可乎下令弛其禁於是金米旣鱗次詣杭杭之倉箱坐擁者恐持久價賤亦爭出所貯鬻之民始有起色先是饑者沸動遠近徬徨自公排羣議而主獨斷惠此一方不軌寢息微公而杭之爲杭有不可知者夫杭固汀之藩籬也洞巖之險最易爲奸杭境謐則郡城安郡城安則全郡之民胥安是公之造杭不止一邑而已也余慨汀人遏糴之非因備論金昌二邑粟米流通之故見公之識斷卓越其

恤災已亂足爲後事之師者如此公諱夢鯨號大竹登之
萊陽人

處士溫瑛百一歲壽序

周 勲

粵稽上古人多眉壽以耆艾爲小年以百歲爲常齡豈非
以其時民風沕穆不琢不雕故能保其天真而永享遐算
耶厥後風氣漸遷易醇而漓民生遂多天札嗟乎亦可以
觀世變矣然上有聖主俾去漓而還醇則仍可躋民于仁
壽之域我國家累葉承平黎民晏安出作入息熙熙于黃
農之世者蓋已久矣和氣翔洽鬱生淳龐壽考之人有如
我姻萬暘太翁者太翁生于食祿之家能恬退謹飭不事

上杭縣志

藝文上

一百三

華囂年少壯時已稱長者嘗拾遺金數百金還其主人謂
有古賢者之風乃生平絕意仕進徜徉于閭巷流連于山
水自少而壯而老今且百有一歲其嬉游釣弋無異童子
時荷歟樂哉豈非聖世之民乎七躋鄉飲齒德無忝而秩
秩賓筵授几期頤則更爲斯典之僅覩而益足爲鄉里之
光榮矣太翁弟萬塘與太翁極相友愛今年亦九十有九
兄弟老壽近代希有古惟楊椿與弟津皆至上壽又相友
愛爲世所稱今賢兄弟庶幾似之予性薄劣不知頤養每
患歲華之易逝竊思稍有所表建償其素志然後桐帽藜
筇從太翁于三山武夷之間訪九仙幔亭之舊跡長生久

視相與爲太平全盛之逸老優游泮渙以服食先疇而歌咏邳隆太翁其肯把臂入林乎

重修大陂記

丘鵬如

國家之大命在田賦而水利實開其源故井田之經界溝居塗與封植之先誠重之也予鄉土壤頗稱平行人居稠密然而田多水少常爲耕者病故昔名鄉爲乾田末樂間鄉人饒州守劉公秀實于鄉之上數里許小澗中高築大陂堰澗水之注溪者逶于陂之右畔東流抵鄉溉田五百餘畝溝圳長八百餘丈圳底三尺圳塋二尺又于陂左右山上多植樹木以備修舉廢圯之用僉舉誠實老人一董

上杭縣志

藝文上

一百四

隄防疏濬之事歲擇一精勤者佐之田乃有秋由是始名乾田鄉爲官田崇禎甲申陂爲洪水衝決田之潤者就鹵苗之秀者就稿一鄉之人憂之乃計畝歛財爲修築具鳩工伐木竭蹶趨事不匝月而工告成陂水流灌如故鹵者復潤稿者復秀矣予惟田之高下視乎土之肥瘠尤視乎天時之與地利至天時之不齊地利之不備則又視乎人力裁其所有餘以輔其所不足陂之作固用人力以濟天時地利之或窮者也國課于是乎出焉民用于是乎裕焉自非劉公創建于前何能爲世世所永賴後之享成功者其無忘所自哉

邑侯澗叟趙公巖前營堡碑記

丘衍箕

巖前舊故無營兵其有營兵以流寇故先是崇禎戊辰庚午寇犯杭城其聚嘯出沒實由茲地識者謂茲地宜設兵宜城兵屯于城據險守要可以扼寇之吭而制其命二邑令君上其議于當事從之不朞年而城工竣營兵設矣然巖故武地兵餉則武與杭各派其半而選屬之兵亦杭之驍勇爲多自頃歲寰海多事令應公家之急拮据日無寧晷兼之廩帑空乏餉給稽候行間怨議所在而然而巖營爲甚蓋自我杭令君澗叟趙侯之來而巖營相慶喜可知也侯治杭謀飭武備嚴斥埃除戎器時饋餉盜息民安百

凡必慎而於巖營猶加意振勵不以隣地而弛擔不以共牧而委任餉散以時患防以預綢繆補葺威申恩洽而士飽隊克窺伺永杜比年烽火寢息巖地四境胥蒙其福則侯之定計於先有以裨之也侯已擢邵武郡丞杭人祠而祀公固其所矣而武邑各鄉堡之民邇於巖而藉庇者謀于其士謂公德我安能忘而營兵則謀于其帥謂公恤我至矣一旦去我曷以寄思於是營帥程君暨鄉之衿士輩丐余言記之且述羣心之擁戴如此余不佞竊見今世令長號稱循良概不多見有能屬意拊循去之日使其民徘徊係戀已非易事而况隣邑之民哉在漢循良吏若中牟

桐鄉見德於民亦自其邑止矣若夫隣邑之民途謳里誦
綣綣不忍其去而且永言思之則前此未有有之自侯始
也然則侯且遠出漢吏上何論今世余固以武民之思知
杭民之戴而益以知侯之賢爲不可及也侯諱碩來號澗
叟南直之涇縣人



310.163
32
5

卷之十 藝文志下

古文 詩歌 形家說附

卷之十一 風土志

氣候 稂祥 物產

歲時 風俗

卷之十二 雜志

撫遺 紀異 辨誤

附瑣言別錄

上杭縣志

信

國朝

代兩庠公致舊巡道傅公書

丘夢鯉

某等樗散辱收苑李自高梧拜別寒暑三易企望潮天相去盈尺間而叩候無路愴感何如曩者杭城圍守半月仰庇師臺勝算狂賊不戰而屈城中生靈獲全夫誰之賜夫何遭遇革故師臺超然蜚遯留詩祠壁血墨猶新傾城拔卧無緣隕涕相送蓋迄今猶不敢忘德也日者遙傳師臺興兵屯于大埔初意風聞失實旣而王弁于途中盤詰自粵來者持票口稱師圍永定不日到杭欲杭人士投戈轉向噫竊以爲師臺此舉過矣

上杭縣志

藝文下

一

新朝仁聖威武中原久已晏然南浙無不底定頃江右之變起自金鎮將以及李提督彼皆身處其時事出不得已而然其他卽有小梗大抵志在劫掠借資緣林豈真有仗義而起者卽如閩之建寧興化以民兵不相安閩爭成激嬰城自守者半年一旦大兵壓境如摧枯拉朽幾無噍類師臺試思杭之父老子弟肯蹈其覆轍乎大兵前四月初入閩蕩平建寧興化外全師駐紮泉州不日到漳又分兵延平將樂削平山寇指日到汀且兵憲張公節鎮杭川撫定瘡痍綢繆備至吾儕小人旣懷其德亦畏其威比聞師臺所部如賴張江葛之輩亦在行間此輩非貪子女則爭



玉帛杭之人士莫不愛其身家將必全城拒守悍然樹敵在杭民固勢不得已但以宿昔卵翼顧復之赤子一旦推刃搥胸爲破巢取子之舉度亦非師臺情之所忍出萬望爲杭之生靈計始終保全無務以杭爲首禍一旦受大難之衝也夫自古仁人舉事哲士圖勲未有不計及其後而爲可居之功者汀處一隅今將舉大事出門一步乃始于杭求二邑得無爲穴中之鬪蝸角之爭乎師臺智畧過人夫豈無說以處此某等無知何敢弄筆墨于左右特粗恃一日之知不敢不佈腹心伏祈憐而察之哀而教之

藍節婦傳

張嶙然

上杭縣志

藝文下

二

予蒞杭川四郊多壘講武倥傯獨未忘宿業時時喜間接文學嗜古之士一日藍生紉持詩文相質雍雍韻士也顧其睂宇間幽懷惻惻有不能告人之色予心異之無何藍生手一函來謁啟緘視之迺尊慈張氏節畧也乞予一言以伸讀之嗚咽深女士之感蓋古之重婦德旌烈行者必以士稱謂其識之侔乎丈夫也夫拮据勤家事姑敦族之類婦之不戾於母命者率能之稱之不勝稱也若日擊其夫且坐困以歿而猶不忘訓所憐愛之貌孤俾感奮竟業以鳴於時則非兒女子之所能而丈夫之所不過也如藍母張氏者甫念齡而其夫發憤攻苦僅遊庠中道夭訣絕

時呱呱未朞月也幾低徊於一往而貌諸在抱藍氏一綫
繫焉舅姑重以宗祧相付托母始不得不自重其死立孤
難於捐殉善後優於偕亾母重念之矣爰是矢冰蘖歷艱
苦有年其食貧事耆乳幼操曰不勝書逮生稍成童就外
傳早以穎異著而母喜曰吾以是兒慰泉志矣爾時晨燈
夜寂紡績呶呶聲相間則又愀然念在昔之已事謂爾父
死于此矧熒熒弱穉其忍以是相苦繼又重念爾父所死
而未瞑者爲何非以力田之未逢乎凡前人所力勤而未
酬者必獲報于後况英英頭角已兆一斑哉喘息依倚酸
辛慰勞有悽入肝脾不堪再述者生將終身誦之生今已

上杭縣志

藝文下

三

挺乎自立應

丹詔選於鄉卽翔步天衢坐致青雲可操券取顧幽懷惻
惻弗愜於隱者當生甫弱冠未及採芹藻以慰母氏劬母
輒抑鬱寢疾猶稱差愈釋厥子憂逮漸劇請代弗獲易簣
諄諄終不忘讀書竟志庶幾見乃夫於泉壤而乃信母真
女而士者也今夫物時而種之期熟於秋不能秋焉棄種
矣迺母親見其夫困踣於詩書而卒以勉厥子俾母棄若
業以著聲於士林嗣是而獻

天子之廷建亢宗之業何非母所善成者哉太史公悲巖
穴之士名湮滅而不傳嗟乎巖穴之士尚有交游文詞以

自見獨閨閨幽愁孤貞勁節匪其後人賢無忝所生者安
所藉以傳如母者可以傳矣如母之有生以爲子者可無
慮湮滅而不傳矣

杭川社學記

趙映乘

今上御極七年聲教遐訖人文丕變爰詔禮臣更定臨雍
釋菜諸典儀天下於是知

聖世之右文矣予不佞首膺新運提南宮官比部庚寅冬
以汀南多變擇人分治乃叨斯命懼不克稱付畀之意時
渠寇割踞山隅羽檄旁午予憂心如焚思向之秉鉞節于
杭者數矣貽癰階亂禍曷勝言乃密發各逆狀手揭數十

上杭縣志

藝文下

四

上力主撲滅親詣金豐苦竹諸壘幸渠寇就縛餘黨稍平
四境漸寧謐矣爰蒸郡邑髦士命題分課其間負才者正
復不少而年來科第不數數見豈地氣使然抑師儒之造
就有未至也及考邑志學宮外有黨塾在邑之隅以隘陋
久廢予倡議捐貲勸建之會邑傍有空廨爲邑之適中召
民而與之立俾徙之又慮其湫隘商于邑令文六符捐署
之旁隙以勦厥成乃鳩工乃度材廣爲講藝之堂凡三棟
內列房舍俾諸生咸集於此幼者服習詩書六藝之文長
者研究聖賢修治之奧而又擇良社師設餼養之捐公費
爲月課給長育成就不可備舉日國家之用哉夫古之司

臬秉憲而能一道德同風俗者代不乏人予之爲此誠虞
寇氛之不靖教化之不立故雖飭兵之頃務自勉其所未
逮是亦猶行古之道耶若乃杭之民頗淳而易治其子弟
亦多美材而攻學其士人之學行又多堪爲師表者苟得
賢有司爲之長濯磨雅化雖不能絃誦比屋如古之所云
豈復有教不先而率不謹者哉善乎曾子固之言曰一人
之行修移之一家一家之行修移之鄉里族黨則一邑之
風俗成人材出矣予將有厚望焉予不幸讀禮而歸愧未
能久道化成但期後之同志者修明而增葺之將見讀書
懷道相與砥礪庶隅力行不倦者踵相接也奚至有人材
弗養之嘆也哉

上杭縣志

藝文下

五

龍文會序

趙映乘

汀杭邑治之南有來蘇里之下逕者古盜藪也距邑九十
餘里菁木叢密山惡道險巨寇張恩選嘯聚其間實繁有
徒豕突鴟張毒流江廣熾于汀水數邑杭人苦其害者幾
二十載雖郡駐控弦之士以數千計弗能制之予下車圖
維寢食俱輟會諸生薛子應吉又被賊擒仇不共戴因繪
下逕十三營頭地圖無獻勦策嘉納之客夏撫軍巡汀
隨駐于永計擒蘇李廖三巨寇衆心投于法過杭余爲力請
誓靖茲孽公遂命高賀兩副戎以薛子向導率師撲勦渠

賊懼遁復勾流寇入侵里之諸逕騷然乃倣古團練法于鄉聯煙分汛拒監禦之薛子傾產團練親冒矢石且戰且守一歲之間法行效著斬馘獲醜屢以捷聞賊竄死于平和縣之烏石洋數邑之亂始息獨思禍是里者非盡恩選作之孽也里之山高俗獷土著之民猥薄好鬪多相沿之風苞葉弗靖自古爲然撫斯土者隱憂其未艾乎薛子請以文教爲治以勦武功之未逮書之于羽舞而有苗格詩之在泮獻馘職此故耶予更嘉之薛子遂請顏其會課曰龍文夫龍之爲物也神而能變者也文者鱗角具而曜然者也浸假而爲蠕之蝦爲蟄之蜴爲淫毒之虺爲舍射之

蜷人將望其鬚沫而駭焉者有之近其騁曉而懼焉者有之浸假而爲興雲之蛟爲吐霧之螭爲在田之潛在天之見脫泥蟠而利濟變化縱橫不可方物龍之爲龍固不可測也夫人亦取其變化而已矣今使羣天下材智強有力之人逸其心志裂繩而趨毀檢而行幾何而不爲決躡之夫倘羣天下材智強有力之人使得盡其跡馳不羈之才浸漬于詩書禮樂之區奔走于功名爵祿之路幾何不束其悍然者而進之大雅之林哉語曰國有望士而災祲不至里有君子而寇盜屏跡以武備經其始者以文事善其後是則斯會之志也夫

兵憲袁恒郁公講堂記

洪承疇

余以己丑典南宮試得郁君衷恒其文根極理要經濟一軌聖賢及旅見清標玉立退然如不勝衣與之議論往復其學乃淵源于姚江益復嘉之旣而釋褐主政比部明刑折獄有聲癸巳余馳驅荆襄間君亦以部使者出備兵汀漳驛信所聞輒有茂績用是釋桑梓憂而益欲得聞所未聞客冬杭諭陳子奎光不遠數千里郵書于余言君以治兵之餘治士講德考藝嘗倣闡式以爲督課在甲午秋省闈之捷者杭二人皆君所首拔士又言君入覲首疏三事其一爲廣學校得如請杭遂視大邑增額進四十名他若上杭縣志

藝文下

七

建威銷萌所以戢兵而恤民者未易更僕盡而其言之有關於作人者如此詩曰在泮獻馘又曰憬彼飛鴉集于泮林懷我好音君蓋烝髦士以化四境之桀鰲匪特革面且聲教訖矣宐杭人士卜地學宮構爲講堂益思講求君學也抑聞明正德間王文成公平漳寇駐杭杭民立書院以昭仰止至今講習其廡下者鱗次如當日以君教澤入人之深當與文成後先接踵將紹明正學以廣

聖朝敷文之治余盖心嘉君學非自今也爰樂爲之記

九僊巖記

丘夢鯉

縣東之十里緣溪行有石阜昂首圓背張其爪距回顧而

北若奔若蹲崇竦于大溪之側者爲獅子潭迤潭南行亘山脊石澗淙淙揖大溪而流注乳松披蔭于道左邑人舊疊石橋其上俯瞰涓流鱗文斑蘚照映澗中行者憇焉稍折而東逾平田穿洞口磴道仄甚已數武乃劃然得所謂石巖深廣可二丈餘高三之二碧流遶其下時爲濺沫涓涓清出環底皆石盤平適夾溜爲窟者九或濶二尺許或數尺許深悉倍是可浴可觴次第布置類非凡所開鑿豈所云九僊以是故歟巖趾初甚鑿而銳下先是丙辰歲邑侯李公衷素覽而竒之環岸稍疊以石遊人來嘯咏其中始席地而觴矣折而右迥爲迴峰斗絕斬削高數百仞古

上杭縣志

藝文下

八

木覆之別爲閣奉大士其中扁曰潮音音非有潮而輒名潮者閣從大士也面閣一山盤曲飛來若垂虹之下飲于澗文昌閣跨其脊下有亭翼然曰西爽朝來氣象余嘗支頤其間顧亭午後紅景沉西迴眺潮音若與巉峰峭壁且避且就曲檻風來環流縈之有聲俯而靜聽杳不知身世之何以頓忘也亭閣皆李公所建巖之左向纍石以橋爲溪漲嚙去亭閣僅存余曾倡爲募緣誅茆輦石環岸疊砌小束以殺其衝橋石以木易之又別爲橋于潮音之右以渡舊菴旋爲水所圯環岸之石激走殆遍亭閣今亦零落俯念成廢不勝今昔之感已乃舍去緣溪別尋徑上叢篁

夾岸紛紅駭綠蓬蒿蒙茸攝衣而登則九僊庵歸然在蔭
翳中舊有扁曰棲霞深處九仙不詳所始或云何氏九子
悟真子莆之仙遊有湖焉諸頂禮者以夢相指然恒秘之
不輕以示人庵之創未必不權輿于此也庵北又爲玉皇
閣平疇數畝林木交暢劬種茶數十百株客來擷以相餉
余向以甲子春讀書舊菴明年復坐玉皇之閣相隔二十
五年矣今別以尋山過此遍求舊跡彷彿不可得恐昔賢
大夫好事之意遂泯滅無傳聊追述此以備山棲之志戊
子冬日丘夢鯉記

遊普陀峰記

徐乾學

上杭縣志

藝文下

九

遊南塔寺之明日爲八月朔丙申杭川莫子穎修約偪陽
封子聖侯同邑羅子次公及余遊普陀峰辰刻肩輿出昭
賜門于時正值招徠山海之降者授之官俾率部曲以三
千人駐上杭封令君慮與民居相錯不便乃作營房千間
于昭賜之外杭人德之卽其地也由昭賜迤北池水縈迴
覆以菱荇竹木映帶絕佳里許乃有石徑道旁皆良田農
夫方植禾蓋炎方氣候旣以七月納稼更以餘力播種爲
卒歲需閩粵間皆然又五里爲水西渡渡口有紫竹菴荆
花灼耀于內榕樹蒙密於外望普陀在指顧間與諸子小
憩過溪復升輿行稍折爲苦竹坑樹杪人家點綴如畫其

水爲苦竹溪灘水衝激聲如輕雷水自白砂里從北西流入水西渡爲溪山一勝云歷苦竹坑而上多松樹高可十餘尺枝條多拂衣袂土人爲余言自近歲駐兵古木率被斫伐往時經此盛暑不受炎蒸也東北隅奇石亂卧不可名狀路益嶄絕舍輿徒步僧數輩以茗具來迎攀級而上遂有長松茂草數折乃至一天門披襟圍坐杭城烟火皆在目中更數十武爲毘盧閣再歷而上爲真武殿有觀音梅檀小像爲峰之絕頂與雙髻諸山相望下有問道可抵漳之龍巖岡巒迴互磅礴無際自水西渡至此又數里矣考志僅云十里笏立爲普陀峰而寺之建置絕不詳詢之

上杭縣志

藝文下

十

僧曰以奉觀音故峰名普陀向極壯麗丙戌之秋山寇薄城琳宮梵宇都爲煨燼此其僅存者余與諸子徘徊久之乃取道新菴而下新菴者離峰頂二里許佛殿僧寮並係新葺其東爲土樓高可數丈牆堅厚如城墉僧築此以禦寇莫子携榼共飲樓上盡醉乃去仍經水西渡以歸歸則日已暝矣是行也莫子曰不可無記余惟天下名勝之境遭遇兵燹者不可勝數而載在圖經傳之後世旣廢之後輒復修舉則皆賢士大夫之力而四方來游者之幸也願莫子羅子勉之余異日將重遊焉

魯論二十篇而首以學示天下誠以學也者帝王治平之理聖賢道德之微與士大夫立身行已之要悉本於此也學之時義大矣哉而其端必自蒙養始易曰蒙以養正聖功也記曰玉不琢不成器人不學不知道古之教者自入學考校辨志樂羣以至於親師取友孰非黨塾庠序教學相長之明徵乎嘗讀學政全書有建立社學一款不禁穆然興嘆曰

聖天子隆重斯文如此其盛也愛惜人才如此其殷且切也奈何司民社者徒托之空言乎傳曰中也養不中才也養不才故人樂有賢父兄也夫父兄教子弟之心人孰無

上杭縣志

藝文下

十一

之然或限於作養之無其人或苦於警覺之無其術或困於饑寒之迫其體非不學也不能學也是亦非父兄之過矣上杭素稱詩禮科甲歷有名賢彬彬乎有絃歌之風而獨於社學一道置焉不講余甚惜之

今天子龍飛之十八年余以監司汀漳二郡駐節是邑就城之四隅捐資建立社館延文行老成之士以爲之師凡里中子弟欲學而力不能者聽其悉入社學讀書每歲社師館穀就本道店租項下分給之以資饗飧膏火捐此養庶之末爲彼函丈之需使繼此之隣才者愛養同心永爲盛事不亦休歟自是編戶單寒之子不必復以貧乏爲憂

而聰明俊秀者又何事負笈遠遊始稱得師哉後之學者於執經問難之餘幼學壯行之際以之佐帝王之治平者由此以之窮聖賢之道德者由此以之勵士大夫之立身行己者由此予雖不敏亦欲效大易端蒙之義成盛朝作人之化全父兄教子弟之念且欲垂之永久與後之君子相與以有成也是爲記

重建澄遠樓記

周 昌

宋司馬光曰居官者當志其大舍其細先其急後其緩予嘗三復斯言竊嘆居高有位者貴得其體要之所存也予以髫年謬提南宮始讀中秘之書繼習儀曹之禮其於四

方利弊生民休戚聞如也一旦知漳南府事斯時耿鄭二逆互相煽動軍興旁午惴惴焉日以不克稱職爲懼俄而大師所指立奏膚功向之逆顏行阻聲教者悉倒戈而向焉予之懼少釋而旋蒙 廷論垂憫微勞擢監司于汀漳駐節上杭予懼益甚恐恩深者難報任大者多憂雖蕩平之後地僻事簡而征鴻甫定瘡痍未起如醫者之於病元氣傷而參苓難遽效也下車來未及兩月羣父老進而請曰杭邑居八閩上游爲全省吭背曩者道署東南隅有澄遠樓壯固巍峩隆然巨鎮相傳樓之成敗災祥繫焉今重椽複瓦傾折崩頽職公爲民造命敢請新之予聞之甚嘆

民之愚也夫治亂者天之所定災祥者人之所致也予甫蒞任上不能宣

朝廷之德意下不能悉草野之安危庶者未能獎鑒耆未能黜饑者寒者不能適如其所願一旦興非時之役以苦父老無異築怨築愁云耳且樓自周公期雍創之王公俊民梁公佐相繼修之時爲正德嘉靖間前此數百年杭之民室家如故鷄犬桑麻如故未聞水旱兵戈皇皇然無寧處而輕去其鄉者其災祥亦樓爲之耶使予復新此樓日與二三君子登覽其間四顧層巒遠者挿天而起近者排闥而入白雲出岫綠水橫江鴈過長空煙飛樹杪披涼風上杭縣志

藝文下

十三

對好月飲酒賦詩論今討古豈非一時之勝槩然恐予一人之所樂而向隅而泣者不知凡幾矣予何忍焉父老聞予言且感且泣益戀戀不能去予低徊久之因思澄遠之義竊有所取也我

皇上神聖文武奠安西北綏乂東南誠所謂四海澄清無遠弗届矣假令居官者登樓而望上畏帝鑒下畏民晷澄清念慮招携來遠則其有裨于治非淺寧獨杭民受福哉予又何吝捐貲以啖百姓之欲耶父老舉手加額羣相鼓舞於是選良材集衆工揅斧引鋸巧者任其能拙者竭其力鑿池瀦水架木爲橋又於其地之隙仍種栝柳中構亭

臺不踰月而樓告成

總督姚公學田記

莫之偉

國家大一統歷四十年奮武之後亟事揆文

今天子且羅致文學之士不拘資格廣備顧問薄海內外莫不共仰右文之治猗歟盛哉維我八閩雖僻南疆在昔龜山西山諸先生修明絕學翼濂洛之真傳士之負材而待振興者蓋不鮮也顧甲寅以來山海交訌澤宮幾鞠爲茂草

朝廷厯南顧憂特簡杏山姚公開制府于福州聲靈所屆甫踰年而海不揚波負固歸命由是兵安于伍民歌于野

上杭縣志

藝文下

十四

矣公復慨然曰士首四民教化所從出也敢不體

聖天子作人之德俾諸寒士有以爲絃誦資遂于癸亥王正捐俸頒諸郡邑各置學田某于是竊嘆公之加惠多士至無窮也夫王道大端不外教養乃躬列庠序者或嗟每食之不飽而責以型仁講讓其道無由今惠邀升斗庶幾藿粥可繼以優游于詩書禮樂中譽髦彬彬將在于斯凡我杭士其各心公之心廣乃志勤乃業敦乃行毋競春華毋遺秋寔務礪砥名節以觀摩道義他日者馳驅皇路展采宣猷庶不失吾公屬望裁成之盛心乎昔范文正公之于孫復也使補學職給以月俸三千後復講學泰山聲動

朝廷夫文正當時僅掌學睢陽所得亦止一明復先生其事尚流傳今古况吾公于全閩多士愛養周而利澤溥哉杭卽一隅安可不記其事以求其傳

上諭十六條箋釋序

丁 蕙

癸亥夏余按士新羅事竣將更適漳浦道上杭而南入其境察其民見夫行填填而視顛顛類素樸而性得者意何政之近古也是必有異抵舍邑大夫蔣侯來謁余因咨以故侯爾然謝不敏但出素所箋註

上諭十六則以示退然若無爲者余受而讀之曉然曰是乃其所以爲政乎夫治國有常而利民爲本從政有經而

上杭縣志

藝文下

十五

行教爲上故明德在於論性而成教在於和俗是以聖人見其鄉而順宐因其事而制禮所以利其民而厚其用也政如是畢矣漢章帝之詔三公曰俗吏矯飾外貌似是而非以苛爲察以刻爲明安民之吏惴惴無華日計不足月計有餘如襄城令劉方吏人同聲謂之不煩雖未有他異斯亦殆近之善乎蔣君之治杭也息事寧人敬奉天氣與子言孝與弟言恭與友言信與俗言和去其簿書筐篋之智而日漸於仁讓道德之行是殆亦惴惴而不煩者也視古安民之吏如襄城令劉方者同乎否歟觀於鄉而知王道之易易侯執此以往其以佐

天子行王道躋斯民于三代之隆又庸多乎哉余故美其俗而因得記侯之爲政庶幾得其大畧云

蔣侯書院碑記

黎士弘

昔子輿氏之策滕也曰仁政必自經界始三代以上計井授田所謂經界者清畝涂謹溝洫時旱澇耳三代以下民世守其業富者連阡陌貧者窮立錐目前漢孝武以及周世宗其間英君察相圖度經營欲一返三代之舊而卒無成功蓋欲行井田於蕪井之後猶易郡縣而分封建非力所不能勢有所不便也於是後王神明其意而設里甲之法以圖繫里以甲繫圖力役粟米布縷之征視其土宜黑

上杭縣志

藝文下

十六

白壤墳泥塗上下以定科則然歷數百年山澤改易丁口乘除愚者困不毛黠者又多方落膏壤之籍而里甲之法又窮司牧守土半皆傳舍其官卽一二賢良又謂民難慮始相率守成例爲無害夫立法所以救弊法立而復弊生所望於一二賢良又因循故事以更絃易轍爲諱民之窮也寧有底乎汀屬邑之上杭有白沙古田八里地界長汀連城及漳郡之龍巖三邑處萬山中離縣二百里田故荒瘠數經變亂人民散四方荒糧積至一百四十一石零額賦旣不得請蠲前明嘉靖間當事遂散其糧於八里爲之代納徵錢於是徵糧於是久之而夫差供應額外之需亦

於是向以荒糧之無稽也而分額載之糧於八里此八里中亦何辜而受其累害復又浚其生而竭其膏焉將子若孫不卽填溝壑走四方者蓋亦僅矣長洲蔣侯蒞治三載深悉古田之民賠累之苦按冊查核所載荒糧若干某里帶賠若干額徵之外無他及按畝均甲且革供應之煩除徵比之累又懼不足垂久遠訂冊成書報當事昭示將來懇懇乎若立枯苗植弱子左右將扶而惟恐其不得當以故古田之民感公恩良厚僉謀闢地東郊建書院爲蔣侯畏壘庚桑之祝然後知天下無不可爲之國無不可治之民也昔子產作丘賦國人難之曰取我衣冠而褚之取我

田疇而伍之其後三年乃爲之誦曰我有子弟子產教之我有田疇子產植之使舉事苟有利於民卽受謫怨歷三年久古賢猶不惜殫力爲之況令下如流水四民欣欣恐後而且奉颺禱祀畢致其無已之懷蔣侯爲政固不異於子產而杭民之戴德懷恩不更視鄭國有加哉余因里民之志而大書其事於碑蔣侯名廷銓字璞山江南長洲人自康熙十九年蒞任歷最九年遷擢在旦晚故四民勤勤以請也

新建龍翔塔記

蔣廷銓

士之能顯大名膺高爵者必修身勵行以培其基讀書積

學以達其用而後可以應地靈稱人傑未聞耽耽焉日講
堪輿之術乃能大有爲于世者也雖然秀氣聚則人文興
衰氣形則人文歇興衰之氣相爲感召理固有之是故堪
輿家言在儒者亦未可槩置而弗道矣杭邑山川佳麗而
論者謂其勝不在山而在水其缺不在水而在水而在砂蓋自汀
連二邑之水迤邐而來抵潭頭轉東而西爲水之摺者一
西津之水自東入溪瀨溪亦自南入石壁潭障而東之爲
水之摺者二至龍翔一谿則值三摺之終而逆收衆流者
峰巒不高是爲缺陷宜立文峰以補之其說久存而未有
決意舉行者在勝國時二尹王公少叅馮公相繼築浮圖

上杭縣志

藝文下

六

于琴岡皆爲士子培養計後之論者往往以未扼其要爲
惜甚矣慮事之非易易也壬戌之歲余謀諸邑之紳士父
老始于龍翔特建塔焉余以捐俸倡合邑以樂助應庀材
鳩工七年于茲行且告成且築室其下以奉文昌及奎宿
自今言之後日宜有邀地之靈者邑之人士可不益思勵
行積學以發其祥乎抑余又有感焉昔吾鄉王敬止先生
作文峰塔并爲之記以宋時魁天下之彭汝礪爲杭之士
子期其意非不甚盛甫六十年議之者籍籍遂至撤去天
下之事會何常余今日者亦務盡其心焉爾他非所敢知
也

邑侯陳公祠歲祀記

蔣廷銓

歲在丙寅杭諸士郭圖郭士焜溫聖顏等手一冊來以前邑令陳公念修祠俎豆之事既有成規矣猶欲余言弁其首以求其業余受而反覆讀之喟然嘆興曰陳公德化之及人其深且厚顧若是哉夫士膺一命爲宰百里惠苟被于一邑邑之人必交德之然方其履任莫不景從響附去則已焉或去而游陟顯秩乃相與尸而祝之歿則又已焉卽既歿之後謳思未衰及夫代異滄桑地淪榛莽有其廢之莫或再舉此又時勢使然而人情之常也考陳公之祠建自故明崇禎甲戌惟時邑侯盧公寔主之而春秋苾苾上杭縣志

藝文下

十九

其典未備迨

國朝順治五年戊子邑生郭鴻輩若干人各捐其貲創置店屋一楹于舊察院行臺之右歲收租入當仲秋下旬公誕日相率聚祠下拜酬之無或曠未幾屋燬時康熙改元之壬寅也諸生復如前捐造而十七年戊午又燬諸生復捐造如初夫陳公之歿迄今已六十年祠屋已屢化爲灰燼乃旋燬旋復歷久有如一自非當年德化之入人淪于肌膚浹于骨髓烏能得此哉憶余髫時侍先大父憲副公之側大父舉同譚中才德見重者每首推陳公余方幼初未曉公之梗概及官斯土始悉公之大右造于地方瞻

拜廟貌輒徘徊不能去卽微多士之創置敢令其祀事有或闕乎成規具在守而弗替不特多士共永報德之思而余仰止之懷亦有所藉是固大可幸也夫是以樂受諸士之請而畧識數言于左

誌銘

明

處士張大本墓誌銘

康 憲

公諱大本字汝實別號龍山其先寧化石壁人宋季徙杭邑繼又徙邑之來蘇里古坊居數世立業多武平之菴溪公父玉鑑相地善因家焉遂舉四子而四卽公公又自菴

上杭縣志

藝文下

二十

溪復移居杭城自宋季至今蓋爲上杭縣人王父諱良配何氏繼配包氏以農事起家迨公有志業儒嘗從師受古尚書學方進尋以家事埤益棄去然性嗜學時好閱古漢唐史及諸詞賦以故處鄉族間雍睦敦厚崇禮重義有儒者風父晚年痿痺嘗宵衣侍卧起出入背負經十餘年不怠母賴氏早世公抱痛雖極老猶垂涕淚至事繼母羅氏則又得其懽心包氏享年百十有二公事之無異於王父與父在時也仲兄質訥爲人所誣抵法幾不免公出已所有竟白其事伯兄卒遺姪孫甫七歲公撫之成人長且婚矣未忍離析猶朝夕督誨之值歲歉出廩以代且賑賴全

活者甚衆公體貌豐粹器宇弘坦鄉之人莫不敬信事之咸質成焉嗚呼若公者可謂孝弟忠信隱行之君子矣公葬於珊瑚鄉繫之銘曰造物之於人固有不在其身而在其後不在其名而在其實者矣若處士者以後則裕以實則克較之惟享諸身與名者果孰得而孰失耶嗚呼若處士者其不沒也已

勅封太孺人饒氏墓誌銘

馮琦

饒太孺人者龍山張公配而吾郡司理君母也張爲上杭名族而饒與稱鼎足饒翁延佐長者娶何氏實生太孺人太孺人謹端有度年十七歸龍山公龍山公父曰玉鑑公

上杭縣志

藝文下

二十

母賴夫人卒繼以羅夫人大父曰良公大母何夫人卒繼以包夫人皆媿德而壽龍山公業舉有聲嘗欲負笈遊友天下士而嗁嗁念大父母父母計猶豫未有所決太孺人操作而前曰請代夫子養四尊人每食躬修具以進意所欲予予之平居有所親愛亦親愛之卽左右侍者人人以太孺人爲親已意有所不可居間調劑皆得其歡龍山公以其故脫身遊無內顧卒爲聞人良公及玉鑑公相繼卒太孺人事包夫人羅夫人最久包夫人壽百有十歲羅夫人亦八旬有奇垂歿而祝曰吾無以報若願若壽如我壽若得賢子孫婦如我婦也龍山公有仲兄以誚誤傾貲幾

逮於獄太孺人與公盡計竟捐已資出之伯兄逝一子又
逝遺二孫長尋娶亦逝幼甫七歲太孺人親撫養之旣冠
名守崙爲娶王氏以世其祀性勤力常躬秉刀尺稱御之
量至周貧乏見唯爲惠卽掃篋笥無厭色制有曰茂昭孝
敬存於勤儉茲其槩已太孺人舉三子伯子明經貢於廷
仲以諸生受冠服而司理君以丙子舉於鄉司理君就試
時龍山公病甚依膝下低回不能去太孺人以龍山公雅
志成名無所就卽死亦且責報於子柰何不養志而規規
孺子慕爲勅伯仲居視病謂司理君汝其行乎汝父且待
汝以瞑司理君得雋兩月而龍山公卒太孺人哭之如敬

上杭縣志

藝文下

三

姜哭穆伯也比司理君來吾青奉太孺人登車不可則戒
之曰汝家世積德以發祥於汝司理刑官也奉三尺法立
能生死人爾能使一郡無冤民乎以此養爾先人之志於
地下賢於列鼎而養我司理君受命惟謹居朞年平反冤
獄以百計齊中皆稱其廉平方介使迎太孺人就養太孺
人以病卒於家得年八十有八將歸窆於梅溪寨之鄉間
銘於余爲之銘曰爾井爾曰安爾姑舅惟其婦爾箕爾帚
惟其偶爾德之茂爾祖孔厚爾階惟蘭弗惟莠惟其母我
丘我壠爾子營矣爾堂爾斧我則銘矣觀乎九京魄乃寧
矣千秋萬歲以此徵矣

勅封孺人李氏墓誌銘

湯顯祖

今上歲庚辰夏余從司成戴公洵於太學同遊者若而人
閩之上杭近陽張君以才俊交臂驩甚向後兩都一再見
或寓書相勞問而已歲乙巳報君吉州郡丞書來期余鷺
洲之上余甫命駕而君已投簪去官悵快無所可語迨於
今而以孺人之訃與其銘來屬矣嗟夫人生聚散顯晦存
歿欣戚豈有常哉遠意不敢辭按狀孺人邑隱君子李春
生女也幼孝謹有慧哭其母藍孺人累日弗食稍長益端
好爲大父莊大母羅孺人所憐重曰必以嫁士人而是時
張君恩方在提抱言笑已自殊穎遇相人者曰兒有貴徵

上杭縣志

藝文下

三

封公大本母饒孺人亦復心異之曰求子舍必得賢孝者
乃可君年十六舉郡諸生高等春生公一見而心許之曰
是殆能壻吾女者越四五年而始成言以歸蓋兩家邑望
姓又各異其子女不以漫許人人多求者往往居間爲甚
言久而後合天也孺人歸不修珠珥之飾不聞笑語之聲
事舅姑如父母日恭謹有常封公乃大喜曰是真能婦吾
子者平居操井臼甚劬能下其家似諸姑之屬而篤于宗
姻慈其下人以比于其鄰無疾言遽容肅如也雍如也常
以機杼縷績之務伺君課文字至夜分君常以積思苦不
寐者數月孺人爲不寐者亦數月蓋君年三十而始舉于

鄉孺人爲色喜彌月而封公捐軀以舍孺人乃益悲傷曰何大人之不食其報也惟而喪爵踊無算而日夜婉慟其姑太孺人曰有子可以仕無過傷歲甲午君及強仕矣負才美必以一第春官爲艷孺人恹然語君曰恐吾姑之不逮祿也君不得已就除得山東青州郡理苦北海地寒遠獨以孺人俱無何而太孺人之訃至矣孺人投地擗哭曰吾始能終事四尊人拭巾捧夷而吾獨不逮視吾姑以終吾何爲婦也乎數絕而後起則君之伯兄計踵至矣奔以佐事能卒君之爲人子爲人弟者孺人之禮也又三年而長子殤有孤遺婦戾不能爲其母孺人且泣且諭日夜撫孤

上杭縣志

藝文下

二十四

孫相吊殊苦服除君起補東粵蕪州理姒媪皆來賀曰廉池富珠而炎州多翠美矣乎孺人矍然謝曰在青州吾能以吾夫清徙蕪不能以吾夫蕪耶北海雖寒南海雖熱吾心一也比至民果有獻珠者孺人聞之曰先姑不能逮此而吾熒熒然以飾何以見先姑于地下君必却之比行部則又語君曰凡行爲大吏察吏民隱伏屑瑟而已得則大吏受其名不則君承其禍喜事而裂寧畏事而完無以婦人之言怯也君欣然識之所至按吏事察繇俗稱蕪以平歸必謝曰孺人吾益友也比三年課最封制曰孺人躬綦縞之節贊羔絲之理稱賢助矣會內徵竟以忌者量移江

以西貳守吉孺人悵然不欲俱曰君亦可以勸遊矣未幾致仕去去踰年而孺人病不起夫孺人之先包孺人壽至百有十歲若羅若饒皆垂九十而孺人以六十終宐君不能無致憾於懷也銘曰相攸以徂得其士夫擇婦以處得其士女弱冠而笄遲歸有時堂上之事終始以禮語必稱姑孝思不渝相君於理南北其海惟清惟平帝美賢貞徙弗于吉復擅于室幽而多憂亦云好述靡折靡究六十爲壽室也維良壙也維滅天星之麓宐其子孫

石門縣知縣劉承祚墓誌銘

翁正春

按狀公諱承祚字守卿自號東華山人其先世居汀杭之

上杭縣志

藝文下

三五

勝運豐朗始自中憲大夫秀實公代有顯著獨高祖澄曾祖世衡隱德不仕至祖紹辛公昆季皆以明經授別駕辛公則夔州也以次子佐貴任南京貴州道御史贈夔州公如其官祖妣陳氏繼孔氏俱得贈封安人父傳尚義冠帶壽官妣丁氏孺人震公時嘗有異若有神物者托焉稍長魁梧奇偉有大志而自其挾策請益塾師爲之遜席甫弱冠下帷自勵著作出人意表才情卓犖天籟自發當其神有所契卽兩間未有語時或得之一時縣郡督學使亾不奇異之鏖戰文場不利以歲貢入成均大司成夢楨馮公閱卷頻詫曰子非局踳轅下人終當奮雲霄翩翩圖南翼

哉復試京闈又以數裁報罷公奮然曰士貴自樹耳龔黃已下豈必人甲第哉隨謁選得尹和平和平固巖邑旣下車卽進民吏而訓飭之約已推誠汰冗省費作學校勤考課均稅糧緩刑獄一切憑城煬灶輩翦之唯恐不亟民用大治故昔號畏壘者曰和平今稱樂土稱易化者亦必曰和平則敷德行仁之效章徹甚也又明年偶值旱魃爲祟殣相望也公爲之潛然曰天災流行國家代有襁災恤患職也吏士者不能弭又不能救是不聚萑苻緩俄頃且將轉爲溝中瘠也亟請發帑活者甚衆民適有訛言奔者上官聞之以爲叛也欲勤兵公遍謁上官深明其不反狀而

躬撫之和平之民扶老携幼無不泣下謂公實生我吾身非吾有也不出百里而休聲震南北矣無何以毀成遷教建昌公嘆曰夫遇亦何常爲令而令爲師而師是皆朝廷所命我爲治而人爲鑄以陶成一方風物足矣旣至檢押士子勤月課士之貧者輒周之若道術學行士尤矜禮焉曰旣富方穀且培此正人以爲一方鵠也時郡守朱公與翹大爲擊節諸所委任悉稱塞而代庖瀘溪賁賁然有奇稱時直指史公弼乃力薦之復授知石門縣事石門素習和平善政猶望歲也公以宰和平者宰之而石門之民又大治直指史公復巡楚薦之如初偶有囚繫者悉微告也

公知其冤而白之上官上官以賄故竟冤覆公爲盟天矢
日乃得解而彼此睽疑遂成逮計典行而齟齬之百相中
也史公力救乃與上官俱閑住余大爲不平亟諷銓吏者
以夙薦改知臬屬事不二載尋當得郡司馬也適公陡恙
竟爾懷歸且曰吾病晚矣慙直不容嚮已知之乃命駕歸
歸時正萬曆庚戌歲也夫公始以爲民故抑置教職而心
安之最後復以爲民故而成解綬心又安之無幾微見顏
色豈所謂切痼瘼安義命得之理學中素裕耶卽其出處
進退不愧濂洛中人矣旣歸惟與同里近陽張公冲寰黃
公等談大化葆元和雅稱香山洛社事暇則課子弟敦詩
說禮人稱有王謝之風焉家居數十年當事時加存問享
年七十有一卒之夜沐浴更衣命熱檀篆公果乘箕尾而
仙也耶今卜葬公於揚梅巖之陽爲之銘曰伊劉舌耕中
憲傳燈黃堂世登臚仕仍仍澤宮薦名先生彙征粵楚蜚
英建武垂型峴岫桐陰樽俎遺靈矧其佳城羣巒崢嶸朋
水潒潒式昌後人

國朝

文學何淵如礦記銘

黎士弘

君諱淵如字源之庚號韋庵何姓遠祖太郎唐景福中令
寧化因家焉自千八郎始遷上杭之棉村積十七世爲春

臺公君父也娶林氏生子四而君爲季春臺公爲里黨高才生初應童子試郡公拔置第一及試於學使者因病篇數不及額學使擯弗錄郡公惜其才跪而請學使不許郡丞判以下咸跪再請八邑令又環跪而代請卒不許因思一博士弟子取與進退何關輕重當時郡大夫及諸邑長能爲一才士不惜長跪待命而學使者慎惜名器寧抑才士終不以郡大夫及諸長令故一廢章程古道至今猶可傳述然源之終念其父之績學不得一與膠庠也卒讀書勵志爲名諸生爲諸生時試高等出其儕偶上繼亂離多故遂厭事咕嗶之學然既有子能文章世其業而乃專爲

德于鄉事父母以孝聞常推財產以讓其兄三黨中不能喪者殯之葬之不能家者婚之嫁之有族人侵其祖墓族衆恨之議投其骨於水火君曰是其子孫誠不良也於枯骨何罪爲瘞之他所加封樹所居棉村田數百畝歲旱君率衆穿池時其故閉終不爲災配李孺人節菹米絲縷之積約二十金將以飯僧祈福君曰與其施之無何有之鄉也曷若歸之學宮孺人欣然畀之今邑之尊經閣啟聖祠巋然爲當事一新而君寔倡其首又俗狃急輕生而地所產多斷腸草春夏間彌漫山谷里中小民單婦計迫無聊少遇詬誶勃谿輒不愛軀命以求肆其怨毒於人百家之

聚食而死者一歲中常十數人官司或意不在百姓因緣爲奸利破中人之產歲亦不下數十家君出錢募力芟鋤其種三年中根株爲盡故所居遠近歷年無一人死於毒草者跡君所爲數事皆計久遠垂後世非僅僅擇一二細行搯竒駭俗以要譽於鄉黨者比間語君之子榛讀書復古未有三世而不顯者况更爲善不衰如是乎吾固知何氏之必大也銘曰譬之水川高則流澤卑則止雨行氣蒸澤有時施而何待于彼昌黎之傳何蕃也如斯而吾特以銘君子

論曰士旣學爲搯觚入仕者類成報最之書嗜古者

上杭縣志

藝文下

二十九

常勒專家之集盈筭充棟固皆斐然可觀苟按之一邑之事渺若河漢推爲能文則可究與志乘無涉也上下三百餘年僅蒐羅其當載者如左而民生之衰盛土俗之貞淫時事之常變政治之難易畧見于斯矣若芳標懿行見之志銘中者亦間收之以資觀感且章後人表揚先德之志焉至于山川風物之勝流覽移情是偶見之一端夫豈輯志者所亟哉

詩歌

杭川十咏

丘弘

古塔峻嶒俯碧流梵鐘隱隱出林幽一聲撞破禪房綠幾

柞敲殘楓葉秋長送夕陽歸渡口每催曉月落城頭有時
驚覺紗窓夢清韻還疑五鳳樓

右南塔禪鐘

古塞西安近水涯數聲牧笛與偏除隴頭吹處鴉初亂牛
背橫時日欲斜黃鶴悵音悲過客武夷清弄徹仙家吟餘
獨倚書樓聽落盡江梅一樹花

右西安牧笛

排艇爲梁屬鐵繩望中一帶半江橫岸南岸北不呼渡人
去人來如履平秦政漫誇鞭石力鄭僑空負濟輿名幾回
踏月歸來晚似跨長虹到玉京

右浮橋利涉

萬事誰能不掛胸尋求真樂莫如農一犁春雨秧初綠數
畝秋雲麥正濃擊壤同時歌作息負暄無事坐從容世人

上杭縣志

藝文下

三

莫漫輕耕叟曾說南陽有卧龍

右長壩樂耕

碧潭泚泚浩無涯天漢雲收月上時萬里乾坤開寶鏡一
川波浪浸琉璃珠簾似捲水晶殿仙桂渾飄太液池坐到
更深風露冷數聲鶯鵲起高枝

右石潭秋月

袍山翠嶺俯清漪曉起輕雲拂翠微遠逐晴風來海嶼幾
隨殘月到書幃廣寒已作梯仙路霄漢行看捧日飛莫道
無心常出岫傳巖霖雨望霏霏

右袍嶺朝雲

江頭草綠日初晴漲起春濤兩岸平浪勢拍空翻雪白湍
聲入耳作雷鳴魚龍變化九天濶舟楫飛揚一葉輕誰識
當年川上嘆無窮道體自流行

右招水春濤

琴岡雲歛雨初收景物清嘉擬十洲山色晴分春色好花
光紅映日光浮傍林樓閣明如畫蔭水松篁翠欲流幾度
捲簾閒望處無邊詩興豁吟眸

右琴岡霽色

溪水沄沄遠接空漁歌互答亂流中一聲欸乃秋波綠幾
曲悠揚夕照紅響徹雲霄驚落鴈調高楊柳拂迴風翻嫌
渭叟渾多事却卜熊羆號太公

右賴溪漁歌

崎灘石濺浪花浮畫鼓頻撾送旅舟一葉布帆飛似駛半
篙春水滑如油櫓聲呶啞驚鷗鷺客宿光茫犯斗牛曾羨
登仙看李郭只今若個接風流

右崎灘客棹

金山曉旭

曾宏勉

上杭縣志

藝文下

三十

金山何磅礴屹立東北隅羣峰所宗仰峻絕凌空虛曜靈
出海底雲霧豁然除陽木流光彩陰條暢以舒上有飛仙
迹飈車接蓬壺逍遙成大化治世歌唐虞

遊金山

徐梓

彷彿羊腸道盤旋上此山倚欄飛鳥去扶杖老僧還霄漢
臨三尺江湖小一灣塵心渾未化空復扣禪關

宿紫金庵

萬廷言

石罅逢僧侶相看俱好懷坐來休問訊吾亦是同儕日出
東南曙春回草木佳孤筇方有意車騎莫頻催

遊紫金山

王喬桂

山路驅車晚流雲淨碧蘿嵐深晴亦雨地僻鳥能歌物意
含霜動林光帶月多徘徊殊未已無奈俗塵何

遊金山

顧聖之

紫金嵯峨插空起高頂去地三十里回互雲梯昇幾重幽
陰烟壑臨無底雙松隱隱欲至天中有琳宇麋廩巔翠靄
忽生巾舄上丹霞常護欄楹前日華五色輝碧落雲中時
奏鈞天樂虛島御輦驟赤龍玉女揚幡導黃鶴余欲翻飛
不可從天花散作青芙蓉紛紛影落松間月嫋嫋聲飄巖
外鐘

金山卽事

顧聖之

上杭縣志

藝文下

三

人日登臨破徑苔去城一舍有蓬萊金光日盪長生草紫
氣天標太乙臺峰結芙蓉千朶爭樹搖瓊玖萬花開苑源
別有漁人路玉洞差池愧我來

杖藜到處可餐霞三教分門總一家佛國有山常帶雪僊
源無澗不飛花風光臘煖知天限雲物春寒感歲差昨夜
禪衣今擁衲閒看密樹隱歸鴉

登金山

康憲

梵宇重重結構新峯頭寶殿簇麒麟不如泉石天然勝一
個蒲團足隱身
對面無緣對面遮紅塵原自隔烟霞等閑忘却來時路笑

殺菴源洞口花

遊紫金山

吳之儒

久聞紫金山濟勝今得暇緬憶洪荒初誰持太阿杷削成
玉嶙峋宛然若太華峰巒入碧空山麓插水洑地運歛神
蹤人爲翊元化玉臺自天成金闕倚雲架三刹遙相連孤
懸不盈舍菴源鳥道深松頂鶴巢亞旭日拂樓明瀑布當
巖瀉雲林玄極通僊徑紅塵謝夜卧枕星辰明發下天鐸
登臨興未闌又促三洲駕

金山小瀑布

程朝京

紫金山半懸空溜洗掛雲根瀑布痕春到玉龍疑出峽冬

上杭縣志

藝文下

三三

深珠珞尚盈盈雖輸九派銀河瀉却喜空山匹練翻望裏
菴源原咫尺肯流花片過前村

宿金山寺似歸宗上人

唐世濟

蓊蔚金山色偏宜雨後看東雲迷曲巘飛瀑散林端淨界
千花暝祇園萬竹寒春遊初破屐原不礙朝冠
空山夜闌寂雲卧冷匡牀斗室凝香靄踈楞漏雪光道心
閒處見僧臘定中長行役吾將發遲迴意不忞

登金山步溫春野韻

徐一忠

梵宮遙在翠微間天畔憑欄俯萬山孤嶼盤空雙鶴下危
梯踏月一僧還靜聽流水心無住笑看浮雲意不關留得

仙郎題彩筆何因携手共躋攀

登金山用前韻

王廷臣

岩巖鰲極迥人間翠削芙蓉八面山
猿拂巖花窺果下鶴聞香篆破雲還
且叅大士來瑤島慢說班生老玉關
待擬烽烟清瘴海逍遙杖履更追攀

同陳大尹奉陪熊中丞遊金山

顧元鏡

膏肓片石與涓泉况是層巒瀉遠湍
揮塵五雲滄海近振衣千仞谷風寒
追陪杖履心期合指點團瓢眼界寬
濟勝幾人堪伯仲勞勞應羨冶遊難

上巳同郭少尹劉黃二文學嚴張丘李四將軍丘危

上杭縣志

藝文下

三十四

胡三茂才集金山晴雨軒

梁元禎

翠巘空濛曉色分勝遊聊得濯塵氛
歆崖日射金銀氣絕壁晴開錦繡紋
宴語張裴真博古時平絳灌總能文
幽軒可喜羣賢集握管空慙晉右軍

春日同李明府探金山諸勝以予有漳南之行遊興未盡再登秋約漫賦三章

熊茂松

十里長松路渺漫層巒曲磴鬱千盤
上方鐘向雲邊墮北極壇從天際看
烟鎖峰腰青欲斷泉飛洞口晝常寒
胸中丘壑添多少癖有幽情興未闌

歷盡丹梯萬仞孤中峰瑞靄護香爐
懸知紫氣常來往莫

問金沙事有無石勢欲隨雙鶴去山形如抱五龍俱凭高
未得驚人句清嘯應通上帝都

欲訪靈踪鶴馭遲王喬鳬影正參差肩輿並看巖前竹藉
草同食頂上芝春入樓臺晴霧合寒生衣袂濕雲垂風塵
勿謾催竹役攜手秋風問後期

初至金山似雪礪上人

談允謙

舊雪猶明古磬間長松老竹挹僧關三年幽夢曾今日萬
里佳遊爲此山遙聽泉鳴從樹落偶沾衣冷是雲還危樓
百尺巖千丈人向寒塵絕處攀

小瀑布

丘鵬如

上杭縣志

藝文下

三五

奔濤來絕壑一壁掛千絲試問匡山勝何如此地奇麗林
生雨氣縈澗想漣漪最好天門際依松遠望之

一琴橋

丘衍箕

水從巖際落幾折度橋陰似此涓流意居然太始音淒清
來遠韻和暢豁煩襟誰解無絃曲於茲會轉深

紫金山

李世熊

山圍人鳥路孤筇迷出入樹石散奇情分壇勢相逼石或
化爲樹樹或化爲石石池澄寒波落落松陰直冥茫息峰
頂崎嶇憇幽室耳目及心神喪之而後得山深庵宇尊諸
佛現真魄梵聲肅以放物理自來格我心山灼見山性我

微獲

七峰山

胡子俊

此山秀色浮乾坤諸山環峙不敢羣自昔山縣產人杰瑤華芳草揚遠芬急流勇退空華髮清宵夢穩山之樾歸來此地結茅茨長對青山睇松雪

七峰聳翠

曾安勉

亭亭七峰山奇勢兩聯絡初疑潛虬龍再視鸞鳳躍羣翠列高低繪畫亦莫若融結大古初不費神禹鑿老木參蒼天長松倚澗壑豈無爛柯仙石上看碁着談笑乾坤間怡然遂所樂

上杭縣志

藝文下

三十六

過七峰山

杜啓

與斗同方數亦同天樞地脉自來通九嶷失二雲埋跡五老添雙雪滿空月下弄琴絃落影風前舞劍氣成虹杭川千古聯屏障廿里舟行紫翠中

袍嶺晴嵐

曾安勉

惟南有袍嶺鬱乎其蒼蒼上倚青冥濶下俯溪流長時雨旣初歇翠色染晴光浮嵐起絕頂氤氲接大荒變幻亦多狀雲氣同飛揚安得羽兩臂凌虛以翱翔直躡層霄巔吹笙引鳳凰

掛袍山

郝鳳升

青袍果爲誰人掛似與西南補天緯上有虎窟下龍潭
雷可怪無冬夏杭川士子多清狂登高意氣凌八荒
亦欲奪袍去空山不動雲蒼蒼

美女峰

郝鳳升

玉皇謫下香案女獨立丰標照秋水烟霄彷彿見髻鬟
掠年年自風雨人間阿誰與比倫姮娥天上得相親一雙
鸞鳳碧空裏靈槎直鼓朝天津

美女峰

有引

李世熊

峰在上杭二十里之南拔地千尺狀如覆鐘周無附麗
五六差池二尤偃蹇如尹邢相審縮恨不前諸夫人離

上杭縣志

藝文下

三七

立却觀也所見惟江郎三山介倨類此

寒倚青霄玉數枝偏姍却立望來遲雲衣霞佩風將謔黛
笑嵐啼雨可期翠袖蕭條依草木褰裳清淺睇蓬池前山
幸爾爲騎驛致語江郎婚媾安

欲將諸女伴江郎女岸郎崖頗頡頏萬里烟霞通縞紵兩
山孤峭擬鴻光前身癡策多情壘浩劫難灰小字香爲笑
漢家貪絕麗不知投老此柔鄉

古石巖

劉燧

徑轉梅溪望獨尊異人曾此問靈根古壇秋迴雲霄渺高
閣天開日月奔瑤島一應呼伯仲羅浮未許笑兒孫朱絃

一曲松風夢玄鶴排空度海門

赤面石

胡子俊

溪頭巨石面若醺萬歲千秋留舊浪武昌夏口渺何處山
川鬱鬱疑精魂舟車過此朝復夜往來誰是長年者磨盡
英雄竟不醒何如十日卧其下

三摺拖藍

曾宜勉

長溪百里來奔注縈三摺屈曲良有源人工誰疏決鳴瀨
自潺湲涵空更澄澈一帶若拖藍滔滔肯停歇幾欲停中
流放聲歌激烈解纓濯清泠爲洗煩襟熱

三摺水

郝鳳升

上杭縣志

藝文下

三

杭川誰把蛟龍鑱屈曲深潭歷萬古時時怒吼接青霄銀
濤蹙起盤空舞腰間寶劍千金收電光掣斷隨波流攬衣
上馬急回首一天雲雨迷滄洲

水西渡

郝鳳升

日日渡西船一隻稍人把篙船尾立船下流水船上人爭
渡恰如流水急車馳馬走萬里程徒枉輿梁何時成預恐
春深老蛟怒漫溪水漲船空橫

駟馬橋

郝鳳升

相如當年題駟馬志氣胸中儘卑下此方自古多文豪豈
甘蹈襲他人者仙郎身跨玉花驄溪橋橫度青虬龍車塵

雜沓天邊去致君直建臯夔功

敬謁褒忠祠

伍希閔

古廟西臨官道傍香飄合室酒盈觴朱簾碧砌塵無點丹
荔黃蕉品有常淵水含悲終古咽野棠留愛到今芳不堪
腸斷經巡處月落烏啼汀與漳

牲帛中庭祝在傍淚零血點奠清觴半生未肯輕三事一
死猶堪重五常恩浹遺黎長洒泣名垂汗簡久傳芳海天
重覩妖氛豁汀樹青青直到漳

謁褒忠祠和韻

羅璟

褒忠祠宇外臺傍敬把椒漿奠一觴臣子殉身惟節義聖

上杭縣志

藝文下

三九

賢扶世只綱常由來文武同英烈消得春秋薦苾芳此日
家聲重秉憲棠陰一倍滿汀漳

謁褒忠祠

魏瀚

駐馬何人古道傍褒忠祠裏奠椒觴民心共戴蒸嘗久士
論全昭竹帛芳愧我半生同出處羨君一死異尋常祇今
又見高軒過賸有清威化濁漳

謁褒忠祠

章頤

風馬雲車下帝傍怒吞蠻血笑持觴氣清山嶽今猶昔化
浹人心變亦常軍壁簡書魚鳥畏憲臺冠冕桂蘭芳此情
可似汀南水萬古悠悠繞故漳

題褒忠祠輓丁都司泉

王淮

大將征蠻勢已危獨提一旅是男兒可憐諸葛星先隕誰
料張巡力不支史筆不磨傳後世民心知感立新祠書生
多少英雄恨拭淚臨風賦輓詩

駐上杭行臺時征漳寇

王守仁

將畧平生非所長也提戎馬入汀漳數峰斜日旌旗遠二
道春風鼓角揚莫倚貳師能出塞極知克國善平羗瘡痍
到處曾無補慚愧湖邊舊草堂

行臺夜坐懷友

王守仁

月色虛堂坐夜沉此時無限故園心山中茅屋烟蘿合江

上杭縣志

藝文下

四

上衡扉春水深百戰自知非舊學三驅猶愧失前禽歸期
久負黃徐輩獨向幽溪雪後尋

上杭喜雨

王守仁

卽看一雨洗兵戈便覺光風轉石蘿順水飛檣來賈舶絕
江喧浪集漁簑片雲東望憐梁國五月南征想伏波長擬
歸耕猶未得鹿門初伴漸無多

轅門春盡猶多事竹院空閒未得過特放小舟乘急浪始
聞幽磬出層蘿山田旱久俄逢雨野老歡騰且縱歌莫謂

可塘

地名在漳州

終據險地形原不勝人和

吹角峰頭曉散軍橫空萬騎下氤氲前旌已帶洗兵雨飛

鳥猶驚捲陣雲南畝漸看農事動東山休說凱歌聞正思
鋒鏑堪揮淚一戰功成未足云

再過行臺有懷

王守仁

見說相期雪上耕連簑應已出烏程荒畬初墾功須倍秋
熟雖微稅亦輕雨後湖舫兼學釣飯餘堤樹合閒行山人
久辦歸農具猶向千峰夜度兵

題時雨堂

唐世涵

直從翰墨見提師正學千秋恍在茲片石至今常喜雨孤
亭自昔早憂時隆中人去陣雲結江上年來燧火馳聞道
行間多授鉞摩娑往碣不勝悲

上杭縣志

藝文下

四一

宿杭川分司曉發

陳朝用

春風吹雨曉生寒催上肩輿意早闌濁酒盈罇誰厭薄故
衣被體却愁單尋常只說爲官好到此方知行路難嵐氣
漸濃山欲暝且投荒驛強加餐

曉發杭川和韻

陳策

夜堂風雨陡生寒簷溜潺潺正倚欄爐火半灰愁酒盡客
懷如水怯衣單一方民瘼慚無補千載君恩報更難戎馬
驅馳何日返紆謀膚淺幾忘餐

署中秋夜雨後書懷

胡璉

秋檻竹枝垂雨淨夜窓蕉葉受風多啼螿苦訴應誰切歸

馬頻嘶奈爾何孤跡自慚匏可繫壯年重嘆墨將磨宦情
鄉思俱愁絕夢斷扁舟淮海過

秩滿歸省題冰蘗堂

胡璉

臨岐惘惘意何如職守憂心四載餘蠻獠負嵎皆虎穴腐
儒盈篋豈兵書微勞幸仗王靈遠懶思真慚仕祿虛白髮
斑衣候歸急他山秋晚莫停車

藍屋驛題壁

胡璉

客思今宵更鬱紆驛樓山靜柝聲孤冷然風露依人入聊
爾茶瓜當酒呼情話未隨官燭盡閒吟似與隙虫俱碧空
悵望秋無際肯放清光滿座隅

上杭縣志

藝文下

四二

題道署閱古堂

范輅

兩經除夕客天涯海嶺山陬聽暮笳短燭虛堂搖劍影冷
杏疎牖伴梅花寒侵病骨霜侵鬢身在孤城夢在家百計
無過歸去好那能愁裏度年華

題觀音閣

顧元鏡

半偈亭前半畝池公餘容我寄幽思拋書閒倚支離叟選
蔭輕蹂綠拘兒花遞鳥聲吹管外藻牽魚影聽琴時醉來
漫學逃禪癖只合和南問導師

夜登杭川城樓有感

周亮工

秋老滄溟夜舞鯨依然刁斗舊時聲艱虞剩有囊書坐饑

餓漸看負耒耕象洞雲迴迷鳥道龍巖雨過認獠城郊垌
半是槃藍筭要十載汀南未罷征

落日荒城蕭瑟日秋轅門榮戟未全收方從計吏閒賚素更
倚元戎學挽軀盡角數聲人俯堞烽烟幾點客登樓書生
願賦從征樂闕外休輕萬戶侯

砦前新月學弓彎子舍雲邊未肯還未夜濤聲三摺水孤
城秋色七峰山都人擁樹曾同鳥番客編茅別是蠻異土
臨風須自慰親心萬里苦相關

漁磯野火夜相望冷露涼颼起素商馬首衆山連庾嶺城
南一水過潮陽荒岑尚有金銀氣廢圃空聞橘柚香莫爲
無衣頻作賦炎方十月不爲霜

上杭縣志

藝文下

四三

杭川署中雜咏

周亮工

悠然籬落下佳種遠分僧色入寒林澹情看冷署矜微霜
凌晚砌踈雨艷秋燈頗憶家園好羈人見未曾

右菊

作客滯臨汀蕭蕭意未經孤燈一夜雨窓外數竿青冷署
聲偏碎懷人夢未寧無端天際想翠袖倚娉婷

右竹

澹影立空池盈盈若有思輕紅依素月軟白媚秋卮一雨
紛披際百端交集時炎方霜可拒不柰晚風吹

右芙蓉

獨立意蒼蒼天風萬里長濤聲翻鶴夢翠色滴秋裳過嶺
存卑濕微生念雪霜南枝凋縱後看爾不相妨

右松

共抵垂千戶山城客不貧越州當置守吳籍願除臣于野
璿星大過淮枳樹新置身無地好頗憶此中人

右櫺

途中賦荅杭川諸生

周亮工

臨汀戈戟日紛紜堅抱殘書未忍焚戶外遙投人則遠車
前負鬻意空勤慚余到卽成輕薄問爾來何所見聞十載
烽烟儒服賤誰能相對不慙慙

留別杭川諸生

周亮工

兵戈猶未息窮士滿菰蘆僻地迂聞見山城古步趨但能
學閉戶不敢歎爲儒慚愧烽烟內誰憐饑所驅

好山看不厭獨客倦思歸朴俗情多近高文世所譏爲予

上杭縣志

藝文下

四四

閒載酒退卽掩荆扉小艇難輕發汀南鴈不飛

題南泉庵

王守仁

山城經月駐征戈亦復幽尋到薜蘿南國已看回甲馬東
田初喜出農簑溪雲曉度千峰雨江漲春深兩岸波暮倚
七星瞻北極絕憐蒼翠晚來多

茶寮紀事

王守仁

萬壑峰前秋正哀四山雲霧晚初開不因王事兼程入安
得閒行向此來登陟未妨安石興縱擒徒羨孔明才乞師
已擬還師日歸掃溪邊舊釣臺

遊南泉庵書壁

丘道隆

伏櫪爭鳴驥有驂何如禪遁寄南華懸知春色長留客未
信人間落盡花偕樂祇應傾白墮相逢休訝岸烏紗閒情
超出形骸外已忘寒塘是我家

同友人重遊南泉庵

丘道隆

少小南岡騁紫驂再來青鬢點霜華琪園尚踞三生石曇
樹曾開幾度花新景流連重洗爵舊詩零落半籠紗前身
結社陶元亮風月憑渠擅大家

和韻題南泉庵有感

丘道隆

南征將士欲投戈尋樂旌旗映薜蘿酒熟田家親賽社晚
晴漁舍亂堆蓑半簾風月吟中趣一劔功名水上波指點
當年陳迹在幾人襟袖淚痕多

上杭縣志

藝文下

四十五

遊南塔寺

郝鳳升

浮圖挿天聳千尺古殿栽栽爛金碧歛然暮鼓還晨鐘總
爲浮生催白日袈裟內有能詩僧一壇梅月清如水不知
門外勞勞客踏得紅塵日幾層

重遊南塔寺和王賓竹韻

丘道隆

宦海風波息來尋一葉舟賡詩追絕景濯足認清流燕子
知辭社芙蓉欲蘸秋眼前饒景物好共恣淹留

村居

胡子俊

豆種南山秋種田醒時獨酌醉時眠溪頭水漲夜來雨門

外山連曉起烟村鼓數聲春社日牧童一曲夕陽天東隣
老叟時相問桑柘陰中話有年

論曰詩以道情性而亦可以紀事古者太史陳之將
以觀民風也杭邑代有騷人韻士况輶軒蒞止更多
鉅公題咏甚富茲編所載或發山川之勝或明規畫
之宏或出憑弔登臨之寄託以類相從不復次其年
代要皆于一邑之土風時事有所參考焉若謂雩珠
屑玉遂必壽棗登梨則杭川風雅向有成書嗣而輯
之可矣

附 徐善述修學後作杭川課

原夫嵩嶽生巾尼丘孕孔蓋凡豪傑之挺生實本山川之秀毓茲觀上邑乃稱雄邦龍脉分南轅之旺枝迢迢通通行度數百餘里形局萃紫微之正垣重重疊疊羅列數千餘峰紫金山聳龍樓寶殿以障於後橫琴岡展一字文星以案於前髻峰左峙旗嶺右旛袍寨屹於玄弋坤方羅嶠峙于天市艮方卽普陀山隔水爲援宸七星之秀主開陽作穴合倒地之貪狼脉成川也崩洪形喝浮脾蘸水屈曲流神三折之玄來去森嚴侍衛兩旁擁從高撐雖其文曲多山風俗尚虛浮之態卻乃天屏仄面巳方仕途多執法之官惜乎水

上杭縣志

藝文

一

無潭蓄鮮十萬之素封山亂欹斜多一鄉之武斷幸而赦

文山現

丙方卽南岡

凶卽化乎吉祥天鉞山雄

坤方

文亦兼乎武

柄第其玉堂缺陷

巽方卽今禿塔場也

翰苑久虛華表無峰

卽龍翔蹊八

座未蒞攷其建置始自乾道之年迄茲萬曆迨將五百之

秋稽諸先識適當氣運大亨舉此良圖立見文風丕振謂

殷璠趙璧雖價重連城而必委諸巧工乃卑辭厚幣遂不

遠千里而下詢于山人僉秉至誠共成美舉竊謂盡人事

之當爲宐興宐革敢不罄竭乎愚衷合天然之妙理或去

或存必也確從乎至當幹旋造化之機在此一舉奪取全

閩之盛會見奇功文占大魁必起玉堂之秀貴常近帝頒

添華表之峰作羅星閣堂水使行商坐賈咸獲萬倍之利而戶戶田連阡陌學前以見洪流俾優仕優學

同登一甲之榮而科科高占魁元起尊經閣而文廟峙雄

增聖殿之高而氣局廣大開天門去青龍之堆石閉地戶

加水口以神壇

西津羅星

城北來龍之地

第一要着

豈可傷哉禁穿

井禁取土斯爲妙也治南文明之方不宐障蔽要開明要

寬廣豈不美哉又如塞黃泉之門路

榕樹門

撤白虎之贅疣

文昌祠仍歸庠內水仙宮移在丁方此所謂宐興宜革者

也誠如鄙議協力興修庶大合堪輿之架獲允符仙識之

圖經則任茲邦者有一歲九遷之慶產茲土者多拔茅連

杭縣志

藝文

二

茹之榮豈惟俊乂彬彬英才濟濟而朱紫之盈坊顯赫可冠于八閩抑且道德勲庸科名節槩咸有其人將流芳于百世也謹課

附張鵬翼杭川新建文塔課

原夫地理論形形之精妙論氣氣之宏大論局浪滾平岡
中流出水蘆花點水泊岸浮簾者杭邑之形也迢迢西兌
左繞天皇武曲貪狼環依帝座者杭邑之氣也三迴九曲
交度雌雄四吉三奇經緯八國者杭邑之局也形鍾于地
氣降于天而局勢之或完或缺或疵或純則裁成尚賴人
工蓋杭川後有特樂二水送來三百里爲蘊玉儲金之巘
前有特案青龍挿出千百丈爲揮琴扶手之砂皆他邑之
所無寔爲杭川之僅見故節度開風憲之臺文物擅都人
之美職是之由歟所歎者美女露於南垣狀元隱於西掖

上杭縣志

藝文

三

秀則當獻而不獻拙則當韜而不韜苟非抱德命世之英
安有旋乾轉坤之力先憲副馮先生以親賢遠佞之智作
棄煞迎官之祥案頭卓筆門口見賓彬彬多士一舉目有
良覲矣然而賜第者未入詞林應舉者終艱聯捷其故何
在蓋杭邑之奇不在山而在水而其缺不在水而在砂攷
夫辛亥金龍長生巽巳亥未木局駟馬巽巳左旋陽水貴
人巽巳催官水法御街巽巳俱宜峰高巒特不可低陷者
也假於此山卓筆是爲狀元朝天抑於此水卓筆是爲馬
踏御街矧後嶂天乙隱首一旦增隆太乙引出六辛秀氣
是爲玉殿傳書其爲縉紳之貢福也必矣時至事起人傑

地靈天降福曜于金山神君啟運地竦文峰于摺水鴈塔
先聲華表亭亭攀龍髯而傳鳳翼金魚拂拂拜黼座而陟
玉階不出三七之年定有及第選館之應更得學前通丙
門洪流納秀必君子進祿庶人進財尤於龍後添辛嶺神
力催官則鳳閣高遷龍門速化誰不羨香嶺之鴻局上配
天星而杭溪之秀氣遠垂地利哉謹課

上杭縣志卷之十一

上杭縣知縣長洲蔣廷銓纂修

風土志

氣候

稌祥

物產

歲時

風俗

歲行之災祥憑乎天物力之生耗視乎地至習俗之貞淫奢儉惟人實司其表率或由醇樸而流囂浮或由梗頑而返馴謹韓昌黎所云風俗與化移易也將施因勢利導之宜不可不審知其故矣

氣候

縣境上接江西下界廣東複嶺重岡率多嵐瘴故燥濕雜

上杭縣志

風土

操在一歲恒燠鮮寒在一日朝夕涼晝暖或一日之間暄涼頓別二八月爲甚諺云日中常換四時天又云二入難調理是也每歲正月卽多陰雨俗用東方朔雜占一雞二犬三豕四羊五牛六馬七人八穀之說各以其日晴明爲休徵其驚蟄春分社清明亦有占候如云驚蟄不凍虫冷到六月窮又云春分在社前斗米斗錢春分在社後斗米斗豆又云清明要晴穀雨要雨當春夏之交霽雨蒸鬱琴書衣服濕潤易斑時或大雨溪河暴漲或終風不雨或陰雨彌旬或日中驟雨驟止多抵於夏至俗云立夏雨播破鼓主旱又云小滿不滿芒種不

管芒種蒙頭落夏至水推秧又云四月八日晴魚蝦上
高坪又云五月壬子破大水穿山過皆主水俗又傳夏
至逢寅出霧逢辰分龍鬱蒸乃止大雨有方又傳六月
六日宜晴不宜雨逢雨禾多生虫稻不熟七八月亦多
陰雨俗傳八月十三日起至二十三日爲薰葭天多陰
少晴又云中秋朦朧月雨打上元宵九月後各以其晴
明風雨占冬間及來歲所宜如九月九日內一日風雨
主正月米價貴二日至九日倣此又云不怕重陽雨只
怕重陽風又云霜降屬金日晴日陰又云十月十六晴
交春落雨到清明及冬至前後水偶成冰雪終僅見大

上杭縣志

風土

都縣與永定境處下流地氣在汀爲尤暖非溪山深阻
之田一歲可得再熟民間度臘率不衣絮也其風有應
時發者春日花信夏日吹荷花秋日凍水犀冬日黑風
凍若風雨不叶候多損禾稼惟種山田者不嫌雨多

稷祥

宋嘉泰二年七月水壞田廬民多溺死

淳祐三年大水縣治圯 十一年大水學宮圯

明永樂十四年水圯社稷山川壇

成化十年旱荒 二十一年夏霖雨山水驟溢鄉市民
居多爲所壞瀕溪村落漂蕩尤甚田苗淤沙人畜多溺

死

弘治十七年夏旱縣丞王獻臣虔禱有應不爲災

正德八年大旱 九年五月大水至譙樓前 十三年

四月地震 十五年四月地又震有聲

嘉靖三十五年大水入城壞東街橋 三十七年四月二十三日洪水驟至青龍橋便民橋俱圯

隆慶五年七月水圯東北隅城二十一丈有奇南城壞敵樓及外濠道自興文門至太平門三百餘丈

萬曆六年六月大旱知縣楊萬春齋宿神祠素服率邑士庶步拜越宿夜雷雨大作三日乃止歲仍熟 十四

上杭縣志

風土

三

年大水壞田塘廬舍不可勝計平地水深一二尺舟行於市 二十八年八月二十三日戌刻地大震 三十四年秋大旱 四十四年霪雨大水民多溺死 四十八年旱山田皆無收

天啓元年四月大水入城平地五六尺衝壞城西南民居百餘間鄉民多漂溺者經三日始退 二年十一月大風揚沙 六年春大雪積二尺餘夏霖雨田禾多淹沒

崇禎元年四月大水壞興文門城二十餘丈 七年秋七月大旱知縣盧躍龍齋宿虔禱大雨數日苗半槁者

仍結穗 九年三月霪雨大水 十二年五月初旬地震有聲自南而北 十六年十二月大雪 十七年六月十六夜勝運里雷電震閃無雨水突從石山發出溪流橫溢頃刻平地丈餘到處皆有火光男婦溺死者五六千人漂蕩廬舍衝破田塘俱以千計

國朝順治四年四月大雨雹秋大旱 十三年正月大雪三日鋪地深三尺許 十四年大有秋

康熙三年十月彗星見 九年七月大雨雹如拳郊墮地不破 十年歲大熟斗米銀四分 十一年四月地震

十二年正月大雪二月霪雨大水七月大風倒漳

上杭縣志

風土

四

南道署前石坊折大松樹 十四年十二月大雪 十六年六月夜五穀星見 十七年冬大雪是年大熟 十九年四月大水十月彗星見 二十年四月大水溢入城門七月十七日雷火焚擊南門城樓秋復旱 二十一年四月大水入城至黃仙師宮前至秋禾仍熟 二十二年十一月大雪平地尺餘 二十三年大熟 二十四年三月不雨至五月山田皆坼裂不得耕種知縣蔣廷銓齋宿率邑紳士朝夕詣壇所虔禱旬日間大雨霑足歲仍有收

邑爲閩省彈丸偶見災祥豈必盡關氣數但爲休爲

咎一邑人民實身受之未可忽視也舊志缺載今從
楊志府志互相參合而續以故老之見聞其間月日
雖多有未詳要皆紀實若附會增飾義所不取

物產

粳稻 秈稻 粟 小麥 稷禾有稷有秈 黑豆 黃豆

白豆 赤豆 虎爪豆 芊角豆 刀鞘豆 菜豆

扁豆 麻子白赤黑三種俱可壓油 ○以上穀之屬

江南筍 禾筍 麻筍 冬筍 苦筍 芹 蕨 薑

茄 芥 莧青赤二種 薯 芋 甜瓜 絲瓜 胡荽

匏 瓠 韭 蒜 葱 蘿菔赤白二種 黃瓜 茼蒿

上杭縣志

風土

五

蕪蓬 蒔蘿 香薷 蘭香 菠稜 ○以上蔬之屬

菰 李青紅紫三種 梅 梨 榴有紅白二種白者爲佳 柿 柑

橄欖 香櫟 柚 橙 栗 枇杷 花紅 晶菊

西瓜 雪瓜 土瓜 蔗 藕 蓮子 菱 芡實

田薺 茨菰 銀杏 橘 ○以上果之屬

椒 葛根 山藥 黃精 茱萸 麥門冬 天門冬

紫蘇 薄荷 金銀花 香薷 石菖蒲 何首烏

荊芥 益母 香附子 葶藶 牛蒡子 車前子

使君子 青箱子 急性子 葶麻子 旱蓮草 穀

精草 ○以上藥之屬

笙竹 菴竹 丹竹 金竹 赤竹 苦竹 江南竹
猫竹○以上竹之屬

松 栢 槐 檀 杉 楓 櫟 柘 樟 楊 柳

榕 桑 楮皮可造紙 桐子可壓油 楮子可食 烏白子可壓油

冬青 棠梨可鐫刻 櫻櫚 鳳尾蕉○以上木之屬

木樨 山茶 鐵梗海棠有紅白二種白者冷艷可愛 薝蔔俗呼梔子

芙蓉 佛桑 木蘭 木槿 瑞香 茉莉 紫微

紫荊 木香 薔薇 長春俗呼月月紅 珍珠蘭 菊

蘭有報春魁甲等種 荷 美人蕉 萱 雞冠 鳳僊

葵○以上花之屬

上杭縣志 風土 六

苧皮可績布 藍浸葉成靛 莞可織蓆 火麻皮可績布 木綿可織布

山蕉煮皮可治為布 燈薪 苑○以上草之屬

馬 牛 驢 羴 豬 羊 犬 猫 野豬 山羊

虎 鹿 麂 麀 兔 獺 鼠 狼 土鼯 狐狸

赤狗 猿 猴○以上毛之屬

鵝 雞 鴨有野鴨 鴻 鴈 鶴有二種 鸛有二種 鷹

鷄 鷓 雉 白鷺 鷺 鶯 燕有二種 褐雀

鵲 烏 鴉 鳩 麻雀 鶉 鶉有野鶉 鸚 鵒 白頭

公 鷓 鴒 鵲 鴿 杜鵑 鷓 鷓 姑 惡 相思鳥

山 鵬 山 鷓 竹 鷄 鷓 鷓 噪 天 啄 木 鴛 鴦

鯉
鰈
鮪
草亦名
鱣
鯽
鮓
黃頰
鰻
魮
鱖

龜 鱉 蟹 蛙 蝦 蚌 田螺 石輪 蝦蟇 穿

苧布
山蕉布
火麻布
木棉布
茶
糖
酒
竹

麻履可織
麴
油有麻桐茶
桿子四種
紙
炭
鐵
鍋
藍

靛
 磚
 瓦
 篋
 帽
 竹
 鎖
 酒
 金
 扇
 ○
 以上貨之屬

上杭縣志

風土

七

不涸之倉瘠土亦沃土也所載各種較之舊志稍有增損要存布帛菽粟之意非以飾觀不忘勞而急饗義實深致望焉

歲時

元旦早起禮神祈年展拜先祠祖像次父母次諸尊屬然後各詣親友隣里賀歲至五日乃止初六日晚俗謂灶神朝天回家各陳酒果以祭立春前一日縣官率僚屬披紅簪花於東關外仁聖廟迎芒神土牛入縣門左右備儀仗故事前導謂之迎春至日按立春時刻官復率屬祭芒神次第執綵仗鞭牛勸民力耕上元街市

迎龍燈放花家人宴集謂之鬧元宵 春社日各鄉農家烹豕醺酒就神場祭賽會飲猶存祈穀遺意 清明折柳懸於戶外仍以挿髮前後三日間俱詣墓所祭掃畢有家祠者就祠飲福民間或藉草團坐遞相酬勸凡春祈每坊各推祈首率社戶迎神一歲中遇諸神誕日各坊裝臺閣故事排儀仗鼓樂迎神遊街卽貧戶亦竭力從事

四月八日釋迦佛誕辰僧徒爲龍華會於月朔日始或昇佛像沿門諷經索施錢米謂之浴佛 五月五日用小艇縛蘆葦作龍形羣戲水次謂之競渡穉幼者繫綵囊採百草煎湯沐浴云祛百病

上杭縣志

風土

八

懸艾虎親黨交相饋遺午時啖角黍飲蒲酒和以雄黃七夕人家學童繡女間有羅列瓜果於中庭爲乞巧會中元家各祀其先剪五色紙作傘并金銀錠焚之先以五鼓設齋供於祖先祠中俗云送祖朝天也僧徒各就所在爲盂蘭盆會 中秋民間好禮之家造月餅相遺夜置酒宴飲或有兒女於月下設果餅膜拜致詞號請月姑置筐於盤神降則筐自舉爲剝啄聲審其數以上災祥鄉村間亦於是日賽社 重陽日親友蒸米糕相饋或選勝地携榼飲茱萸酒爲登高會

冬至人家各作米圓家衆團圓共食謂之添歲亦有展墓者如清明禮 臘月二十四日每家潔掃舍宇拂塵俗傳竈神以是日升天謁帝陳酒果焚楮拜送之 除夕前數日親友各持牲饅相餉謂之餽歲是日易菴符貼春聯以迎新歲之祥晡時各禮神祀先預蒸隔年飯黃昏放爆竹謂之辭歲室內熾炭張燈老幼擁爐謂之守歲

風俗

邑之風俗唐以前無傳在宋郡志云氣習勁毅而狷介君子則安分義勵廉隅恥爲浮俠小人則質直果敢不以

上杭縣志

風土

九

侈靡崇飾相尚元郡志云君子則質直好義而恬於進取小人則愿恪少文而安於勤勞此通志汀郡而杭亦可槩見 明蕭志士則崇儒重道民則尚義奉公男耕女織各安其業婚姻喪葬隣保相助蓋風教所漸者至矣景泰以來歲頻饑饉俗漸澆漓訐訟繁興踰越法度乃至鄉谷愚頑梗弗率化深厯當局之憂邇者風俗還舊里巷多絃誦之聲小民知循理法然又奢靡成風服食競美邑士梁崧李穎嘗著鄉約以垂勸戒良有深意云 伍志士人好學有登科第躋顯位者婦女守節有距強暴膺旌表者惟下愚習尚不移好賭博競侈靡興

詞賦訟甚且自作不靖上煩征勦近勅憲臣專理梗化者稍知惧法風俗亦漸更焉 漳南道志上杭尚文近倭 楊志爲令者治以德禮則俗日不知而化如用火葬服毒草假廣柳而畧賣緣樗蒲而椎埋峰頭搏掩之 處黨中坪淵藪之生孽以及刀筆鉛汞之風固當有恥且格若夫士好學以顯庸女守節以膺旌往志所載夫豈無所自哉 府志上杭衣冠文物頗類大邦禮樂詩書實多濟美

國朝福建通志上杭縣比屋裕如士勤學業彬彬文物有類大邦僕隸下人各治生產

上杭縣志

風土

十

冠禮男子女子年十五以上及二十者擇吉行之向在習禮世族亦遵朱文公家禮近罕舉行大率男子將婚始加冠女子臨嫁始笄

婚禮凡二姓結姻女家先令媒妁詣男家議聘禮始具女子庚帖男家送聘名出紅婚繼送禮名述成後又送禮名過湯將婚送禮名報日及吉送豚酒名催粧成婚先一日女家送奩具到男家至日男之父醮其男詣女家親迎行奠鴈禮女家延婿立飲與婿簪花掛紅女之父母醮其女升輿就親黨中延男女各二送至婿家合巹禮成女眷旋回婿家設席款男眷夜分乃散越三日新

婦廟見拜舅姑及家長畢女家卽邀壻女歸並邀壻之
父次日復邀壻之母皆專席致敬大槩煩瑣而靡其貧
乏者不在此例

喪禮人子當父母臨終屬纊後取清水潔體易以淨衣新
衾歷數時或次日乃入殮一切附身之具皆隨力措辦
三日具計狀於門以始卒之日遞數至七日是爲首七
至七七止弔凡親友赴弔率用香楮或果供及舉葬堂
奠弔者赴之如初其加戚者兼致奠若方相明器銘旌
祀土題主紳士家尚有行古之道者在三年中俗尚多
延僧侶羽流作法事以資冥福

上杭縣志

風土

土

祭禮凡遇各祖先生死忌日及歲時伏臘皆陳殽饌於堂
致祭如事生理至祠祭墓祭以春秋二仲月爲期間有
秋移於冬者俗謂之攔冬其祭品豐儉稱家貧富行之
論曰杭處山陬風氣雖偏於一隅俗尚無殊於合郡
屬在歲時瑣事不過相沿而行不足深論爲約舉其
大者言之如家有祖祠之建族有時祭之資能追遠
矣聘儆六禮娶必迎親能正始矣俗尚之合乎古禮
者此也獨是人子當父母大故正悲哀毀瘠之候若
親若族方匍匐救之之不暇何反鼓吹延賓肆筵設
席喪家竭蹶以供乃號知禮不則譏評隨及甚或尤

其不孝寧儉寧戚於義何居且朱陳世締所重者門
戶相當道義相尚耳今議婚之初女家止計財禮迨
結縭之際男家又論奩飾往往姻婭失歡閨房詬譁
重利薄親殊傷雅道他若圖風水而久停親喪爭界
址而私廢人墓報怨則服毒輕生供役則錮婢不遣
相習成風豈必盡出之蚩蚩氓庶哉

上諭十六條煌煌炳著誠欲返陋習歸醇風惟職司教化
君子與邑之士大夫講求而倡率之無使江河之日
下也

上杭縣志卷之十二

上杭縣知縣長洲蔣廷銓纂修

雜志

摭遺

紀異

辯誤

邑乘所載者一邑之人一邑之事也或其人其事不在特書之例顧亦不當任其散軼爰臚而載之非以侈見聞將備後之考論焉

摭遺

宋郭纘字天錫晉江人將生之夕母夢天上有金書纘字既生因以名之幼岐嶷讀書如素習紹興間調上杭丞

上杭縣志

雜志

一

留意邵雍象數之學兼取揚雄所據列山易以章會統元推之久而成書名易春秋按圖布卦計二十萬言釐爲十二卷總之以圖隆興紀元以其書上方議推恩而卒府志列纘於名宦然其事與本邑無關特附識之

宋之令若鮑粹然丞若何鎬賢有司也而志向不載楊志以真文忠公墓誌而得鮑以朱文公碣而得何非附二公孰從傳之至周式事無考得濂溪先生而存鍾紹文雖勤王得文信國而存今當易世不氓矣

明制分巡駐縣專以寇變而然自伍公希閔外爲勦爲撫不乏賢勞而王公時槐曾公櫻顧公元鏡前後尤著茂

績若定界糧之爭則始於宗公璽繼以范公輅王公俊民謝公汝儀儲公洵梁公世驃而終以署分巡徐公緯皆能秉公執法始得成案不移至杜公啓之添設夫值協造站船侯公廷訓之改路置舖皆能體恤民隱者杭之民至今尸而祝之

明末樂初通州進士顧祥爲知縣專以教化爲務常祿之外毫無所需及十五年南城張光啓以人材任嘗有縣齋詩五年俸廩支難盡一井廉泉飲不乾強項枯荷撐兩立貞姿古栢入雲蟠誦其詩可知其人矣

縣城自鄧知縣致中修築後久圯正統至天順間岑知縣

上杭縣志

雜志

二

嵩議築以民憊不果後經沙尤寇亂招撫流散存恤得宜仍聽致仕歸至改築之議實始於黃知縣希禮而工費不繼及李宗政破縣竟坐失律罷去二公任事同遭時異也

嵎縣胡鉞蒞任在成化二年適千戶所官軍新奉調至弁驕兵悍時肆虐於民鉞廉得立白於巡道懲以法軍民始相安可稱錚錚者矣若孫安之愷惠李曰思之清恕亦號成化間良牧

弘治二年常熟徐綬爲縣次年卽移闢射圃建觀德堂又次年修社稷山川等壇鑄造褒忠祠祭器及六年屬林

教諭昇再修縣誌凡所建置皆闢一邑典禮繼任者崑
山高以政楊志稱其政寬平而民樂業焉

謝明番禺舉人以嘉靖四年任廉而慈首裁里甲繁費在
任五載迄無橫科至三十年靖安趙文同凡事恤民民
以清惠稱之當重遷學宮費不給其經營之力尤至

萬曆三十年後倪令應眷李令自華皆於邑多所修建李
賑四十四年之饑築高第之塔尤見經畫始終萬曆時
令十三人而楊令萬春之外立祠者惟二公民情於此
可見

趙碩來於崇禎十三年涖任發奸擿伏有如神之頌癸未

上杭縣志

雜志

三

歲荒請之臺司出庫帑三千兩給米戶赴糴於贛市價
不至踴貴前此五年爲盧躍龍重農造士亦綽有聲

縣丞陳清成化七年任守職清勤邑有營建委之無不及
時舉臺司知其能嘗署清流縣事前此者永樂間潘義
梁衡並有政聲宣德之楊孜以才能著正統之劉致思
以撫字稱其他未數數見也

教諭之有聲者明正統間葉儒林蕭志稱其學問優贍作
人有道在景泰則李遠有學識嘗分考廣東丙子鄉試
稱得人成化中胡匡孫能林昇皆善造就匡議易文廟
石柱昇請造文廟祭器尤爲經久之模嘉靖初程邁勸

于課士寒暑不輟諸生束修致餽一無所較且時捐俸入助貧生之不能喪葬者更不愧師範云

明永樂初廬陵曾宜勉爲訓導博學尤長詞賦士類多賴成就慈谿鄭鎬太平李鑑官於成化時皆有學行與教諭孫能相得甚懽蕭志稱三人相值同時文學相伯仲談論觴咏芹藻風生爲一時之盛至弘治中訓導袁慶雲日進諸生以行誼嘗陳利弊六事爲都御史韓邦問嘉賞將薦之以親老致仕蓋慶雲居雩都稱孝子跡其行事固不欲徒詡文學也

晉江楊孟璫字巨山中

國朝順治戊子鄉試二名康熙

上杭縣志

雜志

四

已未爲縣教諭性耿介學宮丁祭不得鹿往例以一金歸教官孟璫大駭吏以例告默不應後乃出金助給貧士視封識宛然嘗有庠生爲鄉民所訐縣牒致之孟璫詣縣謂兩造中有里民學官不應審理力辭去及卒櫬不能舉邑令蔣廷銓倡捐諸生各致賻始得歸

人物一志例有寓賢杭無其人也蕭志載永豐黃琛其祖元震明洪武初教諭卒杭因家焉琛字允栗穎敏嗜學工詞賦宣德中嘗舉修郡志所可見者惟此耳若天順六年之御史伍公驥成化十四年之巡撫高公明正德十二年之度撫王公守仁崇禎四年之巡撫熊公文燦

皆嘗駐節此乃督師重臣非僑寓可比且其功跡已散見各志中矣

李誠字明善中永樂癸未鄉榜後爲開封教授以藩府驕恣條列罪狀奏議凡七上或譏其出位且以事涉親王危之誠曰吾爲國家長遠慮盡此衷赤而已坐是罷官歸丘聰資性穎異過目成誦中永樂庚子經魁上公車以第一人自期京師有丘書簾之目爲廣西翁源訓導充本省房考所得皆知名士吳玘正德丁卯舉人任壽張令艱歸絕意仕進日與周栢林丘練塘輩詩文酬唱捐田贍學實自玘始三公皆起家乙科位不配其材人

咸惜之至梁進士礪知於潛縣相傳愛民養士邑中彬彬有禮讓風其家絕無誌傳可考不能爲立傳也

明天順初府學歲貢梁寬任廣東監課司提舉戮賊立功超擢三階李澄主事楫子二歲而楫卒十歲補邑庠生有文名嘉靖初貢爲崇明丞非其志也未踰年卽歸著有許齋集大易解劉紹丙嘉靖十五年貢判廣信日郡有撰述類屬焉唐荆川順之與語異之曰玉堂選也以父老棄官歸校刻陸宣公奏議文章軌範陰陽定論等書行世丘敦復少受業于晉江李九我廷機文譽噪甚萬曆末膺歲薦爲景寧令愛民好士有能聲泰昌元年

選貢林中槐任湖廣沅源丞值安酋煽亂兩臺檄督偏
橋兵糧路梗中槐饋運以時凡所條畫無不中機宏薦
擢橫海衛幕梁耀祖自少博覽羣書邑人士多從之學
天啓丁卯崇禎庚午兩中副車至八年乙亥拔貢不屑
謁選家極貧以廉隅自勵品望卓然至老讀書不倦此
數君子者或優政事或長文學非儒林之翹楚歟

李福瑛勝運里四裔人有勇畧明成化二十三年來蘇賊
首劉昂等作亂僉事伍希閔命知事周琛督福瑛率民
快擒獲昂等奏賜冠帶弘治四年調征漳平賊溫文進
論功居最奏賜絲絹四疋寶鈔八百貫六年鎮守巡按

上杭縣志

雜志

六

再奏前功授土巡檢世捕其土至嘉靖四十年其裔李
占春爲寇兵備追其符而奪之同時來蘇里鄧惟端爲
捕盜老人隨征江廣寇屢立功巡撫奏給冠帶爲捕盜
義民官世襲嘉靖中其孫子璋調浙征倭死子璋之子
則夔復襲卽二人相較其子孫之賢不肖相去遠矣

丘嘉周資敏而志趣豪邁弱冠食餼嘉靖中入太學筮仕
山東按察司經歷丁艱歸遂不復出堪輿家言金山如
焰雖障邑而多災安祀真武鎮之庚戌嘉周往卜地募
建紫金庵神光宮飛龍廟沅源洞諸勝讀書其中以開
雲孤鶴題其扁著有小塘詩集蓋練塘公季子也

府志載江振禧上杭人移居瑞金崇禎四年流賊數千人
攻圍縣振禧自言於衆曰吾能殺賊則許我入籍于此
子弟應試何如邑紳士皆許諾振禧乃集家丁數十人
開城門出賊方掠婦女淫縱振禧擊殺一二百人衆遁
去嶺北道副使張瑋薦之虔撫授守備令督鄉兵守夏
口

邑中凡有營建皆督以里耆習爲常例崇禎五年冬築巖
前城陳知縣正中僉擇楊魁春郭之騏等十二人往督
其役有林春瑞者死正中請于巡道顧元鏡旌之曰好
義可嘉蓋時方搶攘藉以鼓勵人心耳

上杭縣志

雜志

七

林秉守崇禎十年由掾考任鉛山典史縣有妖教張普微
倡亂秉守編保甲積磊石守禦嚴密賊嘗以夜半逼城
秉守方巡城立率民兵擊退隨捕其頭目一十四人寘
法時縣缺官綢繆捍禦皆秉守一人力也性尤慈厚凡
監羈罪囚夏月日挑水以濟之冬月日煮粥以食之邑
人交頌至以祠名宦請殆卓然能自立者

邑生薛應吉方明崇禎末年張恩選之亂父被執應吉隻
身走恩選巢贖脫自是志殲賊 國朝順治初巡道趙
映乘下車應吉上勦逆方畧映乘可其議使爲鄉導應
吉具牛酒犒軍身先入穴賊平院道交獎其能及康熙

甲寅耿逆變後大師入閩應吉遠道先迎 康親王嘉之 題授州佐其幹材尤見一班

康熙十九年修學諸生何淵如首捐二十金爲倡一時義之今考黎大叅士弘撰何墓志如穿池于棉村及瘞侵墓者之骨皆實能爲德非要譽鄉黨者比也子榛人以孝稱

紀異

楊志云宋史太平興國後天下產金六州在閩惟汀有之邑之金山康定間嘗產金至皇祐時中書備對貢金之數一百六十七兩今則亾矣山川之產何常之有又云

上杭縣志

雜志

八

宋崇寧中臣僚游經言膽水可浸鐵爲銅者凡十一所汀赤水與焉按舊志膽水在金山有上中下三池上下水泉湧出中流瀦上池之流方縣治在鍾寮場民居稠密池水赤味苦澀飲則傷人以浸生鐵鍊之成銅後縣遷民散水如常浸鐵亦不復成銅蓋地氣旣洩則耗固如此也

蕭志云縣治舊名郭坊屬來蘇里未開縣以前袍山之陽林木森鬱有白衣術者過之指而言曰袍山蒼蒼朱紫盈坊言訖化白鶴飛去未幾果遷縣於此又云開縣之初治地得石碑一道鐫詩八句預知鄭尹之名今按其

詞頗鄙碑旣不存逸之可也

楊志蛇山廟有靈蛇山下洪元故居像其遺骸也有印曰
大唐統軍之記并劍存焉後火印劍騰去得之于平田
九域志謂爲勝跡或以昔有巨蟒過必禱之

楊志宋何仙姑居武平縣南巖辟穀定光佛嘗棲東安巖
謂宜建禪堂遂以所卜杭地六十居之大郎并捨巖宅
施田稅四千七百八十畝仙姑壽至百五十歲今祠祀
女像謂之檀越主

宋夸堅志上杭令許顏字彥回襄邑進士夢往冥司觀至
三獄一二爲輕故其三爲細類顏見其父安石于殿上

上杭縣志

雜志

九

父曰汝作深州教官安得用張某克學職乎對曰採其
程文耳父取牘至曰張固試中奈受通判囑此人後盜
用官錢幾致累汝幸汝不受賂薄罰爲陰官其主第三
獄緋衣追送汝者吾故人彭汝礪也在世剛介廉直但
性太刻故罰主此五百劫汝將與代矣我亦無罪因運
江東日怒執蓋卒悞拂幘頭杖其背遂罪此二十劫又
言蒸嘗齋醮宜虔積善福及三界偶天勅赦三使至乃
天地水府三官告安石將陞轉而脫顏亦免主細類而
遷輕故一等此兩級相望較五百劫蓋大赦雖時有惟
不忠不孝不沾如朱溫輩尚在十七獄中也顏因問世

人受罪何等最多曰吏舞文僧破戒又問公裳擲地而僧衣在架何也曰如來衣鬼所敬僧雖獲譴不敢輕也汝還世子先亾其月盜入境汝徙治竹市旋得疾終矣後果如所夢而葬焉在鍾寮場紹興初任也

來蘇里師姑坑有蘇枯井相傳坑內居民艱于遠汲宋時有仙姑過之爲木桶置土坑中清泉隨湧出甘冽異常至今數百年水不涸乃或者又言桶亦不壞則誕矣

明嘉靖三十六年民間譁傳有黑青或言形如幅布倏飛至瞋人眼目輒昏暈死或言暗空中伸利爪攫取嬰兒人家多置兒帷帳中四面圍守競鳴金鼓逐之夜嘗達上杭縣志

雜志

十

旦及明年大水入城而溪南上饒勝運之寇連年擾害此固妖孽之先見者耳

府志崇禎戊辰春廣賊龔一等寇縣知縣吳南灝奉檄委百戶莊士廉招三番兵三百四十四人也教場四月十三日晡時有小兒唱歌曰赤腳兵脚鱗鱗龍蛇相交會此地好吃人忽不見次日出兵斬獲甚多

仁恕堂筆記杭令陳公正中死之日有市民曉起出戶見公儀仗整肅乘輿入城隍廟不解何故至縣探之則公以平明屬纊矣庚午公分校閩闈門下士有張君世堪林君慎者張君亦早卒林君一子龍哥病死兩日復甦

云至陰間見世堪執簿籍若人間判司龍哥素識世堪求蔭庇世堪曰有定數予安能生爾檢簿閱之謂尚有一年活明歲此時當來又指堂上衣冠巍坐者示龍哥曰此吾與若父房師陳公也後龍哥果活一年而卒語曰清刻者入神鬼趣陳公爲神自不謬然旣已城隍之矣而復爲冥司長豈陰中亦有陞除耶榮顯吝于生前而遷擢速於死後盈縮之理固如是乎

筆記長汀黎大叅士弘所著

太子宫在東門外今呼仁聖帝宮邑人競傳 國朝順治

三年大師未至山寇圍城民先期卜筮奉像祀敵樓一夜賊襲城守者未覺城上巨銃突發斃賊十餘人而火

上杭縣志

雜志

十一

門引線如故有爲賊俘者皆言每夕賊見城上紅袍幼兒往來馳突遂遁至十二年總兵王之綱自漳州旋師久駐南岡民以爲苦一夕神忽現身壁壘中之綱乃親禱之撤兵回汀

順治十一年漳州民鄭某以洗紅爲業因家於杭忽一日妻殺於床鄭亦死其側知縣文國楨不得其情乃齋禱於城隍廟越宿鄭之隣黃文彩突發狂口稱城隍右邊第三皂隸持鍊鎖之走入廟焚楮求寬傳聞閔然執訊之自供與鄭妻通爲鄭所覺妻被殺黃隨殺鄭情形如繪寘之獄次日陡病斃

順治丁酉春上杭梅田洞章姓者爲虎所啣越五十里至一寺門虎委其人于地章呼寺僧求救甚急僧從門隙中望見虎反鍵其門不爲理虎又啣其人還之于家計二日往返將百里膚寸曾無稊米傷章遂披剃學佛後縣令知其事執寺僧之不救應者各杖之

見仁恕堂筆記

順治己亥邑民以仁聖公兩顯靈佑思塑像建廟于城中夏日溪水漲漂樟樹一根至民爭取之見頂有小孔如鰓門狀稍下具兩目兩耳兩乳凸於胸一臍凹於腹下半後一孔差大卽脊尻盡處儼然人形遂肖像建廟北城街今像兩乳一臍特露本質恐人疑爲誕妄也

上杭縣志

雜志

十三

順治辛丑十二月督院李率泰安插海上投誠總兵蔡祿弁兵八千餘至縣軍民雜居人情惶懼邑紳莫之偉等倡率里耆改修千戶所爲衙署餘就東北兩郊曠地造官舍兵房千餘間以處之兵弁驕蹇時爲民患康熙四年調駐衛輝去民間相慶先是月朔日東門城內大井出青氣如煙歷三四時始熄人以其爲駭殆其先兆云

康熙八年二月鳳翥坊側火延及靈巖廟坊民從炎燄中昇神像出甫出廟門被燬而火旋滅次日坊民二十四人集貨市一豬祀神迨分胙見豬體宛然印篆二十四顆方員長短不一其形聚觀者咸詫靈異

賴子俊廖高滿皆上杭人翁壻也子俊舊傳其婦翁張德之術於每歲端午日採百毒虫封貯瓦罐令自相殘食踰年啓視獨存一虫形如蚕已用金三四片及茶葉楓香養之擇日占斷一年當用幾次依占取出虫糞密置飲食中供過客中其毒者腹輒作痛不數月而死死後其人竟鬼爲之力作因以致富翁壻遞相承受遇朔望日夫婦赤身拜祝有金蚕公金蚕娘吾家夫婦沒衣裳等語明萬曆三十一年鄉人曾蓮峰廖永祥相繼毒斃事覺到官驗屍黑虫羣飛搜其室金蚕在確用炭火燒死二惡並服上刑其術至今不絕 國朝順治十四年

上杭縣志

雜志

十三

巡道衛紹芳捕寘數人於法仍勒石古田白砂諸處使行旅防戒 府志載解法用茶子熬煎湯飲瀉毒盡可愈

辯誤

宋郡志中考証會要載上杭縣治至道二年 丙徙鱉沙咸

平二年 已徙語口蕭志云自丙申至已亥僅四年耳縣

豈有兩遷耶長老相傳語口乃鱉沙團之語口渡非兩地也惜無証據姑兩存之

宋知縣事上官拯見弘治徐志而未詳楊志字公濟光澤人有政聲至和二年任建寧縣丞遷此當在治平熙寧間按宋官制率三年滿替至和之後又歷景祐八年則

拯之遷未必遲至治平而志乃判爲熙寧恐未必然也又拯慶曆六年以別科出身見舊通志楊志亦未及詳

府志黃沐之福寧人慶元間任上杭令各志俱不載惟舊通志慶元二年特奏名有黃沐之長溪人而無作令上杭之據按宋制特奏名無初任爲縣令者其第一等前二名授迪功郎當得縣尉杭志尉之職名始自嘉定前此所缺正多沐之或作尉于杭耳又按州名福寧始于明代在隋唐爲長溪在宋爲福安然則府志誤冠以明之名通志又沿隋唐之舊皆非故實矣

上杭縣志

雜志

十四

舊志南塔寺元致和元年創建楊志從舊而又云南塔在嘉泰宋志有之前後自相矛盾今按王丞獻臣記宋嘉泰時造浮圖於水南此必有據舊志爲致和者誤也又府志作宋政和此更屬致和之轉訛耳

太倉王司寇世貞所輯史料有陳友定傳畧云友定初爲

元延平路總管至正己亥

十九年

陳友諒遣將鄧克明寇

汀漳又圍建寧友定屢戰屢捷克明遁去所陷郡縣俱

復遷行省參政辛丑

二十一年

開省汀州遷左丞甲辰

二十四年

授福建行省平章政事歲遣海舶達貢元主嘉之明洪武元年湯和以舟師入閩友定仰藥絕而復甦械送京

師死然則友定雖專制一方未嘗叛元而竊據也今兩舊志則云至正二十五年縣爲陳友定所據楊志又云至正二十年江西陳友諒黨紅巾賊破縣至二十五年行省陳友定復之紀事紀年皆失其實今悉改正

兩舊志石固廟明洪武中知縣劉亨所建長汀縣南駐扎寨舊有廟相傳漢末人禦寇死城下時有顯應民建廟祀之號曰石固一日廟前小澗漲溢忽一像乘流而至自立於石固廟之左衆異之號曰石猛府志相同而又云後以息火功封石猛爲助威王石固爲盤瑞王宋元豐間立廟及考宋文丞相天祥紀神事實則曰神姓石

上杭縣志

雜志

十五

兄弟二人長曰固次曰猛虔州虔化里人隱於農牧漢高祖時將軍灌嬰討南粵尉趙佗固徑詣嬰軍上言扼佗出入之路由是臣服嬰聞於朝爵之不受召之不至不知其所終後人懷其德饒信洪筠撫吉成祀之此九江城隍廟碑所載也又寰宇記云漢高帝六年灌嬰畧定江南至贛神現于絕頂峰告以捷期有應凱旋祭以牲酒今江東之祠乃唐太中初里民周諒翔建自唐至宋其禦災捍患彰著於羣公之詩文咸淳間郡儒李宗武編錄甚詳記作于咸淳六年據此則神之靈不必言但碑以爲人記以爲神說亦互異再考明宋學士濂作贛州聖

濟廟靈跡碑其畧云神姓石氏名曰固曰猛潁人也生於秦代既歿能發祥爲神自漢高帝六年灌嬰館神於崇福里人稱石固王廟及吳楊溥時署爲昭靈王宋五封至崇惠顯靈昭烈忠佑王賜廟額曰嘉濟元三易封爲護國普仁崇惠靈慶聖烈忠佑復加之以今額碑作於洪武四年此蓋主寰宇志而言總與汀杭府縣志迥別今以兩公撰著推之在汀當亦相沿建廟若志所載得無耳食而訛乎

兩舊志劉知縣亨明洪武九年履任五載滿去民懷其惠是劉去任當在十三十四年間乃劉之後爲鄧致中卽

上杭縣志

雜志

十六

于十二年任則劉在任僅三年又鄧之後爲韋貞於十九年任則鄧在任且七年明制五年考滿不應遲速迥異若此今按縣有際畱倉楊志十三年劉令所建可見其時劉尚在任矣至鄧令改鄉團丈量田土事在十四年意鄧卽以是年履任前志偶誤流傳不察故建譙樓建按察分司一爲十二年一爲十三年皆失其實也又舊志顧知縣祥永樂九年任去任之日父老板轅而畱按顧繼秦斌爲令秦以洪武二十七年任在任六年去是洪武三十二年也顧之履任應是建文元年後經革除遂書永樂殊不思洪武三十二年爲己卯永樂元年

爲癸未此三年中縣豈虛無乎况繼祥者劉紹于四年任愈知祥非元年任矣楊志乃作三年更誤又云卒於官亦誤事非有大關係偶見及而筆之

江西志袁州府學教授林宗上杭人考舊通志永樂十八年庚子有宗名而屬府學府志則屬長汀又通志及閩省賢書載正德八年癸酉陳瑜福安學上杭人然此二公寔不產於杭也至永樂間府學貢許聰任江西瑞州府推官各志俱不載今考儒學題名牌及天竺寺樑標鑿鑿不誣何可借材他邑反遺里居者之名乎若陳御史詳籍入長汀吳知縣琚科作丙午亦皆府志之誤

上杭縣志

雜志

七

楊志謂知縣黃希禮以景泰四年任則癸酉也柯潛城碑曰壬申申請得旨則先一年矣劉鉉學碑曰甲戌來尹茲邑則後一年矣柯記作於辛卯劉記作于丙申皆當成化時去之二十年上下且弗覈况今乎其辯固覈然劉少詹作記乃天順五年辛巳黃猶在任則楊志所云丙申而皆相去二十年者又未覈矣

故明時重築縣城肇工於景泰六年至天順六年而工阻及拓基改築則以成化二年始八年成柯少詹潛記壬辰正月畢工蓋成化元年爲乙酉八年固爲壬辰也徐志楊志皆同惟蕭志云繼役于成化丙戌告成於庚寅

冬庚寅則六年矣豈板築先畢其他樓櫓雉堞之屬更遲期年而始備耶

後志所以續前志也宜有增勿減但舊志載諸名公送丘給事弘使琉球李御史綸別金臺及致政還鄉諸作楊志謂宜歸家乘非邑志所關其論甚確惟是冊立屬國大典非常啣命者邑中亦不再見特存李長沙一序以誌異數餘槩刪之蓋于義例未當後志不得不駁正者此類是也

徐志褒忠祠祀御史伍公驥都指揮丁公泉二像並列中坐非數人力莫舉弘治二年冬十月一夕丁像忽自移

上杭縣志

雜志

六

過西三寸退後二寸次早奉祀者見之傳報邑人競觀塵跡顯然莫不驚異此其事頗誕楊志以爲時伍公希閔方任兵備夫有所爲也故劉戡初記尚叙丁烈至李東陽丹記則左之矣此祀典所在豈可假以惑衆乎

典史邑鮮著譽者蕭志稱成化間慈谿羅宗仍贊政勤慎得幕僚之體然初無實政可紀蓋羅以九年任職當修志羅方在官耳至名宦祠位有義烈贊政羅鼎旣以義烈稱且從祀而絕不見事蹟并職官亦無其名殊不可解相傳爲揭陽進士羅萬傑之祖夫身爲丞尉而子若孫起家科第者世固有之安得人人歆俎豆也

上杭縣境東西相距廣一百二十五里南北相距袤二百三十五里楊志所載是也兩舊志皆廣一百八十里袤一百九十里蕭志在永定未分之前徐志在永定既分之後前誤後更誤而府志袤一百一十五里亦誤矣南境抵廣東大埔之石上界亭乃舊志府志指海陽之標錢山皆誤楊志圖界可証也北境至長汀二百四十里府志止一百八十里其界在張屋鋪石牌而舊志府志俱在楊州坳西南境接廣東之程鄉以狗鬪嶺一百九十里爲界而舊志府志指松源一百六十里楊志圖界又止一百四十里西北境抵武平之檀嶺實八十里楊志六十里皆誤也東南境至永定界在官田六十里之石牌楊志圖界七十里今按去官田十里之豐應司仍屬杭轄則楊固有據乎

羅嶠山在邑東北俗呼普陀山按蕭志形勝旣云羅嶠覆峙東北而諸山中乃不載徐志楊志有普陀峰又皆指白葉場址爲言展轉相仍幾失此山真面目不可不爲表出也又舊志羊厨山云山巔常棲羣羊此固不經楊志府志改作王壽而云山形端正若王者執圭則審形又不相類故從程鄉志王岐修道之說爲優

論曰志以雜名則事非一類顧此區區百里中必搜

挾竒與登諸簡編鮮不流於失實茲所載不一厥類
惟三摭遺所以備表微闡幽之義紀異所以廣福善
禍淫之理辯誤所以著去疑存信之事閱之者毋作
齊諧虞初諸書觀則庶幾矣

附 瑣言別錄

明潮陽林大欽及弟假歸道經杭邑舊有偶句云白水磔頭白屋白雞啼白晝未有對者大欽隨地詢名去縣五里許得對曰黃泥壠口黃家黃犬吠黃昏人稱其工儷蓋白水磔黃泥壠二地悉縣轄也 見楊志

汀郡舊有七里橋凡餞送者悉集于此明嘉靖間御史丘道隆由里門北上郡伯查公偕僚屬諸紳送之丘未至相待于橋而橋忽壞水勢衝急郡伯首懼其害時有王紳亦欲往送而黃蜂羣繞衣袂者數次心動遂不往得免于厄或云道隆調外由此也 府志未載得之黎大參面談

上杭縣志

瑣言

崇禎七年間有一老僧來杭貌清癯肩一布袋內多貯小石皆如棋子大時取啖如常物人疑其僞別取石與食吞嚥如故以手摩其腹咯咯有聲與之葷酒不食獨善飯數月乃去究莫識其踪

杭邑田少山多民人稠密所出穀米不足供歲需武平中堡四鄉運米于西郊民甚賴之道由赤面石嶺所稱石下十二排是也明弘治間邑人郭生璘往來販負經此念其嶺高苦暑捐資植松千餘株以憇行者迄今樹已成圍舟行每見之順治年間投誠蔡祿兵駐杭近郭山木樵採幾盡生璘裔孫舉人郭栻諸生郭復儀郭大千

等具呈蔡鎮流涕跪懇得允請且示禁焉相近里許地名榕潭復買山創準提庵延僧于中施茶是可謂能衍先德者矣

縣之北郊岡阜爲縣來龍入首處堪輿家謂爲巒頭其山麓不宐缺陷萬曆間有邑人鑿池築室而地氣洩焉論者云必培補以接其脉語頗有理近日山後展翼處民間往往剗鋤其土色赤雨時竟如淋血狀知縣蔣廷銓嚴禁立碑爲培護計也

崇禎十三年兵道馮之圖精青烏術以杭邑科名寥落仕宦多滯審定學宮異方建塔補缺題額曰璧府天開實

上杭縣志

輿言

二

欲興文運也後有坟墓與相近者嫌其不利于已詭稱塔在辰巳方非宐倡議欲廢之當事惑其說遂撤去其頂今幸前功未隳倘得修復之實有造于杭士至學左之興文門宐塞詳徐善述課中邑人尤當加意

邑令陳公念修爲冥司長林龍哥備言所見詳見仁恕堂筆記已載入紀異而冥司一聯未載左云個個怕對鏡臺何不未來時妍媸自照右云人人爭如棋局豈有到此地黑白無分語足警世補識之

國朝定鼎乙酉丙戌全閩未入版圖仍襲故明年號時有藍紉黃象坤丘鵬如丘衍箕劉寬等或以恩選或以序

貢梁耀祖以崇禎八年拔貢丙戌中式此數君者皆博學好古彬彬大雅之士惜乎囿于偏隅不得與于朝登俊之數也興

杭田之在梅溪寨者最稱膏腴以其壤平而上滋卽旱潦不爲災也康熙十三年間乘耿逆煽亂土究鍾以恒胡天明等素非業耕者倡衆私設小斗強抑田主凌辱百端衆佃始則聽其撻縱繼則恣其科歛歲又霸分田租誠爲一方慙惡事聞

康親王令臬司審理是時秉憲者于公成龍也欲窮治之以法而此獠佯爲悔罪狀邑人受其愚反代其請寬嗣奉王令較准銓斗發縣遵照仍各擬罪追贓若能永遵憲斷猶不失爲遷善之民也

上杭縣志

瑣言

三

汀俗夙稱尚鬼而杭邑巫覡裝魔設醮建壇郊外金鼓達旦名爲做大翻如是者三日夜男女喧闐羣趨壇所婦之不孕者惑其說解和服付巫者名爲斬煞以煞去而身可孕也康熙二十二年知縣蔣廷銓就壇所擒其爲首者數人痛懲之其風始息至庵觀寺廟本非婦女安到之地邑中借稱佛會老少追隨溷逐街市頗不雅觀尼庵更易釀禍尤安痛禁

康熙二十二年同知胡公以渙居官清操常畏人知更能

體恤屬吏視未定篆事經臨杭邑見水埔路窄且沿大溪行人常有失足之患公捐俸命知縣蔣廷銓廣之而焚以石工成歸還原俸公矍然曰子爲令良苦若以子之俸而行我意豈愛我哉廷銓隨置本處松山下禾田三畝五分命約地鍾榮選王曰未收其息備修補之助康熙二十一年二月門者夜起忽見一虎駭匿虎從申明亭廢地踰牆而東經道署嚙損屏門越北城而去明日視屏門及地皆有爪痕又陽明門城堦落有虎毛意從此躍入此開縣以來未有之奇或謂陰類入城未知主何兆然迄無他或又曰神虎也

上杭縣志

瑣言

四

儒士丘敦信家饒于財好樂施有長者風常曰苟有利于邑勞費不辭也如安鄉石橋三元嶺塔敦信實倡成之邑舉鄉飲三次郡守推爲老成亦請與賓筵固非一鄉之善士也府志載其名子祖膚縣庠生留心典故遺藏志稿頗有鑒別今修乘時多資採焉

康熙十三年耿鄭二逆相繼作亂民日苦兵革士子多廢學業迨大師蕩平後教員多缺院憲急興文教擇士之有行誼者暫克之邑生詹兆熙署政和訓導孔夢熊署建安訓導足睹上憲勤于造士至意附識之

明天啓間邑人林才乾歲週失

立才乾備極孝養母歿廬墓三年內外宗黨無間言性
又好善樂施邑中凡有修建乾才奔趨恐後知縣鄧公
良佐李公自華相繼旌其孝義迨吳公南灝來蒞邑議
建三元嶺塔才乾以事關合邑尤殫力焉巡道朱公大
典給扁優賞題曰功與峰高旌實也

黃中立舉人黃璘之父也性謹愿不事緣飾家僅中人產
每重然諾輕財好義與人接物溫如藹如雖對三尺童
子未嘗有倨色邑中咸稱爲長者丙戌歲山賊薄城邑
衆登陴守禦忽一夕風雨暴作城堞懸燈盡滅賊噪甚
中立急救斗笠千餘蔽燈燈復焰賊知守固又遇神銳

上杭縣志

瑣言

五

突發賊驚遁城賴以全其智有猝應如此順治九年御
史王應元按汀以善行旌之後子璘筮仕平江遇
恩當封因不見

勅軸未得載入馳封志中卒年八十有七

明庠生周兆元妻張氏十五于歸無子二十卽貞守事翁
始以孝聞祖姑陳氏目盲張左右之無少懈順治戊子
歲邑中斗米千錢張勤女紅佐食更鬻奩飾致養翁常
語所親曰吾始知賢孝卽孝子事父不是過也初姑溫氏
染瘋疾張代伺盥洗甚謹後事繼姑郭氏又竭誠敬焉
歷奉院司道卅獎勵其節孝年六十有五知縣蔣廷銓

例詳請旌

劉鑒字清之故別駕劉烜之孫有聲庠序性稱孝母梁氏病適學使者較士臨汀同儕速之行鑒不忍棄去晨夕奉視湯藥衣不解帶者彌月母病得痊竟阨于例後爲同邑沂水丞李憲卿招往山右母命使往至署忽夢母容不愉亟請歸至家母果遘疾偃臥閱三月而病革人以爲孝之感通焉生平好古能詩修志時年已七十有一延入志局人欲舉其孝行鑒輒阻之其不矜美譽抑又如此

邑南之掛袍山初名石壁寨掛袍之名不知始自何時其

上杭縣志

瑣言

六

形頗不相肖朝見其嶺有雲是日卽雨其均有庵一區溫司李明有詩云勝地名天下朋儕拉上遊試聞談釋部偏賞事清幽風弄鳥聲碎泉飛瀑布流興闌天欲暝歸路翠烟浮步入袍山麓聲聞隱隱鐘禪餘野寺靜鳥去曉山空舉首親紅日開懷納好風難名無限景入望思偏濃其孫玟邑庠生精醫雅善詩用韻和詩云先子題詩處春風感昔遊錦箋畱寺古繡句繞花幽雨過烟寒樹泉鳴石漱流登臨一寓目悵望白雲浮勝迹存今古猿聲破晚鐘片雲浮嶺末孤月落庭中石徑幽分草江城暮起風老僧談往事不覺俗情空玟寓潮之興寧

十載年已七十餘持刺來謁出其乃祖詩二律求入藝文志喜其不遺先人手澤故錄之

丙戌歲攻同諸生黃中龍黃三錫等守城

甚力其登陴有詩云野雲慘淡迷幽壑城月陰沉度遠津又云一片幽懷悲遠道幾番豪氣落秋霜于此可想見當年情事也

已上數條因成書之後邑人公請某人某事當書故隨筆登載不復序其倫次別爲瑣言一則然非信者弗錄甚矣益見修志之難也後之君子採其端緒分目酌補不以剩墨餘編視同稗野則今日缺畧之尤庶可見諒于來茲耳

